

樂清縣志

民國二十年重印

湯日新題



240.75  
39.1  
12

240.75  
39.1  
12

樂清縣志卷之二上

邑里二

敘山

西北自括蒼山而來奔騰起伏數百里歷永嘉柘溪入樂邑瑞應鄉起而為正廣山分兩大支一支東行結為雁蕩東北至盤山入台州界一支西行又分為三一結為白龍山一結為縣後山一結為白石山外此山自特起或綿亘數里或綿亘十餘里多以所在村名為名敘山先縣城附近諸山次縣東次縣西

縣城附近諸山 縣後山自正廣山來十數折而為白

樂清縣志

卷之二

邑里

敘山

一

雲尖白雲尖東南為縣後山縣後山隔溪為九牛山九牛山過峽而南為東塔山又南為白沙山縣城西北為石橋山亦自正廣山來稍南為丹霞山為簫臺山又南為西塔山

縣後山 一名鳳凰山層巒巖嶮形若展翅有翔雲峯

縣治建於山麓

西北歷仙居永嘉皆高山大谷至縣後雜沓若翔雲然

山半有

洞泉自巖出清美可飲

城東諸山

九牛山 在縣治東與縣後山隔溪對峙山脊橫列九

石遙望若牛

謝靈運嘗游此又名謝公山絕頂又名大尖山鷓鷹嘴

有打鐘巖



兩巖相疊擊之鏗然附連為東皋山其麓即朱子講學處亦名文公山

東塔山 在縣治東一名東皋山九牛山過峽而南峻

嶒特起望如卓筆又名文峯宋熙甯間邑合葛逢以

大尖山石塔改建於此清熙間合袁采砌石徑二千

八百尺達山巔有東塔嶺通謝公山增宋劉蒙川東皋山詩天然

巖壑怪宦况此中間臺閣人煙外闕干樹影間引泉

歸月沼分菊上秋山咫尺神仙洞聽笙忘卻還明

侯一元東塔山限韻寄舜昭詩東皋晴旭遠宜人絕

磴盤迴迴出崖萬里滄溟帆影暗千家綠樹鳥聲春

清川曲曲榮為帶芳甸萋萋綠作茵惆悵棣華江上隔幾回池草夢中新

白沙山 在一都縣東五里西北接東塔山有朝陽洞

樂清縣志

卷之二

邑里

敘山

二

在後所芝嶂在朝陽迤東五里有白沙嶺為東西鄉

北門外在朝陽要衝設墩臺以望海又南特起為白沙東山狀如伏

虎亦置墩臺皆鳳凰山支山又有

城西諸山

石橋山 在縣治西北白雲尖西南旋有觀音巖山崗

橫亘半里餘為石橋山又南有趙大山搖鈴巖東折

與丹霞山接

丹霞山 接近石橋山石色赭渥本名赤巖唐天寶中

改今名又名白鶴巖晉張文君隱此唐張又新詩白鶴山邊秋復春

文君宅畔少風塵欲驅五馬尋真隱誰是當年入竹人采焦千之詩曾是文君宅幽深鎖翠岑澗松迷

白鶴溪石隱黃金丹竈今猶在簫臺尚可尋予來不能厭誰共聽泉音原增孟浩然尋白鶴巖隱居詩白鶴青巖畔幽人有舊居增庭空水石林壑罷樵漁歲月青松老風霜苦竹疎觀茲懷舊業回策返吾廬峭壁下有張文君丹爐俗名巨石橋山諸水懸崖而

下奔注丹霞簫臺兩山峽中望如雙虹下為雙瀑潭

宋王忠文雙瀑賦王子游簫峯之下訪鼻祖於仙籍駐杖屨於金溪觀雙瀑之千尺於時驟雨初歇飄風迅擊飛泉洶湧怒流湍激噴煙霧於蒼嵐吼蛟龍於大澤百川震而澎湃萬類紛其辟易疑若傾崖轉壑變丘谷而為陵又類萬馬千兵奏鼓擊而赴敵久之狂潦微殺巨流順適靈源復尋於故道雙派交馳於絕脊勢偶殊而卒合路雖分而稍迫玉筋垂兮拂輕寒長紳拖兮蘸深碧疑若鯨鯢鬪怒兮力未決而方酣千鏖爭鋒兮光交騰而互射嗟天匠之施巧兮作勝事於泉石願一派之罕有兮豈雙流之易得不見夫銀河落於半天兮破廬阜之山色梅雨飛於石門兮做芝田之靈蹟潭千丈於石橋兮渺仙凡之路隔

樂清縣志

卷之二

邑里

敘山

三

龍兩湫於雁蕩兮分大小而異宅彼獨溜而孤飛兮猶擅名於今昔况並時而爭流兮作人間之連壁吾欲窮千里之源兮問化工之始闢思漢使之不復見兮悵靈槎之難覓獨終日而登臨兮寄吾懷於幽寂興雖盡而忘歸兮猶待乎風清而月白於是目瞬飛流之末耳洗寒潭之側思往事之微茫仰遺風而歎息竈中煙冷難尋入竹之人峯頂臺荒不見吹簫之客賦罷乃歌而歸曰雙瀑之水從何來靈源千尺高崔嵬飛流噴沫飄瓊瑰空山落日鳴春雷有客來遊獨徘徊枕流漱石興悠哉塵襟濯罷飄然回風清月白空簫臺增又夜聽雙瀑同劉方叔毛虞卿聯句夜靜雙瀑喧遙聞疑雨來澗壑生清風襟宇捐塵埃王飛鳴撼半空暗想飄瓊瑰前觀阻步屨側耳成徘徊毛蕭然山館聞此典何悠悠子晉不復見月白空簫臺劉又雙瀑詩女媧石爛幾經修天漏有餘雙瀑流離合無心元不靜朝宗得路卻相投干霄寶劍真同氣出蕩神龍不異湫何用築門防俗駕林泉自是少人游又題雙瀑詩瀑水蕭峯下靈源不可尋倚天雙寶劍點石萬黃金勢合鯨鯢鬪潭中有石以聲聯虎豹吟我來遊勝地洗耳聽清音

形名曰蒼龍南下為西溪一名金溪相傳張文君丹

作金點故名宋滕甫元陳子上俱有詩宋周邵詩

簇簇峯巒繞四圍神仙舊隱嘆今非溪中不見金沙

出山外空驚白鶴飛石上瀑泉清照眼竹間嵐氣冷

侵衣玉簫聲斷人何處千古煙霞鎖翠微王忠文

金溪畫臥書懷詩書齋終日無人過閉戶便便事高

臥炎蒸燂體汗流珠蚊蚋費拍蠅勞驅南窗清風可

供客一枕萬錢無計得夢魂未到鄉無何起來搔首

空吟哦又和劉方叔溪上一絕杖履徘徊駐碧溪

遙看飛瀑下崔嵬乘槎欲訪吹簫客煙草茫茫沒舊

臺龜志作仙溪詩誤國朝李錫名金溪詩遙望

丹霞山獨立金星谷日光盪潭湫風聲兼松竹平坡

草青青中眠數黃犢徘徊不見人雲影過山麓增

明章恭毅題金溪張氏畫梅詩玉簫峯下文君宅金

溪石上留仙蹟雙流瀑布瀉銀河千丈丹霞挂巖壁

張公世卜此地居愛梅貞節臨溪植半樹水邊適老

知一枝竹外蘇仙識年來遊宦客四方與梅久別園

林荒每思冰雪入夢寐故遣水墨圖幽芳政餘對此

日吟詠若見一樹白玉堂賜歸何幸得休沐蘭舟回

樂清縣志

卷之二

邑里

敘山

四

棹金溪傍時當日暮月黃昏梅花含態如欲言翠羽

綠衣笑歌舞淡妝素服餘香魂不任桃李媚春色唯

與松柏同寒暄更有修竹伴幽寂孤高長掩疎籬門

歸來相對有餘情尊酒轉與敘舊盟巡檐索笑詩興

動何意復羨春光榮託居幽獨雖可願賦質清白誰

能爭待看結實應時用周邊作蕨商作羹宋諫郎

景詩東臯山頭初日紅西臯雲氣含青蔥金溪一道

瀉不盡狂波下濺蒼龍宮十年一度何匆匆流光盡

付酒杯中桃花柳葉只如昨惟我黑髮成老翁執素

丹青不盈尺觸目警心嘆陳跡日斜閣棹酒初醒恍

然坐我溪邊石又金溪泛舟詩春風載酒何處來

簫臺山下桃花開白鶴遙從彩雲下仙人惠我流霞

杯畫舫輕移溪水清白玉童吹紫鸞笙裊裊遺音動

飛絮陽關一曲難為情遊人飄飄自苧衣水雲淡淡

連斜暉太守醉而賓客散看朱成碧方始歸明朝有

約安可違又金溪草堂詩溪水西來一草堂上摩

雲影與天光金星點點隨波散芸葉纖纖滿架香栗

里本為陶令宅浣花亦有杜陵莊杖藜許我來相過

下榻先將舊酒嘗侯一麈送金溪友人赴京詩君

家舊業石塘隈爽氣朝朝暮暮來玉局丹霞相掩映

金溪流水自潏洄文君鍊藥風生竹王子吹簫  
日滿臺借問北飛池上鳳帝京此去幾時回

簫臺山 在縣治西丹霞折而南三峯端聳曰簫臺一

名玉簫峯相傳為王子晉吹簫處宋王忠文游簫峯詩蠟屐穿雲去山

深喜路通人家煙色裏古寺水聲中金殿星猶在丹

成竈已空吹簫人不見臺下想他風李建中詩玉

簫峯下仙翁宅千樹巖花幾百春當日會稽王內史

如何不見竹間人元李五峯簫臺八景詩古帝南

巡事已非土階茅屋尚依依夜深月底吹簫去度得

雲門一曲歸雲門福地蝙蝠翻雲似白鴉石林玉氣

亂晴霞山中雞犬應相笑溪上紅桃幾樹花蓋竹洞

天雨洗天根雲洞幽黑蛟飛電舞長湫只應壯士思

酣戰組練相銜夜不休雙瀑飛泉山月崢嶸露玦環

石樓香冷白雲閒玉簫吹裂塔前竹騎鶴仙人去不

還簫臺明月風約疎鐘下窈冥天南曙月颯飛星雞

鳴閭闔鶯聲起老鶴深巢夢未醒白鶴晨鐘瀟瀟清

磬出雲遲月死空林日氣微重過紫芝山下路壞橋

燈火照人衣紫芝晚發海月四更移塔去天風萬里

樂清縣志

卷之二

邑里 敘山

五

摩松開煙消日出無人到獨自看雲山上來東塔煙

雲山上行人如凍蠅西崖日出淡青熒太陰積雪草

木縮留得孤松長茯苓西岑松雪鮑志此入藝文

明皇甫汭詩仙踪詎可攀荒臺尚堪訪簫弄清泉中

寫振紫巖上波動若鸞沉雲飄似鳧往浮雲本無垢

託心在塵想花溪如有靈應流蓋山響增朱希晦

簫臺書懷詩有客尋幽踏紫霞杖藜入竹訪仙家相

逢不道春光老門外溪風落棟花次御史端公游

簫臺韻煙鎖千峯紫翠層隔溪幽鳥語相應碧桃花

謝玉芝老不見神仙只見僧又謝簫臺葉成翁詩

市上一區足人間萬事非把杯邀月上隱几看雲歸

宇宙身將老山林興不違幾時來雁蕩長嘯豁巖扉

朱諫約王生過簫臺詩子晉簫聲鶴背高月明陸

海漲松濤煩君試踏金溪路猶有當年口口口

一元九日同徐子登簫臺詩二首王子吹簫去不還

千年遺跡寄空山石潭動影秋雲白林岫迴風木葉

斑對酒共將千日醉勞生長羨十洲間峯頭鸞鶴還

堪馭便欲相隨出世間辭家石室煙霞遠吏隱金

門歲月深春草幾回生客夢秋雲終日照閒心林間

下榻逢徐孺弓外談經憶道林無那黃花羞短髮吏

情從此 其麓有沐簫泉舊傳王子晉沐簫處山嶺有

棋盤巖一名玉局下有招賢巖西有覆盤巖增永嘉志黃

一鵬樂清尹王婁江招飲沐簫亭詩天際一亭開雲

間雙騎來欲尋仙子宅其上沐簫臺塔樹光含雨巖

西塔山 在縣治西簫臺之南一名馬院山端秀卓立

與東塔山對拱其上有天柱峯右有梅花洞壁立如

中有樟楓二木下 陟巔下瞰原野野分萬室鱗次東

望少海一片荒白宋毛士龍西塔院記環邑皆山惟

西岑號為虎踞云有西塔嶺通白石國朝梁社詩二

暮入山中宿山靜無人聲鳥啼春樹綠 彈琴石壁

樂清縣志 卷之二 邑里 敘山

九日登西山詩菊枝笑口兩難逢贏得登臨興未慵

壓地凝雲平似海接天怒浪遠如峯棗糕清供山中

茗蘭若秋聲澗背松有道慚子貧且賤林泉未合老

詩節增宋王忠文西岑遇雨詩西岑風物秋更嘉

杖藜出郭歡無涯深村有酒隔煙渚共乘小艇穿蘆

花羅裙綽約越溪女茅舍迫窄吳儂家牀頭新釀喜

正熟千金倒甕傾流霞天公妬我一日樂俄然兩脚

亂如麻醉歸扶路泥沒股冠中不整頭攀涉人生貴

在適意耳安能局縮身如蝸杖頭有錢即相覓明日

更泛仙源槎又西岑詩西岑風物冠吾鄉十里煙

波興味長不用扁舟鑑湖去餘生甘向此徜徉元

李五峯和蔡石雲縣尉登西岑詩西岑路滑不可上

我此曾攜六尺藤塔頂雲明疑似鶴松根石老瘦於

僧玉簫冉冉飛春絮畫舫沈沈颯夜燈間有丹霞舊

門戶欲參大意喜誰升明朱希晦臘日借葉東白

蔡伯恭登西岑詩絕頂雲深一徑通寒生短髮怯天

風千年物色闌干外萬井人家圖畫中宿雨亂滋崖

樹碧朝曦深浴海波紅我來欲訪香山社醉酒長吟

憶遠

公

縣東山 自正廣山南出為湖上垸山又西南為宅基  
山宅基西旋為五斗閣山玳球山又西北為接浦嶺  
折而南為江奧山又西南為馬仰山李章山按宅  
球當作玳  
李當作里

正廣山 在十三都縣東北八十里北界永嘉俗 邑東

西諸山悉胚胎於此山東南十餘里為楊車山居民

多李姓一名李家山山脊有嶺達永嘉又東南為板

藏山即雁蕩入首

湖上垸山 在十三都正廣山南二里許為湖上垸山

高聳秀腴中有大谷居民百餘家迤西有馬車仰嶺

樂清縣志 卷之二 邑里 敘山 七

北為永嘉南為樂清溪 前有平岡附連有張庄山

宅基山 在十三都湖上垸西南六里許巖谷峭深居

民鑿崖層構望若圖畫西南有臥犀峯華月尖諸勝

南有伏獅峯上有洞容數百人雲氣出入其間可占

晴雨又南為太平岡狀如馬脊橫亘二里餘東南為

庄基山有三井潭皆在削壁之下其東為白巖 宅基

過峽而西為楊家田山楊家田南為蟠龍山又東南

為南充山與太平岡伏獅峯相對四圍高峯蒼翠欲

南充東為仰後山折而西為東田山有平岡南出為

白龍山入首東田之西為珠璋山南充之南為巖  
山有與日上奧 按宅基當作澤基



玉斗閣山 在十三都宅基西折厯楊家田南與而來

五峯聳峙望若層樓西為茅坪山特起如宰堵又西

有青巖坑石質蒼秀有峯三日白猴獅子二仙過峽

復起為硯陽山有蕩陽洞一名覆螺洞東南有龍馴

坑兩山合抱圓轉如鞠丸俗稱饅頭山國朝施元

俗所稱硯陽洞也山如覆螺洞斜出山半哈呀西向

近遠諸峯獻巧眉睫晚登小樓初月懸洞口如對新

知然洞在雁蕩西南昔之名洞者當云蕩陽洞而俗

說為硯陽洞耳於是復洞名為蕩陽書諸洞口以告

後之遊者按宅基當作澤基

樂清縣志

卷之二

邑里 敘山

八

玳球山 在十三都五斗閣之西絕頂峯圓如毬東有

觀音巖高有百餘丈西有二巨石森然並峙曰仙柱

峯玳球西北旋為接莆嶺按玳球當作玳球

接莆嶺山 在十三都縣北六十里北界梅溪嶺端有田畝許

分隸永樂二邑嶺南三峯矗立狀如浮漚俗名三星砲南折為牛

林山前有平岡表延里許望若牛脊其東有攔羊山牛林左旋為金臺山

鬱嶽峯望若金闕南有籐蘿井又南為芭蕉山石質

皆縹碧其奧為吳奧附連有湖又南為石龍頭山有

龍游洞極幽邃西有馬奧牛林右旋為江奧山西陵

江奧山 在四都東北接牛林山羣山支分望如瓜蔓

當作西陵

稍西有林下山屹然並嶼

其西曰魚山金山秀山又西為郭公山

松蘿山蔚然深秀又西為剝山永嘉界有兩峯畧具人

形俗稱石公石婆江奧南出有小嶺為左原山入首按林下當作

嶺下

馬仰山 在四都江奧西南旋為馬仰山羣峯環巾中

豁為谷有仙壘巖天柱巖高三十餘丈山南五里許有黃

壇洞巖寬可容千人西有車門嶺嶺下有潭北有天窗巖又西

為小蘿山又有沙蜂坪山舟山又西為赤水山一名赤巖山一名曉山發

色甚赭有赤巖洞旁有泉名赤水坪溪水涵光鮮麗奪目挂猿下

飲百臂相連又有石室及錢池潭為龍所穴東北有桐嶺一作童嶺通永

嘉西南有上垞山為白石山入首

樂清縣志

卷之二

邑里 敘山

九

李章山 在四都馬仰西南為李章山上有九連峯其

西有龍潭西南為潦頭山又西為黃家山陳坪山按李

章當作里章

縣東山 一自江奧南出為左原山左原東旋為湖南

山石埭山左原南出為龍門山龜山一自馬仰山西

南分為仰根山

左原山 在四都縣東北三十五里江奧南出為左原

山居邑之左故名羣山合沓東西西北皆名高山東高

山五峯競峙而宋家尖特嶮峻北高山翌然如鳳翔

亦名鳳凰山東為筆巖山其麓為馬奧有金宇峯西

高山怪石峻嶒為峯二曰文筆在南曰筆架在北為巖八曰杜鵑曰戲綵曰碁盤曰撒水曰松蘿曰人面曰天柱曰幞頭直南有橫嶼名山勝槩記羣峯環繞中有良田二千餘頃民居悉藏谷中有四景曰梅溪葦湖左嶺東南通界塘村又名黃壇嶺小雁蕩

湖南山 在十三都自左原東高山來山陰曰湖南其

陽曰霞雪北有月屏峯伏虎嶼又有桂嶼一名梅嶼

有巨石鐫桂巖二字俗傳王忠文所書李奧山西南

有陳奧山奧有三十六井紳坊山山勢峭崿俗名雙

角尖東南有覆船陽灣石埭諸山國朝林世菁梅與詩古嶼寒梅迴

樂清縣志

卷之二

邑里

紋山

十

絕塵蕭然空谷見精神登臨遙憶幽棲客同寄林通物外身按李奧當作里奧陽灣當作洋灣

石埭山 在十四都一名石帆山鄉名石帆以此自左

原湖邊曳尾東下雙溪匯其左名山勝槩記山後大

石高丈餘若片帆又有磨石山西山橫嶼皆其支也

上有鬪鷄巖紗帽巖

龍門山 在三都左原之南有獅子山一伏復起為龍

門山增宋劉蒙川龍門山詩山嶽誰立石人說有龍居此地終招隱何年定結廬雲封秋嶂老溪

到夕林虛不似膺兩崖如門下有龍潭中有古刹相

傳宋萬規讀書處玉簫峯在龍門下舊傳晉張文君

吹簫於此青嶼汪嶼俗名後嶼峙其東西北有朱垵

山又有巖宕山萬東坑山西南有黃良山又有包山  
鐵場山沙角山

龜山 在三都龍門南行爲龜山

國朝葉忠欽登龜山詩吾性愛山水家

適在山麓嵐光異四時雨過秀如沐啟窗眺未足時復策筇竹披雲躋層巒高曠騁遊日羣山隱數點滄海渺一掬覽物觸還心少壯悵碌碌芒鞋借向禽踏遍神州谷其奧爲賈輿巖巒帶

嶠高矗瓊霄又有雙巖尖巖畔平曠數畝許東旋爲

鹿跡巖

張文君乘白鹿游此跡尚存下爲賈如規故里增宋王忠文集昔從潘先生學九日登

鹿跡巖嘗賦詩呈諸長者時年十七今閱三紀矣當時和者賈太孺潘先生劉謙仲覺閣梨皆一時詩人也某猶能記其畧數老人化去久矣思之慨然司理丈鹿巖賢主人也佳節必盛集某憾不獲奉樽俎輒成古詩十韻以記舊事并以蒙泉酒鳳團茶爲壽憶昔從師學弦誦年與賈生相伯仲九日登高鹿巖

樂清縣志

卷之二

邑里 敘山

十一

春感物題詩筆初弄舊游回首半零落三十六年真一夢當時唱和三四老尚有殘篇可吟諷今年節物身在家行樂山間謾隨眾弟兄勸吾登高山身似駑駘不容鞚河東先生今靖節有酒甯須白衣送朋尊聊獻非蒙泉賜茗仍分小團鳳願公一飲壽千齡三物年年敢馳貢明朱諫贈鹿巖葉竹山詩屋上青山三兩峯仙人種竹如蒼龍竹枝竹葉覆庭宇煙花月色相朦朧陽坡結畫陰清風出幽谷丁丁伐木聲琅琅奏鳴玉君不見陽和敷草木源頭水潔爭紅綠清霜過來白雲飛不見百花惟見竹竹山歌竹青青山峩峩適意景物不在多又贈鹿巖葉南山詩南山高出大江濱仙老幽栖少四鄰雲物變來山似舊煙花銷盡地常春丹砂留得青囊在塵策空悲白髮新月旦有評歸美譽不干榮辱是天眞南爲樟輿有嶺輿南有大坪山小坪山後峭壁如豎屏名玉屏風又南爲小岑山芳林嶺俗名缸窰嶺置墩臺一名寨山其南二里許特起爲竹巖山在三都竹巖

村孤峙海壖歸然峭嶠如鸞之張帆一名鸞山迴帶川流境頗幽勝

仰根山 在四都自馬仰山黃壇洞來結為大谷南曰馬隴山有攔戶巖為縣後東北門戶東折曰荷華山望如初發齒蒼其南為東溪山仰根西南為栗菁山靈山有嶺最險仄俗名老鼠梯嶺東皆層巒曲澗飛泉激湧其西有羊角山南有白巖與陳坪山白雲尖相接

東溪山 在縣治東北折而居縣之左有蝦鬚峽懸崖斗峻東溪繞其麓

樂清縣志

卷之二

邑里

敘山

三

縣東山 白龍山西為黃塘山東為密奧山芳奧山又東為烏石山屏風山屏風東旋為大崧山鶚頭山南出為雲山侯家山侯家之西為龍穴山

白龍山 在十三都縣東五十五里自宅基蟠龍二山來相傳白龍所潛其山自雁蕩來略嶧竦峙綿亘二十餘里有九州

巖最高峻又有雙髻峯窺天馘龍噴水金織機仙人

田鳧湖諸勝東南窪處臥石如榔俗指為龍母墓龍母

詳記異

增國朝

胡維勳登龍山因懷吳菊賓詩龍

嶺鳧湖擅勝場雲根獨上辨行裝碧桃花下修山史

門外春風也覺忙

菊

西數十武有龍馴巖龍潭凡三

賓近著白龍山志

處最下者廣十餘丈深不可測禱雨屢驗又有支山

曰金山其麓有二井相傳卽朱孝子元旻治牲池東  
北有鳥門山石壁山在大芙蓉西東南爲巒前山一作

巒前上有巒嶺又東爲窰奧山按宅基當

黃塘山 在十三都縣東四十五里東接白龍山名山

勝槩記羣山環合林木陰翳雙溪西北來沿洄於其  
下出孝義橋號佳山水相傳晉郭璞擬立縣於此稱

土而輕不果絕頂疊巖如髻有泉一縷懸崖而下至

山腰石竅潄水尺許曰了髻潭

窰奧山 在十七都縣東五十里西接巒前山一名了

髻山名山勝槩記山高數千仞海舟望以爲準有嶺

樂清縣志

卷之二

邑里 敘山

三

名半天嶺見北通山門鄉南通瑞應鄉國朝康熙

項歐東記增宋王忠文登姚奧嶺望家山有感詩已

營今廢作一宿客潮爲千里人吾親白雲下回首一沾巾

又詩昔年度茲嶺回首念慈親如今望雲其西有靈

芳奧山 在十七都窰奧山東明朱希晦隱此四圍植

萬松號雲松巢其東有橫山崩施三里許又東南爲

烏石山

烏石山 在十六都縣東四十五里東有烏石嶺折而

南爲小烏石山其陽有龜嶼陰有業奧山東南爲龍

澤山有嶺其東爲魚山東山屏風山按魚山當

屏風山 在十五都一名南屏山有半月雙角筆尖諸  
峯又有白象巖木魚巖仙人巖南有筍奧山其西有  
長山縣東三十里南接侯家山迤延十餘里狀如橫  
琴又名琴山筍奧之南有鳳奧山附連有岑山李奧  
蘇奧又南為雲山

大崧山 在十五都縣東五十里南屏東旋為大崧山

岡阜纏聯羣峯拱秀周圍數里許舊置墩臺陟眺大

海茫茫無際有八景上方屏積翠長嶼橫琴中峯曉月  
上谷秋雲龍岡積雪鴉陣晴嵐

峴山樵爨南出為小崧山亦置墩臺名山勝槩記山

曰大崧曰小崧因以名其村赤水川之源出焉按海  
中有

樂清縣志

卷之二

邑里 敘山

古

橫崧山今  
隸玉環

鶚頭山 在十五都大崧過峽而東為鶚頭山一作其  
岳頭

趾垂入大海附連有南浦山東山三岡山皆白龍支

山

雲山 在十五都北接鳳奧蘇奧有峯名彈子尖石皆  
圓如

彈丸附連有水坑山有感祝嶺灣底山又南為侯家山

侯家山 在十五都一名縑山增明朱希晦次韻簡  
縑山侯德詢徵之二徵

士詩幽尋杖策遶林泉隨處遨遊興洒然曾向山中  
招隱士欲來海上侯神仙雲深丹竈長瑤草水滿石

池生碧蓮薄暮凭欄時北接水坑山上有筆架峯附

送日白鷗飛雪點江煙連有鐔鋏山高松山下有鐔鋏洞龍頭山

龍穴山 在十五都縣東二十五里侯家山之西逾河

復起為龍穴山西與芳林嶺對峙延袤十餘里附連

有壺山明山西南為樓輿山一名獅子一名龍臺置

烽墩龍穴南為蒲岐下堡山一作霞堡逼海而止

雁蕩山 雁蕩山自永嘉橫溪分支而來內包眾山分

為四谷而以雁湖絕頂為主山雁湖西曰白巖山南

曰長嶼山東曰古塔山又東曰寶冠峯東北曰石門

山又東曰桐嶺以上西外谷桐嶺通西內谷桐嶺南旋曰大屏山

又南曰筋竹山北折為龍湫山龍湫之上為常雲峯

東北曰馬鞍嶺以上西內谷馬鞍嶺通東內谷馬鞍嶺之南曰靈巖

樂清縣志

卷之二

邑里 敘山

圭

東曰鐵城嶂又東曰朝陽山東北曰靈峯又北曰碧

霄峯靈峯之東有謝公嶺以上東內谷謝公嶺通東外谷謝公嶺東

曰石門山石門西北有南閣山南閣西北曰北屏山

又南曰百岡山又西曰板藏山南閣之北曰北閣山

又北曰仙亭山又西北曰甸嶺山以上東外谷兼南

雁宕蕩以水言宕以石言在縣東九十里高三十里

周圍一百八十里連跨數都大勢自西南而至東北

雁山志自西外谷順敘至東復自南北閣逆敘至西

而雁山之景畢見茲從之西域書第五尊者詔詎那

大阿羅漢居震旦東南大海際雁蕩山唐僧一行云

山河兩戒南戒盡於雁蕩隆慶侯志巖巒奇怪凡數

百里谷遂峯疊行不能徧分東西谷列十八寺自黃

巖東來先雙峯石梁次謝公嶺入東谷為靈峯淨名

靈巖入西谷為能仁羅漢石門

靈雲寶冠自縣治入山則反是



按雁山志載唐一行云山河兩戒盡於雁蕩宋袁采雁山圖序唐一行禪師所畫南戒蓋至雁山而止國朝程浩雁蕩開山說舉之梁苾林雁蕩詩話云相傳唐一行畫天下山川圖至雁山謂南戒盡於此今其圖無可考而唐書天文志一行以為天下山河之象存乎兩戒南戒自岷山蟠冢負地絡之陽東反太華連商山熊耳外方桐柏自上洛南踰江漢擣武當荆山至於衡陽乃東循嶺徼達東甌閩中是謂南紀未云至雁蕩而止其峯凡百有二曰連珠曰靈犀曰與以上諸說異

獅子曰山冠曰石表曰立戟曰羽人曰射塚曰含珠曰含翠曰朝陽曰芝草曰二仙曰招賢曰寶冠曰寶簪曰石鏡曰鳳凰曰香爐曰伏虎曰天冠曰獅子曰五雲曰雙穴並去縣七十五里曰常雲曰紫極曰棲鳳曰華陽曰戴仁曰戲龍曰羣鳳曰回鸞曰石龜曰樂清縣志

朝陽一名連雲嶂曰瓊臺曰石筍曰臥龍曰凌霄曰瑞鹿曰抱兒曰獅子曰石碑一名紫薇曰剪刀曰削玉曰卓筆曰天樂曰宴坐並去縣八十里已上凡四十七峯俱西谷曰雙鸞曰寶印曰堯闕曰小卓筆曰獨秀曰重樓曰茶爐曰石指曰天柱曰展旗曰招賢曰獅子曰伏龜曰鱗齒曰石碑一名石屏曰天冠曰總角曰童子曰金鼎曰蓮花曰迎陽曰石燕下有小石屏曰碧霄其形如轆亦名逍遙嶂曰凌雲一名嶂曰朝天曰五雲曰雙穴下有連霄嶂曰橐駝曰戲獅曰犀角曰香爐曰雙鸞曰倚天一名獨秀曰鳳凰曰

超雲口丹筆曰象牙曰玉蟾蜍曰芝草曰虎蹲曰龜  
子曰藥杵曰架梅曰朝陽曰佛掌曰鼓槌曰覆船曰  
捲螺曰鉢盂曰三賢並去縣八十五里凡四十九峯  
俱東谷曰石佛曰獅子曰雙峯曰石碑曰雙鸞曰藥  
杵俱南閭其谷十日西外谷去縣七十五里西谷東  
谷水簾新月安禪會賢已上四谷皆在東谷內東外  
谷南閭谷北閭谷亦謂之村俱在東外谷並去縣一  
百二十里其洞八曰石梁洞在東外谷石佛洞在南  
閭里道松洞在瑞鹿寺後天聰洞在靈巖龍游洞羅  
漢洞新月洞狀如新月碧霄洞南北凡二洞俱東谷

樂清縣志

卷之二

邑里 敘山

七

石洞一名仙洞在東外谷山腰天陰如聞鷄犬聲其  
巖三十曰梅雨曰天柱俱西外谷曰白雨曰火燄曰  
童子曰文英曰寶陀俱西谷曰觀音曰橐籥曰注金  
曰石相曰楞巖曰神跡曰文會曰棲真曰神王曰石  
臍曰修道曰赤石曰騰波曰侍郎曰巾子俱東谷曰  
撒水曰隱仙曰石佛曰仙巖俱東外谷曰讀書章恭  
毅公讀書所曰紗帽曰幘頭曰曝書俱南閭

宋薛季宣雁蕩山賦并序

按舊志載此賦刪去其注  
國朝梁荏林雁蕩詩話

譏爲買櫝還珠茲據  
孫刻浪語集增入

走家東甌有祀祭田在雁蕩山下行年三十而未之

到隆興初赴調因取途焉愛其巖谷秀異無虞無錢  
莫之能名念其山水奇甲天下而未有文賦欲賦之  
未可也歸得建炎間郡丞謝君升後山圖石本字多  
漫滅已而得樂清洪丞藏所鑱新圖并賦歲正月望  
始得皇祐校書郎章君望之山記又假舊圖於葉氏  
以補圖缺於是圖籍大備顧皆敘次疏闊洪賦工矣  
而猶有未盡故爲集畧成賦得而覆瓿誠何望於左  
思擲地有聲信多慙於孫綽聊依準實寄意山泉云  
爾

溟渤轉乎東南雁蕩嵬其高峙抱會巒之四合聳羣

樂清縣志

卷之二

邑里

敘山

六

峯之崛起仙凡道絕類隔一塵摩空下望儼若屯雲  
聊登臨以寄傲循石磴之縈紆移顧步於觀瞻瞥風  
氣之懸殊幽谷之中別有天地玉筍排空而刻翠瓊  
館憑虛而綺麗微埃不入其方寸纖土不留其度內

峯夏雲之競秀均倚劍於空同崢萬仞之嵯峨羅巧

妙之龍從

章望之雁蕩山記舉山無崖凡山有名號者蓋純石土山不與焉沈存中筆談雁蕩

諸峯皆峭峻險怪上聳千尺穹崖巨谷不類他山皆包在谷中自嶺外望之都無所見至谷中則森然干

霄粵若遂初天愛其道靈山秘秀孰知其寶傳西域

之仙書肇棲神於羅漢

西域書阿羅漢諾矩羅居震旦東南大海際雁蕩山芙蓉

嶽龍曉入寰之緬邈極希夷之汗漫偏爲幽獨蓋始

得於唐僧之詠看之不足此樵翁為之浩歎者也唐僧

缺其名尋佳山水得雁蕩而稱歎負薪老人遇而笑曰我一生看山意不自足師果何所見而歎邪僧作詩曰天下名山曾過目無如此地偏幽我國家太平獨路傍逢一白頭翁自道此山看不足

興國之二祀天下車書始同有禪師曰全了菴廬初

結於芙蓉初全了辭師出遊師曰汝緣在浙東當得名山居之山上有鳥山下有花全了抵芙蓉

蓉問其山曰雁蕩曰此諾矩羅之居也築菴曰芙蓉以處今為能仁寺行亮文吉踵於

前甄昂作尉從而後靈巖碧霄巘岼而並露南閣白

巖屏顏之盡剖起初凡七十又三年而後隴斷之不

遺蓋成終於皇祐之己丑記太平興國二年丁丑僧全了始居山之後者曰芙蓉

蓉今承天寺是也至己卯僧行亮神眼居山之深者今靈巖寺安禪谷是也天聖九年辛未僧文吉得山

樂清縣志

卷之二

邑里

敘山

九

之盡東而居者曰碧霄菴今靈峯院是也於是居民居矣皇祐元年己丑縣尉甄昂乃發蕩陰山水南閣地是也由丁丑至皇祐之己丑稱始開於祥符之伐七十三年白巖寺名在北閣

木者故適當其會謂遷就於貫休之詩者見不臻乎

首僧貫休諾知羅贊雁蕩經行雲漠漠龍湫宴坐兩濛濛是知水鑿之為曉論

其又何知造化成功之不有筆談雁蕩山天下奇秀然自古圖牒未嘗有言

者祥符中因造玉清宮伐木取材方有人見之南有芙蓉峯下有芙蓉驛前瞰大海然未知雁蕩龍湫所

在後因伐木見山頂大池相傳以為雁蕩下有二潭水以為龍湫又有經行峽宴坐峯皆後人以貫休詩

名之也謝靈運為永嘉守凡永嘉山水遊歷殆遍獨不言此山蓋當時未有雁蕩之名予觀此山當是谷

中大水衝激沙土盡去惟巨石巋然挺立耳如大小龍湫水簾初月谷之類皆是水鑿之穴自下望之則

高巖削壁從上觀之適與地平以至諸峯之頂亦低於山頂之地面世間溝壑中水鑿之處皆有植土龕

巖亦此類耳既非挺出地上則爲深谷林莽所蔽故古人未見靈運所不至理不足怪也沈括謂謝康樂時未有雁蕩之名是也按康樂遊名山志神子溪南山與七里山分流去斤竹澗數里故其集有從斤竹澗越嶺溪行詩今斤竹澗謝公嶺具在不得言謝所未至特未觀其遠爾乃其東望秀

嶺道屬天台山川襟帶於四明風雲呼噏於會稽無非僊人三乘之窟宅誰能見其一日而數相往來其西則蓋竹雲門白巖白鶴魔軍退舍而真宅斯建至人入竹而誠明可作洞天高遠以誰訊福地潛通而叵度陰有柁溪其陽際海幹地軸之磐踞望天闕之斯在崖有千里之石壑有萬年之松金雀么而不大金猿線而多茸樂官羣處而和聲山羊厯險而純素

樂清縣志

卷之二

邑里

敘山

三

若夫王孫麋鹿鷹鷂鳥鵲眾獸常禽之類他山既多

有之茲故不詳其名數

記有禽黃色而差小者謂之金雀禽有羣鳴而聲相抑揚

者謂之山樂官有獸如鹿大健而能厯險謂之山羊白者如雪猿有毛如絨謂之金線此鳥獸之異者也

山之狀也崇倚天青峻連霄碧凌霞傑出於疏雲疊嶂牽聯於紫極工如大巧特若小高三巨相形而峯粵獨秀孤立而巖嘗瑞星明而洽世皆見霹靂轟而噴者不聞常雲舒而莫卷白雨霏而猶零牛女從橋而星河可度雷張望氣而龍泉可得璧月懸空而夜夜長滿朝陽薄暮而光明烜赫賁香珠之落落起祥雲之圍圍玉峯高並於兩巒利孔開通之雙穴積翠

合於拾羽之眾紫微居而眾星拱列觀架海之騰波

浩浩望平霞之火炎烈烈倚天碧霄凌霞疏雲紫極大巧小高三巨獨秀常雲

香珠祥雲起雲兩巒雙巒雙巒雙穴積翠合翠架海皆翠名連霄疊朝陽平霞皆嶂名翠微紫微皆山

名瑞星霹靂白雨騰波火炎皆巖名騰波亦曰藤布火炎亦曰火嶺千里龍泉皆石名星河橋名萬年松

名碧月菴名凡名號皆據記及謝升俊山圖洪藏新圖并賦兼聞見云苞有齒苔菌有

靈芝立筍圓而削玉丹桂茂而欒枝蓮花芬坼而木

未可采圓蘿糾結而鱗比相差齒苔靈芝立筍削玉丹桂蓮花圓蘿皆峯

名亦有石名圓蘿者其於人也總者如角直者如指圓者如臍

礪者如齒佛掌高而頂可摩神迹巨而武可履詣方

丈而問維摩之居士行妙高而見香巖之童子龕巧

樂清縣志

卷之二

邑里

敘山

合於佛影樹有同於僧寶玉通變化而有靈三清道

遙而適道天王朝祭而明堂斯在西真翔集而瓊臺

莫訪對人道術之相忘招賢仁義之為尙尋朝賢之

舊隱得侍郎之安居觀音行而隨形示現羅漢遊而

飛錫騰虛三傑際風雲之會七賢從竹林之下五老

來兮書籍枝千里會兮德星聚朝天義重於尊君抱

兒愛均於慈母爾乃展旗障日立戟排雲關弓飲羽

長劍擬天射塚遠而破的馬鞍跨而絕塵文筆擅場

於文會戴仁踐履於安仁寶印得之而如斗金鼎負

之而調羹鼓橐籥而布化鳴鍾子而振聲碑磨崖而

樂清縣志

卷之二 邑里

敘山

三

浮宇鏡無心而鑑形乃有琢雙玉獻連珠四文英讀

靈書對棋枰舉覆盃振藥杵火茶爐盍簪加導於仙

冠折角尚賢於巾子裁珠媚而淵水不涸爐藥就而

羽人不死行道周遭於石佛栖真高樹於迎雲空洞

虛而無物雲霧合而神仙總角礪齒佛掌香巖雙童童子玉靈三清逍遙天王

瓊臺西真對人招賢朝賢七賢朝天抱兒展旗立戟

長劍射梁支筆卓筆戴仁寶印石印金鼎鍾子石碑

琢玉獻珠連珠覆玉藥杵石杵茶爐寶簪冠簪仙冠

寶冠天冠巾子藥爐石佛迎雲皆峯名礪齒亦曰蠟

齒對人亦曰雙人戴仁亦曰對人天王亦曰神王又

有影曰神王影排雲嶂名侍郎羅漢千聖文會蒙齋

文英讀書羽人空洞覆鏡皆巖名石指石臍石龕石

明堂石觀音石羅漢石印石碑石鏡石棋盤居士僧

寶三像飲羽安仁行道皆石名羅漢五通五靈雲霧

皆洞名仙人羅漢皆壇名維摩室名又羅漢閣名石

碑崖名藏珠各名五老臺名馬鞍巖名神

迹巨人迹也佛影石蓋龕石有影類佛云郭有石城

度有石梁入有天門窺有天窗有堂有室有斛有倉

旌有石表蓋有版藏門樓高屹以超雲堯闕對峙以

迎陽澡身莫便於浴室修道何樂於禪牀考室而柱

金矗立蔽風而翠屏是陳版障駢而可隱行廊修而

可循石門石表版藏石屏迎陽版障超雲皆峯名紫翠屏翠微屏皆山名石城東石梁西石梁石天

窗石室石斛石倉石門大石門小石門石門樓石神

牀石屏石屏風大石屏小石屏石行廊皆石名替金

巖名東堯闕西堯闕闕名亦像有師子鹿影靈龜鯽

日堯窟浴室室名天門堯名

魚三燕頰頰而穿幕戲龍驤攪而含珠飛羣鳳之徘徊

戲雙師之雙鑠猴不可以加冠魚有時而登陸鈴

羊挂角以棲止回鸞騫翥以翺翔犬以警而司門貓

以游而在堂龍倦游而或臥虎已踞而更伏御火共

施於鷓尾照水孰然於犀角師子鹿影靈龜石龜伏

含珠回鸞雙鸞石犬貓兒臥龍龍游虎踞石虎伏虎

犀角石犀靈犀皆峯名又羣鳳臥龍戲龍遊皆山

名飛鳳鳳皇小鳳皇皆巖名石獼猴石魚鷓尾伏虎

虎踞皆石名羚羊洞名戲師子雙石對峙如貌也

天柱之峯上凌空碧其旁無躡其趾無蹠削貞珉而

介出崇高切於青雲圓度於規直中於緝望之者目

極倚之者驚神疑共工氏之不作不周末觸而今存

此峯巒之峇立者餘蓋不得而縷陳彼有同名而不

相似者於彼吾又何言天柱峯有二大天柱小天柱也其水則二龍

樂清縣志

卷之二

邑里

敘山

三

之漱東瀑西瀑合掌摩訶劍峯乳酪水簾眩日以舒

耀新月弓彎而出谷清涼之滴滴無已照膽之澄泓

可矚彼潭之泳者湖鰻或澗而流之斤竹決而下也

銀河瀉而垂練委而去也錦文鮮而清淥觸潛蚪而

聲韻鸞和漱堆埼而皴如皴玉委蛇而動行乎巖石

之間者何容窮盡又豈祇清溪之幾曲也大龍湫小

布西瀑布皆水名合掌摩訶劍峯甘乳清涼滴滴皆

泉名水簾新月皆谷名照膽溪名湖鰻洞名斤竹澗

名泉流之冠大者龍湫崖竦如仆氣凜如秋界青山

而澎湃吸蕩水之宗流上擬青空下臨無地霏霰雨

霧之飄散晃朗白虹之下墜乍垂雲而零露恍山崩



而川至雖淮流破荆山之堰曾不足以言其髣髴衆  
水之淵發源雁蕩厲巍巒之峻極浸山椒之修廣箴  
竹叢生以蒙翳娑羅挺榦以駢羅征鴻攸聚牡蠣生  
之浮鐵船之蕩漾沈古鐘之逸響記鵝雁以時而集故以名上多娑羅  
樹大箴竹案牡蠣鐵船古鐘皆蕩中所有蓋父老所傳云派旁泄之崩波羌不

以五水九旱而爲之消長傳或謂滄海此遺波焉今

固莫詳於既往矣記敘水源蕩水南出爲大龍湫南東會於天柱飛泉水流東爲照膽

溪會羅漢院水南入斤竹澗入於海大龍湫分流而下過石門西凌雲之寶冠古塔水爲長微原南入於海石城之東其水東流會小龍湫淨名水入水簾回峯水南爲白溪入於海靈巖之陰其水由真濟會靈峯及西北五里寶月菴之水南流於溪西會白溪入於海蕩水北出爲新溪會寒坑池上大溪又會湖南

樂清縣志

卷之二

邑里 敘山

三

坑版藏二大溪東南入於海乃若浮圖天成古塔神造香爐旣設

寶幢載好楞嚴翻大乘之典寶陀襲白衣之號高僧

梵唄之相和仁祠金碧之相耀惟茲華頂花壇是陟

居者有積行者有食山中故事遊人皆傳食僧舍無芸仙者之田

每駐遊人之屐然雖曠世而彌年猶未覩周遊而涉

厯者也古塔香爐華頂駐屐皆峯名寶陀楞嚴皆巖名寶幢石名花壇亦名羅漢壇仙人芸田在北

閣爾乃樂成首路東鶩幽尋絕白沙之古塞陟峭嶺

之芳林秣馬於芙蓉之驛驅車於長微之原招提寶

塔屏障橫焉千巖萬壑是途伊始扶筇竹以自杖履

登山而後齒於是奇巒卓犖怪岫崢嶸傍顧而塵慮

都息商羊而油然意生

記載遊山由懸為詳今存之其不見於記者益之記山去

縣七十里而遙越白沙武缺芳林三嶺達芙蓉驛逾

姚奧嶺過長微原至山之古塔菴凡菴皆僧廬也石

達之峯有連珠靈犀師子仙冠立較石表其巖羽人

其石招賢案今菴皆為院院有古塔石屏版障峯

登寶冠之蘭若跨飛瀑之脩梁引仙簪而我首裏熏

爐之裊香前眺諸峯舉焉亭直

記入東北十三里至寶冠菴以巖名其峯

寶簪招賢其水瀑布其泉精涼漏巖而

下又有石梁石鏡按香爐峯在瀑布西揖雙人而問

道屆淩雲而一息九龍垂頭而來下梅霖飄灑以霏

零洗余心之宿案拂襟袖之泠泠望銜珠而返顧跨

伏虎於石門

記東三里至淩雲菴以峯名含珠朝陽合翠芝草犬石門天柱梅雨雙人雙入

峯相並也今按梅雨巖名九龍頭石名記東二里至

石門院其峯天冠伏虎五靈雙穴其巖寶陀其嶂連

樂清縣志

卷之二

邑里

敘山

三

霄按石門院以門名

里連霄之十五窺蕩水之靈源凝神寓目

千里為近羣玉浮天全乎一瞬

記出石門院西北過石家登連霄十五里

而遙蕩頂大泉隴焉此山之甚高目處而羣山層列

於左右前後僧云五十里者多辭云四望而及達必

于度東岡之桐嶺禮化士於雙巒記石門東五里至

文英石巖及兩巒其嶂朝陽連雲其石連生於

山巖長覆其下日石行廊按圖石羅漢在焉指游

龍與戲鳳鏡三京而瞻寒灣按隋圖經云溪清如鏡

無所不容曩之不獨唐刺史

張又新有詩今名照瞻溪云

溪交流竝湊天門舞羣鳳之垂天儼華陽之挺立吞

眾壑以朝宗拱萬山之環揖是雖奇峭無多焉固已

冠峯巒之業岌也羊腸回於六八俯在下之藻山羌

有鳥而有花悟達士之微言

四十九盤嶺望芙蓉回山其巔盤錯如蓮花

巒之嶂隱若金城漢唐道隔言訥天升惟隱顯之有

時殆匪由於人力何先古之神闕須後來之判剔東記

北四里至承天寺其寺前之峯聳如卓筆曰戴仁寺

西曰棲鳳山又東南隅二峯重沓如屏曰華陽西南

一山回合若城曰回巒障東北一山勢若龍游曰戲

龍北應紫極常雲西北山曰羣鳳皆連揖相望如敷

連環合前溪有大石柱二相向若筍曰石門下一里

有龍潭二照膽溪夾道西流西南一水又正南一水

會於寺右前流翠雲亭西北一水流寺之左會照膽

溪流石門龍潭斤竹澗是以九峯四水叢聚之地謂

山之宗始云載旋余步溪澣攸行天柱華巖接阜連岡躡

層巖之鹿苑窮逶邐之淵泉屏彩翠之蒼蔥聽天樂

之喧闐仰大龍之懸水飛小雨之濛濛樂尊者之優

樂清縣志

卷之二 邑里 敘山 三

游得從容於下風記西北二里至普明菴西渡溪而

院峯曰陵霞北至瑞鹿菴以巖名其峯師子石碑圓

蘿立筍削玉其山大者曰翠微屏其石鳴尾凡三菴

相去皆二百步而近按瑞鹿寺前僧道親遇老人得

龍壽丹之地記瑞鹿西一里谷曰大龍湫瀑布下流

百丈而入於湫天樂宴坐香爐指普明而回御探龍

窟於飛泉記普明折北六里至飛泉菴有泉自巖

飛而下為西龍潭有山中斷曰小石門勒

鞍馬而東之望奇峯之隱天觀音大士如住虛空漠

漠行雲誰尋舊蹤記東北三里至石城嶺嶺東北三

行北入十里兩山壁立以相向如門闕其石色黃其

中峯巒秀拔有溪泉瀑布經行之東其峯筍石茶爐

其巖白雨又有卧龍山其石虎踞覆孟按石城即馬

鞍嶺也北望長雲巾子諸峯觀音巖等厯厯明甚

安禪之谷萬嶠宗焉大筆書空一柱擎天重樓峻傑

以連巖雙闕當塗以相向天聰哈嶺其四達自在慈  
悲而有像龍蜿蜒而歸洞離小湫而擁曳發在定之  
熏聞鼻凹窪而出涕奮天然之鱗鬣回玄造之頭顱  
諒茲山之多怪猶斯巖之匪如記嶺行八里至靈巖寺所倚之山曰石屏  
風其峯天柱獨秀寶印招賢師子卓筆義闕伏龜重  
樓雙峯其巖橐籥柱金石指讀書神迹楞嚴龍泉文  
會礪齒火焰其嶂平霞其崖石碑其湫小龍其石僧  
寶其洞天聰羅漢其谷安禪藏珠其泉合拿摩訶又  
有石城石明堂石魚石倉石斛石  
龍西石橋按龍鼻又有石觀音

石神而近止訪淨名於丈室挹乳泉而一洗乃觀初  
月乃下虛簾蛟人織素近在危簷記東二里道北山缺而穴者三相去  
百步曰宴坐巖虎口巖石龕其嶂排雲在道南其峯  
大巧在道北東二山相對道出兩間曰石門峯東三

樂清縣志

卷之二

邑里 敘山

三

里至淨名菴其峯天冠後三峯曰總角金鼎蓮花石  
神迎陽其名居士西小石屏其谷水簾新月簾狀谷  
也按圖有 閱靈峯之景物奇特亞於靈巖犀黑閣而  
甘乳泉

通天龍神游而處潭五雲閣道應真矯矯谷有靈珠

歛生芝草入會賢之空洞仰虛室之欲銜信真如之

可學烹乳茗而生葩記又三里至回峯菴嶂曰疊疊谷曰靈珠以泉名也又東三里

二山之間至靈峯院西方山曰犬小石屏嶂曰凌雲  
其峯最高者碧霄五雲者以數言其下蓋五老臺云  
倚天鳳凰超雲丹桂香爐朝天其下有白雲菴藥杵  
戲師子石屏架海朝陽靈芝靈龜雙巒其巖西真神  
王石濟修道赤石巾子侍郎騰波其洞龍游羅漢其  
壇曰花亦曰羅漢其各會賢其石飲羽觀音含珠亦  
日神王又有龍潭石欄猴石浮圖星河橋石室  
按圖有羅漢閣今羅漢洞烹茶往往如花乳 金掌  
高呈亭亭空際訪三賢而景行遂回車於真濟記靈峯之

陰一里有峯曰佛掌因其下穴而為菴與疏雲而屏  
三賢小高菴菴玉口而七其巖逼日隱真又山曰紫  
翠屏西北四里至真濟菴十里而西過胡公之棲宅  
有石門樓按今惟佛掌菴為菴如故  
記侍郎巖為遵靈運之迷途山之東盡於此矣王侍  
胡兵部居之即十朋白巖院佛殿記謝靈運蠅造石室於東梁高  
履遊山而不知有雁蕩至此而返  
禮佛之勤渠記嶺行一里石梁菴因梁而名按石梁  
佛亭白若而下道窮二閣於蕩陰忘散漫之罔繆蓀  
也無隱於追尋北有白巖石谿九折山橋跨焉巉巖影  
絕斯蓋水之奇也履芝田而種玉煉爐火以飛霞企  
時人之不及厭時俗之囂譁過湖坑於南閣栽土藏  
之孤高壯瀑水之滂流訪仙隱而遊遨記東南三里  
至白若驛西

樂清縣志

卷之二

邑里

敘山

天

北十里外有南北閣二村相去十五里南閣西十五  
里有院曰崇德北閣西北一里有院曰白巖相去十  
里而遙眾山中惟版藏土多石少在南閣西七里蕩  
陰之最也崇德南三里湖南坑蓋山之罅接蕩三  
里高泉瀉下大龍潭在焉其瀑布為最大有隱仙巖  
蓮花寶幢四照蓋大石相倚也寒坑泄去北閣十五  
里其水與台州西界相分九曲行於石溪出白巖東  
無亂石焉此水勝於山之處也鳥巖石行廊煉藥  
爐仙人之田王子晉仙橋散漫遠矣其深者去白至  
若五十里而遙去城迂僻好事者莫知故難見也至  
窮途而輒哭等遊夢於華胥問山僧以前路固有匪  
吾人之所知者殆不可以窮竟又安得而論諸山僧之  
靈巖山間有石室中有石羅漢十六又羅漢至若大  
院旁數里有平原彌望雙猊戲焉皆未攷  
洞神山仙靈是宅龍湫宴坐者諾矩羅之住世西域書阿  
羅漢之在世者十六  
諾矩羅其一人也  
虎踞守護者蔓定僧之衣衲也

至人遐造踐迹無同運無方之玄化闡不二之宗風

說法詎離於在定經行何閒於神通陳州商水人陳

東峯望西巖一木如蓋攀蘿捫石至其下藤蔓纏繞

如石視之入定僧也觸其衣隨手而化乃菴其旁閱

兩月僧欠伸開目曰吾有衣寄巖間有虎守之持吾

錫杖取衣虎不加害覺見虎而示之杖虎搖尾去之

僧引蔓授衣有入內數寸者為之說法鳥獸鬼神

皆來聽受覺因得度世法後人呼其處為說法巖聞

縮地於偷桃之客近靈巖寺僧遊山迷失道路循小

士也見僧笑曰此僧亦知遊雁蕩乎方涇冬而桃有

實僧折取數枚懷之方士呼童奪取其桃僧因恍惚

過山椒則明神飛於窺鏡之童紹興末平陽獨與李

州天童寺也神飛於窺鏡之童氏子跌宕不能進方

方士將以東遊不移時達孝義鄉橋下辭不能進方

士出一小鏡使窺之恍然抵一山寺苦辭不去俄若

夢覺視僧舍則靈巖龍丹成於老父九二識於元豐

寺去家數百里矣

樂清縣志

卷之二

邑里

敘山

无

元豐五年僧道親行大龍湫道上逢一老人自山而

下履木葉皆無聲呼僧與語付藥丸如彈一曰爾速

入京以進藥乃萬歲藤膏熬成名龍壽丹以金孟玉

盃研之三日九服可保九二之數道親未行數日又

遇之仍趣其行道親至都聞神宗不豫詣都省言狀

執政異而不受上聞而取之問所欲道親言老人但

戒太歲本命四立日慎酒樂乞濟窮民及禁天下捕

龜上命中臣梁從政以焚香至雁蕩山訪老人無所

見八年立春上得疾病革皇太后得藥於容恩錄了

進之乃上手自封識上崩蓋在十八年事見實錄了

世緣於國秉秦太師檜嘗夢抵一巖洞有琴借環坐

也僧曰公世緣未了姑去後經雁蕩觀羅漢洞夢顏

如所夢作詩記之有欲了世緣何日了之句夢顏

像之形容尊者菴經魔賊焚蕩廢不復理聖德亦壞

見首明日得老父介遊大龍湫至則失之視神屠履

諾矩羅像則夢中所見因為築室塑像焉神屠履

崖以如地者其去履崖石如平地以為羅漢變見云

聞恩光焰以如虹

觀音巖時有盜道而江波激怒龍

下觀音石比為一

監司持去及渡浙江波惡甚懼觸

而投諸水刻石像

送鼻下非復曩時天然者矣

鼻而涓泉不通者或以手觸其一泉流遂涸非人耳

日之所到而又烏得以議其洿隆也惟茲山之神秀

嗟近在於人間曾趨步之不到乃窮人而上天化石

橋於北閣企斤竹之飛泉謝靈運從斤竹澗越嶺溪

抑子晉未成於羽化而謝客不得善於遊山也今夫

天下之山江東居最永嘉富甲於江外而雁山為大

焉可為超羣而拔萃矣他山之秀么麼稱妍陽臺十

二秋浦九蓮詩文振古名字喧天僅得此山之一

樂清縣志

卷之二

邑里

敘山

三

一壑猶拳石之夫何足言所謂夷泰山而吞雲夢者

惟雁山之蕩為然

袁采雁蕩圖序唐一行禪師所畫南戒蓋至雁蕩山

而盡山石像物賦形步移即換巖瀑噴濺飛沫俄頃

百態且限以重岡複嶺實不可摹寫邑有倪端世以

畫雁山名某嘗迎送及祠禱三走山間默記所歷歸

按其圖差紊為多凡畫止一面此山前後向背左右

偏側皆有奇妙雖善畫者尤難施工乃與商較合背

者各隨其寺所見又合為大圖二大勢東西四谷自

縣往者由西始西外谷有寺四曰古塔凌雲寶冠石

門其水流大芙蓉港出纜嶼其路平夷西內谷有寺

七曰能仁羅漢飛泉普明天柱華嚴瑞鹿其水自峽

流筋竹澗出清江皆峻嶺自石門來者曰東嶺自芙

蓉來者曰丹芳嶺自筋竹來者曰飛泉嶺達於東谷

者曰馬鞍嶺東內谷有寺四曰靈巖淨名靈峯真濟

其水自峽流白溪溪上有路通白溪驛東北有嶺曰

謝公嶺達東外谷有寺曰石梁自石梁東北至雙峯

樂清縣志

卷之二

邑里

敘山

三

達黃巖左有谷曰南北閣南閣乃雁蕩之北有崇德寺  
 水自蕩頂分流山亦奇勝舊圖不載今附焉庶見其  
 大概云又雁蕩記雁蕩山温州樂清東北山之通  
 名也去縣九十里而遙越白沙芳林達芙蓉逾長嶽  
 過長嶽原始至其地凡山有名號者蓋純石而土山  
 不與焉宋太平興國二年丁丑僧全了始居山之淺  
 者曰芙蓉菴今羅漢寺是也巳卯僧行亮神昭居山  
 之深者今靈巖安禪谷是也天聖九年辛未僧文吉  
 得山之盡者居之曰碧霄菴今靈峯寺是也於是  
 居民矣皇祐元年己丑縣尉甄昂乃發蕩陰山水今  
 南北閣是也由于丑至皇祐巳丑七十有三年此開  
 山之歲數也東盡縣之境西距白巖南距玉環山北  
 距蒼山此盡山之地勢也名山之人多矣或以義或  
 以象或以跡或以無稽以跡獨侍郎巖以義則開而  
 可知以象則見而可知以無稽亦見而可知常雲巾  
 子山之勝者也靈巖山之佳異者也靈峯其次蕩水  
 南出為大龍湫東南會於天柱飛泉南經筋竹入於  
 海北出為新溪東流會於寒坑版藏大溪南入於海  
 石門之水分自大龍湫經長嶽原入於海石城之水  
 會於小龍湫經白溪入於海新月水簾大龍湫水之

勝者也舉山無崖有禽黃色而小謂之金雀有一種  
 羣鳴而聲相抑揚謂之山樂官有獸如鹿大健而能  
 歷險謂之山羊白者如雪猴有毛如絨謂之金線此  
 鳥獸之異者也故詳記之元李孝光雁山十記始  
 入觀石梁記予家距雁山五里歲率三四至山中每  
 一至常如遇故人萬里外泰定元年冬予與客張子  
 約陳叔夏復來從兩家僮持衾稠杖屨冬日妍煥黃  
 葉布地客行望見山北口立石巖然如浮屠氏腰隆  
 起若世之遊方僧自襍被者客鞭然而笑時落日正  
 射東南山山氣盡紫鳥相呼如歸人入宿石梁石梁  
 拔起地上如大梯倚屋檐端檐下入空洞中可容千  
 人地壁上石腳空嵌類腐木根檐端有小樹長尺許倒  
 挂絕壁葉着霜正紅始見謂是躑躅花絕可愛梁下  
 有寺寺僧具煮茶醅酒客主俱醉月已沒白雲西來  
 如流水風吹橡栗墮瓦上轉射巖下小屋從瓠中出  
 擊地上積葉鏗鏗宛轉殆非世間金石音燈下相顧  
 蒼然無語夜將半設兩榻對臥子約沾醉比曉猶呼  
 其門生不知巖下宿也遊靈峯洞記自石梁南出  
 五百步折而西行過謝公嶺嶺東居人多謝姓故名  
 或曰地舊屬臨海郡謝靈運為臨海開山適至此人



因以名之既渡緣澗南石路欲登觀羅漢洞於篁竹  
窺見水西大石壁下有谷若豎橐子約曰嘻此或一  
奇也下不可失呼家僮扶過澗入谷中見谷口石巖然  
下垂如懸戶卷然中抱如壞壁坐其下而嘯如語甕  
盜中從澗下入寺未至見道傍有石潭方丈而深莫  
測仰視潭南上有山孤起如偃芝北上有山離立平  
地上如駢筭稍入始見兩大石相倚如合掌入天數  
千丈從合掌根入兩旁植石闕直上千步乃至掌中  
望見山巒中青天如懸一片冰旁設大士一羅漢十  
八設應真像懸厓上五百然皆為人緣取持去空遺  
土坐如燕巢棲厓上巖罅泉水下滴唧唧如秋雨鳴  
屋檐間合人大呼呼聲繞洞中不即出泉墮半未至  
於地為聲所軋則飄吹衣冠草木盡濕家僮戲馳石  
闕中腳頓道上石淵淵作鼓聲既下出家僮守橐者  
私自更守竊登之願見主者皆已下即擊羅漢繩牀  
傍小鐘鐘聲奔谷中如鸞鳳行鳴半天上倚杖聽不  
可去谷中恆有雲氣所舍亭曰看不足暮入靈巖  
記出靈峯院偶坐澗水南客有言雁山信多奇然豈  
復有過於此者予為言山之峭刻瑰詭莫若靈峯雄  
壯渾龐莫若靈巖峯言銳巖言大也予適小疲倚大

樂清縣志

卷之二

邑里

敘山

三

樹坐甚恬客聞靈巖亟欲往即起促不得休前是一  
日行五里輒止舍是日會已暮頃刻馳十里到寺天  
正曛黑及階舉頭見巨石孤立而人俯月出正懸東  
南角星象纍纍下垂西旁客脅息不可上如遊魚  
喁以身為浮游在灑氣上也入坐佛宮南階上正視  
見其面進升堂倚石夾室則旁覘其脅夜分又數數  
開南牖視之月欲墮未墮夜色如霜雪諸峯相向立  
儼然三四老翁衣冠而偶語獨西南一柱白而長身  
者也明曰由昌上人房下過澗得小石嶺可五六百  
步上觀所謂龍鼻水山半橫石作鱗甲狀陷入石中  
獨見其脊從西南石峽中繞出數十丈勢盡乃垂入  
谷中作懸鼻疑是石髓積歲月化為石故獨此鼻如  
瓠大乃紺碧膩滑異他石鼻端泉時時一下滴谷口  
墮入澗中亦三十許丈曰小龍湫稍西飛泉湧出石  
罅直上指尺許曰劍峯泉寺以巖名巖又以佛宮北  
大石障獨高且大絕頂正平如塗丹堊是為平霞嶂  
諸峯皆牽聯在嶂傍其大石如樹旗居嶂左臂曰展  
旗尖大柱居嶂右臂曰天柱龍鼻水又在嶂右脇間  
小龍湫卓筆峯劍峯泉當居腋中靈巖二奇記僧

樂清縣志

卷之二

邑里

敘山

三

言山有二奇其一由嶂左臂架棧道至旗半有石穴  
 下窺穴中別有平土類人間土田一具溝塍映澮  
 以小石下擊如轉鳴甕中其一由嶂右脅旁合人百  
 計牽挽上懸巖上有石室室南有小徑沿徑兩傍皆  
 麥門冬草如人手植路平熟數里若日有人來往者  
 絕端有窪石窪中泉冬煖如湯僧乃言昔有羅漢常  
 浴是泉渴息石室中故石上有平偃跡宋英宗時有  
 居人行湫水上見老父手弄藥一丸大如橡栗語人  
 曰爾為我持此獻天子忽復不見詣郡言狀郡上之  
 天子遣中使持香來於是雁山名始在天下  
 湫記大德七年秋七月予嘗從南山公來觀大龍湫  
 苦雨積日夜是日大風起西北始見日出湫水方大  
 入谷未到五里餘聞大聲轉出谷中從者心掉望見  
 西北立石作人俯勢又如大楹行過二百步乃見更  
 作兩股相倚立更進百數步又如樹大屏風而其巔  
 豁豁猶蟹兩螯時一動搖行者兀兀不可入轉緣南  
 山趾稍北回視如樹圭又折而入東崦則仰見大水  
 從天上墮地不着四壁或盤桓久不下忽迸落如震  
 霆東崖趾有諾詎那菴相去五六步山風橫射水飛  
 着人走入菴避餘沫迸入屋猶如暴雨至水下搗大

潭轟然萬人鼓也人相持語但見口張不聞作聲則  
 相顧大笑公曰壯哉吾行天下未見如此瀑布也是  
 後予歲一至常以九月十月則皆水縮不能如向所  
 見今年冬又大旱客入到菴外石砧上漸間有水聲  
 乃緣石砧下出亂石間始見瀑布下垂勃勃如蒼煙  
 乍小乍大鳴漸壯急水落潭上窪石石被激射反紅  
 如丹砂石間無秋毫土氣產木宜瘠黑反碧滑如翠  
 羽鳧毛潭中有斑魚二十餘頭聞轉石聲洋洋遠去  
 間暇回緩如避世士然家僅方置大瓶石旁仰接瀑  
 水水忽舞向人又益壯不可復得瓶乃解衣脫帽着  
 石上相持扼擊欲爭取之因大呼笑西南石壁上黃  
 猿數十聞呼聲皆自驚擾挽崖端偃木牽連下窺人  
 而啼縱觀久之行出瑞鹿院日已入蒼林積葉前行  
 者迷不得路獨見明月宛宛如故人宿能仁寺東  
 菴記畧雁山西南一峯絕高下視眾大山猶當是  
 父行舟行南海月餘長望見直西北有雲氣居人呼  
 髮纒一握大傍為指南又其上常有雲氣居人不呼  
 某山而呼曰常雲傍出二里有能仁院院亦名常雲  
 子從大龍湫出夜宿山人家遲明浩上人迎舍東菴  
 遊惠上人所開西谷記靈峯去靈巖十里而近中

路有亭名翠微旁夾樹兩垣路從垣間出過澗行統  
北山麓折而南有深谷梁石過之復折而西入谷中  
始見石林如犬牙巖下佛寺曰淨名是日至自常雲  
僧拒戶不聽客入即呼云是遊山人乃拔去拒戶木  
入弛擔爲午炊余持張子約出南戶徘徊往來望屋  
上山山圍屋如城府或纍纍然如蜂腰下綴而刻其  
中淫淫然如燕巢斜胃而剖其戶甌者窳者仰者歎  
者羣者訛者僵者啄者掉者俛而窺者騰而上者如  
人皆具耳目口鼻而無一相似意此中當有大佳處  
乃更着屐從屋牕中出上山行二十步便得石橋過  
澗去予約持杖擊草又得石壇數方皆古人作亭遺  
址壇爲階二三級或五六級壇相距雖皆四五步每  
一壇上輒見山如人腹脅背尻向背一不同復益  
上數步草中窺見石階八九轉皆六七級兩旁  
夾大石壁如行巷中仰頭見青天如曲池中綠水止  
而不波泉滴兩崖間如雪消作水出建瓴下注谷中  
大石上忽憶先子言淨名維摩石室旁有西谷是惠  
上人所開絕佳當是此地耳今寺僧乃畏人知更作  
屋相遮以故從牕中出不爾不見此奇雁名山記  
客問山胡以雁名也予爲言長老相傳絕頂上有大

樂清縣志

卷之二

邑里

敘山

三

湖雁過南海常棲止其中居人因以爲名湖水墮入  
澗流谷口爲大龍湫湖旁有塔寺一夕沉湖中至今  
五百餘歲然猶餘遺地敗址棠梨花數十百株皆儼  
然成行列土絕膏肥種蹲鴟大如斗長老又言湖嶺  
淤爲葑田前十年有僧來言吾近於雁湖旁依大樹  
縛屋種菜蔬躡鴟爲饑糧獨無所棲願乞金錢作屋  
予問道路何從入僧具言從靈雲寺南入山時時過  
絕險挽牽懸藤偃木以過日初出上山至午僅可到  
山巔望見永嘉城下大江如牽一線白東面海氣蒼  
蒼如夜色山上無膏燭燒木葉葦竹爲明山颯來與  
人相向坐如狐狸大子愛其言久欲登之嘗一至靈  
雲寺觀所從入路因北至梅雨潭潭上瀑水懸空數  
十丈谷中風起水吹着人常濛濛如四五五月間霧雨  
亦一奇也旁有鄰寺三四區曰古塔寶冠羅漢石門  
又有一寺在南山豕與常雲相望路絕高曰飛泉種  
種自作面勢皆可游獨不大爾秋遊雁蕩記北從  
天台來入古東甌郡境上望見西南有山相向立如  
兩浮屠遊者咸曰此雁山門戶也益深入其阻視羅  
漢洞東西天柱大龍湫猶人有眉目十八寺皆其肺  
腑也僧言其祖自開雁山爲諾詎羅詎羅始遊方時

樂清縣志

卷之二

邑里

敘山

三

師懸語之曰若行四方當值勝妙山水起塔立寺花  
 名村鳥名山則其地也詎羅適行至山下問田間父  
 老所居云何父曰芙蓉村又問山云何曰雁山詎羅  
 曰是吾師所語我者我於此乎老矣入過四十九盤  
 結屋谷底面湫水以居既沒其徒為立塔寺是十八  
 刹之萌芽也詎羅首所開正得其肺腑今人言春遊  
 天台秋遊雁蕩各定其可遊時耳雁山無土田桑棗  
 兩山東澗人行盡日曲折在水中也多篁竹草長沒  
 人春夏十日九霧雨先後行人不相見時時遙相語  
 又多馬蟻緣草木枝風動即着人嚙出血數升燒竹  
 葉塗創乃愈獨秋冬時草木黃落毒蟲盡去乃可入  
 至數百里山皆在目中然患遊者匆匆絕佳地恆遠  
 在深谷中不盡見也古人云緊絳芒鞋行一月彷彿  
 見得皮膚耳非過言也呂夷簡焦伯強劉器之王龜  
 齡皆常能留連山谷中盡發其勝豈古人用此為陶  
 寫地耶然遊者眾矣壁間姓名一一為狐狸貓貉啗  
 盡獨此三四人者至今凜然有生氣何耶其草多寒  
 涼藥可用治疽瘍帶下其木多杉檜豫章其獸多猴  
 狙豕而無虎其蟲無蚊蚋而有馬蟻云按五峯雁山  
 十記第五篇訪欽禪師過馬鞍嶺記茲從府志刪去

明焦竑雁山圖經序雁山名勝甲一方往有繪為  
 圖者不甚稱登覽題咏之集亦多軼而不存玉洞山  
 人生於其地而濟勝之具與品題之才蓋兼之暇  
 日同友人梁進甫歷覽山中挾繪事者貌其大都而  
 躬指授之撮其景之最者各為一圖以標其勝每圖  
 為記而題咏之什附焉題曰雁山圖經曰能仁寺曰  
 大龍湫曰靈巖寺曰龍鼻水曰靈峯洞曰淨名曰東  
 洞曰梅雨巖曰石門潭曰石梁洞圖凡十詩凡若干  
 篇予觀宋袁采元李孝光歷游茲山具有圖記而近  
 世陸文裕公言之尤備然山之佳絕處往往深阻夏  
 絕非冥搜者不能盡得之古人云緊絳芒鞋行一月  
 彷彿見得皮膚耳况托之毫楮間而可以罄其美哉  
 今圖經雖畧而能撮其勝會令宿覽者可以討論其  
 奇臥遊者可以想像其處亦一快也嘗聞潘柱史有  
 言雁山有廟拔有空洞有雄渾淵澄灑者如旁行不  
 滯各舉其人以當  
 之斯又出丹青題詠之外矣山世以道學名予知  
 不愧斯語也因并及之薛應旂名山志雁蕩山在  
 縣東九十里高四十里東聯溫嶺西接白巖南跨玉  
 環北控蒼山頂上有湖方可十里水常不涸春雁歸

時多宿於此故名有東西內外谷東外谷之峯五東  
丙谷之峯四十有八西丙外谷之峯各二十有四建  
寺一十有八各有殊名皆宋以來好事者所命也又  
有大小龍湫大龍湫在西谷白石壁絕頂瀉下高五  
千尺隨風旋轉變態百出小龍湫在東谷從巖溜中  
飛流而下高三千尺又有上龍湫在大龍湫上數里  
飛流懸瀉亦數百尺山巖壁立中有穴可居人跡罕  
至正德間五臺二僧曰白雲雲外住居其上始知之  
芙蓉山東十里曰丹芳嶺路入雁蕩西谷凡四十九  
盤昔人有嶺號登山七七盤登危陟險到雲端之詠  
又東曰謝公嶺蓋謝靈運所經行處也嘗有越溪遊  
行詩靈運又嘗渡江而上從筋竹澗逾白石嶺蓋幾  
於雁蕩矣乃竟不獲一登而返夫靈運癖於山水搜  
奇剔隱靡所不至顧於此不相值焉豈山靈闕之耶  
將勝地之會逢隱顯亦自有數也陸深雁山圖記  
予聞之士人言秋游雁蕩有以哉南土溫得春氣氤  
氳故有毒螫至草木黃落毒去乃可入數百里山皆  
在目中無毫毛蔽遮嗟乎游貴時哉予將問途焉有  
告余者曰雁山循崖而南百里如畫自樂清道白沙  
芳林逾窰與過長嘯原經古塔本覺寶冠石門諸寺

樂清縣志

卷之二

邑里

敘山

美

出白溪驛謂之右路自黃巖由白箬嶺入石梁過靈  
巖逾馬鞍至能仁出長嘯抵窰與謂之左路馬鞍嶺  
蓋其分界云東谷之峯五十有三西谷之峯四十有  
八謂之百一峯有泉五有巖二十九有石三十三而  
石行廊為勝有潭七而沐浴為大澗一日筋竹峽一  
日徑行門一即石門也有洞十二而道姑為古有溪  
四而四溪之水為會嶺七而丹芳為峻凡四十九  
盤有障二而平霞為華有橋二有與二有閣二即南  
北也有菴三而入扇為雅菴有亭四而看不足為奇  
堂一日資深游人之所有事也余性喜登臨中歲四  
方行萬里而勝處必往蓋嘗至天台云獨於雁蕩有  
眷眷焉今老矣乃畫為圖聊以資臥遊之適耳因考  
論其槩為記近時陸文量以藩參出遊具列形勢謂  
西湖諸峯為劣至登平霞則獨立四顧疑非人世間  
也潘三峯御史加品騰焉謂有勵拔有空洞有雄渾  
淵澄勵拔如介空洞如通雄渾淵澄如旁行不滯各  
舉其人類之則又出丹青談笑外矣皆有關於茲山  
也因并記之王思任游雁山記雁蕩山是造化小  
兒時所作者事事俱糖擔中物不然則盤古前失存  
姓氏大人家劫灰未盡之花園耳山故怪石供有緊

無要有文無理有骨無肉有筋無脈有體無衣俱出  
堆累彫鑿之手落海水不過二條穿鎖結織如注錫  
流觴去來娘脚下昔西域羅漢諾那居震旦大海  
際僧貫休作讚有雁蕩宮伐木或行四十里至山頂見一  
濛之語至宋時搆宮伐木或行四十里至山頂見一  
大池羣雁家焉遂以此傳播謝康樂稱山水癖守永  
嘉絕不知有雁蕩沈存中以爲當時陵谷土蔽未經  
洗發如陝西成阜類但彼土此石耳理或然山周遭  
不及三十里以馬鞍嶺爲界東有內谷外谷西亦有  
內谷外谷自宋以後高僧燈續建十八寺不堪廉貞  
作崇今剩其三自樂清來者從西入而子自黃巖來  
則從東入也過盤山嶺至絕岡巔望見怪作矣至大  
荆驛石骨亂拔尖者筆立方者笏整于嘗采頤桂林  
千笋不意染指於此遂覺果腹一石橋灣谿紺碧照  
見魚兒鬚髮若得移家來小結一樓朝夕癡對定須  
看殺衛玠子前遊天台出桃源至瀑水嶺下回首瀑  
布便欲走還醫田宅攜雞犬願作天台一更老如妻  
子有難色棄之如脫屣矣而今繞賜三匝尙未知所  
適從也入驛古樟抱十八樹中巨毋霸難爲同時馮  
異矣於是取美人蕉勸酌膜欲睡去則以紅燭照之

樂清縣志

卷之二

邑里

敘山

三

詰朝渡一大溪涉兩小溪經嶺村沿門市米不啻玄  
山之寶山中僧皆青煙白水黃獨蹲鴟與人至此則  
以告猶幸有斗升自活兩山門據入其中野藤莽木  
老松嫩篁俱爲溪光映發看見山肩上儼然一秃背  
袈裟合掌朝內同行入笑絕老僧巖不待問也步二  
里許上石梁洞梁如盤環矯拗屈曲彷彿雀橋而視  
之更覺鐵氣飽徼洞空十餘丈石汗滴瀝如雨二苦  
僧守其名度命洞外橋久渴無他奇但對僧巖親切  
耳行三里上謝公嶺得名者別有一謝亦未之奇也  
踰嶺則海枯天泣眩怪狂走同行人大叫一叫一好  
過雷巖殿在南山之陽過風洞冷然善也冬日則陽  
氣從下而上牧兒以洞爲鑪看大襍頭小襍頭式如  
今之朝冠思廊廟耶諷林泉耶吾不得其解頂有  
芝峯宛然可望可採吾來所時豈直天輔之會子何  
以五明三秀乃爾淮南子謂不生於盤石之上吾欲  
結小山中人舌矣雙筍峯纔解籜數日跌坐其上觀  
照膽潭名不佳而實則軒轅之鏡北望空懸一瀑下  
作三節銀河滾落幽谷時熟梅雨至雲來侵瀑明暗  
萬態恨前身不是畫師靈峯寺僅一草堂樓窮佛而  
僧持雁山茶烹潭水則滴滴玉漿指點鶯崖仙掌分

明愁胡側目漢人不涕矣五老峯不如白岳清壽然  
杖屨排列似甲乙井井不是混泥塗者上羅漢洞初  
若易取力步五六層凡六百餘級乃聽入萬山積塞  
而洞正對兩峯中天如一橋玄冰矗起寒絕奇絕漢  
宗室劉允升棄家同二女佞佛實華此洞洞中奉大  
士傍列尊者而首座諾詎那相最古上有水瀝方池  
鐫為浣心處不知何一老先生題識想即字照膽潭  
者也洞高且深人入看洞則雲來看人苔暗草軟時  
時侵軼我持僕肩下功更倍上而與夫跳浪洞中大  
呼喊則聲瀟瀟然饗滿折轉如線片時乃引墮壑口  
出經響嶺頭數十大樹不知名但其骨采必不是人  
間色到者數家圖山寫壑汲乳耕雲坐臥俱遊桃梅  
作懋業已天矣又何必披飛白日尋淨明寺久為茂  
草但星橋無恙水簾洞玉絲珠顆亦是瀑水幻格過  
聽詩叟巖一人屬耳於垣似聞大江流日夜者或曰  
風打山眼颺過如金僕姑詩當作矢聽詩不惡聽矢  
更自勝也過響巖輿夫積聲索騰字字洪朗鼓吹遊  
山此處卻不妨數部自是壁壁夾立通玄之窩通雲  
之罅懸雨之澗射虹之泉令人不暇應接一山方脚  
欄谿谷勁甚每溪花過定相激問良久方聽去去數

樂清縣志

卷之二

邑里

敘山

三

里入靈巖兩山守之曰白雲寨山上一圓石曰頂珠  
峯一山酷肖老衲拜佛曰僧禮石兩方崖曰鐵板一  
大圓石獨託曰鉢盂名義俱確獨白雲寨未安過石  
橋得寺門入之步遂不能前吾眼魄出胎來頗亦平  
等外境一日騎驢過華山下偶覺身小今入靈巖院  
是兩番境界矣正南曰平霞障障下曰玉屏峯左曰  
展旗峯右曰天柱峯約俱數千丈右肩曰卓筆峯雙  
鸞峯玉女峯獨秀峯約俱千餘丈峯間瀑布直下曰  
小龍湫約二千丈予在靈峯時第盱衡對之已耳至  
此則面須折仰以鼻捩天看孤煙上壁不及十分之  
三化為烏有矣而七分壁亭亭闊闊若王謝家子弟  
竟不知竈下還存米鹽事者色氣青赤相間是四十  
里側看石家錦展旗扁出似扇面猶折蓄十餘幅戰  
嶺尤時物也至天柱平地矗起孤圓削直絕無牆壁  
貼肉相對已有箭餘眾山不能無愧色矣對大主人  
又對長河直瀉胸中鑿通萬里亟喚酒炙而雲來爭  
坐予便走僧寮或尼之未及門而矢石注瓦上矣膚  
寸即合不可不習山家行藏也飯罷逢鄉僧言龍鼻  
水津津焉遂選蓋礪屐從淨室取危逕篁箐屯塞石  
齒確拳不認草花但見寒綠僧以杖撥蛇數十盤捫

一石天開圖畫乃晦翁書又數十盤約里許始入谷  
 腳邊俱南星草芙蓉葉夾藤牽蔓腥濕疑雨巖上亂  
 瀝反覺天漏緩首急足強挽上始至洞忽起頭顙  
 一龍從西南峽中繞出洞頂數十丈鱗甲蜎磔垂瓠  
 大瓜護鼻俱古銅色膩滑不知是石是龍也毛骨為  
 之栗張而隔峽龍湫聲如海戰又直雷轟電掣只向  
 洞中大索從行人及僧俱呼大士作怖聲而予亦勉  
 作泚掄實恐有葉公之事此似鏡耳視艇軒淵不得  
 不以定力推古人或曰龍鼻水可明目意是萬年老  
 石髓洞口正對玉女峯鏡中嬋嫵朝朝以洗頭盆掖  
 龍液恐箭括湫隘難為十丈蓮花步也卓筆峯尖勁  
 有力不止起八代之衰而雙鸞峯似從太山崖戢翼  
 於此者獨秀峯昂藏自巔有百尺之松四隅天削  
 覲面永歎竟萬年我不得上子亦不得下何至相絕  
 乃爾而老松人語非孤奇自苦第不欲受人間培植  
 二字耳西過仙人橋望湫下如白蛇驚滾雪浪奔流  
 不可逼立足以對付斷橋上二里有泉標起二尺如  
 劍兩復甚還下稍憩俱不解其故罄棗醞一勞展席  
 大雄氏前哈臺大廟快熟至曉遂搔首捉衣急出温

看愈故愈新然畢竟是天柱了饒也望屏上口開翕  
 霧云是安禪谷而旗峯半一竇劈長云是天聰洞俱  
 奇盡草大不可上望峯頂石如蟾如兔如龜絕肖壁  
 間燈影戲石傳神徙倚山門外鐵色樹一株不忍言  
 去遂從橋上飯罷別僧出山口有雲從對壁經過雪  
 飄練曳無絲毫入兩山之門兩山深紫對壁大綠只  
 中一段下四丈如疊方裁整綿絮曾見此畫來不意  
 高懸是處始悟白雲寨三字乃見識人安頓者予不  
 逢雲予不然寨也天下事可以吾一目悉之乎出寨  
 渡溪展轉雲壑左顧右盼飛泉甚多經版障巖如一  
 派流霞望觀音巖峻絕阿閩國一現遂為雲所妨登  
 鞍嶺以待之雲且呼黨錮我於是走石門寺廢基上  
 羅漢洞看石羅漢或云自閩飛來惡知非應真之化  
 體耶望常雲峯峯似雲耳過道松洞洞以羽客得字  
 經瑞鹿寺遺跡一峯幽岫嶽嶽安得浪指為馬沿澗  
 有大峯人立而怒對壁為連雲障障上開二小鉗元  
 李孝光謂是蟹足稍入澗有剪刀峯分開千仞欲剪  
 青天者張肅之易其名為巨螯而未決予以為山波  
 似海既有彭越那得無螭蚌對壁有兩穴名閻王鼻  
 然大約似虎頭虎眼入益幽畏耳根但聞雷走過一



菴折徑而上數千仞西壁懸空挂下一團白柱又不  
知是龍是水也上諾詎那觀瀑臺勢既雄惡而潭河  
凶暗令人百端交集稍狎之怖心畧定諸家摹倣各  
得其一體而予靜圖之初來似霧裏傾灰倒鹽中段  
攪擾不落似風纏雪舞落頭則是白煙素火裹墜一  
大筒百子流星九龍戲珠也雋法師得道後口若懸  
河意詎那對瀑子在川上時矣臺上數十級有看不  
足亭奇峯胸後驚水眼前若肯移賃小齋敵朱夏還  
當向括蒼交青嶺上借取萬尺松一株夾大龍湫絕  
頂五里上有碧潭正德中五臺二僧廬焉此龍藪二  
僧寂後仍龍據去碧潭上約三十里則為蕩湖是卽  
宋人見雁之頂亦有鳥路可通而雨深草塞予不能  
好事矣還從錦溪出壑身如霞瀑水洗濯珊瑚有一  
行七里過古塔寺僅有華陽洞不及登所謂梅雨巖  
星飄珠濺頗為龍湫所掩卓刀峯僅當徐夫人一七  
首而含珠峯弄丸於夾谷之中似從大龍湫盜睡驪  
者終當風雨取去踰數溪至能仁寺雁山萬水奔呼  
至寺後忽滄靜如凝靛從左嶺遠下一縷瀉瀉八尺  
水屏聲聲玉珮出行春橋入寺望火焰峯不可嚮邇  
戴辰峯則手可以摘星矣燕尾泉裂玉飛潭時生空

樂清縣志

卷之二

邑里

敘山

罕

霧看大獲一隻可飯千僧云是宋官家物意當年梵  
宮鼎麗游展必多而今不能無銅駝野棘之感也於  
是從筋竹澗上丹芳嶺舊傳筋竹澗康樂開山止此  
山水有緣顯晦有候豈畚鍤之所得取者嶺峻絕四  
十九盤一盤一勝回望一百奇峯如郭子儀軍偃旗  
息鼓而戟架稜稜俱有欲起之意至嶺半則如看周  
家東房西序赤弓大貝紀獻天球一有顧命卽俱陳  
出上絕頂看東西內外谷是一胡桃梁隔別中妙有  
囊實是役也山谷之外所見者紫茶方竹金線鳳尾  
草香魚白鷗山樂官雪髯之猿而雁蕩之觀亦彷彿  
得其皮毛矣或曰雁蕩應秋游子獨以五月來宜受  
雲物之吝然吾不欲其一覽而盡故且以雲紆徐委  
曲之吾觀靈峯之洞白雲之察卽翦李思訓數月之  
思恐不能觀其勝然非雲而胡以勝也雲壯爲雨雨  
壯爲瀑酌水知源助龍湫大觀他時無此洪沛力者  
伊誰之臂哉至於秋清氣肅上蕩頂走山根呼天剔  
地則予尚有葛陂之龍在秋所同也而雲所獨也吾  
復何憾也侯二谷雁山供億議夫雁山可不謂巨  
麗哉雖然國所重於山川社稷者以民也故曰山川  
民所取財用也非是不祀而社稷水旱則變置倘財

樂清縣志

卷之二

邑里

敘山

聖

用不聞民勞是聞其如山何哉爰酌於邱里之言以爲雁山供億議議曰往予嘗遊台之石梁云輿人竊言盡相與鑿此梁而折之乎而前兵憲查公亦嘗嘆雁山天柱可當熾炭煖而什之否人咸笑其言而不知其言之悲也其大東南箕之義賦予聞之山中人云歲已亥戎院某公至山山外爲樵一牛待之久而不至脯已敗矣已而輜軒卒至不及屠則鬻生牛而進之又嘗聞某公山厨一問猪肚肚亦生出不牢事多類此也或曰有是乎昔康侯以職事望衡不登今仁使君亦且掃軌雁山則奚若曰唯唯否否吾聞臺沼民力圃民土也民猶樂之況名山川其舍諸是在執道側得爲使君時觀游節勞佚山川其舍諸是在執事者而已竊見前使君重於蹕民則盡謝陪遊獨身自往不知使車既過陪乘復來欲損更益也持廉卻餽罪其饗人不知饗人已飽百姓已飢也夫有可以下奉上勢有必至止之爲難竊以湯不若息薪還婦莫如束緼今誠以供億責諸僧而有司弗與知焉則病民之源塞矣其便有八夫山必心有寺寺必有僧僧必有田因田制役則不費一也如雁山之水莫如龍湫則能仁寺主之峯莫如天柱則靈巖主之洞莫

如羅漢則靈峯主之不離其所則不勞二也山有僧饌雅與遊稱有于薦之風無懷州之侈三也裁用有餘僧得取以自潤漸致饒樂可以旁給四方遊客四也輜軒所如更得寬舒而無糾紛五也琳宮競飾爲山生色六也國徵不入吏民晏如七也耕鑿焚修租稅之外更不復事僧徒益勸八也蓋輓粟黃勝不如募民塞下異時樂清黃巖分主雁山民持輕齋仰給他所費數十倍雖曰一時之勞而久之則繩之斷木水之穿石也豈若委之常住即其素業因而事之哉抑斯議也亦有初矣宋時孔道正由雁山雁山之驛皆僧主之具承嘉志可稽也願人情安故吏道競時誠得憲牌大書置之山口較斷人吏式古制以求民瘼民其永有瘳乎國朝劉士焜雁山銘李甯侯語予曰吾判雁山以八言石不沾土水不沾石予別雁山十載服膺斯語不能去心用作銘曰山以鳥名村以花名此八言者山開石驚石不沾土水不沾石此八言者山鍍石立八言之後入言之前寥寥寂寂相去千年毋石我水毋土我石勒銘茲山敢告遊客  
唐釋惟一詩四海名山曾過目就中此景難圖錄山前撞見白頭翁自道此山看不足按薛浪語集此詩

不載僧名缺次句作無如此地偏幽獨第三句作路  
旁逢一白頭翁 采呂夷簡詩往年游海嶠上徹最  
高層雲外疑無路山中忽見僧 虎蹲臨澗石猿挂  
巖藤何日拋龜紐孤峯卜再登 蘇軾答周邠寄雁  
山圖詩指點先憑采藥翁丹青化出大槐宮眼明小  
閣浮煙翠齒冷新詩嚼雪風二華行觀雄陝右九仙  
今已歷京東此生的有尋山分已覺温台落手中  
又西湖三載與君同馬入塵埃鶴入籠東海獨來看  
出日石橋先去踏長虹遙知別後添華髮時向樽前  
說病翁所恨蜀山君未見他年攜手醉耶筒 王忠  
文冬日度雁山詩雁山五經眼茲行尤可觀初冬天  
氣佳雁歸山未寒有日照幽谷無雲翳層巒入境見  
祥雲振衣登馬鞍瀑泉飛玉龍羽旗導翔鸞石柱屹  
天外卓筆書雲端靈峯觀石室杖屨穿巘巘山禽知  
我來好音若相歡羣峯列春筍丹青狀尤難行色媿  
匆遽更約他時看 杜範雁蕩山詩東南富山水傑  
氣鍾雁峯巨靈排巖巖妙力開鴻濛斷巖據險絕峭  
壁凌寒空分岑獻萬狀轉盼無一同或疊如錦繡或  
鑄如青銅或前如舞鳳或卻如飛鴻或伏如臥虎或  
矯如游龍並如兄語弟差如兒對翁銳如筆露穎歧

樂清縣志

卷之二

邑里

敘山

望

如剪開鏡三漱分大小二靈儼西東古語聊近似天  
巧難形容我久埋塵埃幸此拔天風應接費耳目魄  
磊羅心胸有僧本儒家伴我追雲踪攀躋不知勞指  
引殊未窮胡然便語別問之以涕從為渠游興盡生  
我歸意濃出詩何草草回塗復匆匆還此未了緣避  
逅須有逢 左緯詩亂山無限好幽徑有時迷石骨  
秋偏瘦松梢老卻低天寒聞雁過月白見鳥棲海上  
知名地無人識馬蹄 林景熙詩驛路入芙蓉秋高  
見早鴻蕩雲飛作雨海日射成虹 一水通龍穴諸峯  
盡佛宮如何靈運屐不到此山中 元李孝光詩二  
首北雁山前路扶藜上紫冥山空猿自語雲煖鶴初  
醒詩妙驚天老琴靈畏瀑腥夜分蕭寺榻南斗下文  
星 興國年間路始開前朝碑墨半蒼苔雁橫蕩月  
知秋到僧踏湫雲看瀑來一嶺未教靈運識萬松誰  
道了翁栽此生曾共秋風約說與山猿不用猜 又  
次陳輔賢游雁蕩韻竹杖棕鞋去去矚一春紅到杜  
鵲花山椒雨暗蛇如樹石室春深燕作家父老聞尋  
靈運履道人喚喫趙州茶明朝塵土芙蓉路猶憶出  
僧飯白麻 鄭采送果上人遊雁山詩雪消山色  
東州最好天台雁蕩遊背負青天緣鳥道面承飛雨

看龍湫深春林麓多金利落日江湖自白頭石上玉  
芝應拾得念吾無物可銷愁陳德永雁蕩吟送秦  
文亭還吳詩雁之蕩兮乃在歐越之野瀛海之堧有  
萬商皆鏡青天東南形勝此其最我常著屐周覽於  
其間厥初宰物孕雄怪元氣混沌何由穿巨靈運斤  
鑿鬼竅列缺吐火施神鞭遂令後爾萬萬古見此錯  
愕難與言上疑日車解轡傾側過下恐地軸撓動相  
鈞牽昨夢尋君拂煙去有擁芝蓋導我前崩崖旁豁  
瞰空洞迴溪不定行蛇涎狂雷碎筍起何處白龍噴  
薄飛層巖熊蹲豹擲若怒若啼霞明霧湧倏閉倏開  
重重掩掩變幻不可以極兮我方翹首睨立乎雲梯  
南望海水不滿杯灣環下繞山足來仰攀玉女駕笑  
踏飛鸞低羣仙集倒影襟佩中徘徊躡身直上浩無  
際海月正挂吹簫臺於焉得深悟扶桑驚犬雞蓬蓬  
驚覺在枕席但聞落葉如雨風淒淒君來謝我欲西  
邁惜此不及窮扶攜我知君身有靈氣世上塵土何  
能迷推仁澤物本我事成功斂退真奇哉碧桃花發  
俟君到勿使引領雙眉推李孝光游雁山詞東湖  
浸南麓北蕩帶西山其中大有佳處元不減商顏上  
有雁峯千疊下有龍灘百曲別是一人寰昨夜雨新

樂清縣志

卷之二

邑里 敘山

墨

過流水到花間 一張琴一壺酒伴渠閒詩成真宰  
應妬萬象入嘲訕北海尊靈依舊東里杖藜無恙未  
放鬚毛斑吾亦秣我馬不怕踏盤盤明朱希晦詩  
雁飛不到處中有梵王家翠老婆婆樹香浮蒼蘆花  
晴峯虧日月石色閉煙霞無分同禪榻飄泉試茗芽  
鮑原宏詩交刀亂剪銀河水飛人龍宮作瓊蕊珠  
簾半捲梨花雲擁出霓裳舞神女窟厭萬丈空玲瓏  
瑤光倒接天九重天上羣仙正相待一拂剛風跨玉  
虹明章綸送惠濤上人歸雁山詩壁多年住雁  
山飛空一錫到龍灣石頭來處何曾滑松頂摩時卻  
又還世界十方等百尺雲霞一場屋三間也知執意  
堅貞好清淨家風只自閑朱諫春日在雁山寄王  
月崖詩雁蕩山中三月時採茶歌裏一吟詩紅塵脫  
卻尋真樂白髮生來少故知燒笋每同僧共嚼洞簫  
高倚佛前吹先生不帶登山屐我有名山更對誰  
朱文簡雁山午眺次韻獨上高山逸興飛幾柳茅屋  
午煙微崖前晴瀑半空下雲外漁舟何處歸赤手我  
能摩碧落醉歌誰共倚斜暉蓬萊咫尺合飛去願藉  
天風吹我衣趙廷松雁山夜坐詩朝寒苑中蘭畏  
彼霜下歇宵吟謝公詩清歌達明發節換心屢驚年

徂變元髮溪水鳴巖瀨涼風響林樾澗戶映疎星石  
梁橫天闕空虛宜留人光景坐超忽美人竟不來西  
林照殘月同朱雲崖登雁山詩却外應無地空中  
別有天凝雲山似黛過雨瀑如煙酌酒酬清澗歌詩  
慰謫仙平生媚幽僻三醉翠微巔陳直詩幽尋來  
蕩北遐眺滿天東海色浮元氣湖光照遠空世途傷  
老馬吾道在冥鴻此日陪蓮社長年任轉蓬朱諫  
詩雁蕩山人最可嗤每逢好景即題詩溪橋野寺春  
風裏白髮蒼顏半醉時項日葵詩兩到青山山轉  
青青山偏愛白綸巾一年一赴山靈約為語桃花莫  
笑人宋守宣陪諸公遊雁山詩雁蕩山前候雁飛  
涼風天畔灑秋衣雲中挾客尋詩去谷口逢僧步月  
歸萬里滄江蟠大地千峯黃葉下斜暉遲觀漫有登  
臨興何處樵歌度翠微鮑德輝和友人游雁山詩  
笑解塵纓濯碧潭似聞遙唱望江南雲橫絕巘迷仙  
穴瀑瀉懸崖濺佛龕雁蕩已歸風落木龍湫欲起雨  
隨驂此生疑有探幽分曾與山靈約再三章元梅  
詩二首謝子一相見登山意若何心將流水遠興逐  
白雲多絕壁斷青靄長松懸翠蘿更須拋俗事相與  
聽樵歌雁山高與海天接海雁南飛古蕩秋雁飛

樂清縣志

卷之二

邑里

敘山

四

一夜渡海去雁蕩之峯何邃幽四十九折盤鳥道三  
千餘尺飛龍湫芙蓉面面削寒玉長使騷人舉目愁  
趙寬詩誤入清都窅妙門居然別是一乾坤移來  
西極崑崙圓拔起東維天地根迷路每從樵叟問會  
心難與世人言夕陽疑有羣仙過千隊翔鸞萬寶牖  
顧璘詩春歸幽谷見桃花問訊安期海上家石壁  
虛無通雁蕩星河漂轉坐龍槎林香定有千年藥雲  
氣皆成五色霞且訪名山消俗慮未論勾漏隱丹砂  
方召詩雁山高插天形勝冠區越老翠盤空响靈  
籟發湫樾落日愁棲篠秋空礙飛鶴望望令人憐浩  
歌石山矧高攀龍游雁蕩詩昔我愛邱山名勝在  
夢想去三十年塵事空鞅掌茲游愜始願千里遂  
獨往望山屢馳騫入谷轉疑恍仰觀秋瀑飛俯聽潭  
流響陽崖峙雄突陰洞藏奇敞幽尋碧澗底遐矚紫  
霄上春風蕩輕陰百里見開朗丹青未可圖文翰誰  
能髣髴心願止託回首空悵快勝地古今存浮生俄  
頃賞安得結茅廬於此日偃仰王諍雨後同未靈  
谷入雁山詩幾年寤寐雁山遊此日登臨值素秋有  
客共飛蒼玉舄題詩遙寄紫霞樓靈湫帶雨添奇勝  
削壁連雲轉邃幽應接滿前真不暇卜棲舍此更何



樂清縣志

卷之二

邑里

敘山

巽

谷秋窺一鏡天當時風日正重九羅漢飛來欲招手  
 清嘯一聲碧落騰雙鸞起舞獅子吼行尋二仙與談  
 詩巖前忽忽聽詩叟洞懸初月照珠簾旗展高巖拂  
 松隔一澄穿空見雁飛石門潭水遠澄澄仙人橋畔  
 雲隨屐玉女峯前翠滴衣更上重樓俯秘閣觀音峯  
 高蓮花落淨瓶傾作梅雨聲響玉瑯瑯動巖壑行過  
 星橋度石梁錦溪步步足徜徉回頭笑把老僧臂抱  
 石不起雲茫茫雙筍嶙峋高百尺雪風洞口水簾白  
 天冠蓋漢勢峩峩剪刀裁出秋雲碧驪龍夜宿領含  
 珠鼻端噴乳灑煙蕪隱雷巖聲相答若為騷客助  
 酣呼山靈更與如椽筆天然秀卓一峯孤洛生意氣  
 亦灑脫有酒還應傾百壺貽我新詩三十六燦爛珠  
 璣光滿幅靈峯突兀恍飛來一游蹤如在目嗟予  
 扁戶長蓬蒿落拓半生空碌碌名山佳勝昔曾聞詩  
 句瑰奇今始讀一回讀罷一神馳勝景從茲入夢思  
 何日掛帆攜屐去山之巔兮木之湄徐炯文讀林  
 友斐雁山草詩君從雁山來貽我雁山草一望都成  
 風月懷倍覺林巒千萬好出山不嫌遲入山不嫌早  
 胡不攜我一同游溪徑山花從君掃李鑾宣詩二  
 首曾揮不律紀前遊縷縷煙霞一掌收山到二靈難

著筆暑當六月欲披裘奇峯竟與雲爭幻怪石驚看  
 筍亂抽懸借龍漱千尺水遍施霖雨潤田疇鐵城  
 障與翠微連峭壁中分一綫天尊者已觀飛瀑化老  
 僧猶抱野雲飛洞中鐘乳千年滴石上芝英五色鮮  
 只有雁湖仍未到何時遂此看山緣龔恩詩山外  
 看山亦等夷入山始覺眾山低奇峯拔地爭雄長怪  
 石隨人自品題放眼直窮天外內回頭不辨谷東西  
 賞心最是靈湫水萬丈晴虹飲雪溪周之蓮重游  
 雁蕩詩洞以石為天時聞雨聲響相招幾度來恍惚  
 得初賞茗煮雲水間煙扶山光上巖空泉愈靈境幽  
 人更爽清歌散夕陽乘興每獨往嘉樹為我圓對之  
 若俯仰暝雷忽四合明月出孤掌空洞藏物化妙靜  
 發遐想以上諸詩自鮑志藝文移在此增歷代賦  
 彙明秦文雁山圖賦天開巨鎮地界東甌疊嶂千尋  
 以玉立平湖十里而金浮雁陣橫斜兮勢拱朝平龍  
 窟鯨波震盪兮氣瀾漫乎蜃樓於以擅芳名於宇內  
 來薦紳之清遊不亦稱哉當夫朝霞絢於碧空夕照  
 掛於林叢得無翫翫愛見羣峯拔石筍以倚天兮吾  
 將以為吹簫之荷聽鳳凰之鳴於朝陽兮穿五雲手  
 嗜離協天樂於紫極兮聽鼙鼓乎逢逢紛丹桂之獨

秀兮棹覆船以采采想靈芝之多於曉闕兮望二仙  
以駕海探含珠於伏龍兮慨羽人其何在辱伏龜之  
呈於九章兮會三賢卓筆以演之鐫石碑以授童子  
兮操石指以示其微握斯文之寶印兮展吾道之旌  
旗藝香爐以熏佛掌兮虛鉢盂於石表策橐駝而馳  
獅子兮坐蓮花其終歸於夢幻戴山冠而茹芝草兮  
仗藥杵以足吾老設金鼎於重樓兮伊誰斷鼉足以  
支天柱利剪刀以圖補袞兮徒宴坐於堂宇喚臥龍  
以騰於碧霄兮羨石燕其能飛兩削玉為蟾抱兒熙  
也射塚高張伏虎屯也石鏡熒熒冠簪新也犀角象  
牙礪齒奔也立戟招賢以戴辰也茶壚煮茗瓊臺春  
也爭奇鬪巧獻寶懷珍擅絕勝於空谷殆未能以悉  
陳矣谷列東西各分內外諸利緣焉列右而菴菴虛  
而明菴左而堂堂寬而平翠微盡玉有翼其亭收奇  
觀於戶牖固朝躋而夕登岳別素齋噫氣霹靂藏聲  
赫烈火焰的爍文英老僧說法童子誦經石則覆盂  
失實圖羅競名大梁倚柱明堂樹屏不濟而船不搏  
而鷹洞則天聰若聽新月就明風行迴壘龍游窈冥  
碧霄遠邈鳥鳥震驚各存意義咸入品評是誠化工  
費手以點化而非巧匠雕琢之所能成少焉蒸而成

樂清縣志

卷之二

邑里

敘山

望

兩為澗為溪筋竹蒼蒼允矣攸躋奔於雲院九折東  
西遡厥本原導自蕩西蕩西之湖其流訶然合諸溪  
澗會而成淵遂由石檻而傾瀉望之若素練之空懸  
隨風作態細若煙霧而屈如蜿蜒方漫漶而大注忽  
中阻而盤桓東自石城而會於霞障掛飛流於石壁  
而半虛半沿東西交應而大小異焉疑有真龍或躍  
而下上泄瓊液乎崢嶸二湫之上反有上漱而稱隱  
僻若隱士忌避於名傳載觀岳嶠噴鼻若垂蓮豈龍睡  
而遺珠滴僧盂而涓涓頃自下而上指光錫閃鏤平  
龍泉合掌尚思乎禹績摩訶誤認乎僧繇音明皇淪  
浴乎潼水何是地忽送而烹煎注乎潭池而行乎蕩  
東衷硤石而辭石門出二閣以溶溶流於足乎畢  
會而協九州以朝宗豈不足以見水性之本下而感  
人臣之效忠也哉惟昔哲王御極四嶽是崇秩視九  
官協德同功茲惟僻地獨遠褒封然而交四海之文  
士煽百代之清風是雖難比德於稷契亦足以軌巢  
許之高蹤也時值清秋遊人夙整自窰與芙蓉而歷  
四十九盤遂逾馬鞍靄崑而抵白溪之境或由白崑  
悠然南騁萃輪蹄以轟厯騫程奔而猿警有若歸賓  
市而趨權門不招呼而惠肯也余自髫年已聞雁湖



樂清縣志

卷之二

邑里 敘山

巽

變星星於兩鬢猶繫絆於塵途其於茲不亦孤乎  
嘗思之茲山之人白齒温嶠而東西列圖負蒼山而  
北其趾襟玉環而南其跌變陰晴於倏忽而難測其  
要眇猜疑於濃澹而莫定其有無極睇盼以彌月僅  
領畧於皮膚豈若展茲國於几案外覽而中模由於  
其道而不知者之為都哉峯之高也以充吾之浩氣  
崑之巉巉也以礪吾之志節石之端方也以貞吾之  
行義湫之飄灑也以滌吾之陳汗洞以豁其胃次潭  
以弘其氣量破之會羣流以倒瀉於二閣間也以恢  
拓吾之文詞駕韓柳而陋歐蘇其於茲豈不亦若吾  
之巖師良友資麗澤以結蘭而心腹肝膽之交孚也  
亂曰至貴匪秩協儒林兮至美匪容珍厥謙兮至觀  
匪圖賞以心兮節錄項歐東游雁山記嘉靖丙午  
夏六月明水陳公九川清湖汪公應軫自雁山來訪  
劇談雁山之勝勝天下而詫予未前游為俗也予應  
之曰行當往以免俗耳於十九日攜季男文言姪文  
旦起程午發江心寺漏下五刻至館頭別移驛亭而  
宿次早吊南屏尚書於高輿午至樂清縣縣三方依  
山為城惟南面海若築城以防漳寇不難也值歐陽  
尹龍岡公震以科場事將行府判徐公教巡警至

寄過江平安書以遣老父乃訪舊酌龍岡公酒夜深  
方罷公威令素行次早夫轎齊集予乃先平陽尹靈  
湫高公鏞與歐同事尹繼發予在窰與驛餉午恐二  
公並至無所舍匆匆投刺朱太守而行過半天嶺見  
奧口煙居鱗比而大河東來繞之輿人曰彼朱太守  
家彼清江合兩溪翁家也予始知兩溪繼蕩南亦故  
而恨不及吊也過嶺入大芙蓉村鄉兵遙指海寇百  
餘艘欲登岸予抱恨而行或謂由此入長時有梅雨  
潭甚奇而予不甚游也不三里至小芙蓉村乃入嶺  
嶺盤有四十九轉始得振衣干仞之岡因思路雖委  
曲口口道也彼謂直道難行者殆不能遇變而通之  
耶下嶺入能仁寺寺前有對人峯右有火炤峯入夜  
瞑矇倦極思睡矣歐高忽扣門招予共飲於公館予  
強酌數行方起而告別而兩溪子上舍雁川寺口忽  
來蓋歐恐前子而別陰囑朱以陪從也其厚於朋舊  
如此朱以予為父執必隅坐焉予謂此吾温善俗也  
敢固辭耶朱世為雁山主人知雁山之虎素不傷人  
冒夜入嶺二三盤見虎闕聲入林莽而談不色變予  
謂此殆仁於苛政者耶抑人無害虎心虎無傷人意  
耶眾笑而別二十五日早予與朱相訪又會饑於予

樂清縣志

卷之二

邑里

紋山

巽

所宿方儉菴堂饌畢相約入大龍湫子殿後過雁山書院見院門內山木灣環問之則天柱寺改為之也中設謝靈運王梅溪李五峯章恭毅謝逸老謝方石六公神位縣徵山寺田租遺校官春秋祭之實自蕩南朱公諫始本里許見剪刀峯羅圍障底其極則大龍湫瀑布懸崖百餘丈而下如銀河從天而來也時值水小日色照之不啻織霞細雪口鼓之惟所東西或斷或續如楊花柳絮飄泊無定也其對面有詎那祠祠後躡級而上數十丈有盤谷新亭前待御傳公鳳翔所築也據亭而坐諸景在目百慮一空其殆仙人居樓臺耶雁川謂此湫嘗有潛龍前數十年某官好事吹打響器尋龍起雹發騶從有擊死者而今游人雜擾龍不復寧矣又聞湫中原有杜審言到此石刻而今不知所在予笑曰杜審言猶可有此刻今非其人動輒有名刻書刻是自貽笑也眾以為知言酌酒三行而下相繼過馬鞍嶺嶺峻絕予拄方竹杖步行及頂而望見觀音巖蓮花巖童子巖世傳觀音步步生蓮花而童子參觀音此殆其幻化耶又見筆架峯常雲峯乃入靈巖寺寺右有天柱峯雙鸞峯僧抱石卓筆峯而天柱直方大左右前後無所倚着

真若擎大而立極者峯之極奇特者也與柱對峙有長峯如展旗然峯盡處有穴當其中為天聰洞由洞而上二丈許如石梯然據梯極處有平巖焉仰視則上通於天俯視則下通於海好奇者以石試之鑿鑿然踰時而響不絕也洞旁有二竅窺見板障巖石屏風而蟾蜍峯亦在巖上由巖西來則寺之坐山也其平如障其色如畫曰平霞障障下有隙空洞可以安禪曰安禪谷過谷西上則見獨秀峯巖麟峯虎溪三笑峯玉女峯而玉女峯直對龍鼻水似與龍共雲雨者然初入山龍似潛而不見入洞口仰觀兩巖夾一石閣數尺長數十丈腹下岬斜嶙峋如龍然至洞底則頸與龍鼻懸而向鼻中出水盛以石函游人點以抹眼云可免眼疾焉雁川謂初傳二鼻俱出水為一遊女以手摸之遂一鼻不通予笑謂必玉女赫其靈也高云云亦好遊至此乎願視洞山有朱裳到此之刻又其笑曰朱裳原於財者而亦不廉於山水如聲聞闕然予起而望之若足躡其頂上相與笑而上下其手也既之靈淑覺身冷肩輿相繼倒鳥而下時日已亭午也共餽午而大雨如注飯罷雨霽歐高別

子先過靈巖洞石梁而朱送之子宿於寺五鼓聞鄉  
 人趙姓者歸縣起而拜寄方竹二杖遺老父焉為此  
 竹此山所產獨能方正而奇之也平明老僧道淨來  
 談寺田及風景甚悉方隨行而雁川亦返會於寺前  
 共指示予曰此獅子石也此虎蹲巖也此果盒巖也  
 此銜珠巖也此南高峯也此鍋洞繡衣洞也無不遍  
 真肖其形者惟繡衣洞王獻芝所開故名耳相與過  
 二三里朱指一洞橋為生鐵所鑄者謂初淨名寺由  
 此入也入五六里有童子看經巖甚奇而寺廢路久  
 不通不可得而見矣今所見山口有洞姓謝者結屋  
 世居其中相傳為靈運子孫云又一里許為響巖旁  
 有將軍峯響巖洞過此入靈峯洞口左見靈峯上有  
 鐵老鴉各二右見仙掌峯真仙人擎掌而承甘露者  
 步高數十丈入洞口兩峯相合口小腹大其上平坦  
 可容數百人見有十八羅漢列兩傍又云羅漢洞而  
 劉姓者開拓有功今其像在也洞上漏下水滴四點  
 各盛之石井而洞口所漏者則連牽如細雨雪花下  
 降日照之金絲玉屑眩人觀望也方曲肱枕洞中而  
 輿人曰相公目飽吾腹空矣奈何不得已割舍而出  
 即見五虎峯在上照膽潭在下潭側有一洞口如鍋

大風從地下而出夏冷冬溫似非人間世也老僧謂  
 進此五里有紫霄洞又有紫芝洞其中亦容人數百  
 而予倦不能游也相與步至九山洞外而別尋過謝  
 公嶺望見石梁洞初老僧謂前此道人病疫死洞中  
 者六七人遂不果入又十里見一水下流深波溯其  
 上兩山對合山下有潭潭上溪水十八條合流而下  
 產香魚焉其他水不產也由潭而入即為李五峯宅  
 十五里為章恭毅公宅公宅坐九霄洞山而面大龍  
 湫背後朱謂龍湫背上有五湖湖中有清泥蘆葦雁  
 悉集於湖蕩故舉其文而總名之曰雁宕也雁山奇  
 景從能仁北來至石門極矣過石門三里有和尚崖  
 其他嶺曰白翁嶺鋪曰驛嶺南北行李輻輳於此恭  
 毅公常買山蓄柴草築義樓以館之不征稅今其子  
 孫世守之即此可推公之遺澤宜其世有令人也是  
 為二十六日子宿大荆嶺店驛日尚早無所事事因  
 靜釋諸同游笑語謂唐宋至國初雁山有十八刹今  
 所存者能仁靈巖遺址而已能仁在宏治間猶有田  
 一萬七千畝寺前鐵鼎可飯千僧有足徵者然聞本  
 寺徭銀止編六七兩而當時游觀之費悉取辦於諸  
 僧而民若無聞其後某官者見諸僧各策肥馬追隨

樂清縣志

卷之二

邑里

敘山

七

遂令編徭與凡民等而諸僧坐困浮費始盡歸於民  
 矣人各有見類若此近聞上官來游者類諱其名不  
 為夙戒由永嘉來者至能仁由黃巖來者至白鷄一  
 時倉卒分路使人酬應不給故帷被椅卓飲食諸費  
 須兩路不移而具乃可以免譴雖欲為民節省不可  
 得也故龍岡謂雁山一歲之費可此與雲南公魚正  
 談席上魚魚不腥上下所欲高謂此與雲南公魚正  
 相似二十七日出嶺店過鄭家嶺即過盤口嶺其嶺  
 頭樂清黃巖界也因語二子曰吾年五十四方有此  
 游汝言十四且十五幸同游矣樂乎曰樂曰知游之  
 益乎曰未也夫見剪刃峯而樂其類剪刃見龍鼻水  
 而樂其類龍鼻而想澤民因盤山疊嶺而悟行路之方因  
 錦因龍鼻而想澤民因盤山疊嶺而悟行路之方因  
 將軍展旗而籌治戎之策訪朋舊而乞言吊遺踪而  
 向友庶斯遊之不為徒也且諸峯雖形狀不同而其  
 卓然特立則同諸泉雖源激不同而其澄潔不著一物則  
 同諸洞雖容納廣狹不同而其空濶者而酬事變以其  
 以其潔白者而洗身心以其空濶者而酬事變以其  
 卓立者而臨大節則嗣此不必車輪馬足遍天下而  
 名山大川之理得之有餘而用之不竭雖謂斯遊足

以盡道可也孰謂馬遷獨長文思也耶何丹邱雁  
 山十景記序雁蕩於子為家山也俯仰二十年屏履  
 凡六至昔人謂雁山旁晚望雙山靈不自愛其秘我  
 得濟之以勝具一月聚觀遊之塵得皮膚耳審是則  
 非乘躋徑度者終不能窺其海乎予獨為不然若絕  
 海者業極招涼明月而出無論紫貝明璣已籍合冥  
 搜遜覽勝有踰於龍湫靈巖之夫者乎余曩遊當其  
 遐矚吁賦之際極欲有所述願賦範者如彼其瑰麗  
 此則方幅卑卑兩者不相值而難於名狀輒憚而止  
 已從宅所見紀載不必雅馴及稱所經懋黎然有  
 當於予心乃復自悔曩即不文豈不賢乎恣恣夢境  
 耶王昭文文學嘗侍其先公駕而遊乃撮其大者得  
 十景歸屬婁生因之毫素持以示予予披閱數四喜  
 其赫蹶僅盈咫而所挾甚宏予乃置身其間若可覆  
 探也者豈古人所謂撫琴動操衆山皆響者非耶乃  
 知予嚮也動與物交謀於目者其機淺今也靜與物  
 遇會於中者其機深圖之不可已也如是夫退而抒  
 其昔所經歷撰為十記即不文弗論也乃若丹青其  
 舌組繡其詞則有國初李著作五峯先生諸記在  
 高行之將軍雁山圖序異日高將軍嘗闕司武林矣

時屬疆土又安上下和洽日集賓客載酒西湖低徊  
伍胥武穆祠下循羊六橋三竺西陵南屏間洽然善  
也衍衍焉忘返遂為西湖長已而參戎國括建隼於  
國復為雁山長間與直指觀察使者行部流覽其下  
神龍繭而弗得憐然自失也歸而語何子曰始吾  
之奄有西湖也其樂洩洩今吾之奄有雁山也神規  
規而弗融若其洞壑鍾麗之觀風泉靈籟之觸非有  
易於吾耳與日也今吾之意似若不能醒然於吾者  
其義何居何予曰今夫毛媯夷光必也施之以丹素  
熏之以薌澤被之以雲縞霧縠嫺麗姣好望而知之  
也若夫煙客雲侶必也餽以青精餅餌以黃獨加以方  
袍斗笠高逸修古望而知之也西湖之勝蕩以靡君  
侯出則具樓船陳聲伎是則以丹素蕪澤雲縞霧縠  
施之麗人也固宜雁山之勝絕真介立奇削而枯槁  
君侯出則下吏除道郵人供帳鼓吹鹵簿林壑為沸  
是則以丹素薌澤施之方士而復饗鷄鵝以牢醴鐘  
鏞也無乃左乎是以君侯始則衍衍今則憬憬也將  
軍撫然日有是哉乃介吾友楊本父圖其崖畧得景  
二十木父少有勝情歲必携杖茲山宜得之精若胡  
寬作新豐阡陌閭巷井井如畫一耳異日者君侯縮

樂清縣志

卷之二

邑里

敘山

至

鵲印談笑尊俎間暇則展此圖撫琴動操眾山皆響  
恍若挾我二三子肩瓢厲屐歌其上豈不愉快耶  
何必從赤松侶黃石餐霞辟穀然後稱高哉是為序  
別詩君念親闈肯暫留吾居子舍尚優游逢人為道  
歸遲意正似江湖不繫舟許景衡持檝樂清界上  
望雁蕩集句寄甯師詩吟指蓬瀛第十洲青山歷歷  
水悠悠眼邊江剡何多促寸步教身不得游題雁  
蕩山圖別來常憶舊躋攀好信迢迢慰病顏多按地  
圖傳藥石不煩魂夢到仙山塵沙猶在微茫處雲水  
都歸指顧間看取蕩中多少雁祇應飛倦始知還  
元王逢梧溪集讀閩僧謙牧隱所題雁宕諸詩神思  
為之飛動概括一首雁蕩龍湫氣混濛展旗卓筆勢  
爭雄翠舂霄漢雙鸞影玉立東南一柱功興入常雲  
飛夏雪醉看高瀑挂晴虹總慚尊者空諸有萬木圍  
巖夜自風顧嗣立元詩選黃鎮成送澗泉上人游  
雁蕩詩雁山鐘磬半空聞雪嶺霞城此地分金塔影  
浮滄海月寶臺光繞梵天雲禪機已熟能傳印世綱  
難要易解紛更上孤峯看瀑布願將餘瀝滌妖氛  
元詩選釋明本雁山除夜詩茅屋三間冷似冰灰頭

土面十餘僧掃除自已閒枝葉不打諸方爛葛藤就  
手揭開新歲慰和光吹滅舊年燈頂門別具摩醯眼  
越死超生似不曾明朱諫約趙澗邊葉丹崖二先  
生來雁山詩早計在游山秋前已相約初冬草木衰  
巖深可容脚飛瀑下半年天奇峯如玉屑妙境莫能言  
吾將遊行屬書連源東先生便面詩君不見雁蕩山  
七十二峯浮雲間十八精藍掩蒼翠崇臺傑閣紫高  
巖丹梯石磴倚天起崎嶇咫尺難躋攀中有仙人跨  
白鶴飛忽浮雲相往還仙人住在鶴峯下七十年來  
鬢未斑青囊有術君莫慳領我山中養朱顏雁山  
題別爲李希白作雁山之東得幽趣澗川別築爛崖  
住五峯秀氣肅然在一片蒸龍隱佳樹明時無事遂  
閒居獨對詩書聊自娛松筠林下開三逕楊柳門前  
種幾株昨夜雁蕩喜相逢忽念東山歸興濃啣杯邀  
我索詩句詩成告別何匆匆歸去優游東山水空遣  
相思雁山底不知何日過龍門訪君直到東山裏  
全章于峯章青陽先生游雁山詩結伴遊山春日長  
溪流散綠花飄香高筵坐對雁湖水燈前瀉酒佛放  
光此佛由來好米汁對之爛醉客何妨老夫不飲可  
白眼不如且臥安禪房眾賓搏拳意自適莫將醒醉

樂清縣志

卷之二

邑里

敘山

三

分藩牆淵明嗜酒居未桑何必攢眉道社傍春陪  
提學黃筠溪先生游雁山詩二首使節光搖海宮袍  
色映霞屯雲看駐馬啟道聽鳴笳藜杖穿深洞輿夫  
候遠沙應知雁山裏草木被光華日下持仙節霜  
前呵道頻文章過南斗梅藥奪仙春紫氣通靈嶠青  
藜照海濱偶然攜野老不棄白綸巾雁山期詩意  
與青山舊年衰興未闌披崖還有力架道亮非難絕  
頂堪觀海隨僧可養丹秋來坐禪室分卻白雲間  
章朝用表甥過雁山以詩贈之深深萬竹夾迴廊古  
殿陰陰近夕陽松下刈葵修晚供花間置酒惹春香  
也知老舅逢人少卻愛賢甥過意長九日風高天氣  
爽雁湖頂上宿僧房和章九齡秀才雁山韻翠竹  
蒼松雜紫荊清泉白石幸晴明天開蒼蘆花前月僧  
念胡麻飯後經暇日別來山寺宿老懷偏向故人傾  
採茶歌散才歸去又聽龍舟打鼓聲雁山書事寄  
鄭大受老友詩雁蕩山中歲月長老年形跡半僧房  
行童送酒沿溪出午後燒茶繞院香黃鳥向人啼遠  
樹紫苔因雨上迴廊樵夫牧子來相問浴佛之時有  
道場雁麓雲窩詩雁蕩山前問隱居白雪深處見  
芳廬希夷仙子騎驢地康樂先生經世書蓬士自來

專一舉侯門何必曳長裾秋涼我欲觀飛瀑東道煩  
君酒百壺全梁時咸時旭約遊羅山詩柳綠花陰  
二月間君家兄弟共登山老夫欲訂秋來約何事城  
中未得還白髮看來夜滿巾了無公事是閑人君  
家向有真山水休把芒鞋踏市塵雁山寄松月黃  
先生詩雁蕩山中酒力濃把杯隨處踏殘紅醒來夜  
半看明月想殺先生一樹松何丹邱鄭崑巖中丞  
枉駕草堂并訂雁山之游詩開府暫韜黃石畧閉關  
日事紫陽君偶尋縹緲巖笙侶先贈窪尊鳥篆文風  
動檐花銷宿雨鶯翻林樹劇晴曛媿非賣畚嵩陽客  
捫虱聊談雁蕩雲國朝李鑾宣再游雁蕩詩言尋  
大通碑歲久新我盼偶訪龍湫水石上字如霞題名  
者纍纍斑駁讀難徧捫壁掃蒼苔攬勝意忘倦崖刻  
修文名差喜目無眩土花風雨蝕雲嶂蕙蕙想當  
神龍初著展恣游讌必為驚人句字字出百鍊何以  
詩集中此題竟未見古今大手筆盛美幾人擅或傳  
或不傳過眼瞥如電天紳方倒垂舉頭激銀箭  
亮吉自黃巖至樂清經盤山斤竹十餘嶺兼望雁蕩  
諸峯作舒心及朝陽結念向西日奔星空谷中驅濤  
川未未遵途念寒病履陰恃質連峯驚西回奔巖

樂清縣志

卷之二

邑里

番

此孤突危維天柱險陰許地維缺日標江海舟神迷  
入山轍離蹤念松桂幽賞寄芝朮終憶謝寺言歸同  
既生述持燈何遙遙照此前路濕心傷茂樓鼓值  
我夜行急巖內何蕭條奔雲及原隰林積既哀嘯宿  
鳥感回集斷嶺一以長衣驚北風鬢宵餐念難飽僕  
馬誰更給途慘且復行嚴程尚三十盤松岡遠長  
斤竹嶺亦阻非因征客疲兼想馬行苦遲遲發長道  
出堡值停午前旌旆既穿屋後響復沿浦斷續十里塵  
巖花渺無主冬川感陰翳昏谷事仰俯藤蔓慎莫牽  
先愁客衣補林紅無天光竹綠補地影盤輿及曠  
黑顧視不可省十里勢鬱盤延回嘆宵承尋聲始離  
樹辨響已入井猿慘落果頻禽驚出林猛居人涉津  
訝戍鼓隔樓警紛前菱粟餉遠復暖巖著心怯念後  
來懸燈照山頂附鯨軒詩集吳嵩梁題張芥航願  
望雁蕩圖詩君願游雁蕩寫圖作第三康樂游履未  
經處故人先我窮幽探山根笑兀接滄海亘古奔清  
不能壞一峯一朶妙蓮花峯峯奇拔青天外龍湫瀑  
又廬山殊萬馬踏陣雷迴車飛花濺雪徧林壑山下  
仰觀煙有無蘇潭石農去已久後游非君莫與後我  
欲從君君許否現身願化聽詩叟陸燿通游雁山

自四十九盤達大荆城記事詩出谷復入谷下上窮  
煙霏遙見羣峯劃天碧石骨瘦削雲膚肥回崖愈轉  
愈不及振勢百折難停轍舍輿攀行苦奔峭屣屣側  
滑青藤支龍湫飛泉灑絕頂萬絲下沈天孫機山光  
倒流瀉蒼翠潭影激射寒玻璃窮躋盤盤達山有絕  
巘無級旁無依一百二峯入全覽者以象命存依稀  
非仙非鬼竟何物羅列訶問艱險辭雙鸞矯羽不得  
控玉女下顧神頽頽眾中一柱存離立以頂觸天端  
不敬平生夢想忽到眼金簡所狀心猶疑東南海水  
繞如帶蜚氣漠漠天風吹靈巖靈峯並奇絕石腹側  
裂青真低入門清嘯眾山答蘿穴一鶴驚人飛危龕  
老僧鬚眉綠屏息枯坐扇元扉橫空石梁界虹景瑤  
草下覆無炎燼重巒疊嶂各異態飛磴冠屨忘神疲  
傍山何人結茅屋累石為壁為門織廬尊薦茗解煩  
渴石門潭水甘如飴牆陰藝蘭發紅藥采嶺細瑣來  
相貽為言十里到荆驛行徑漣平山漸移山中氣候  
異昏旦層陰閣日殘陽微冥花如霞翠欲滴巖氣雨  
香薰客衣歸雲亭亭與爭道林壑斂暝窮回眺端  
木國瑚雁蕩山題壁詩五峯山下好村居海上羅浮  
兩不如斤竹澗寒生箸米芙蓉溪暖種香魚禪僧履

樂清縣志

卷之二

邑里

敘山

畫

雪春行道仙客樵雲夜讀書愛昔詩髯山色裏開門  
啼鳥日相於雁峯靈幻狀真圖畫青天妙入神  
布水灑心香菡萏寶山巖下氣金銀萬松雲霧皆龍  
跡干石莓苔總佛身為問諸師初得地考闡相度幾  
由旬招提積翠渺干盤不似人閒道路看和院香  
燈僧示偈禪堂花木客忘餐淨瓶六月水簾各雲版  
一聲山樂官始信養生皆外道清涼何待問遠丹  
山中猿鳥使人憐萬種聲音樹葉前東岡松連西閣  
兩上方花落下方泉謝公嶺畔青苔路阮客溪頭碧  
落天重聽潺湲石門瀨圖經愁寫為雲壘樂章鉅  
游雁山詩三十二歲登武夷七十四歲游雁蕩予生  
浪游老不衰俯仰名出且自壯五月都齋頗刺促一  
卷圖經久想望入春椒裝期屢遷刻日登舟與自旺  
孰聞永嘉山水滋獨此當時非輩行遊公開山所未  
及居然游福與之抗謝公嶺乃別一覽耳食誰會殊  
孟浪惜無同懷客共登此語分明寄遙懷茲山融結  
不知始上石填塞孰疏創想自洪荒開闢餘千年洪  
水所演漾高下塗泥漸剔除玲瓏山骨始與曠諸光  
諸色佛面目一重一掩鬼臙臙山靈遵久不甘鬱天  
公施設或過當巖泉浩浩太古聲煙雨濛濛無盡藏



樂清縣志

卷之二

邑里

敘山

美

探奇只受探驪珠鱗爪紛紛非所尚同儕詫我腰脚  
 好人所到處都弗讓二兒扶持一筇穩但飭門生省  
 供帳馮工繪事廖工詩二客能從亦惆儻寫景如何  
 記事真枯吟懶畫壺虛樣山中七日即游仙草草出  
 山神已暢趙光詩昔聞雁山奇未翻雁山好持節  
 過東甌餘暇恣幽討昨宿芙蓉村漸識入山道侵尋  
 陟丹芳一徑白雲杳天風吹衣單濕霧迷林杪滿山  
 開杜鵑紅碧觀松篠越澗叩禪關廟宇半傾倒鉄鑊  
 委荒邱款識猶可考言登馬鞍山嶺路益深窈危崖  
 張鉞屏翠峭摩蒼昊巍然天柱峯屹立在天表其餘  
 狀奇詭環衛紛羽葆卓筆旣孤撐展旗復斜裊森若  
 劍戟鏗削若剪刀晶玉女擁雙鬟金仙來五老虎踞  
 形岬嵒龍蟠勢夭矯窟宅棲神靈洞壑蓄瓊寶不知  
 混沌初開鑿何太巧天然古圖畫誰與此瓶稿憇坐  
 對靈湫飛瀑如曳縵石崩藤側垂磴滑苔難掃沿溪  
 得名藍味喜蔬笋飽細讀壁間詩日影苦不早登陟  
 敢辭勞幽境貴深造路轉峯更迴中有瓊華島巖竇  
 雙扉開天光一線影陰陽爭向背紆複失昏曉攀巖  
 愁飛採投林有歸鳥載訪謝公亭雷雨前峯繞仙山  
 閱靈異赤許窺全了老僧解送迎出谷首還掉側聞

最高頂雁湖游踪少我欲乘雲梯直上凌縹緲俯視  
 千仞低一覽九州小輶車惜匆匆此游殊草草明年  
 當窮探與曠慙懷抱再游雁蕩次梁茵林前輩韻  
 去年游事劇匆匆晚兩催人過雁蕩坐合勝境失龍  
 湫我欲重探意自壯昨來暮宿芙蓉村瞥眼名山欣  
 入望那教咫尺阻登攀冒雨衝泥興益旺此山曉出  
 比台嶽生面獨開少輩行就中飛瀑最奇絕鍾觀直  
 與石梁抗披雲一徑陟丹芳萬疊青山迸銀浪山靈  
 導我此前驅直入幽深莫惆悵峯回路斷崖谷窮石  
 破天驚獲奇創玉龍捲雨天上來飛入深潭戲游漾  
 倒傾河漢凌蒼茫散作煙雲莽虛曠壁立千仞絕攀  
 援淨洗纖塵淪肺臟山川秘竅妙能洩涓滴細流笑  
 無當感通呼吸見天機澄照淵涵窅佛藏雨中觀瀑  
 瀑尤奇宴坐濛濛細清尚退翁示我游山篇仙福高  
 吟甘拜讓敢將蕪語償詩逋要繼清吟補遊帳飛鴻  
 踏雪迹偶留探驪得珠遇豈儻著屐休尋康樂蹤戴  
 笠聊學東坡樣前行擬再訪桃源雨後看山游更暢  
 魏源雁蕩詩東南羣嶠望海奔海山相激相吐吞  
 膚去骨立毛髮髡遂破元氣無渾淪雁山四谷精靈  
 闕西谷之泉東谷石我從谷東轉谷西馬鞍一嶺當

中扼噫嘻嘯怪哉無一石沾土無一水沾石有水盡  
從空際飛有石盡從天外立西谷雁湖諸瀑原未瀑  
龍湫仙乎仙瀑聲非寂亦非喧瀑氣非水亦非煙長  
虹下垂有無間洞房玉女何嬋娟山靈知我嫌瀑未  
雄肆傾刻奔騰雷雨至由數倍至數十倍人人叫絕  
驚靈異呼聲愈壯瀑愈雄不知上源如何繼長風忽  
卷入雲際但見濕露濛濛匝地始知空谷之中悶  
萬氣人聲所至氣飛動氣之所至泉奔異泉事既窮  
山事始靈崖靈峯插天起一峯一峯千百峯城郭堂  
防百千里明堂兩序刀球列閭闔九關虎豹峙洞腹  
裂開鬼胸臆峯尖亂射天弧矢龍宮怪族來酣戰媧  
皇搏造無情理月出萬峯接一魄雲來眾壑流千髓  
爆雷響迸諸天震劫火燒穿混沌死行行十步九回  
頭逾嶺山川漸邈遙誰知大開即大束石門雙鎖一  
潭滌人影峯影雲樹影一齊匯入空明曲雁山到此  
三變局險窮怪盡歸冲穆始知觀源必觀委不然剖  
泄無停蓄純是神行非骨立芒乎芬乎元氣洵南閣  
北閣未暇徧中雁南雁缺游福貪山正似貪書畫一  
回未飽須重讀我身暫與泉出谷夢魂還共白雲山  
中宿 張振夔咏雁蕩山次梁范林中丞紀游原韻

樂清縣志

卷之二

邑里 敘山

垂

一行未分兩戒時南戒誰云有雁蕩名山表顯如名  
位或在老耄或少壯漢以前石戴土鬱鬱原非一  
州望造化著意窮勝蹟菁菁益久神愈旺僅從一谷  
數峯巒未許二雁同華行內外鬪奇四區分止大龍  
湫奇莫抗懸溜冰崖走雷車逆風盪日翻錦浪由看  
不足亭中看宴坐百年仍惆悵試溯典午暨李唐申  
間何曾畧開創昭明留福審言題尋源當辨漢與漾  
想自趙宋伐木時別茗剝土方清曠仙犬啣梳引媼  
行羣龍撼山掀臍臍泥融沙汰無復存高下森嚴石  
敢當圖經遠寄蘇子瞻可惜未來探寶藏亮非南宋  
集衣冠幾見林泉知所倚人傑地靈適相逢尋詩陟  
險乃不讓蘭若招提次第開游客何煩別供帳元推  
山人李五峯侯何在明亦傲儻枕流棲谷歷寒暑濃  
抹淡粧知式樣吾曹涉獵半虛名須上雁湖游始暢  
附摘句宋釋希晝游雁蕩詩天長來日正木末度  
猿稀 薛師石詩半洞容千佛諸峯共一雲見厲鶚

宋詩 記事

雁湖山

雁湖在雁蕩山頂一名平湖

白石門北上連霄嶺二十餘里

歷層巒八始至雁湖湖縱周遭高起如田陸畦界橫各三里省志作十里

而為三日北湖曰中湖曰東湖湖水涸而不燥叢生

蘆荻萱草無異江渚雁多集焉亦曰上湖中湖下湖

上湖旁有龍潭二下湖東南崖有麻養巖名俚而形

逼肖羣山合沓如兒孫繞膝而此山為大父相傳故

有寺一夕陷為湖湖旁石礎石磨今尙在國朝方尙惠記樂

成之東相距九十餘里有山曰雁蕩蕩之深幾四十

里也蕩頂復有湖湖之大幾數十畝也山峻而高上

逼霄漢包藏深谷中無線路可躋遊者鮮知而蕩中

人亦罕至也相傳湖不甚深內多蘆荻瑟瑟常似秋

容即酷暑冷如也時為雁所棲宿故曰雁湖夫巒也

湖也滄洲也江蘆之所生息也海雁之所序立也悉

於此可得抑何詭與余久已心識之及抵飛泉院

見羣雁嘹唳飛集其巔僧言此則雁湖也余指雁笑

樂清縣志

卷之二

邑里

敘山

五

日將藉爾為羽車騰輪可乎次日與僧驀濶登曉攀  
援到蕩頂則果如前所聞也第覺滿目湖光渺瀰衍  
漾風吹荻葉颯颯有聲雁且飛且鳴羣萃湖中時雖  
曝於日毫無炎氣而視下諸山似邱者似堙者似累  
塊者似積蘇者交羅目睫間竦臨絕嶠罡風四吹遠  
望皆江光海氣天色其蒼蒼耶雲物其茫茫耶洵一  
遠而靡極耶蕩下之人其視蕩上亦如是耶余神氣  
澹然忽出埃壒而與造物者遊忘乎此身在霄漢間  
也嘻雁託湖而棲余又託雁湖而樂將前後我而能  
遊者悉爾爾耶同不同果何如也施元孚登雁湖  
記雁湖者古稱雁蕩雁之所棲山之所以名也處於  
山脊迺眾山之祖眾水之宗也其高也為里二十五  
其廣也為里三其周遭高起如隄中有小陂焉如田  
陸畦界而為三湖之有水也匪沙匪泥足蹈之餘皆  
洩之今之有水者惟中湖畝許為然其餘皆枯其壤  
皆變為葑田其為土也匪沙匪泥足蹈之餘皆枯其  
杖插之盡杖而不知所底山之為物也其下出泉而  
此則瀦於巔其洩也涸而不燥故識者以海眼目之  
其生物也蘆荻藜滋雜以萱草無竹木荆茅小石之  
問牡蠣產之有蟹焉如海壩所出小身而赤鼠大如

狸多兎多野豕無豺虎熊羆余之游湖也升於蕩陰  
晨則就道薄午而至湖仰瞻紅日晃然懸於人上俯  
矚白雲悠悠然遠浮於下斯時也寒威未殺而湖高  
風厲瑟瑟如也日中湖邊泠泠如也驚宿雁之遐逝  
眺海天之蒼茫駭目動心懍懍如也於是羣集湖曲  
激流波啖乾糲尋沉鐘之蹟想出日之觀笑談嘯語  
興豪心遠忘寒冽也既乃降白蕩陽疾行至麓迫日  
暮也其遊之為徒也余與少子珽暨僧祖勝僧飯禪  
僧會光也其時則庚辰孟春之九日也自鮑志藝文  
移在此明謝鐸詩雁湖高處不勝舟兒說諸天在  
上頭定有樓臺非世界更無花木亦春秋談空漫憶  
三生在飛錫終誰一到休不識閻宮蓬島外幾人曾  
伴赤松遊章九儀詩面水臨山古寺幽鐘聲和雨  
下蘆洲夜深驚起沙頭雁叫破江南一片秋國朝  
劉德新詩山頂平湖拍碧天倚空不辨水雲連一行  
嵐影晴峯上十里濤光曉日邊人憶鐵船沉混沌蕩  
留蘆雁泛清漣銀河咫尺徘徊渡疑是乘槎載石還  
方尙惠詩一望天連海湖寒長似秋空山歸宿雁  
亂荻映滄洲雁蕩詩話陳倫炯官大荆協戎曾闢  
徑登雁湖記之以詩云雁湖徑封久山下翁莫叩近

樂清縣志

卷之二

邑里

敘山

堯

聞學使開窮歲紀又丑我來於重光大淵獻之後昨  
年繫天涯今日緣底偶拄杖銀頭嶽棕鞋鐵齒蹂菱  
剪焚蒙茸丁丁銜尾走踟躕攀羊腸那知巉巖陡譬  
語諸貌雜陰平道似否平分秋色游名山不朽留  
題告後人闕者聞東叟瓊端本國瑞寄雁湖詩我  
行雁蕩山不見雁湖頂聞說龍湫西復西夕陽重隔  
雲中嶺峯頭石盤盂闊絕波十頃上為布水源下是  
無人境胡雁萬里來高拍青天影玉菰自然香飽宿  
雲沙靜孤光軒白波瞥下天風猛人間總不知石上  
秋蘆冷仙帆何處訪仙都中有隨陽彭蠡湖雁王亦  
憶天邊侶為我  
蓬池一寄書

白巖山 北接湖上垵為雁山西址一名碧落峯高與

白龍山齊上有巖色如渥赭曰紫螺巖巖下有馬尾

瀑望之宛然馬尾山谷民居數百家旁有仙人拔船

巖北有涵波洞一作湧波中有龍井深不可測東有

青巖山寒林山龍尾尖與雁湖接南有上坪山茶坑  
山斤竹尖胡梯山與寶冠峯接

長嶽山 白巖東五里許

在雁湖之南

巖層巒聳磴道逶迤

明朱諫有長原八景題

雲梯蜃氣西灣漁唱金峯插漢紅巖曙色麻田映月鶴溪

春水龜巖薄霧東山牧笛

隔溪西南有張家山北有上馬石山東

有小芙蓉山與丹芳嶺接

古塔山

長嶽北折里許曰古塔或曰僧全了骨塔建

此因名上有立戟峯旁有華陽洞東有龜巖紅巖金

峯齒蒼峯又北里許為梯雲谷

俗稱老鼠梯

上接玉臺徑

四圍峭壁左有梯雲瀑又北為菴廊洞路險絕不可

樂清縣志

卷之二

邑里 敘山

李

攀石表峯在梯雲谷外高三十餘丈屹然孤立如華  
表相近有連珠峯

寶冠山

長嶽東四里天柱巖聳立谷口寶冠峯在天

柱西北山脊方石高二十餘丈端然如寶冠

俗稱紗帽巖

東北里許有梅雨巖削立百仞環而為壑壑口曰石

柱門巖端飛瀑迅瀉紛若煙雨曰梅雨瀑

明何白梅雨巖記

雨巖僻在雁山西外谷無論遊客杖屨罕至即詢之  
山中人亦鮮有知者余鄉梁進父文學嘗一再至咤  
以奇余偕在明遊適進父請為東道主亟津津梅  
雨巖慙思甚力遂決策取道從長嶽原入山長嶽沙  
土拳嶺原隰樹鳥相動以萬計時初冬柏葉著霜如  
丹砂筍輿穿紅樹間二十里衣袂皆紫若馭冷風從  
天台赤霞中逕度也已入凌雲寺故址縱覽關鷹巖  
九龍山諸槩便覺奕奕清舉繼至梅雨巖則雨石插

樂清縣志

卷之二

邑里

敘山

空

雲對峙時飛瀑自崖巔垂下半壁一石特噴起瀑勢春  
 激深射亂注霏霏若煙雨風排之陣陣過絕壁若曳  
 霧縠冰綃於空中也對瀑為含珠峯大小天柱皆偉  
 觀在明起浮大白謝進父曰噫觀止此矣進父謂在  
 明日茲景較之靈巖靈峯諸勝直齊魯之與邾莒耳  
 在明又不覺爽然自失也國朝施元平梅雨巖記  
 西外谷景梅雨巖稱最余遊筋竹之明日出桐嶺抵  
 凌雲寺故基見含珠峯屹立平地凌空作態二仙舍  
 翠諸峯爭奇離立與東北兩巖遙相掩映巖斗立如  
 闕折入闕中則巨壑環拱而瀑布灑於其間是為梅  
 雨巖瀑發自崖巔稍下橫石特出瀑擊石飄散下灑  
 百餘仞濛濛然徧於壑中身在北崖下如梅雨中立  
 簷下衣袂如洗俄而山雲從高空下垂浮於瀑側  
 風作捲瀑入雲雲與水合併墮下飄忽迷離余不覺  
 喜而高吟因深人跡罕至北崖上有山羊聞人叫奔  
 過猿穴羣猿啾啾作聲環列驚怪其間深林石洞幽  
 黑驚人因置而出遂歷西瀑石門諸景轉入西谷  
 梁祖梅雨巖詩巖上飛泉高百尺巖前碎玉擊寒石  
 青蘿濕處少人來滿地莓苔鹿豕跡增端木國均  
 梅雨巖詩林景春霏霏天晴巖花吐溪客衣裳斑忽

濕黃梅雨曠無林表陰滴瀝在巖戶細瀑出萬杉酒  
 落蒼石山石橫簸當空層層漾水縷素沫四壑吹青  
 漪一潭聚雲過翳有聲風轉警無處晞髮負暄崖藉  
 苔憩涼宇面前含珠峯金碧淨沙土日光松淒清飲  
 石見樵侶但少桑苧翁摘茗澗其西有西瀑布一名  
 中煮洗滌龍歌腥巖香聞蘭社大瀑  
宋王忠文詩靈源東接雁池遙裂石崩崖下九霄  
 雲斷青天倚長劍月明泉室挂生綃江聲雨勢三秋  
 急雪片冰花五月饒休勒移峯六日凌雲日二仙口  
 文北山去他年來赴石梁招峯六日凌雲日二仙口  
 含珠曰含翠曰香爐曰寶髻而含珠尤秀拔兩石並  
峙端如  
 蟹螯中含洞三曰南山曰蕉林曰駱駝而蕉林尤勝  
 石如圓珠亦曰西石梁洞洞側清涼泉晝夜涓涓不絕  
 石理紫白間布穹然曲垂畧如東石梁洞  
 石門山 在梅雨巖東三里層巖峭壁中劃為門緣徑  
 北上有天冠峯石罅吸風作金革聲夜靜益厲石壁

斜亘千餘丈高或四五丈或二三丈層疊露峙屹然

石城東北有伏虎峯一名玉兔一名望天貓左右有大獅巖虎

蹲石象巖雙穴峯石筍峯諸勝緣溪入石門均露天

一縷日遊絲天以上西外谷東外谷亦有石門山

桐嶺 西接石門山中砌為嶺一名芙蓉嶺俗稱東嶺度嶺即西內谷

朝梁社詩鳥道盤旋萬壑間危溪迴合水潺潺晚春深谷行人少躑躅花開雨滿山

遇芙蓉嶺峯峯聳碧霄海鯨爭入市山頂盡栽苗草色如新柳溪聲學小潮礮臺雖遠列聖世久煙消

上有芙蓉峯山石參差璀璨望之如朶朶新藥一名瓊臺

明何白望芙蓉峯寄僧詩江行百里見芙蓉知爾談經在此峯罷屐已生東嶺月與誰同坐北巖松花

銜寶苑來劍鹿雲薄香臺繞法龍何自連霄嶺下回日竹房還襍被上方深夜聽疎鐘

樂清縣志

卷之二

邑里 敘山

三

視又如大士北面坐童子淨瓶亦名觀音巖嶺東有

東洞明何白東洞記有宋太平興國間釋僧全了經焉結刹名芙蓉菴後因高厓有飛來石羅漢復名羅

漢寺相傳羅漢自清漳航海來將禮諸詎那遺蛇適遇樵者即躍上高厓立化為石其語頗怪誕不經傳

疑可也地有石船按山塔諸蹟寺久榛蕪惟聞風泉松籟聲若昔之朝鐘

夕梵相和答而已東南有雙髻峯一名石奇一名雙髻朝陽

峯在雙髻北崖端有石羅漢明朱希晦石羅漢詩見

蘇痕封石室松影拂瓊臺天闊雁行盡臥龍峯在雙月明猿嘯哀誦經人不見香冷石鑪灰

髻東又東北有獅子鼻縈帶小錦溪絕有致

大屏山 芙蓉峯南旋有雙鸞棲鳳戲龍諸峯復起崇巒為大屏

南接丹芳嶺左旋將軍石似將軍戎裝挂劍狀火焰

峯一名奇石皆上炎色微紺望之如火下置鐵鑊

國朝李觀皇祐鐵鑊詩雁山十八刹能仁據其

首捫葛入寺門先見驚磨走佛燈寂不然廊廡半無

牖兩處與風鑿摧敗及土偶錫化盜生塵僧出衣見

肘當年龍象尊聖棟燦瓊玖緇徒日數干一一餽其

口尚有巨鑊存棄之同徹帚其高及半尋其圍丈八

九其容可百斛古色昏而黝上署皇祐年題名曰某

某惟天生五材用之有先後曷不作鉏犁以之耕隴

畝曷不作干矛以之掃羣醜曷不作鼎盤曷不作尊

鹵曷不作鐘鏞列諸明堂右胡為匿山澤廢置到今

久敲火牛角礪然薪鬼憐樵吾為叱六丁太歲行在

西俾汝真郊廟神明為汝壽勿效瓦缶鳴勿作蒲牢

吼望古一以深斜陽到疎柳 朱士彥詩嘉福今不

存所遺惟一錢上有善信名畧識元祐作當時浴室

無礙供或云遙制火燄峯於今蘇蝕土花碎飛沙烈

日交磨鎔狡寇剽竊不一顧得壽乃過石鐘由來物數

自奇偶豈以有用為勳庸 劉燕庭喜海詩丹芳嶺

鎖雁蕩春梵官頽址煙霾積榛菅絡鐵閱以奄中有

潏然天水碧伯鸞策杖一摩挲繆篆亦頗矜標格種

樂清縣志

卷之二

邑里

敘山

壘

揚登登遠相奇九十二字差可覈云是嘉福院落成

浴室四圍甃以石勸緣弟子吳仲參宗武實主沙門

籍清潔道場廣大教無遮無礙禪禪釋乃至無垢與

無塵淨財肯吝黃金擲以沙浴鑊鐵浴身十年可悟

達摩壁以水浴鑊鑊浴心立證醍醐激其液劉仁晟

亦善男子鑄器特為生界闢所惜長男名闕如秉文

以外無可釋是時朝廷新法罷東南民力紓阡陌女

中堯舜治七年以菩薩奠天下宅鄉曲喜事出贏資

得斬福亦君之澤鑊修倍尋廣亞之恬熙相見饒金

帛冬十一月穫稻豐召匠攻作正農隙太息青苗股

削時佛出難救斯民厄一鑊雖細可鑑古治亂所由

在方策否則嶽廟二鑊伴蒼松君山一鑊峙江積款

識皆為宋所遺彼 東北飛泉山兩崖直豎若門水自

教區區何寵借 西北錦溪來從崖門出觸石分流曰燕尾泉泉下有

霞映潭 一名錢影 一 中枕巨石夕霞倒映姿態萬狀 對仁



筋竹澗 在大屏東南五里許為雁山南址斷崖臨水

如刀削日排雲嶂兩壁夾峙懸流噴薄日經行峽峽

中巨石橫臥半枕山麓水附巖迴繞形若初月日下

培潭自經行峽上抵谷口二十餘里皆稱筋竹澗菊

英連環諸潭在其內劉宋謝靈運從斤竹澗越嶺溪

巖下雲方台花上露猶泣透迤傍隈嗅迢遞陟陘見

過澗既厲急登棧亦陵細川渚屢迴復乘流欲迴轉

蘋萍泛沉深菰蒲冒清淺企石挹飛泉攀林摘葉卷

想見山阿人薜蘿若在眼握蘭勤徒結折麻心莫展

情用賞為美事昧竟誰辨觀此遺物慮一悟得所遣

增國朝李鑾宣斤竹澗詩枉渚何紆迴長煙倏變

幻既涉芙蓉溪復此斤竹澗竹色涼我衣石光鏡我

面初月與菊英潭翠靜猶旋更有連環潭圓折珠一

串石竇內隈之澄黑駭無見未飲口已哆欲視目先

眩危崖削空青高簇青蓮瓣耳畔鳴七絃天邊落雙

樂清縣志

卷之二

邑里

敘山

畜

雁丹嶂生風漪錦溪長葭菼謝公久不作遙酌溪毛  
薦端木國瑚斤竹澗詩巖幽猿始啼天光發林晏  
早涉芙蓉溪憩此斤竹澗白雲翳喬柯青煙裊修棧  
苔明沙滌交石麗淙流潤露墜灑松清風潭落花眩  
蹊惑漁者重迹躡樵人嘗蒲養各神薜蘿馳塵宜游山背何人越嶺此流眄  
枉挈崖上展未眺湖中雁仙事味交臂靈山邈對面  
昔艱今在茲賞窮奇余元中無物存意外非人辦泉聲引天高石色到海幻  
寄言進帆客孤嶼焉足嶺一名飛其上湧翠瀑又有天梯

龍湫山 芙蓉峯北折石障環抱如大玦一峯拔立澗

中稜稜千餘丈曰剪刀又名一航又名天柱在大龍

蟹螯或歧尾如燕剪或隆腹如風斤或軒爽如監屏

或孤兀如直圭或飄揚如展旗峯之最奇者國朝  
施元孚剪刀峯記水莫奇於大龍湫而剪刀峯則又  
百二峯之最奇者初余行錦溪遙見峯頂如巨人隱

短垣而露其髻稍進見其端聳如直珪再數十百步則見拔起澗水中高數百仞其上兩股相倚呀然而空斬然而峭利流霞薄之如裁綿綺是為剪刀峰遠繞入峯北忽變為大屏再數十步變為一帆闊百餘丈隆其前為風逼狀水奔其下雲流其上宛然布帆航海陵谷若為之改再數十步又變為鼇頭顯鬣畢具自此至湫前回首顧之則又變玉柱狀大僅丈餘高不知幾千百尺轟轟然危削子立視之驚人至近南崖址又為捲旗狀而下微殺其怪形象物步移即換故好事者統名之為八面峯而剪刀一帆玉柱則尤奇而確肖者噫以龍湫之奇而比以茲峯豈所稱兩美必合與造物鍾奇彙勝信有意乎故余修游事亦以茲峯次龍湫之下

增國朝李鑾宣詩地靈苦鬱第混沌鑿幽螺霜鋒淬蓮錫突兀轟青宵初見眼忽驚一柱立天表稍前境忽變并剪剪鳥晶晶雙股如巨螯截破烟雲鼻再進如樹屏石壁嵌瑤島更進如揚帆御風行浩渺斜睨如展旗赤幟插縹緲移步屢換形物貌即天巧屢於蒼莽中時露窈以窅我欲騎白龍抗身駕天矯

端木國瑚剪刀峯詩天光忽裂媧皇石燕尾青金一千尺飛雲片片過風吹剪碎秋羅

樂清縣志

卷之二

邑里

敘山

奎

滿天碧雁湖七十翠芙蓉手爪空靈誰擘畫神樵鬼斧太粗頭瘦著錢刀向空櫛間來不欲付操蛇依然玉女清潭側仰觀斜睨狀參差誤彼青鸞有雙翼神人五嶽守真形渾沌眉目非生成山川巧匠有如此

夫孫機錦愁文章流黃勸卻北有連雲嶂綿亘里許餉何處世間無有嚴君平

平露兩穴如鼻竅紅潤絕壁有風洞每大風將作木作縵促痕俗謂閭王鼻

葉皆舞居人常以占風大龍湫在風洞東湫水若從天降不著四壁風與水遭陽景媚之色聲奇幻不可

名狀下有亭三日忘歸下為錦溪元李孝光錦溪詩

潤如洗幽人有深懷相攜玩山水巖花既菲菲溪石亦齒齒意行無前期適趣成坐起况茲豪俊姿陶寫

出妙理東山攜妓游風流未央題詩寄幽旨西抵雁

風韶濩忽盈耳歸來樂未央題詩寄幽旨西抵雁

渡堤蜿蜒六里許水瀲灩平流石上石質璀璨日光下

射五色眩目旁有珠簾水亦瀟灑有致湫頂為白雲

山山上飛瀑百餘丈名上龍湫瀑前一石噴起潼潼裂石

上右繞而出曰龍溜斜抵湫背瀦而為潭名湫背潭

國朝施元孚龍湫背記大龍湫之上有白雲菴焉

或因湫水上下多白雲故名或曰僧自雲實創始之

絕壁之巔稍葛以進不敢下睇約行三里徑稍夷視

湫前一帆峯直在履舄下再二里穿松林而入林外

一溪而菴乃在溪北緣石北渡環顧四山儼如平地

寂寂深靜洵絕境也聞溪口有龍潭急訪之溪流經

橫石前斜注石溜溜蜿如龍游狀溜窮為潭潭外

即湫之絕頂景甚奇倚橫石俯矚峭嶮騰輒股栗

不敢留既入菴訪上龍湫僧涵谷以絕嶮告不果往

祇登上白雲觀鏡臺峯而返僧獨住窮山泊然無求

者三十餘年矣視之似有樂者與語久之出菴前暮

雲西流與水相逐知不可復返遂宿於菴至夜山風

蕭瑟水切切鳴枕時有聲如虓虎吼者與啼猿相應

樂清縣志

卷之二

邑里

敘山

矣

不輟窺之壁隙星光黯淡林薄動搖赫然驚人終夜

不得寐晨興別去既下猶慄然如在故處也明李

經救登龍湫背詩盤紆鳥道上青天萬朵真疑大華

蓮自笑野人狂太甚春風三宿白雲邊葉璞登龍

湫背詩疊巘重關路不通深瓢輕策倚崆峒臥龍潭

下水深碧過雁峯前樹正紅四谷雲來高島暮三天

花落貝壇空入賢往事堪追憶獨理枯桐夕照中

項守祖龍湫背詩峯峯削玉連天碧危磴斜攀捫葛

入怪來繞足白雲生狀若仰盂外巨石檻檻外即湫

之絕壁也潭水噴薄檻間皆盤舞飛騰而下為大龍

湫明鄒迪光大龍湫記出靈巖行經小剪刀峯又板

障峯又老鷹峯而後登馬鞍嶺嶺高十餘里尚十

餘折其初上也眾山以漸而低及最高處則此嶺如

大父而眾山皆兒孫繞膝此嶺如天闕而眾山皆大

海波紋矣過嶺行西內谷山如石城而礪居其下如

城壕獨時久旱無水耳居民悉種茶為業稍足生活

若傍城壕以居者從此歷連雲嶂大剪刀峯盡錦溪

抵詎那菴而大龍湫瀑始得凡瀑皆倚壁而下觸石

樂清縣志

卷之二

邑里

敘山

卷

而注而此瀑獨無所倚負無所觸抵從絕壁石凹中  
 瀉瀉故凡瀑皆衝激湍流而此瀑獨委蛇縹緲大有  
 晚人媚人之意然或久閣不下一下而憤懣偪億盛  
 氣以赴則飛雷迅雷之時發也或忽然四散不知所  
 披堅執銳如牆而奔騰襍沓一時齊至則羽林三十萬  
 瑟如笙如簧如筑如籥而其舒徐時其為響如琴如  
 石如裂竹如鼗鼓如鐘如鏞如馨如鐃如磬如編之具奏也蓋  
 蚴蟉者其常而研磻者其變也少選五彩注射作五  
 色長虹炫煜不定白者白珩青者青蓮綠者綠珩紅  
 者紅罽紫者紫磨金人面衣裳皆受采繪變而又神  
 矣是於物為帝青寶為甄叔迦於服為霓裳為六銖  
 衣於人為洛妃為漢女為魏姑射之人矣僧曰此五  
 色瀑最不易得即八十歲老頭陀罕有見此者豈山  
 靈有知獨屬意吾輩耶為之且驚且喜不知航船之  
 數倒余意欲往搜其源問所從發處曰雁湖問雁湖  
 所從入路曰有三一連霄嶂一岩陰一常雲峯皆藜  
 蔦蔽塞野獸交涂非先一日燒山烈澤不可上上亦  
 不能下山頂皆湖無可宿處乃止何白大龍湫記  
 朱蕩南先生龍湫志畧云湫水合四山溪澗為巨淵

淵側石檻有龍窟深黝不可測檻中作微凹削壁數  
 百仞水從凹中瀉下望之若懸布隨風作態遠近斜  
 正變幻不一或如散沫如驟雨如飛雪如輕煙或飄  
 轉斷續或左或右飛散或直下如建瓴或屈曲如蜿蜒  
 或細瀉中琴筑或大注撼震種種奇態不可名狀  
 余讀之灑然神選前後凡三至願瀑水雖多奇第不  
 甚警朱先生言意先生文人好奇多溢語耳萬歷丙  
 戌冬余偕東吳朱在明撰杖往晚至能仁寺大雨陡  
 作夜分乃已五鼓枕上聞空谷風水聲若百萬戈甲  
 相摩戛余攬衣起諸君行凡三里至錦溪溪石如砥  
 紋理璀璨碧流寒駛陽景媚之光益瑩徹清沙的礫  
 綠蒲丰茸斑鱗文雉上下若乘空信如白地明光五  
 色纂組耳山闐寂如太古微聞石上挂杖聲稍進山  
 翠益逼皆天無游氛不雲而雨已乃知激水潏沫也  
 再行三里許一峯當中流上干數百仞垂杪而岐曰  
 剪刀兩崖亦陡絕雄技小立寒嵐淒清益衣而進谷  
 轉耳根淵淵若聞輾萬轂過馳道中足底蹶蹶為動  
 客皆大叫稱絕奇仰見瀑流與風相鼓翁俄頃萬態  
 忽中為風所逼半壁嫺嫺如萬葉注射人急走避詎  
 矯若玉虬騰擲空外忽勁如萬葉注射人急走避詎

那菴瓦溝若跳千斛珠檐端懸溜如秋雨亭午風稍和日脚穿雲罅斜映高壁彩虹數道絢爛炫暎余借諸君扶掖憇瀑後厓中剜若半瓠瀑布前挂水色與日色相盪摩如坐石齊奴紫絲步障中跡人面咸有異色作青紅熒熒不定狀朱君屢引觥船遞酬客咤為生平奇觀余於是知蕩南先生言非溢猶恨其不盡究也夫瀑一而已風與水交相濟則山靈不自愛其奇或水壯而風殺風壯而水縮或不能窮秋之變惟所見適遇適不遇耳予嘗聞登岱宗不見日觀非遊也然日觀非極晴明不得見陰雨晦暝春夏六之秋冬三之已霽而登登而或翳已雨而阻阻而或舒於是登岱者十不一觀焉信遭之不易也余於雁山非不數數也於茲始睹湫之變微龍山靈良腆哉自鮑志藝文移在此國朝施元乎大龍湫記大龍湫水之最奇者也其障曰連雲壁立于倪環抱里餘獨開東南一面如天闕焉剪刀峯適立其間而湫則在障底風入障中鬱不得暢與湫關湫力不勝風則役於風而湫之變態以見其奇幻怪詭雖善狀者不能窮也余出自能仁將入谷會有客從東谷來遂與俱入緣錦溪西北行錦溪者湫水所經去也溪北干巖

樂清縣志

卷之二

邑里

敘山

矣

競秀邈迤數里西接障口余且行且視遙見障端有蒼煙狀勃勃上浮客曰湫也余駭之將至聞聲逢逢然從峯後出繞峯入障中則瀑布懸於天際凌空飛瀉白光射人若決銀河而下怒衝巨潭響若雷霆令人心戰湫下有忘歸亭余未履潭側客先之亭風起障中湫水倏分偏支斜披而至客疾走避若萬矢之逐孤將幾仆巖間急回顧已捲而去乃戰然大笑湫振響不止余語客登潭左小阜語軋於響客弗聞乃呀口若反詰余余亦不省所云祇以手示如聾啞相接狀阜上有階數級詎那亭故址也既登相與面湫坐階上湫隨風作態兩雪煙霧初無定質而目之所擊其態即變有頃風益勁變態益奇倏然中斷而上段斷處橫舞空中數十丈縹繞如遊絲久而不下余與客皆笑呼起舞客蹈空跌階下湫倏自潭面倒捲而上蜿蜒翔舞飛入天際不知所之余拍掌大叫客亦蹣跚而起忍痛而視以為奇絕因相顧詫異久之欲觀障下金沙水走至潭右水又射至遂退而止聞湫水映日半壁陸離作彩虹狀是日輕雲蔽天不復睹此奇擬以異日乃與客循錦溪故道而出至瑞鹿別去

宋晁端彥大龍湫詩萬丈龍湫水飛流翠

那菴瓦溝若跳千斛珠檐端懸溜如秋雨亭午風稍和日脚穿雲罅斜映高壁彩虹數道絢爛炫暎余借諸君扶掖憇瀑後厓中劊若半瓠瀑布前挂水色與日色相盪摩如坐石齊奴紫絲步障中跡人面咸有異色作青紅熒熒不定狀朱君屢引觥船遞酬客咤為生平奇觀余於是知蕩南先生言非溢猶恨其不盡究也夫瀑一而已風與水交相濟則山靈不自愛其奇或水壯而風殺風壯而水縮或不能窮秋之變惟所見適遇適不遇耳予嘗聞登岱宗不見日觀非遊也然日觀非極晴明不得見陰雨晦暝春夏六之秋冬三之已霽而登登而或翳已雨而阻阻而或舒於是登岱者十不一觀焉信遭之不易也余於雁山非不數數也於茲始睹湫之變微龍山靈良腆哉自鮑志藝文移在此國朝施元乎大龍湫記大龍湫水之最奇者也其障曰連雲壁立于倪環抱里餘獨開東南一面如天闕焉剪刀峯適立其間而湫則在障底風入障中鬱不得暢與湫關湫力不勝風則役於風而湫之變態以見其奇幻怪詭雖善狀者不能窮也余出自能仁將入谷會有客從東谷來遂與俱入緣錦溪西北行錦溪者湫水所經去也溪北干巖

樂清縣志

卷之二

邑里

敘山

矣

競秀邈迤數里西接障口余且行且視遙見障端有蒼煙狀勃勃上浮客曰湫也余駭之將至聞聲逢逢然從峯後出繞峯入障中則瀑布懸於天際凌空飛瀉白光射人若決銀河而下怒衝巨潭響若雷霆令人心戰湫下有忘歸亭余未履潭側客先之亭風起障中湫水倏分偏支斜披而至客疾走避若萬矢之逐孤將幾仆巖間急回顧已捲而去乃戰然大笑湫振響不止余語客登潭左小阜語軋於響客弗聞乃呀口若反詰余余亦不省所云祇以手示如聾啞相接狀阜上有階數級詎那亭故址也既登相與面湫坐階上湫隨風作態兩雪煙霧初無定質而目之所擊其態即變有頃風益勁變態益奇倏然中斷而上段斷處橫舞空中數十丈縹繞如遊絲久而不下余與客皆笑呼起舞客蹈空跌階下湫倏自潭面倒捲而上蜿蜒翔舞飛入天際不知所之余拍掌大叫客亦蹣跚而起忍痛而視以為奇絕因相顧詫異久之欲觀障下金沙水走至潭右水又射至遂退而止聞湫水映日半壁陸離作彩虹狀是日輕雲蔽天不復睹此奇擬以異日乃與客循錦溪故道而出至瑞鹿別去

宋晁端彥大龍湫詩萬丈龍湫水飛流翠

樂清縣志

卷之二

邑里

敘山

李

有三千六百地軸相鈞聯壓徧東南地欲坼白龍捲  
 海飛上天雷公擊鼓馮夷鞭龍鬚入江化為石巨靈  
 扶起太古色應真宴坐天人來十八招提若幻出長  
 風吹開天骨碧鮑志此入藝文明朱希晦大龍湫  
 詩入眼千峯翠作堆喜尋龍雁窟中來半巖有日飛  
 晴雪一望無雲吼怒雷駐錫已知尊者意揮毫空想  
 謫仙才志歸亭下忘歸客手弄潺湲坐碧苔章元  
 梅詩我行訪名山有時成獨往靈源探龍淵閱境發  
 雁蕩霜林遍行跡峭壁足心賞玉龍孽蒼峽飛下一  
 萬丈塵頰洗之空神觀極蕭爽緬彼湫上人曠焉不  
 可仰後天湖三光吾其絕塵想朱諫同萬五溪提  
 學酌瀑布下詩高崖仰刺天骨碧龍湫水自崖端出  
 雲間一瀉到深潭上下相懸幾千尺和風習習嵐氣  
 消細雨霏霏酒杯濕貪看未盡眼力高葛中岸向斜  
 陽立先生慣識川流意駐屐停驂總深契白頭老叟  
 亦忘歸點筆斜陽覓詩句鮑志此入藝文朱國祚  
 詩靈域峇巽隱不知中藏七十二峯奇披衣正在煙  
 深處到面初無雨歇時謝客未曾經蠟屐貫休已後  
 少題詩洞天最恨流傳晚莫覩蟲書烏篆碑國朝  
 周清原詩匹練橫空落銀河直倒垂雨絲飛不斷徧

向客衣吹朱惠雲詩一峯迴繞一峯巔直立龍湫  
 背上天厯亂川原分野色迷離溪樹帶村煙神州鶴  
 羽橫秋水空谷鮫珠灑碧泉奇幻應從銀漢下恍疑  
 身傍斗牛邊張元彪詩神鼇旋地軸倒捲銀河流  
 能作四時雨散為太古湫施閏章大龍湫詩白龍  
 倒影垂青天天河欲決成桑田驚濤一瀉五千仞  
 為素練飛紫煙遊絲小住勢不下奔雷逆射當我前  
 舉頭拍手相呼嘯回風急雨爭喧闐忽如王女舞白  
 紵翠環長佩何翩躚詎那開山好心眼孤亭冉冉來  
 羣仙我吞名泉曾八九杖藜對此嗟老顛靈源湧出  
 雁湖頂怒翻月窟稱龍淵謝公屐齒不到處榛迷徑  
 塞重茫然下注錦溪厯斤竹東歸到海何時旋憑誰  
 拾取玉井石蓮子種此湫底藕如船它時騎鹿重相  
 訪會看十丈開青蓮袁枚觀大龍湫詩龍湫山高  
 勢絕天一線瀑走兜羅綿五丈以上尚是水十丈以  
 下全為煙况復百丈至千丈水雲煙霧難分焉初疑  
 天孫工織素雷梭拋擲銀河邊繼疑玉龍耕田倦九  
 天咳唾脣流涎誰知乃是風水相搖蕩波回瀾卷冰  
 綃聯分明合併忽分散業已墜下還遷延有時軟舞

工作態如讓如慢如盤旋有時日光來照耀非青非  
紅五色宣夜明簾獻九公主諸天花散維摩肩玉塵  
萬斛橘叟暗明珠九曲桑女穿到此都難作比擬讓  
他獨占宇宙奇觀便更怪人立百步外忽然滿面噴  
寒泉及至逼近龍吟側轉復髮燥神悠然直是山靈  
有意作游戲教我亦復無處窮真詮天台之瀑何狂  
顛雁山之瀑何嫵媽石門之瀑何噴騰雁山之瀑何  
靜妍化工事事無復筆一瀑布耳形萬千要知地位  
孤高依傍少水亦變化如飛仙阮元大麓歌用  
禁體山迴路斷溪谷窮靈漱陰閱龍所宮眼前無石  
不卓立天上有水皆飛空飛空直落一千尺鬼神不  
任疏鑿功絕壁古色劃爾破山腹元氣冲然通有時  
靜注絕不動義輪下照神和融有時飛舞漸作態已  
知圓暉生微風一國春著吸已盡水花猶復搖玲瓏  
嫵然乘颯更揮霍隨意所向無西東不向尋常落處  
落或五十步百步皆濛濛豈料仙境在人世誰作妙  
戲惟天工雲煙雨雪銀河虹玉塵冰穀珠簾攏萬象  
變幻那足比若涉擬議皆非工石門飛瀑已奇絕到  
此始嘆無能同惟有天柱巖中龍漱中屹然百丈直  
欲與此爭雌雄李鑾宣大麓漱詩六龍捲海飛上

樂清縣志

卷之二

二百里

敘山

圭

天雷公擊鼓馮夷歎漫漫銀漢住不得蓄勢斗落千  
丈萬丈冰綃連女媧不敢補蘆灰止之勢益顛海若  
不敢受尾間但洩江河川地姥不敢派敷土未奠功  
難宣帝命東南作倚觀迺勅六丁六甲持斧下大千  
石髮薙去露垠場山腹劍盡工雕鐫至今連雲峰下  
鐵壁堅匹練界破青山巔崩崖隊壑四面絕倚附白  
雪之白半化曉羅綿怒者盤鸞巨爪動飛者舞鶴修  
翎翩疾者揭天綱鼓震徐者踉地游絲牽觀於此者  
難爲水何以是火非水瀉地皆雲煙我聞匡廬之瀑  
龍吐涎石不凹削水倒懸又聞天台之瀑聲驚瀟石  
梁壓之奇始傳往者石門看飛瀑奇幻差足與比肩  
入山不深林不密臺眼已見石一拳豈如龍漱有意  
作游戲九天咳唾隨人呼吸能迴旋右腕珠簾各左  
挾燕尾泉剪刀剪水水不斷雁爲錦溪灌漑無數膏  
腴田雁山中有一十二瀑布踟躕之水敢與此水爭  
蜿蜒我詩未竟眾忽喧謙從促我毋遷延漱頭雨脚  
黑如織雨師風伯不許乖龍眠又大龍漱石壁上  
唐杜審言題名詩言尋大通碑歲久不可見偶訪龍  
潭漱碧土吹寒霞題名石迹粗斑駁字畫變掃壁捫  
蒼苔手讀意忘倦隱覩修文名差喜目無眩土花風



雨蝕雲障萬蘿胃想當神龍初著屐恣遊醜必有驚  
人句石上蛟螭戰古今大手筆盛美幾人擅或傳或  
不傳過眼瞥如電天紳方倒垂舉頭激銀箭宋士  
彥大龍湫詩神龍不行雨越在南戒南掉尾入深穴  
蟠泥成廣潭有時游戲驂黃鵠咳唾空中散珠玉有  
時抱石潭下眠珠簾翠被相澄鮮一朝雨師來揚鞭  
走疾雷倒翻海水濯峯翠森森劍戟丁甲開至今龍  
行向何處嶺上白雲常不去諾詎那踪木易尋杜審  
言題猶可戲我來小旱秋水清鐘球戛擊鏘鏘鳴願  
得虎頭沈水底一門蟄龍灑時水自鮑志藝文移在  
此增宋竹軒集林季仲游大龍湫詩晚驅羸馬下  
層邱路轉寒塘憶舊游半夜雨聲碎庭竹更疑飛沫  
濺龍湫明朱諫觀瀑布詩我聞廬山之瀑布謫仙  
道有三千尺雁山瀑布千萬尋往古來今幾人識廬  
山要路出名區騷人墨客多經歷雁蕩荒涼落海陬  
輿圖卻在東南僻真宰茫茫意莫知誰把低昂考名  
實我生不若李謫仙有口莫辨嗟何及次題澗邊  
游龍湫韻風前雲外飛鳧履青虬白鶴龍湫水道人  
何事未歸來獨倚媚皇舊天柱巨靈高掌摩兩山貫  
日長虹架空起怒雷奔壑地軸搖銀河下決天無語

樂清縣志

卷之二

邑里

敘山

三

南風未了先雨雪赤日滿空晴乍雨法王灑道慧水  
香詎那說法天花委李龍龍湫詩白日飛寒練青  
山下玉虹誰將廬阜境移在雁山中國朝蔣士銓  
題趙舍人文哲龍湫濯足安得萬里流滄浪  
清濁非我求踏冰雙足厭塵墟何處踢翻鸚鵡洲近  
來燁湯洗躡鞵逕去拍水隨身鷗舍人忽現邱壑影  
白氣出卷不可收天紳四垂古雪亂羽衣萬舞晶簾  
鈎羣龍戲海湧具闕中有王者冠懸旒只疑天漏瀉  
銀漢黃河倒落崑崙邱蹴而踞坐有奇膽叩脛不懼  
龍公尤知君曾次納洪瀨俯視巨浸同浮漚偶然插  
腳水精域跨躍江海思乘桴我聞雁蕩高峯百有二  
雁湖十里開山頭永嘉而後顯靈境老衲接迹栖巖  
幽遂令尊者諾詎羅道場直與天台侔天下瀑布之  
水我但見其一開先匹練飛雙蚪君言石梁較奇險  
山骨半偃力抗干幽壑雷霆萬斧擊不斷至剛乃敵  
元冥柔不若龍湫直下五千尺離絕倚傍飛旌旂空  
靈神妙甲諸瀑他樂敢附箭韶儔平生魂夢浸靈窟  
攝入巾卷成巧偷昔者吾友畫宴坐好勇與爾堪稱  
由奇觀挹取豈為過往事湖洞聊復休蛟龍鬣趾亦  
可畏丈夫有脚甯妄投夷猶我欲衛其足濯纓咲聽

兒童謳 又題王又曾龍湫宴坐圖二首 已從空際  
著蒲團 猶覺潺湲注 耳邊直怪豐下會 饒舌累人身  
墮雁山前 須菩提 坐萬山空 可為驚濤左耳聾 成  
佛生天兩無著 半天晴雪一飛鴻 端木國瑚大龍  
湫觀瀑詩 天帝治水鞭神龍 龍神戲水漂鴻濛 帝怒  
轟擊驅靈霞 九淵逃入靈湫宮 靈湫幽閔神所鍾 天  
柱鐵障圍穹窿 冥戈陰劍森重重 狹榆前舞蛟螭從  
雷霆搜擊伎 倆窮翻與回 怒和雌雄盜帝天 符叱雨  
工孽戲海水 如驚鴻 玉峯作杵銀河春 怒椎河鼓金  
天聲 天孫機絲月 朦朧如煙五色舒 長風星斗連珠  
懸玉鍊 帝藏下 翰天錢空龍王姝 女東海童水晶環  
珮鏘玲瓏 玉塵窈窕珠簾 耀珊瑚 寶日金芙蓉大會  
百戲颺華幢 獄瀆神怪馳 蒙耳海馬銀鬣 犀鐵鬃火  
晴赤豹金毛 猊舍利 跳躍霧鳴 喙都盧 上下雲撞撞  
神弩羽箭飛 蠅蝶仙 檣帆福隨潮 東何來 金石聲 琮  
塔竊帝天 樂謹羣蒙 洛水浮馨 豐山鐘 昆吾神 鐵軒  
轅銅忽作武樂勢 衝轆黃帝 涿野塵神功 蚩尤敗陣  
兵洶洶 頭裂天柱 崩蒼穹 忽又雅樂聲 噓噓天清玉  
母鷓空 峒青鸞 吹簫氣 青葱白虎 擊鼓神雍 睿玉女  
偷聽丰姿 穠剪刀 擲下化雙峯 忽然霹靂 摧從龍日

樂清縣志

卷之二

邑里

敘山

三

月顛倒 迷春冬 閻王縮鼻氣 嶺嶺山鬼垂涕 潛煙叢  
神僧咒鉢 窺其中 咄咄怪物 難與逢 神河落天無始  
終 靈湫迴與星源 同造化 不死長如虹 江湜詩 臥  
聽簾下瀑 想到大龍湫 得此一宵雨 知添萬丈流 壯  
聲應入夢 遙憶亦銷愁 莫負山人約 茅菴為我留  
又連雲障 至龍湫 詩鳥道下蒼迴 峯路始一宕 披蘿  
窺龍湫 幻壁更萬狀 洶湧跨連雲 疊此橫天障 谷景  
肆重杏 厓象森開張 霧露晞陽門 雷霆闕陰仗 雲盡  
龍潭出 天大日色 旺卻立蒼石 根瀑水猛相蕩 旋騰  
激長林 灑壁皆雪浪 真花落空際 虹影散石上 連珠  
叫無聲 飛湍遶千嶂 當畫萬物 孤倚策一身 曠絕  
返至虛 竊窺觀大壯 役心移海圖 眩目出天匠 慎勿  
語井蛙 吁茲造物妄 趙先大龍湫 觀瀑詩 山中臥  
龍蟠水府 天公呼起作霖雨 倒捲碧波飛上天 傾落  
銀河播膏乳 龍湫之瀑 真如龍蛇 天矯翔虛空 分  
明是龍 挾雨至 那知飛瀑 灑高峯 高峯峭壁 森似削  
萬斛奔濤 自空落 擘開青峽 白龍飛 絕地通天 此奇  
作乍觀 有若龍騰 霄天門 跌宕看扶搖 雷轟電壘 走  
風雨 海波直立 掀江潮 繼觀又如龍 飲水下與老蛟  
鬪 潭底冰花 飛濺雲滿身 神龍見首不見尾 有時吹

珠龍吐珠咳唾九天風與俱直下不知幾千尺煙雲  
縹緲疑若無有時射日龍曜燭一派虛明瀉白玉依  
附皆空地地位高原流不竭真精足龍兮龍兮何其靈  
變化超忽無定形小湫龍鼻那有此浩氣萬古凌蒼  
冥我來冒雨探奇異仰觀解識神靈意  
願龍遍施潤物功莫向空山但遊戲

常雲峯 與白雲山相連其峯聳立天際頂平旁殺海

船望以為的其上常有雲氣故名 增國朝李鑾宣

入後峯掉左峯雲出右峯繞一峯陰或數峯晴坐令  
游人失昏曉孱弱更有常雲峯千仞巖峩極天表是  
山是雲不可辨是雲是天更誰了乾坤一氣接混茫  
雲上於天天森森煙鬢霧鬢有無間金闕銀臺想縹  
緲始知目力未到處別有奇峯插瑤島炎炎赫赫曦  
輪光到此不能洞幽窟雁湖高香峯頂平龍湫下聽  
波聲小澗雲直上見天青白雲依舊青天裏 端木  
國瑚常雲峯詩對嶺天在山白雲滿晴日漏出雲影  
中青蒼插峯足峯足倏復冥天首芙蓉轟東峯雲是  
松西峯雲是瀑雲天一東西互見峯峯綠卷之仙人

樂清縣志

卷之二

邑里 敘山

七

衣孤映官白鷓儻忽海帆張蓬蓬張虛壑雲態何變  
幻靈峯為舒縮巖雲七十峯藏之一峯腹其下海穴  
蟠龍氣各相屬每當大火交一縷噓萬族無雷潭響  
奔不雨林光沐明晦勢多端雷雨亦翻覆猿鳥鷹有  
聲各不辨巖谷長看雲斷邊僧寮白煙續看雲是看  
峯何在循其麓我看此峯雲隔嶺妙相矚試坐馬鞍  
頂快覽 山半有連環洞 一名頂珠石陟巔則峯巒  
過朝旭 象鼻

巒皆直起如人立曰千佛巖 行錦溪上仰視巖祇林  
中巖西一石橫豎名朝天鯉 千僧寶幢華鬘會集空  
首尾昂起 其下石壁斜

亘里餘南豁為門北凹為洞軒軒言言如百雉城曰  
化城嶂洞深廣可容數百人僧道松嘗居此故名道

松洞 明戴澳贈道松洞覺選上人詩君應曾受記住

酒花醉玉人顏一覺都堪笑孤峯去不還 國朝張  
爾瑄道松洞詩古洞傍巖陰雲封常寂寞仙人不再

逢空對一名紫薇相近有削玉抱兒瑞鹿立筭石碑屏俗稱樹

諸峯皆直豎逼霄漢削玉西五里有鏡臺旁立石

如好女曰美人巖士人謂之美人鏡鏡其上即白雲山東有石

城嶂畧如化城西曉闕在嶂中險不可攀東南嶮嵯

峯與石城相護外即馬鞍嶺以上西內谷

馬鞍嶺 在邑東六十里山崑石凹狀如馬鞍中砌為

嶺增國朝李鑾宣馬鞍嶺詩眾山度嶺為東內谷如奔馬此山扼其領橫跨作馬鞍意態好以整無

數汗血駒馭之不得騁影影石磴紆嫵湖水天半淡雲隱大

海東南迴衣帶一條影驚杖銀潮來耳畔天風猛錯

愕下羣麓連娟眉黛靚惟有常雲峯高壓映驪頂

瑞木國駒馬鞍嶺詩磴道苦紆迴突兀復此嶺行色

滯前旌峭絕無由騁梯空踏斷壁踵觸後人頂斗上

樂清縣志

卷之二

邑里

敘山

畫

忽垂下勢不憚一頃懸路失欹扶足到目先警高風

落崖壑鳥墮空無影危步較分寸餘力借榛梗有奇

不暇賞出險即云幸山北有大屏風如乘風揚旗玉

林且崎嶇投迹能無省國朝施元孚玉霄峯記馬鞍

霄峯高絕不可數計嶺東北有玉霄峯焉子朱子所

謂欲登之以望蓬萊者其峯自山半拔起千仞上凌

雲霄在嶺視之其體巍然而豐中多直理黑質而白

章璀璨奪目至嶺東回顧則變而北向峭聳瘦削又

若釋氏所貌大士跌坐狀乃山中諸峯之最高大而

秀麗者也顧峯於斜日返照下恆於雲鏡中閃爍發

燄其狀如虹山中人咸以為怪余至自西谷抵嶺際

適見之乃知峯既高而有色而斜日返照則雲有輝

以雲日之輝盪摩于璀璨石色間故五彩以見此峯

之奇非峯之怪也然峯質也靜象也彩燄影也幻象

也以靜者而幻生焉即謂之怪也亦宜矣山人謂峯北

有徑可攀至峯半而其上則可望而不可即觀其孤

高縹緲之致得毋為仙靈所憇而與蓬瀛相望乎書

以訪蓮臺嶂綿亘二里許陡然而住旁有黃巖洞仙

人榜玉屏風諸勝又東陡然而起曰列仙嶂嶂橫揭  
中開為履雲闕一名東左右立石作人物百怪狀勢  
皆奔赴曉闕又有鷹嘴峯一名佛手古洞冲霄洞皆僻處  
玉屏東又東有紫薇嶂西接蓮臺六里許皆丹巖翠  
壁人行其下如入畫屏

靈巖 西接紫薇嶂谷內兩巖對峙作獅虎狀入谷里

許豁然中拓崇巒怪石森列萬千上有巨巖橫展二

里許壁立干霄紫翠層疊間以丹堊爛若錦屏曰屏

霞嶂一名平霞即靈巖也明何自靈巖記予嘗謂造化之

得不澎湃溯風之扣也於物曷意哉若水之觸石也不  
之於簣也雲蒸之為霞也造化於物曷容心於其間

樂清縣志

卷之二

邑里 敘山

美

乃於靈巖裝綴之奇位置之巧又疑造化似若有意  
也者靈巖外戶固無奇而崖壁立若闕巖關稍入萬  
峯林立中拓而廣足量萬牛而諸奇畢萃焉背懸巖  
屏展橫亘二里許半壁爛爛若五雲曰平霞障障之  
趾清曠若步廊者曰安禪谷左右天柱展旗二峯爭  
雄競爽窮目之力不盡其妙已而崇巒怪石林林總  
總售奇効靈於兩廡間令人目謀心會應接不暇左  
峯之巔有石若累丸者曰紺珠方堵若設屈戌者曰  
石屏展旗之腋有洞甚深窈捫葛而上人憑石檻若  
騎衡上有圓寶望見隔山天影如懸鑑下有深淵黝  
無所見以石投之聲輒鏗鏗崖端跌伏而昂首者蟾  
蜍是則東序之事始既右峯若相顧而對舞者曰雙  
鸞挺而亭亭古松盤攫其頂者曰獨秀銳而膚立者  
曰卓筆煙鬟兩沐若凝睇者曰玉女是則西序之事  
始既迤邐深人則小龍湫龍鼻水九曲橋劍峯泉諸  
奇不可以俛指計直眠則僧拜石迹孟峯又若森列  
於几席之下環而睨之旌旗壁壘大將葺廬無以喻  
其嚴肅也寶幢華鬘法王化城無以喻其妙勝也珠  
林瑤樹羣王之府無以喻其瑰麗也山靈信狡獪哉  
予曩偕鄭邦章中丞夜宿山樓四望寒月如積雪諸

峯偶立露氣嚴冷不覺神恬形釋中丞謂余是地宜  
做句曲陶通明構三層閣異日與子元傲其上日夕  
吸飲靈爽之氣凡骨不難立蛻耳忽忽十餘年今中  
丞方出山而予亦見二毛山靈未嘗謝客而客斤斤  
率七尺尺若春蠶吐絲自縛豈不大可姍笑哉披圖爲  
之撫然國朝施元孚靈巖記靈巖雁蕩山明庭也  
谷口兩巖如獅虎入谷紆行里許豁然開廣北上平  
巖幾千仞日屏霞障其趾有谷曰安禪有龕曰龍鼻  
水左右羣峯迴抱如玦余遊時曉霧方濃將至谷中  
霧騰湧而出迷不得路會僧妙文出谷因與俱入過  
寺基髣髴從松杉間躋山麓小屋數間半枕石洞所  
謂安禪谷也方是時四顧蒙蒙一無所見僧敲火煮  
茗煙入霧中迷不復辨已而霧稍解隱見西南諸峯  
如七八八巨星夜走海上牽袂微行而不識其面乃  
隱几而寐覺日忽向午急出視羣峯千霄應接不暇  
北仰屏霞端嚴絢爛橫亘如負屨屨其在東南者曰展  
旗關百許丈如大旆從風東指而捲其角於北而頂  
珠伉月石屏玉蟾蜍諸峯參差相接北屬於屏霞在  
西南者曰天柱巖巖峴峭孤標摩空瑰偉特甚其西  
曰雙鸞又西北曰捲圖又西曰玉女又西曰寶印又

樂清縣志

卷之二

邑里

敘山

七

西北曰堯闕其逼近屏霞者曰獨秀曰卓筆兩序名  
巒聚靈競勝而龍鼻天聰僧拜石小龍湫及溫泉石  
室鴨鞭劍泉諸奇錯出於諸峯間者不與焉其秀擬  
如玉柱瑤屏其壁密如千門萬戶倉猝顧之如咸陽  
侍衛劍戟相摩環立丹陛靜而觀之如有虞羣后服  
采執瑞協恭帝廷山無遁形萬態在目近遠瞻眺且  
怡且愕既下飯相僧與語不盡解遂復外出雲浮天  
碧四山淡寂余獨往來諸峯下身之所之峯若向余  
意之所屬峯若解余穆然神與之遇以相喻於無言  
也坦懷忘形情景混合茫然而不自知也乃徧歷幽  
奇抵晚止谷中其夜無月惟星芒燦燦挂峯頭如垂  
冕旒焉明朱希晦靈巖詩山風吹客思冥冥策杖  
經行酒半醒夜枕白雲眠絕壁晚看紅日落滄溟展  
旗倒影連天柱卓筆含鋒掃石屏穩駕雙鸞下霄漢  
愛他玉女笑娉婷候一元靈巖詩仄逕重重起看  
山面面殊書從丹洞秘峯入紫霄無候雁雲中斷驚  
猿月下呼悠然赤水宴何處訪元珠頃日葵靈巖  
詩十年結得此青山一度花開一往還湖頂有雲生  
絕壑禪關無夢到塵寰雨餘石洞邀龍宿月上松林  
趁鶴閒達曙酣歌君莫訝明朝身已落人間國朝

樂清縣志

卷之二

邑里

敘山

夫

梅閣章出靈峯洞將往靈巖詩愛說前山好寒裳洞  
 口行積煙無去住疎雨亂陰晴石巧皆成象峯多不  
 記名遙看又靈境天柱獨崢嶸（未士彥靈巖詩）太  
 初無定形物物視所肇少見必多怪迺謂造化小秀  
 氣此獨鍾生質安可矯一巖萃羣峯煙雲恣繚繞錦  
 屏張貝闕天柱排雲或卓筆森錐刃展旗煥旆旒拜  
 石僧拳踞盥盆女窈窕中有安禪谷玉洞幽且窅其  
 上一線天抱白龍尾掉乳泉滴石髓出自鼻之杪匠  
 石拙斤削畫師窮丹縹冥想非所思縱觀不可了靈  
 巖何其靈信哉六合少百鮑志藝文移此（增）宋林  
 季仲重九前一日宿靈巖詩馬上衰顏只自嗟驚心  
 那復見黃花花如相識終羞澀底甚重陽不在家  
 劉蒙川靈巖詩千巖圍一寺入境便無塵古木猶知  
 已高崖若正人山靈祛虎跡石髓幻龍身上有通天  
 竅民愁獨未伸（元李孝尤憶靈巖秀禪師詩二首）  
 北林日午煖如烘盡日溪行曲折中自愛敲冰看魚  
 上山頭樹影落溪紅密室都無霜露氣壁間著此  
 一枝却平霞龕底論文酒未信閑黎飯後鍾（明朱  
 諫憶靈巖詩曾到靈巖寺斜陽帶曉鴉阿童掃僧舍  
 茗椀對殘花拄杖看危石移尊就淺沙題詩轉相憶

未免老年華（恒江詩）類翼秉德自龍湫抵靈巖詩  
 谿迴磴轉入雲深古木蒼鱗結午陰煙浦疎鐘來遠  
 寺石門流水瀉高岑山中逋客名黃綺洞裏真僧字  
 道林薄日松濤响空谷疑聞鸞鶴送餘音（國朝端  
 木國瑚靈巖詩五嶽在天地物大無與難雁蕩有靈  
 巖奇敵五嶽半雲海百二峯環抱勢浩汗其中四維  
 分又若兩儀判結構盤古初拔立扶桑畔萬竅地肺  
 張一脈天河貫石上生日月林下變昏旦巖狀肆森  
 凝壁像儼昭燦比谷蜂房深聯峯虎落暗老屋百市  
 陳神獸一門扞山客與獨尋怪迹喜深探展旗蚩尤  
 軍孽海煙霞斷卓筆倉頡書列天星斗冠斬龍天柱  
 蒼剖蚌海珠紺仙骨屏風行僧飯鉢孟散驪龍雪竇  
 眠蟾蜍月中玩臨潭更窈窕玉女起清盥濯澗又婆  
 娑金鸞弄柔翰竹杖探未周桃核積籬算出沒幻真  
 形登降豁奇觀縮地出海藏攀天列雲漢洞重煙葛  
 迷谿沓風篁亂佛夜自然燈僧夏未嘗汗山中木葉  
 仙世外乾坤換微生畢婚嫁獨往期汗漫心涼太古  
 冰物熾陰陽炭相從造化遊不作人代歎谷多不死  
 藥峯有長年館誰從面壁居獨結負苓伴三花嵩頂  
 朝五葉廬峯宴靈巖入覽週宇內盡一旦開山誌詎

那鑿石置今讚江湜詩默數前遊迹靈巖寔大觀  
奇峯爭位置邃谷盡盤桓天巧誰司匠人來願挂冠

名山期再入障之半巖有安禪谷清曠若步廊明朱希晦

安禪谷詩塵世原來著脚難簪中椽粟足充餐浮生  
但覺鳥蟾急靜坐不知風雨寒一壑秋聲春石榻四

山秋色擁蒲團老來出定寂無伴笑看舞空雙紫鸞

國朝端本國瑚安禪谷詩真龕住空相靈溪萬  
緣謝木葉發天光孤雲在巖罅結跌昔何年片石莓

苔藉龍刳付茫茫山中一涼夏木魚寂無聲日落猿  
參罷冷洽松谷龍鼻水絕清冽內從靈巖寺後上石

泉一醒人間夜礎壘數十折至洞口洞脊石色皆紫中嵌橫石作鱗

甲狀其脊隆然外露宛若龍形繞下數十丈勢盡乃

垂入洞底作懸鼻如小匏壺而稍長石色紺碧鼻有

小孔出泉水時時一下滴明何白龍鼻水記從靈巖右廡板危礎轉而蛇行經

樂清縣志

卷之二

邑里

敘

七

獨秀卓筆二峯側拾級復登數百步兩厓垂合而闢

者曰龍鼻洞厓端石龍長數百丈蜿蜒下垂鱗甲悉

具石理作縹碧色中爪陷入厓中若攫拳狀龍首下

垂去地不十尺鼻端小穴泉涓涓時下一滴石盤承

之香滑甘冽足傲神漢而凌玉酒余為一飲塵壘若

滌大都名山峯巒以其形似者錫以嘉名厓得其髣

髴耳然酷肖惟老僧巖與龍鼻水稱最奇詭洞口玉

女峯適相對余笑謂龍得葉公之似若玉女者如曷

鼻離肩何寺僧從旁曰春夏之交峯巔躑躅花亂開

宛若村姑縮兩鬢插彩勝故自妍媸余復戲曰第恨  
腰肢不作渚宮舉止直女中笨伯耳為之撫掌大噱  
僧亦忻然第不知余言云何國朝施元孚龍鼻水  
記去安禪谷西百步為龍鼻水絕壁之下竅而為洞  
其內石色皆紫獨嵌石龍鱗甲皆青色自洞外嵌厓  
而下蜿蜒數百丈繞至洞底伸一爪下據於地捲首  
爪旁垂鼻滴水涓涓弗息洞下諸峯林立惟玉女峯  
當其前憑巖而凝睇余借谷僧躡險入洞見而異之  
既乃嘗其水芳冽而甘拭其鼻孔泚然如汗出腴理  
而不知所自來僧亦謂積旱澇不爽其詭怪殆不可  
究僧既去余愛其奇獨坐而玩之時斜日從玉女峯



問返照洞中祇見黧點滴瀝張鱗露爪猙獠之態不  
敢久視俄而片雲飛入橫薄腹間光怪動搖洞右瀑  
又雷震恍疑神龍翔舞吟吼以出沒於雲谷間余心  
悸急下洞口乃大詫異旋復入玩洞中久之乃望小  
龍湫而去元李孝光龍鼻水聽琴詩玉筍仙人鞭  
白犀天風吹度芙蓉溪手脫長劍洗妖血驚起石上  
元蛟啼炎沙燒尾鱗甲赤腹中慘淡蟠雲霓頭鐵出  
冶太古色霜露欲結風淒淒老翁摩挲莫驚汝置之  
膝上聽其語大聲伏雷鳴地中小聲蠅蠅吹風雨阿  
香辛苦玉龍睡收靈捲電還元氣領底明珠忽迸落  
金支羅襪凌波去江清雲暖天無風暗潮自撼黃銀  
宮紫髯元甲臥不動真翁龜息深至踵大笑欠伸忽  
飛起明月瀾瀾在秋水君為我起扣其角我亦長歌  
返其樸卻騎過海呼安期還君七尺珊瑚枝自鮑志  
藝文移在此明朱希晦龍鼻水詩誰謫蛟颯下九  
天至今蟠屈尚依然蛻形已作千年石穴鼻猶通一  
滴泉不向靈湫吹瀑雪卻來絕頂臥巒煙何當大慰  
豐年望下漑人間萬頃田增宋羅湖野錄肱禪師  
龍鼻水詩雨足雲收得暫閒漫將頭角寄空山鼻端  
一滴無多子引得人人到此間國朝袁枚龍鼻水

樂清縣志

卷之二

邑里

敘山

卒

詩是誰鑿石作龍宮無梁高殿懸虛空老龍躩踞病  
吹雲一鼻孔水流淙淙昔者使了奴鼻涕一尺長更  
有永安主替兄拭鼻遭愆殃此獨一通復一塞得毋  
有意分陰陽我欲借居作廣廈日日清泉掬兩把更  
請當年孔甲來橫穿龍鼻如牽馬端木國瑚龍鼻  
水詩靈巖落天無五嶽徙海龍宮藏一壑捫蘿褰瀑  
窺層嵌古洞森寒踏霜鐸破空一嘯風雨來幽林颯  
颯真花落神龍倒蟄蒼巖中雲氣化石石氣惡鼻頭  
拄空捫有聲五月寒涎一文緣叱起霹靂碎巖飛電  
身直怕驚濤作躩踞壁鱗爪痕紫蔓蒼藤盡蟠薄  
龍精飛伏鼻有神鼻水三時看羸縮天瓢盛夏不濡  
昏佛窟隆冬可洗目龍兮鼻兮竅忽通六根大地虛  
空鑿盱哉老僧獨水龕龜息其下神漠漠我生怪膽  
森光芒一觸百日心魂愕閻王捉鼻向青天不直老  
龍一其右有天柱旁無寸土孤根獨立高三百餘丈  
長矚宋王忠文詩女媧石爛若為修四海咸懷杞國憂誰  
識山中真柱石擎天功業勝伊周杜範詩探幽不  
知疲前賞方未極晨行越高嶺披地見峭石有如萬  
箇蒼玲瓏倚秋碧東西忽異狀顧步忘所歷一峯柱

樂清縣志

卷之二

全

中天摩立千仞直旁無寸土勢始覺造化力凜凜蒼  
 鐵姿漠漠太古色俯疑霹靂怒仰視元氣黑溟波瀾  
 南維在昔因盪激伊誰拔山來作此顛側側諸峯左  
 右嶮參差列矛戟或如削層霞熏蒸半天赤或如簸  
 大旗干騎皆辟易或穎如書空或攫如歲翼或如龍  
 天矯兩石陷其脊噴兩空洞中幽響日夜滴捫蘿展  
 奇眺百態墮曾臆眼光亂崖竅日氣光映射似聞多  
 靈秘路絕天所惜側身下窺篠倦坐屢脇息沈思融  
 結初合人嘆開闢百鮑志藝文移在此明侯一元  
 天柱峯詩寥寥萬仞卓雲空黃道低分彩翠中怪得  
 地維長不缺于山雄壓海門東增宋林季仲詩尋  
 勝權輿自天姥苦鞋踏遍春山雨要得山如磊落人  
 紛紛拳石何足數忽逢一柱插天寒行第最高擬父  
 祖羣峯往往皆兒孫環列膝前仍俯偃我憂穹蒼欲  
 撐柱莫笑杞人心獨苦伊誰有其南為僧拜石國朝  
 力能致之大底蒼生使安堵端本國朝僧拜石詩一僧偏袒著風肉向石囉囉作  
 梵語當年見石佛隱身投體空山獨勤苦憐渠佛子  
 說無生夜半傳衣幾門爭何時雙鸞遶圍玉女獨秀  
 石爛虛空碎一笑僧伽撒手行邑里敘山

卓筆諸峯

明侯一元玉女峯詩行雲飛盡雁湖巔玉  
 女明妝尚儼然自是天皇卷衣伴鐙教人

賦洛神篇

增國朝李鑾宣玉女峯詩天台奇以石  
 雁蕩奇以峯峯峯不一狀合背難為容我尋龍鼻水

乃與玉女逢彼姝者誰子翩翩若驚鴻觀妝自嫵媚

乘鸞戲煙空煙空雲復捲眉捲青重重袁枚卓筆

峯詩孤峯卓立久離塵四面風雲自有左有展旗高

神絕地通天一枝筆請看依傍是何人

齊天柱闊二百丈儼若大旂其脊有天聰洞宋王忠

洞詩重華疑到此山中鑿石疎巖達四聰端為草茅

憂世士不教無路獻孤忠周茂良天聰洞詩一竅

虛靈異谷神達聰何事在紅塵人頂珠石屏蟾蜍諸

問莫道無聞處天聽從來自我民

峯皆環拱北面而朝又有峯曰覆鐘茶爐重樓曉闕

寶印巖曰霹靂橐籥楞嚴鐘鼓石曰伉月伏虎觀音

珊瑚雙鳧石橋石船洞口蓮花錦雲鍋洞障之石腸

有小龍湫 明朱希晦小龍湫詩湫小猶通海蛟龍

葉霞光濕翠巒我來看不足長嘯獨憑闌 國朝

鑾宣小龍湫詩大龍衙衙飛上天小龍抱珠水底眠

偶然睡起鱗甲動踏破十幅玻璃煙有風無風匹練

懸欲下不下珠濺濺陰崖猶得氣歎欲危棧奔注形

蜿蜒雁山之峯一峯有一態窮形盡相爭取憐胡為

乎此湫有意作摹倣蘭亭縮本工錢錫僧言峯頂更

有蒼龍跽一爪下垂鼻流涎我聞僧言姑舍是看山

看水必欲窮其巔自鮑志藝文移在此 瓊端木國

瑚小龍湫詩青天壺之中玉潭鏡而空林花山葉干

萬重其內乃有戲珠龍真珠何瓏瓏翦水不可窮不

肯百斛十斛用之如塵愁天公但見一絲一絲曳之

百尺皓潔而冥濛春冰不成片片挂不成虹忽看銀

竹收白雨又狀玉蘿懸青松自龍抽髯長拂隨風

掩映金屏風天老談天落咳唾霏霏素屑玻璃宮道

人煮石茗颺煙紫春叢細聽杉篁寫壁響乃在竹鑪

之澗翠瀉素沫聲瀧瀧聲瀧瀧無西東莓苔坐石斜

陽紅一杯團團小龍月何如大 高視大龍湫之半乍

龍湫上一日目明三日耳聾

樂清縣志

卷之二

邑里

叙山

全

巨乍細亦多變態湫下有劍峯泉障端有石室溫泉

仙度橋路險僻人罕至

鐵城障 靈巖東二里北至響巖

峭壁園裏遊者積聲

朝施元孚響巖門記出靈巖東走三里

空路繞其北號呼磨響故為響巖之門四山崖壁斗

峻有丹穴延於其北西多怪石其對立於阿者若面

語焉謂之二仙譚詩東北有聽詩雙俯於山脊清癯

如老人翹其首為側耳狀崖壁之間小竹短木周環

叢生西有喬松蒼然挺秀禽鳥集焉而二仙適立其

側山靜無人語惟松聲謾謾禽聲啾啾清逸之韻入

耳怡人恍疑譚者有音而聽者有聞也余喜而歌歌

發響隨口和音韻復杳又疑立者余答而俯者余聽

也因踟躕而不能去 明何白響巖門詩崇巘積殘

兩霽氛翳元陰爽氣協真想惠風寫靈襟羣峭遞隱

見晨曦蕩陽林合杳兩厓闕路宵青谿深巖傾響易

發雲扃納虛音嘯侶應嘯歎呼嘒答翔禽復嶂鬱泉

籟迴颺薄蕭森高情豈孤賞往跡欣同尋資此足嘉

遯達生多所欽願持乘自車冀獲  
靜者心一發蘇門嘯載鼓邱中琴  
左右兩丹穴如口  
輔俗號虎  
有宴坐巖說法巖北經響巖門有聽詩叟

側首倚巖巔如老翁傾聽狀  
增國朝石覺寺僧素菴成聽詩叟詩斜倚懸

崖不記年松濤洗耳待名篇梅溪去後題多少可有  
驚人一問天  
季鑾宣聽詩叟詩二首萬笏名山刺

眼青泉聲不斷韻洽洽我無謝眺驚人句孤負先生  
側耳聽  
打破禪關那有詩語言文字兩忘之若從

耳畔尋天籟猶是聲聞未斷時  
瑞木國瑚聽詩叟

詩聲詩曰無際五色萬物會一物生一詩一詩一天  
籟山海相于喁不在風騷輩凡人鑿天真肝腎弄狡

猶撲地蒼蠅聲何能出塵壙曠哉莓苔叟側耳青天  
外兀來元氣初  
二石相向立謂之二仙談詩蓼花障

俯聽乾坤大  
橫亘數百丈丹黃燦爛間以斑白如花卉狀  
增國朝李鑾

宣蓼花障詩雲錦簇重重山容淡復濃誰將村落景  
描寫最高峯畫手意難繪秋光看亦慵丹黃聳天半

樂清縣志

卷之二

邑里

敘山

全

掩映碧芙蓉  
端木國瑚蓼花障詩茶花白湔湔鵲

花紅斑斑松聲石壁行其間當前忽欲無青山流水  
涼且閒恍然行到江南紅蓼灣看之又似嚴陵江上

鷓鴣灘條條沙上雨簌簌波中煙一幅倒挂秋光障  
罪罪漠漠遠帶雁湖十頃玻璃天山靈定畫工寫此

真可憐合我心落沙汀際持竿卻泊釣魚船白雲一  
點鮮便如鷺鷥皎皎飛長川不知身轉萬峯裏芒鞋

跂石聞巖蟬廬山一花一葉或如此吾將參之山中  
老衲此義  
障中有金鼎峯西折而北兩嶂並峙高各

數百仞石質黝黑如鐵曰鐵城嶂  
國朝施元孚鐵城嶂記鐵城障在

二靈中道即所稱初月谷水簾谷也自響巖門東上  
百餘步轉入谷中有寺在崖下曰淨名寺西有金鼎

峯峯西折而北兩障夾峙高數百仞深入數里而勢  
若長城色若鐵故名鐵城其內泉石幽勝昔人謂不

下二靈者余至寺即獨往障中旁矚兩巖軒然鬻露  
不敢遽入漸入漸勝仰眺青天若匹練拖藍空翠欲

滴居崖下平睇天光又若初月入之益深而景益勝  
矯首瞻顧若不可極左右水簾數道如簷溜並垂如

爐煙裊而不散如珠璣晶瑩而粒粒可數然在東壁者為最再入為仙橋為童子石燕諸峯皆牽連障內秀麗可愛聞谷底有餐霞洞因賈餘勇扳巉巖搜而得之如登仙闕而矚下方四望奇峯纍纍左顧嶂端兩峯曰摩霄曰仙掌各高百餘仞峭勁瘦削如兩大華表矗然竝露雲霄中瑰奇特甚蓋障之景至是始窮也余愛之不舍然是行也未午嶂口亂石駢聚畧入障日西斜未午食乃行歌而去

似新藥曰蓮花峯深入數里仰眎青天若翠幄兩旁水簾數道如雪消作水建瓴下注而在東壁者尤勝

上有水月巖水觸之輒散若明珠百琲名曰珠簾谷

一名水簾谷 采周邠水簾谷詩淨名菴下水簾谷萬仞蒼崖漱寒玉布衣如帘罕地垂更有一鶯春度曲 明何白水簾谷詩霞局雪竇古明庭為惜幽奇 衆屢停水石漸窮雲路絕紫崖千仞暮天青 增國朝端木國瑚水簾谷詩白雲卷山衣雨過水精域青冰挂作簾灑此空冥色谷景晨霏霏森寒行不得石

樂清縣志

卷之二

邑里

敘山

齒

林潛清虛玉貌無人識風吹蕙帶斜月映松蘿直天光萬古垂池面花如拭山香不斷聞水樂鏘時刻海鶴引霜吭洞鼠拂煙翼洗然塵外期勞入谷漸深山我山中憶落葉有冬春飄飄此何極

如覆鉢蔽口不盡者數寸天光曲垂如哉生魄又名

初月谷即一線天

增國朝袁枚同劉霞裳步鐵城障認一線天詩遊山惜寸陰得暇

即尋討步入鐵城障城高天漸小打頭灑珠璣濕我縑單衣似雨恰非雨濛濛山溜飛諸洞空中懸道是猿猴宅頗有高人風呼之不肯出踏縑雨芒鞋流連那肯回一綫天未過一綫月又來 西有維

摩室峯有玉杵仙橋童子石燕皆幽麗可喜陟巔有

餐霞洞左顧摩霄妙高一名二峯峭立崖端若兩華

表附連有雙盒丹筆峯皆瘦削惟排闥峯橫揭如大

屏

朝陽洞 鐵城東一里有大夫巖屹立山切為朝陽山

西麓又東有龍游洞左顧三折瀑屈曲奔騰一折輒

異其態又東沿雙溪口抵朝陽洞一名水洞口瀑布

如簷端垂溜曰珠箔泉其外巉巖壁立裂痕成徑蛇

行百餘步別開一龕如石室曰綺閣一名凌東北有

馬鼻石碑二巖崖端連霄嶂一名玉蜿蜒疊聳上凌

空碧

靈峯 靈巖東數里石澗南趨至雙溪口溪多大石水

璆然作環珮聲曰鳴玉溪有翠微亭澗左有初月洞

少進有照膽潭元陳剛照膽潭詩亭亭芝峯下溪淺

樂清縣志

卷之二

色里

敘山

奎

魚懸古鏡度鳥墮空碧山僧導我前危坐魂為惕紛

紛渴水蝼豈識寒泉食千載空山中回首寸心惻

兩山合抱崖罅有風洞風蓬蓬出射數步外明張書

寄章千峯詩十年南閩牽清夢咫尺靈峯隔論心江

海我懸徐穉榻水山誰賞伯牙琴雁湖九日雁鴻舉

風洞一牀風雨深獨把新詩 抱問一峯上合下開削

見顏色相思楓葉滿霜林

立雲表曰靈峯明何白記出淨名可五里許遙矚

五老仙掌諸峯又若揖讓肅客者稍迫靈峯兩巖造

天中闢為洞及抵洞口仰望洞中飛磴逶迤數百折

若懸疋練稍深入石扇蔽虧畫色熹微若清旭始旦

磴窮乃達平臺方廣可陸數百人爽塏穹窿恍挾

飛仙徜徉天半中設大土像傍列十八應真洞口飛

泉時墮冷風中若飛絮冉冉左方有性井寒沁而甘

吸之毛髮皆爽頰欄下瞰洞口攜具小奚奴蠕蠕如

蟻余大呼聲隆隆鬱而弗吐若數部鼓吹奴初至輒

驚悸瞪目左右視欲反走已知人聲亦呼而相和已

而相樂也子憶廿載前初至靈峯計入洞已迫下春

時洞中一老居士方舉火喜客至即為供茗設豆  
粥復為謀臥具甚周先有成都行腳二比丘已宿齋  
結跡跣坐佛火熒熒風泉激激余與揚生相對蒼然  
隱隱毘耶丈室會上也頃之皎月清瑩可數毛髮予  
復出洞口倚石長嘯山中鸛鶴咸驚起軋軋掠長松  
而去顧揚生不能從也嗣後凡數至而老居士已化  
去無為惕竈者坐是不復止宿每塵恩中想像茲遊  
以當濯魄冰壺耳（國朝施元亨記自靈巖東走十  
里為靈峯未到澗左一小洞斂其口狀如初月小進  
有潭如方積淵澄見底其上兩山合抱水從抱間出  
轉注於潭琮琤而鳴余行稍疲憇潭上心神若刷焉  
緣澗入抱內有靈峯寺寺旁一峯拔起天半卷然中  
虛望之如雙峯並豎是謂靈峯中累飛磴曲折千級  
磴盡為臺臺穹窿周覆高數十丈廣半之前有飛流  
灑灑墮空是謂靈峯洞內塑西神故又名羅漢洞云  
余至洞仰而視之如懸覆金環而顧之如剖大鐘軒  
然而高呀然而明時洞僧他適情無人聲微聞澗水  
奏響若隱隱在百里外身處其間穆如皇古臥則雲  
生嘯則風至頓足起舞則韻自天成恍若憑虛而遊  
夷猶天闕而忘其所自臺下有亭會葺羣兒至亭裂

樂清縣志

卷之二

邑里

敘山

矣

爆竹為樂滿洞砰轟如迅雷破山若將壓焉餘聲震  
蕩逢逢然良久弗息壁間遊雲繚繞不定洞前飛流  
迸若散珠響窮乃復羣兒皆拍掌大笑余亦驚喜詫  
異居頃羣兒去日已曠乃下洞立寺前觀抱間鳳凰  
鬪雞靈芝雙筍諸峯疎密排列環立洞下作旋繞歸  
向狀視靈巖又開生面余俟僧不至反將沿澗入碧  
霄而僧適至復轉宿於洞（國朝阮元登靈峯望五  
老靈芝諸峯詩春陽已西頽遊者殊未飽復谷窅以  
深羣峯闐然見參差各離立成削盡成片巖峯忽中  
空直罅裂如綫凌厲出林表蟠逕將升巖三休始及  
上九折石猶旋當門飛冷泉入腹抗高巖虛北喧聲  
聚陰森和候變奇觀意已驚靈迹情彌著頗知吾去  
後定復來期羨（李鑾宣靈峯詩生不能姓名赫赫  
題凌煙又不能挹浮邱袖拍洪崖肩一官浮沉甌海  
上乃得朝朝拄笏了此看山緣靈巖之巖看已飽側  
聞靈峯更幽窅耳畔惟聞琴筑聲眼前但有煙雲繞  
鐵城障接照瞻潭驚人毛髮秋風寒三休九折始得  
上將上未上不覺十步一蹶五步一蹶腰脚多蹒跚  
從者從余賈餘勇矯如健鶻天邊聳人人看洞雲看  
人當門顥顥珠泉湧羣峯離立青巉巉闐然百笏飛

松杉恍疑羽林軍士執楯殿前立左輔右弼氣象何  
森嚴洞中之泉曰性井瀦停倒鑿鬚眉影昔人大書  
洗心字我今觀之發深省璵璠虛牝天所開普門大  
士跌蓮臺洞中老衲結茹往不知人世多塵埃我聞  
福地七十二洞天三十六帝命羣真分治局上界之  
官應更多此洞隆隆又誰屬借擊僧盃聽我歌日月  
往來如穿梭丈夫生來貴適意安能即伏終雞窠老  
僧聽之啞然笑謂我客氣難消磨吁嗟乎我生客氣難  
消磨擬當洗心面壁參維摩陳舜奇遊靈峯詩濯  
足石潭水清泄蕩吾曾空翠落潭底翹首見靈峯驚  
奇欲叫絕攬勝多歡悰招手命徒侶扶我七尺筇九  
月霜未隕草樹紛蒙茸循蔭行策策徑曲如張弓漸  
進得新谷駕虛而鑿空自天垂囊橐若人懷璧琮伊  
誰揮怒劍力刺萬石鐘將無仙娥戲擘破玉芙蓉皤  
腹藏飛磴詰屈六百重磴盡危臺出高巖懸穹窿廣  
厂覆大屋簷深煙煤濃天光漏石縫一片措青銅疎  
雨晴不止乳乳灑飛涼陰森忽易候凜冽逼嚴冬佛  
殿抗碑砥虛牝廓有容眾岫作門戶周衛戈矛鏃老  
僧不掃地白雲爲之封羣響寂無感但聞足音窅微  
颺下邃壑爽積在松樅周遊載言笑聲出大甕中造

樂清縣志

卷之二

邑里

敘山

全

化巧意匠不肯落猥庸神力妙包孕水石皆玲瓏吾  
聞仙子宅乃有蕊珠宮惜哉去古遠列真未可達意  
當蛻凡骨追隨期羨踪荷鋤耕瑤草執鞭呼癡龍  
朱士彥靈峯詩靈巖已觀止此外疑爲雄豈知造物  
意出奇逾不窮一器範眾形異曲能同工茲峯倚天  
聳直上青龍從寺外轟葦驪訝雙碑穹靈芝踞注  
秀彩鳳毛羽豐拾級入古洞翹瞻開天窗豁然忽開  
朗金碧炫房櫺漱玉與洗心飛泉灑空濛於彼無一  
訕乃信天至公松菊擅春秋秦齊帝西東確然一與  
一鳥知同不同以上自鮑志藝文移在此增宋  
許景衡宿靈峯贈總持大師詩記得曾爲鳳林客高  
僧任處最深幽幾千里外重攜手三十年間一轉頭  
霜葉乍驚風撼撼雲堂相對夜悠悠去留鼎散元無  
著自笑多情更刻舟元李五峯同吳明之在靈峯  
作人言萬壑爭流勝故作雨中藤一枝楓樹朝來青  
鼠出竹根日暮白鷗飛要看雲起水窮處正在峯迴  
路轉時莫道白鷗機事兩峯大石相倚如合掌掌間  
少只今野老亦忘機

飛磴數百級上露青天一線磴盡爲平臺豁然方廣



可容數百人名靈峯洞

亦名羅漢洞

明何白靈峯洞詩積翠中天

飛磴躡空遊直疑帝子魚鳧國幻作仙人十二樓日落煙霞金碧晚夜深風雨石林秋便堪並駕雙鸞去

濡足何煩望十洲

國朝李宗昉靈峯洞詩結廬昔

京國平野臨曠莽隔巷車奔雷春塵紅十丈客懷自

冲逸遠夢結奇想飛巖忽當前撐空入炯晃森森玉

笋排鬱鬱丹桂長倒挂垂天芝欲墮不可仰須臾變

萬態靈仙恣來往紫鳳乍舒翼碧雞旋引吭深林出

犀兕長人搏夔罔縱觀得神妙失去轉悒快豈知十

年來此境在天壤雲中舊相識慙慙指諸掌陰崖訇

然裂石屋聳幽敞蛇坂九折盤秋雲雖余上三百七

十級上盡天風響羣峯各離立巖列若來享五老與

三賢故人多僂彊手揮珠簾瀑臂倚錦霞悞性并挹

清冽盈掬貯秋爽敢言洗我心始克悟疇曩一線碧

玉天天外萬山朗浣盡衣上緇飛泉逐征鞅自鮑志

藝文移在此增國朝袁枚靈峯洞詩遠望靈峯洞

斜狹不盡寬及其拾級上儼若登天然一龕高朗同

明堂排筵可容百客觴演圖不勞公玉帶着翅已到

浮金房石作穹廬四面合萬古不愁天欲壓一僧念

樂清縣志

卷之二

邑里 敘山

矣

佛諸佛應片石敲崖千古答相傳劉允升入洞成仙

去二女從之行飛昇在此處陳迹荒唐且莫尋眼前

我亦無歸心將行已起復又坐那知門外斜陽沉未

來覺我衰已來覺我少細數山坡三百七十有七層

公然兩脚猶能到端木國瑚靈峯洞詩松濤吹天

青濛濛佛螺上出莓苔峯琅琅木魚響空閑聽之乃

在莓苔之腹蒼然石氣穹窿中金潭光射空照膽寒

青銅洗濯五臟灑毛髮然後遠隨木魚之聲一曲一

曲梯霞踏躡窺穹窿其內乃有空王宮世界誰造作

玻璃不可鑿驚從白地登高怕青天落藤輪日月走

龍蛇蓮窟風雷出鵬鸚應真非真真五百同一身人間

萬古夜海上千年春鉢著鉢巾者巾若箇文殊與普

賢若箇無着與天親吾生記得受此果衣邊繫有牟

尼日照光璘珣生天吾何因睡著一箇無有貪與曠

津梁既疲後成佛此子能有濟世心洞中僧老樹精

百衲袈裟木葉厚山花還被珞與瓔堂心珍珠滴復

滴口飲香泉當飯喫洗心洗耳又洗髓一日井上長

如此我來寂坐僧不言知我一心杳在石上之清曠

蘿上之孤煙悄然叫鶴而啼猿木魚一放手人間白

日宵宵不得聞聲知其源我來何因緣作禮下山去

贈我紅蘭一瓦盆  
虛空大踏步本是來時路  
來時萬松花開滿無人處  
木魚回首半青天  
更聽松風天外去  
江湜詩更憶靈峯洞天光  
一線明泉如流石髓  
壁應解人聲靈氣此焉窟  
塵心何自生  
山僧懸榻待為報及  
洞口飛泉時墮冷風中  
冉冉若飛絮日漱玉  
秋清

泉左壁罅有洗心泉  
小方池承之崢嶸奏響  
山背倚

天障一名倚天峯去天尺五遙  
與凌雲峰隔澗相對鳳凰

峯在凌霞高岡上  
昂首斂尾四下奇石纍纍若百鳥

呵衛狀其東有藥杵峯  
又東有朝陽峯又東有礪齒

峯附近有丹桂碧月二峯  
五老峯大小錯立或拱或

揖若賓主之肅讓  
犀角虎蹲又與五老鼎峙  
靈芝峯

孤起如偃芝皆森列  
洞前作旋繞歸向狀  
又有果盒巖幙頭巖

### 樂清縣志

### 卷之二

邑里 敘山

全

寶冠巖道士巖雪洞在靈峯右  
洞口與鳳凰峯對又

名來儀洞旁有苦竹洞  
視雪洞較寬廣緣溪左旋有背面觀

音石 東北有响板山山下有响板洞

碧霄峯 靈峯北一里有碧霄峯  
屹立澗中高數百丈

峯端剝削望似駢筍  
下有洞僧架屋以居不椽不瓦製若畫船

涼颼吹輕衣言尋碧霄洞  
巖岫高插莧水與石相闕  
山腹呀然開白雲  
補其空不椽亦不瓦  
以石作梁洞

漱漱屋無檐  
益益春生鬢  
瀑布挂遠岑  
青天飛白鳳  
北有小石屏峯  
西視方正

如屏南視又似小兒俯躬狀  
亦曰童子峯  
石屏西有

大筆卓刀玉笋三峯  
名曰三賢並列如相顧  
石樓洞

在碧霄西北二里許  
絕壁一穴有觀音石  
一名飛來觀音又

有南碧霄峯與碧霄隔溪相對峯下亦有洞其西羣峯林

立名曰千佛以上東內谷

謝公嶺 西界靈峯東通石梁為東內谷限謝公人多

元李五峯有嶺東謝氏之說考嶺東舊有謝家畧嶺必魯人所作五峯之說近是明朱諫謝公嶺梁州

合詞着屐登山客歷盡雲霞天壁屐痕猶在白雲中峯迴路轉千古無人識春來秋去成塵跡一代風

流歇斜陽影落溪外長松幾樹連天碧此鮑志入藝文

間與來聊復此躋攀聲名一代謝公嶺詩極目諸峰杳靄蕩山峭壁似爭詩句險荒苔誰認屐痕斑不知終古

行人在白髮無情任往還國朝周清原謝公嶺詩咄咄康樂屐未識此山境胡為千載下猶傳謝公嶺

齒嶺頭行雲霞不若詩篇好莫信青山不愛名度嶺即見老僧巖亦名石佛峯天然一秃背袈裟合掌

樂清縣志

卷之二

邑里 敘山

李

向內傍立石如閣黎附耳而談增國朝梁章鉅雁蕩詩話憶余昔遊武

夷初入山即見玉女峯亭亭玉立展轉多姿大有迎客之意此間將出山則老僧巖拱立雲際步步向人

大有送客之意恰成匹對極欲以韻語鋪之而未得恰好之句志中載劉廷璣詩大得無生意真成不壞

身兀然山口立笑引往來人林齊鉉詩獨立亭亭蒼靄間懶將瓢笠寄禪關春風秋月經多少指點遊人

入雁山不啻代我言之矣若袁簡齋先生詩云遠望若頭陀近觀復不像始知彼法空終須離色相則未

免率筆老僧巖正以遠近皆像為奇先生殆信口占成而未及詳審也曾唯句云可是前身諾詎那化來

屹立在大山阿近廖菊屏句云謝他一片慇懃意直送行人到大荆皆可謂不即不離矣周青原老僧巖

詩空山與世遠高巖自千尺鬚髯面壁人接引入山客增端本國瑚老僧巖詩眉毛雪霜白衣袂苔蘚

青虎作大弟子鳥度名王經溪聲嶺東二里有石梁不斷廣長舌了義入山君且聽

洞洞梁橫亘洞口望若偃虹洞軒敞可容百餘人明

白石梁洞記遊客從西來者過謝公嶺登石梁洞而  
勝事始窮然操蛇之神技亦殫矣梁橫巨洞曰若偃  
虹左復下垂插入地呀然中啟若兩扉踐級而上入  
洞中洞軒敞可容坐具百餘洞後有水汨汨注為小  
窪味甘冽不減品外泉引領南望則老僧巖兀立天  
際宛若比邱衣糞掃衣現由舍那身聽雪山老胡說  
法也見者無不嘖然大竅雁山諸景頗借附近峯巒  
助奇而茲洞獨介然特立無所因藉若孤高士自標  
一幟亦可尙已然遊者方倦登頓樂趨夷衍至此則  
平原無廡孔道委蛇又若重趼出九折阪而即康莊  
也元李五峯石梁洞詩二首六丁運神斧鑿此混  
沌素飛梁跨天來橫絕山中路行人不敢過白雲自  
來去長嘯出山門羅衣翠雲暮青山樓白雲顛倒  
寫繪素上有仙聖巢下有猿鶴路秦皇窺扶桑此石  
驅不去至今萬鬼神暗鳴風雨暮國朝周清原石  
梁洞詩古洞朝出雲寒泉晴滴雨莫裁文杏梁自勝  
香茅宇朱士彥石梁洞詩天台石梁不可見雁山  
之東橫一片洞口高駕二千尺翠蘚蒼藤色葱蘢海  
上龍龍叱不成山中鳥鵲飛復驚不須鐵繩空中挂  
時有仙人曳杖行自鮑志藝文移在此  
增端木國

樂清縣志

卷之二

邑里 敘山

全

砌石梁洞詩仙人下聽瓊臺樂手擲晴虹千丈落秋  
風碧海起龍鼉夜月清天降烏鵲空明玉洞彩梁間  
旁垂一經鬼靈鑿高步危同飛鶴爭孤身捷與驚猿  
搏幽巖腹孕金仙宮色相玲瓏絕雕琢珠堂心玉竇滴  
醜醜洞口香條結珠珞咒璧能教日月生叱空直看  
雷霆作神僧枯坐石蒲團雪色鬢眉皓如纓磬聲高  
裂碧天飛下視青煙空漠漠藍橋何處問天台欲備  
晴蜺綈絲約回眺靈扉紫翠重白雲為鎖風為鑰  
其上有石天牕獅子洞諸勝又東數里山半石穴天  
陰間有雞犬聲土人號為仙洞又東為五峯山有雲  
霞洞峭壁丹黃幽靜深邃有避水嶺通南閣相近有柚樹嶺山麓為  
澗川元李五峯居此

石門 在石梁東

八里

為雁山東址絕巘中斷屹若天門

門內外皆巨潭蕩陰十八灘之委匯注其中其深莫

則明何白石門記石門蕩潭在雁蕩之陰十八灘之  
委瀦而為巨浸焉沉竿續蔓莫底其止廣可數十  
畝兩山夾溪蹲踞勢若虎鬪下望屹若天門中有巨  
鯉長丈餘每遇風日和煦輒從容揚鬣水面小魚景  
附者以千計土人常夜見赤光上燭潭水盡紫蓋神  
物窟宅也地主千識夫云曾於月夜刺雨艇以巨絳  
聯束之與客攜酒具轟飲令小童吹紫簫一再弄簫  
聲挾秋氣益雄殊有穿雲裂石聲夜半古泓間殷殷  
若雷鳴客懼而散嗣後無繼西北十里有雙峯山兩  
其遊者自鮑志藝文移在此寺側有藍玉亭今圯

雞冠壟

峯並豎山脊最秀拔南下二里餘有雙峯寺其南有

南閣山 自石門山至卓真馬真凡二十里為南閣谷

口曰閣口山有石柱峯高十餘丈東有紫霄峯巔圓

而銳石理作蓮瓣狀合掌巖在紫霄峯西大石如合掌其下空

樂清縣志

卷之二

邑里 敘山

壘

洞可遊西有蓮蕊峯層疊內斂如初發菡萏又西南

三里有石丈峯彷彿巨人昂首東向石筭峯剡然孤

立有凌虛勢又西有石佛洞隆慶志在大杓山下峽中積石穹窿中通若竇

路從竇入曲折數里二峭石垂天而立若樹判圭門

中天影如牽一綫稍入崖壁旁園益險壁半石室大

逾厦屋中列石像如金仙者三疑石髓積久所化厓

旁有熙甯邑合葛達碑明黃縮石佛洞記石佛在雁蕩之陰路從南閣入行至溪口見大石累累高度

雁蕩之陰路從南閣入行至溪口見大石累累高度

百餘丈橫亘溪上若無路以入天雨雪行者皆有倦

色余獨興未已猶憇道邊石上遙望大石下洞中白  
水流岫遂起搗跌沿流步入視洞中空洞深寂身折  
蛇行其中若檻若防若牌若堰若門若坻水分流其  
間匯為潭泓疑澄碧或溢而流或高而墮或曲而奔  
激然悠然窈然不知其去行且半里復見天字兩山  
夾澗水中流山上怪石聳出雲表不暇覽計又行四  
五里仰視巨石兩兩高數百丈上覆復合中空一線  
僅尺許入可數百步如丹闕開闔於層霄縹緲間曰

樂清縣志

卷之二

邑里

敘山

三

顯勝門瀑水自門內絕壁瀉下西上有洞深闊數十丈捫崖而登石髓下滴凝為三像是石佛之所由名也北望石峽澗水所從出峽中稍進可至常雲倍呼為百峰尖有石浴桶天橋飛湫之奇出則有湖南版藏之勝皆在數里之間不可殫述章元應石佛洞詩并序正德丙寅孟冬錦川蔡隱君樂琴如北來訪子山中予弟語及石佛之勝請一遊焉諸子姪輩各攜壺盃以從是日也天氣晴爽不燥不寒霜葉明媚赤黃如畫乃乘小筍輿繇山芥川土宜山芥菜故名過雙洞門四巨石相倚水自石出路可側行若二門然緣溪而行崎嶇亂石間至顯勝門兩崖峭拔倚天實龍潭石佛窟宅之所繇也一石梁橫跨洞口下有澗澄瑩徹底乃緣梯魚貫僂而上捫蘿陟險方躋禮佛壇仰瞻西北巖龕三石佛巋然於蒼茫杳靄間若相次而行相顧而語者不知其幾千仞也壇上一小碑題曰邑合葛逢率僧法成義起同瞻石佛時熙甯乙卯仲夏晦日刻字端勁相與剔蘇而讀披荆而坐因思廿年前同遊之侶半已物故惆悵久之子弟行觴少休足力已而夕照銜山迤邐扶攜緩循歸路再飲於洞巖下予與姪各得一詩且相屬和題之崖

壁併呈同遊以無忘一時之野趣云翠削芙蓉插遠天傾巖欹石滿晴川舉頭空洞三千丈屈指前遊二十年聊把濁醪酬困頓漫勞青壁費夤緣憑誰勸此新題字為次熙甯乙卯鑄章九儀石佛洞詩我愛清幽境三年幾度臨兩崖扶日起一徑入雲深石佛來天地巖碑臥古今僕夫問歸路只恐日西沉

西有界牌嶺章元梅所築嶺北有莊屋山層崖壁立水循崖竅下多變態有潭闊數畝

北屏山 在南閣之北與南閣一山相連東有桃林山

有垂蓮嶂連巖亘橫如蓮葉倒垂山脊有沓屏峯一

名雙巖門左視如兩虎並踞正視合為一右視則又

中豁為門亦奇觀也山半有石几下有仙遊洞倚峯

北向深廣可居東有仙杖峯一名一枝香大僅西二

里有西屏峯又西有會仙峯

自石門潭西四十里皆夾南北兩山至此北山

折入谷中別為一山山巔方巖高數十丈巖前兩峯

高與巖齊儼兩巨人並立肅冠裳東向自南側視又

若數人聚立其一

亦曰北坪山

去北屏十餘里山麓有仙人壇又數里有

獨西顧詭異特甚

百岡山

東接北屏山南去雁湖六里許峭嶠峻絕常有雲霧冠頂至夕或有赤光繞林間居人驚以為神

百岡山之東有仙壇山

有仙壇山

板藏山

即南閣西山脉自楊車山來在會仙峯西六

里有隱仙巖巍然如巨甑又作仙甑峯上可抵雁湖

按板藏為雁蕩入首

其下為湖南山有三龍潭及龍溜大瀑諸

樂清縣志

卷之二

邑里

敘山

齋

勝相近有仙巖峯

舊志石室洞天

西二里有散水巖四山迴

抱如玦飛瀑懸流巖左境最幽勝

明黃綰散水巖記人皆知龍湫之勝

而不知有散水巖自蕩陰章氏之居西行二十餘里巖谷壁立拔地數千尺懸瀑自崖端垂下直搗澄潭

若白虹橫空匹練孤懸照耀於丹屏翠壑心駭神眩余從瀑下援葛上崖半坐洞穴中視瀑水如明珠纈

箔當戶窺見旭日瞳矓祥煙繚繞妙不可言又從崖中行過東南隅見石天窗儼似樓閣欄檻上有石梁

橫若楣宇凭檻而眺奇巒疊嶂皆可攬有故記以補雁山之遺

北閣山

二閣以溪分南北

有北閣村

北閣之西為白巖山

西有烏龍坑邑有二白巖王梅溪所云峯聳而奇水

清而駛松竹蔚然而深者此也北折有蹲虎巖逼臨

溪澗東有龍首巖石理作鱗甲狀若與蹲虎爭勝內

有仙亭山 二巖儼然關鎖於外北閣山俗稱芭蕉山

仙亭山 在北閣谷底去北閣村十六里絕巘疊嶂

嶽異狀山頂兩削石對峙上合為一日仙橋 石脚空嵌類腐

木根望似偃虹跨於天半 國朝施元孚入北閣登

仙橋記仙橋在北閣谷底去北閣村二十里遊者自

村西北行十里過龍虎關即仰見橋如偃虹跨於天

半又數里上山至北石梁洞右又非數里陟險東上

至山脊又東數里始至橋橋長六十餘丈闊五丈形

若牛背而中有線路可行以其遠而險遊客不至亦

不敢至癸未初春余與長子環來遊百計攀躋迺克

抵橋上方渡聞橋下迴風聲隱然如殷雷鳴余初不

知愕然而顧欲返諦而察之乃相顧而笑橋高百餘

仞其左橋趾東延數百丈四下壁立矯首其間恍若

身為飛仙憑虛容裔俯睇橋下雲流如水遙眺山下

溪流如白龍隱見蟠繞世界都異俄而風從遠來力

甚勁立橋頭幾為之仆急俯伏相視失色風過而起

懼而返聞聲逢逢然如伐鼓乍徐乍疾倏寂然無聞

樂清縣志

卷之二

邑里 敘山

奎

候滿泮如大水驟至與向所聞迥別心異之脚跟蹶

蹶若浮不敢留急渡而西下土人謂山後有徑可攀

至橋下其觀甚偉惜不及至蓋雁山峭嶮之景此為

最世傳為王子晉吹簫處故名仙橋至梅溪亦云

增明朱諫仙橋詩并序仙橋在雁山西北近南北閣

章雁石先生嘗有同遊之約千百奇峯海上來青蓮

無數日邊開仙橋只在雲過橋崖忽斷三面壁立人

深處欲問丹梯未有媒

遊其上若飛仙凌虛暝雲歸鳥皆從下行雁山峭嶮

之景以此為最山之陽有仙洞亦名北石梁洞深廣

倍於東石梁左右脇中皆可屋洞口飛泉瑩澈觸目

西陟絕頂有仙亭 相傳王子晉曾憩於此其麓有丹

山溪

甸嶺山 在邑東一百三十里南接仙亭山為雁山北



址下有甸嶺

增國朝陶士霖甸嶺奇峯詩大造多神奇容或秘不露塵骨我未脫何期與

我遇峩峩插天石十百計無數詭譎崎嶇狀畢獻肩

輿路龍翔兼虎踞旁有獅搏兎雞嘴向天啄鳳翼疑

許附物像竹雕瘦人形後森布面壁連摩身蓮頂沙

迴顧危柱支日月古洞貯煙霧况有天際梁傳有飛

仙度萬變炫人目欲前還繫步見奇僮僕喜仰視各

神注意安名勝夥悉入騷人村東有老人峯一名吹

句來寫山水奇山靈韞藏固

簫峯或云子晉嘗別有秀士美人二峯相向立俗稱

新郎巖新婦巖西南有葉山周山葉周二姓所居有

龍舌洞相近又有馬家山大公山以上東外谷兼南北閣

縣東山 雁蕩以南諸山一自丹芳嶺而西為小芙蓉

山隔溪有大芙蓉山一自筋竹嶺而南為石榛山又

樂清縣志

卷之二

邑里 敘山

矣

東南為靖址山靖址東為環山一自謝公嶺而東為

白筋嶺山又南為巽山

小芙蓉山 在十八都中為玉屏峯 狀如仰船一峯陰名仰船尖

名西沉大山其陽名芙蓉山 中峯巒嶺南下為鳳凰山下有小芙蓉村

山之東岡即丹芳嶺俗名四十九盤 地多花木故名下有東與太陽

山增明戴澳記上四十九盤俯大海恍躡蓬萊臨

弱水盤盡則擁出諸峯肅然迎客冠雲帔霞望之神

舉宋王忠文與萬先之登丹芳嶺詩攜手丹梯語

話長不知身到碧雲鄉行人相見如相識贈得巖花

十里香明章恭毅詩每過丹芳嶺蜿蜒七七盤身

登三島外足躡五雲端素練懸崖瀑瓊珠散石端入

林暑氣薄秋滿萬山寒又過四十九盤詩千古丹

芳嶺游人去復來霜楓紅似錦春樹碧於苔幽鳥逢

人語寒花待日開風光還復舊正遇一陽回國朝

李鑿宣詩嶺曲如蛇盤危磴四十九層層足躡雲行

行索馭朽輿夫何苦艱一步一回首健力怯難恃喘  
汗吁已久而承其尻俛下援以委行東翻轉西才  
左復繞右人與鳥爭道風挾潮俱吼楓老已化人松  
偃漸成叟溟滓趨寫前惟虛乃能受發興極壺島此  
游良不負端木國瑚丹芳嶺詩青冥疊晴嶂盤磴  
四十九詭異闕天關獨當羣峯首螺旋海氣孤雁落  
天光翺于松遞明晦一石轉前後觸衣雲霧虛扣壁  
莓苔厚垂柳助振策飛光點行綬崖鹿備可騎洞援  
忽相友意勝遂忘疲勢拔不知陟迴路閉矣轍蘊賞  
藏真藪山靈定我誇天巧轉人誘披頂豁大觀偉此  
造物  
嶺東為斗窟山又東南為茶塘山白嶺山折而

西南為燕窠山前枕山之西岡有西店嶺舊有芙蓉驛

西南為東山前枕黃金溪在小芙蓉西溪西有大芙

蓉山

大芙蓉山 在十七都脉自宅基山來俗名南陞山

樂清縣志 卷之二 邑里 敘山

朱伯起酷嗜地理說山如啖齋厚太平寰宇記上有

海葬妻大芙蓉云後百年當有駁三峯有四聳石並高三四尺森然如芙蓉相映

有華與中名山勝槩記芙蓉川之水出焉即芙蓉溪下

流為芙蓉江環山東南珠與方家與五雷與皆峙水

中

石榛山 在十九都脉自筋竹西沿二山來一名石陣

西北有高峰曰大山有大山嶺嶺北有東南為樸頭

山有樸頭嶺羅山石榛西南過峽為火爐山蔡與山檀江

山有嶺檀江有嶺下

靖址山 在十九都樸頭嶺西北巖岬盤紆中結村落

有靖址溪即謝靈運所稱神子溪也南有跳背山下塘山逼臨海岸東南有南岸山屹立海中望若屏嶂環山在十九都西北自飛泉山來蜿蜒疊翠四周環繞故名下有環山村有五馬尖琴山鏡巖諸勝東南為官庄山前有官庄與小黃山俗名獅子山東為塘頭山其南竦然特起為雞冠山

白箬嶺山在二十都西接石佛山委折高峻凡二十盤始造其巔南望白溪如匹練東顧茅峴諸山儼蓬萊之在方外嶺南為獅子山與白溪獅子峯對峙其西南為茅坪山其西岬嶇如伏牛因名眠牛山北有章義樓東為蓮花山大

樂清縣志

卷之二

色里

敘山

矣

海襟其南增國朝李盤宜白箬嶺詩脩林何陰翳穿篠逕始顯仄步入蒙密滴翠露光泣芳蕤冒紫茸奇石疊蒼峴行行疲攀躋曲曲歷幽細淙潺泉詎亭岬峪磴徐轉玩茲邱壑重期彼蓬萊淺雲陰乍生滅風色遞舒卷去異未藏迹來新復在眼沈瀛何渠與錯愕不皇展秘巖卷罕窺緣澗藥難辨高懷雲中栖相從物慮遣

巽山在二十都獅子山之南下有巽坑村西為倪奧

山西南為跳頭山東南為殿前山跳頭殿前二山皆瀕海

縣東山雁蕩東北諸山自甸嶺而東為洩頭山高腴

山高腴南為雞頭山東為六坪山大坪東為飯甑山

東北為冷水尖山又東北為車嶺山又東為太湖山

太湖西為鳳凰山東為盤山盤山南行分為二支右

旋為仙橋山又西南為鄭家嶺山大與山至于嶺山而止盤山左旋為隘門嶺山又分為三一為五鳳山西南至小荆山而止一為後林山西南至大荆山而止一為劍巖山南至塔坑山距太平界

洩頭山 在二十三都西接甸嶺山各邃澗深福溪之

水出焉西岡有獅子巖東有筆架尖北有燕窠巖又有石龍石虎仙人跡諸勝其南為洩嶺與仙亭山相

接東北十五里為女形山北界黃巖西北十五里為湖坑

山北界仙居北為西莊山其左三山墮而峭俗名鷺鷥山

西莊山北為原頭山屬永嘉界洩嶺長二百五十丈國朝乾隆間葉興鳳築

樂清縣志

卷之二

邑里

敘山

九

高腴山 在二十三都女形山之南秀拔豐腴故名東

有燮坑龍潭在處常有雲護五石筍高十餘丈稜稜

峭直南有石佛牛鼻二洞石佛洞可容百餘人牛鼻洞甚深邃西南二

里許為新嶺嶺危徑仄嘉慶間新闢嶺路其麓有寶相寺遺址嶺西有長峽崖隙泐嶻泉清

林密其南為雞頭山高腴東為大巖頭山其東南為六

坪山

雞頭山 在二十三都崕峴凌霄每雷雨驟作下視黑

雲翻墨如煮海沃灰而其上晴曦烈烈南為水坑山

與北閣山相連東為高尖山一峯卓立雲間行至盤山輒望見之高尖

之南為藤嶺山嶺表南望霞駭若繪即雁蕩百岡山

也

六坪山 在二十四都重崗推峯有上下六坪澗谷盤

紆中有聚落南聳為觀音尖山椒嶄絕唯一徑可攀

躋俗呼老鼠梯土人嘗避兵其上山半有石柱巖西北有棋盤巖其

下為雙嶺嶺東為西山山勢巖岑其左里許有潭深

不見底其南二里即雙峯山觀音尖東北二里許復

聳為五鳳尖山山多喬松蒼翠鬱發山脊有獅子巖

飯甌山 在二十四都六坪山之東狀如甌峭壁環繞

類刀削唯南有綫路可乘西北深谷中有百丈巖其

高千尺周數百步轟如層城下有龍雲洞又名長東坪洞

樂清縣志

卷之二

邑里

叙山

百

有玉筍巖西有鷹嘴巖皆高百丈南有稀頭巖亦相頡頏流泉瀧瀧

鳴幽礪中

冷水尖山 在二十四都六坪山東北為冷水尖壁立

萬仞與觀音五鳳諸尖異岳蟠根上有石泉盛夏寒

冽著齒如飲冰東北為烏蘆巖危崖巉嶮三面如列

屏中有村落有白石三皆高百丈中曰新婦巖左右

曰伴姑巖又南一峯奇險不可躋曰虎頭山東有大

井山其西有林店山小坑與其木多桐俗名桐樹坑又東為

金字山上銳下袤宛若金字山麓有接待寺凡自北來遊雁山者始此鮑按

二十四都山自烏蘆巖至馬家山周家山廣袤數十里居人皆蔣竹為業彌望崖谷間葱翠接天境絕幽

異

車嶺山 在二十四都縣東北一百四十餘里峯巒巖

巒有嶺達黃巖東南數里有石豨坑次塹陰森其上有嶺三坑

嶺一作殺客嶺其南為馬家山列嶂周遭修篁幽翳東旋

里許為佛嶺一名佛隴山亦界黃巖過峽再起為太湖山

太湖山 在二十五都山勢崑崙絕頂有窪廣五六畝

許渟泓澄碧雖亢旱不竭窪中雲起膚寸崇朝輒雨

其南五里有四尖山森如角圭西為陳家山盤繞如

城中有田廬上置烽墩下有巖頭潭其西為膨肚山

鳳凰山 在二十五都聯岫如翥西北有崇岡橫亘如

樂清縣志

卷之一

邑里 敘山

百

屋極俗名烏猴棟其西有上奧山山麓有朱子祠前

有釣月潭西有周家山四望皆竹林鳳凰山西有象溪嶺達陽谷與嶺

南為太平山友詩寥寥鐘磬音永日在空林多見僧

家事深便靜者心虛庭雲片泊側徑石根侵此去城間遠君應懶出尋支分若瓜蔓其

西為鷺冠山長坪山其南為金峯山又有菴山新芳山琴與嶼前有

放生潭

盤山 在二十五都縣東北一百三十里有嶺達黃巖

太平志山勢自雁蕩太安山即太湖山奔騰起伏至

繡嶺黃巖界南紆北指曲折盤旋周圍數十里故名曰

盤甌人言盤山盤半年極狀其險遠宋靖康元年以奸宄出沒兩浙

路提刑司奏相度添置巡尉一員招置土軍八  
十人於其地立寨今則有夷之行路人如織  
太平

諸山悉胚胎於此東有洪武尖又南里許為鵝鵠尖

皆雄聳宋許忠簡公景衡有詩王忠文詩一嶺迢迢

匪歸夢何曾不到家明林温詩盤山嶺頭春雨多

天合雁蕩雲相摩鷓鴣飛入竹林去我行不得君奈

何增何白盤山道中曉發詩月明沙路白爽颯客

愁新積水頻繁馬空林若有人風迴紛落葉草暗忽

曙荒雞滿四鄰

仙橋山 在二十五都東連鵝鵠尖山巔有石如橋柱

西為金字山山麓有村落東為鳳凰山坑捲洞橋水

濊濊從石鑄中出鳳凰山之南為長撩山如曳長練又西為

百花尖西有龜巖南為鄭家嶺過嶺南為

鄭家嶺山 在二十五都縣東一百二十里新驛嶺南

有百步峻北有穀堆山西行里許為鷹嘴山巒障從

容兩占山帶最驗南為蔡界山西二里許有五通嶺

通大嶺西即大輿山

大輿山 在二十五都西有棲仙巖狀如筆架上有棋

西南為保安山保安西五里許危峯巉露望如鼠拱

俗名老鼠嘴其西有下義輿龍皮輿又南為珠山狀

下有鼠湖如珠上有壽星巖棲仙巖之東南為潘嶺山山腰有小嶺產

干嶺山 在二十六都自珠山西來南有小嶺通陽谷

樂清縣志

卷之二

邑里 敘山

與南北間行者不絕東有蕪湖廣十餘丈表數十丈多植芙蓉消夏最宜其西界石門渡

隘門嶺山

在二十七都

距大荆二十餘里界太平

鵝鵠尖迤東二

里許為巖坦山巖巖峭藏左有抗鹿巖九曲山右有

石倉山東與山又東為隘門嶺東通太平西通大荆

增國朝孫衣言暮度隘門嶺詩客行迫巖程向晚

忘息燕危途出崇岡嶺路垂一線風至暑氣澄谷幽

石色變頽陽斂餘輝升霞燦夕絢崖開既西歸峽迴

復東眷新月出尚微明河遞隱見木末星兩三熟視

目屢眩登頓前猶紆跋涉茲已倦但聞僕夫嘆驚呼

不可見雖無豺虎虞奈此風露晏巢居爾何哀勞役

我猶羣山合沓竄奧如門盤磴嶽崑望若登天南有

羨柴嶺亦嶮仄

乾隆間張宏

義初以石

樂清縣志

卷之二

邑里

敘山

五鳳山 在二十七都隘門嶺西旋五峯就舉如鸞鷲

羣翔前有鳳凰石後有龍井東有三巖洞迤西里許

為開水坑其南為慶雲山下有龍潭又有獅巖猴巖

小荆山 在二十七都慶雲山西南來連嶂嵒嶙中有

村落西與山在其前其北邱壑幽邃多植楊梅日隱處山東

為桐坪山

後林山 在二十八都隘門嶺南十餘里嵒巖嶮峻而

其上坦夷室廬鱗萃西南為橫浦山又西數里為北

港嶺前臨大海置烽堠為邑東南要隘北港嶺西為

大荆山



大荆山 在二十七都縣東北百里層巒聯亘若樹大  
屏山麓有荆潭深不可測四山環拱川原夷曠羣流  
交會石門渡界其西蓮花山障其南舊有嶺店驛康  
熙元年建城置營市廛闐噎爲邑東巨鎮山後有水  
漲村

劍巖山 在二十八都隘門嶺東南十餘里有小溪嶺  
通太平西通大荆嶺南里許爲劍巖山巖豎千仞巨  
石礫礪若積刃鑿鑿相比東爲方城山

一名王城山  
舊爲樂清地  
明成化間割入太平  
惟西麓尙屬樂清 劍巖南爲塔坑山

塔坑山 在二十八都巘嶒嶒峒洞壑深宵有蓮花洞

樂清縣志

卷之二

邑里

敘山

一

南有湖霧山入太平界又有大小球茅峴諸山俱枕  
海舊皆樂清地今屬太平

敘山

縣西南山 西際山東接西塔山南出為湖上奧山又

東南為蓋竹山西南旋為界埭山又西為湖濱山又

西為方斗巖山河奧山鯉奧山

西際山 在一都縣西五里與白石西際競勝西南北

三面蒼崖峭立環若翠屏其東朝豁如門大海在前

五夜日出其觀甚偉有亭北向崖上飛瀑懸空下去

亭可十丈東北風起飛流直灑坐間雖盛夏凜然增

宋劉蒙川西際詩一運寒松老因來采茯苓水禽鳴

杞澗野鹿臥櫻亭瀑近雲根濕仙遺石井靈守廬清

樂清縣志

卷之二

邑里 敘山

夏

湖上奧山 在一都東接西際山有黃羊巖隱天障口

舊傳見黃羊在其下西旋為蒲姥山西連沙奧白石諸山

蓋竹山 在一都縣西三里峻峭幽深崖端石室曰蓋

竹洞天俗稱楊八洞今止三洞可通曰透天曰透日

一作透海曰龍舌餘洞窅然深黑無敢入者西有龜巖形

甚肖南為馮奧山三峯層簇左右連崖相向如拱揖

上峯頂平方廣六十餘畝又南為萬奧按唐杜光庭

中峯二十餘畝下峯阪田第十九洞蓋竹山周迴入十里名長耀寶光之天在

台州臨海縣樂邑舊屬臨海東南有前明張德明

碑記詞多附會是贗作不錄增宋林一龍蓋竹洞

天記初從浣沙溪入登壘見大海海門諸山行十餘

里乃至巖石散峙或如列屏或如樹碑或如厦屋或

如城壁最外一大石側下有穴斜入多蝙蝠湯君達

作記號為寶光長耀洞天引司馬子微說為仙人丹  
邱子所治其事甚異元馮福京記聞有八洞今見  
其六其三洞林深疑有怪人跡罕到止有三所可以  
臨眺余嘗至焉蒼崖峙前東有一穴磬折而入數步  
西出始見天日地亦平曠此為第一洞內有奇峯怪  
石拔地而起者數處所謂人不敢入之洞多在此也  
行半里許崖谷峭立萬仞游者側身魚貫仰窺一線  
之天此為第二洞行數十步得寬闊之野半石半土  
道士耕鑿其中粟麥麻豆花竹雞犬生意悠然平壤  
中崛起巨石中空可坐數十人崖間片石橫出如龍  
舌西枕溪潭此為第三洞洞巖真武祠鑿石為階可  
登環視皆山高入雲漢向使東穴閉以拳石與天台  
武陵之桃源何以異哉李孝光詩地軸蟠東南水  
深山幽幽仙人五雲巢皎然墮巒玉胎白虹暖石  
壘青髓流羨門安期生壽考天與傳羽扇翠霓旌光  
耀夜不收芙蓉白玉童居然導神遊嗟我聞道晚愛  
閒復行修坐閱千歲來疾如遞書郵神仙不可學茲  
焉營一邱伐竹構我屋鑿井洗我眸赤腳踏紫鳳白  
雲翼之浮翻悲赤松子暮年願封留長嘯揮白羽吾  
將洗吾愁增國朝林啟亨重陽後二日游揚八洞

樂清縣志

卷之二

邑里

敘山

真

詩五首我年八十一始得洞天游已過重陽節來尋  
絕壑幽筍輿愁路仄樵徑入山道峯頂從東望茫茫  
碧海秋懶學樊川叟黃花插滿頭靈奇原久慕宿  
願至今酬巖聚尖尖角松盤曲曲蚪卻嫌樵子雜諸  
洞未窮搜天設幽深境聲聞自有時勝開梁相疏  
記續邑侯詞游履非難到名流未易追千秋遺韻在  
只有五峯詩古剎巒新建前櫺卻未營寺孤僧外  
出碑蕪字難明松竹交加翠峯巒次第迎幸無荆棘  
刺不礙布衣行八景簫臺一茲山獨不羣洞名雖  
備列仙蹟卻新聞龍舌知何處龜巖欲礙雲勞人如  
再至攜酒醉斜曛次邑先輩李五峯蓋竹洞天詩  
洪濛苞奇詭開僻儲深幽北雁南飛盡中雁埒荒陬  
偉哉造化功拓勝羞同流別開生面新秀異非凡傳  
我年踰八旬擬將煙霞收莫訝時光速迅馳如置郵  
華屋不我攢搜剔羽人耶穹谷嵯巖中斗然豁雙眸  
巖列矗如角長空雲欲浮清淨非穢墟曷不少遲留  
安得跨鶴去擺脫塵寰愁

界球山 在一都縣西十五里北自蓋竹萬奧來山勢

巉巖陟巔東望峩舸飛帆瞭如指掌

湖潢山 在一都界埭山之西山腰石壁橫亘數壟望

如劍截俗號馬鞭勒相傳晉阮放居其下兩崖間有

巨石如厂覆潭上朱邑宰劉默有惠政嘗遊憩於此

因名劉公谷又西為五龍山方斗巖又西為河輿山

有石牛潭牛首在水底兩巖中尻在外酷肖石上有牛蹄跡并杖痕河輿山西為鯉輿

山隔河特起一山山陰為湖頭山

縣西南山 脉亦自縣後山右支來再伏再起為石馬

山石馬之北特起印輿山

石馬山 在一都山有三脊橫亘縣南袤延五六里東

樂清縣志

卷之二

邑里

敘山

五

麓枕海為縣案山亦名南岸山崖端海口俱設臺置

戍其南曰鹽盤山山巔為雙峯山腹為盤谷岡隴迴

抱有盤旋之勢因名焉宋王忠文孫闥讀書於此有

觀瀾石化羊岡龍領泉臥獅巖諸勝舊有雲門寺乾隆初猶存今圯

西南有薛家嶺即支輿嶺俗名頭南二里許曰吳輿

山有吳輿嶺俗稱二又南二里許有栗木嶺即山前

嶺俗稱三條嶺為沿海東南一帶要衝又二里許有

村名雪灣東北山曰永康永康鄉以此山名與鮑志異說本

林啟亨新志後議

印輿山 在一都縣南五里小山中峙正當海口形如

覆釜

頂平而四圍圓淨

名曰印巖為縣印山

縣西山 自縣龍右支湖濱山過峽而東為峽門山又

東為湧泉山峽門南為長山長山南十餘里特起五

星斗山又西南為排巖山五星斗東為政洪山政洪

之南特起黃華山芟華東為岐頭山

峽門山 在一都西與湖濱山對峙如門西有蘇奧呂

奧南有龍翳山

舊傳有龍為雷所擊奔藏是山有坑谷直入山腹

其東為楊

奧山峽門東為寺嶺山過峽復起為龍頭山又東南

為湧泉山

湧泉山 在二都峯攢嶒泉水噴薄民資灌溉

按林

樂清縣志

卷之二

邑里 敘山

真

啟亨新志後議云湧泉山其地岡隴平行雖有泉水亦涓涓細流而已雨止涸可立待山下平疇悉資河流灌溉志云峯攢嶒泉水噴薄民資灌溉文火好為誇飾往往如此或云地名湧泉故志之如此然亦有名無實矣

長山 在五都縣西三十里自峽門山南出聳而為尖

俗稱長山尖連岡疊巘數十里望若象鼻一名象山

西趨麻園柳市名柳市山東至霓輿名霓山

增

志後議謂霓山即今之象山王忠文綠畫軒記云有山遠引若虹霓之狀俗謂之霓山樂安孫氏之居得霓山之勝按象山狀如象鼻與記中遠引若虹霓之狀相類與今之霓山殊不相肖且象山故牆址內有石刻孫氏別業四字意綠畫軒當即在此而霓山改為象山世代屢遷山名因之而異耳又東有栗木嶺東南過峽復起為高坪山兩峯並竦如鳳展

翅亦名鳳凰山東為雙墳山又東二里許有小巖三錯時海濤又北里許特起沙與山置烽堠長山南有蟾與廟巖察巖相去二三里

五星斗山 在七都對然崛起上有斗嶺左右五峯競

巖柔若宿離原泉混混民資其利西南有前岑西與

金家與岡巒委折有回龍之勝山北為蓬山翠巖又

有黃瀆山

白巖頭山 在八都五星斗迤西為覆船山一名鳳凰白巖頭之

支山也附連又西為白巖頭山巉巉礧礧石質純白

故曰白巖俗稱排巖以其巖巒排列也北折為睦睦山山西有長

樂清縣志

卷之二

邑里

敘山

覓

安山鄉名以此又有利巖按利巖即察巖

政洪山 在六都舊有政洪寺因名俗稱井虹山山半有浮圖溪流右

遶倒影澗瀆一名玉溪山有鏡巖逼臨溪澗東為積

穀山下有穀泉井又東為獅子山石厂橫亘呀呀如獅口

呿而不吟前有小山端圓如鞠丸俗稱獅子毬南百餘步有扈巖山又名

螺東北有塔山

黃華山 在七都縣西四十里其外為下馬坪山麓純

石無土有石龍長里許色縹碧西南有崇岡置寨堠

山西北二坳曰大蛟門小蛟門

岐頭山 在六都西聯黃華山東有白峯址垂入海俗號

白馬南有十八隴巨石碾礫噴瀑洪濤中潮去始見  
海舟至此謂之轉岐相近有坭礁舟行遇暴風每嬰  
其害東岡設臺寨東南有碁子灘附連有大樣山蒲

壇山 光緒二十八年僧達性揚資  
建石於坭礁上舟人便之

縣西山 白石山東北為陳坪白雲尖諸山白石山左

旋為東際右旋為西際東際東為密溪與山又南為

沙與山又西南八里許特起為管輿山西際西南為

寬與山又南為名山山南為筆架山筆架山南為

馬山西南為高與山正南隔河特起為白塔山白塔

山西南為石船山高與山南岸特起為橫春山盤石

樂清縣志 卷之二 邑里 敘山 阜

山

陳坪山 在九都分為南北二與西北列嶂重重亦名

鐵城障折而南為覆船山 與霞雪覆  
船山別 又南為白雲尖

山

白雲尖山 在九都巍然隆變俯視眾山如部婁其上

常有雲氣西南行十餘里為白石山 中有水塘香  
燈鳥巖諸山

白石山 在九都縣西三十里自永嘉桐嶺而來石色

多白故名 宋沈紳白石山記永嘉北走百里巖曰白  
石者也世傳十二真君升真之地吁可怪

也長圭峩峩拔地挂天勢之壯也谿紆邃深修楹複  
厦其廣容也霰屑乳滴玲瓏漂激泉高下也連山培  
塿海日夜出駭眾觀也葩華縟鮮霜露刻削殊四時  
也嘯猿唳鶴煙雲散聚朝復暮也昔予以從事往焉

其間聞而見者若是巖下有徑即謝康樂行田賦詩之所由徑而趨巖必越山脊循危磴升降盤折而後能至向之守巖者嘗疏李少和遺事求為刻辭拒之甚峻心甚報之今假守於州其徒造門復申前言則予莫能已也予聞至道間天子無事有言少和築室於巖善辟穀得攝生之術召對便殿訪以治國修身之要竟不能奪其志賜白金以遂其歸自是白石之名益暴於世好事者相踵以往往往則欲忘其歸蓋樂其清迥曠絕異於耳目之所混混有發人高明之思焉予既嘉二子之謀永茲巖之傳竊又自喜他日勒名巖石不隨世而磨滅故詳記之

傳為十二真人所居號白石洞天唐天寶初改名五

色山宋太平興國間羽士李少和居此太宗書第一

山賜之巖下兩溪分出中抱孤中峯曰玉甌峯甌言

其狀玉言其質也俗名道士巖又名拔萃峯舊有東

樂清縣志 卷之二 邑里 敘山 聖

延壽又有安禪室白雲樓峯下有澗澗中有石牛國朝施元孚游白石山記東南山水稱雁蕩而白石其流亞也白石之山其景曰玉甌峯曰東澗曰西澗玉甌踞於中兩澗夾於左右其間洞而曠者四水而瀑者三穴而水者五峯之峭者十有二石之詭者六巖之異者如水穴之數石色白故為白石山居南北雁中故又為中雁其陽去余家十里東去縣二十餘里去雁蕩百里余性愛山水五岳九州時縈余懷以妨於學弗敢出歲在庚戌余春秋二十六自不可世用爰念名山莫茲為近遂借族人往游一月再至而山之勝悉為吾有矣噫人生各適志耳七尺之軀明知不與山水爭長役志忙忙何有窮期余將徧閱吾甌奇勝由是北上天台訪括蒼入仙都廣遊吳越以漸及於江淮齊楚之外然後歸休茲山檢奚囊遺楮品其高下為山水之平章優游太平此余志也然則是行也非倦鳥之知還殆鵬程之初徒歎於時遂有雁蕩之約唐張又新詩白石巖前湖水春湖邊舊徑有清塵欲追謝守行田意今古同憂是長人宋王忠文詩朝離文君故宅邊暮尋謝守舊行田黃羊先示神仙迹白石俄開洞府天兩派琮瑋鳴玉澗一



樂清縣志

卷之二

邑里

敘山

三

聲款乃釣魚船王孫占得湖山勝明月清風不計錢

頭過人在白雲高處行巖下田謝康樂洞中辟穀

秀詩誰炷清香禮少君數聲清磬夢中聞起來聞把

青衣袖裏得關干一片雲徐照詩一石入遙天千

峯疊在前人行不到處仙去未多年寶暗雲生像簷

斜日照泉皇朝宣賜物弟子尚能傳明范霖詩飛

磴延幽步高標入紫氛洞門春貯月石竇夜歸雲海

入羣峯盡煙消萬象分欲將龍鳥字一叩紫陽君

陳懋詩暮宿塵凡境晨游玉甌峯露凝仙掌上僧語

佛光中龍臥雲生砌丹成鶴唳空清虛看老我焉得

脫樊籠章元梅詩中峯竦瑤臺穹窿出天半仄徑

轉百盤千里了可見絕頂濺飛泉激空橫素練昔聞

李真人於茲事鍊精爽恍若存蘭茝尚堪薦我屬

涼秋游岸幘倚星漢殘夜見陽烏銀海彤霞眩幻疑

萊陽市奇同岱宗觀瞻此歸雲間悟彼飛鴻倦覽物

感余心臨風託柔翰李顯詩一逕透迤入翠微雲

間鐘磬出巖扉甘泉遙向丹崖落白鶴旋依碧嶂飛

瑤草春風迷藥鼎曇花天雨散珠璣尋幽更上峯頭

立萬疊青螺擁四圍汪曠詩不信人間玉作峯誰

將巨斧削芙蓉霧浮遠岫疑吞海雨過殘雲欲挂松

石激連珠千丈瀑各鳴孤寺數聲鐘舉頭尺五天如

接身在塵寰最上重何白將游玉甌峯東陳太冲

詩中天玉甌立噴岫鳥逕猿梯轉百盤元夜日生滄

海曙明河秋挂洞門寒苔滋綠字會題碣澗瀉紅泉

舊浴丹言有孟公為地主莫尊擬泛白雲端國朝

施閨章詩朝從谷口來夕從天際歇仄遥盤山椒谿

銜豁雲窟廣厦受千夫幽巖蛻仙骨寒光倒星辰夜

氣來溟渤須臾萬岫開東峯出皎月戶牖何空明照

耀成瑤闕天雞中夜啼煙雲時出沒曉看江海間巨

艦爛一髮行田阻謝履濟勝失倉卒延目雁山青坐

臥已超越戴宗巘詩峯頂高無極煙霞日鬱蒸海

門丹嶂闊仙洞白雲凝哀鬢逢秋氣浮生問羽朋漫

嫌笙吹縹緲雙鶴可飛乘王士性詩四絕玉渚流虹

雲氣杏金莖飛雪露光寒峯頭怪石多人立直上乘

風跨紫鸞灝氣淋漓接素秋露洽月白水光浮煙

消渤海三千島石擁瑤天十二樓翠袖黃雲臥野

蒿石城樓閣倚天高長風吹浪來秋色白日行空駕

海濤洞口垂蘿不記春簷前飛瀑下平津石門

水漁郎遠羸得青山好避秦 徐化廣詩二首仙洞  
名傳第一山層巒疊翠競登攀老僧指點江天勝海  
火年來靜玉環 夜闌梵唄接青霄鐘鼓聲中聽詩  
潮手摘繁星供笑飲半天鸞鶴落笙簫 方尙惠詩  
金鷗發幽思躡彼白石山老鶴歸元圃喬木見猿懸  
絕頂勞蟬噪安知上有天攬物殊瑰奇白雲瀉丹泉  
近瞰山如埤遠躡三鳥連暮潮蕩秋月疎星挂崖前  
少和棄我去玉壺誰炊煙稱觴縱遙情雅歌暢游仙  
細縷世路稀愉樂得自然 蔡德富詩仙巖深鎖白  
雲端十二真人駐彩鸞爲問山中何所有已知高處  
不勝寒當空嵐氣衣襟濕滿谷風聲木葉殘更上佛  
樓舒望眼迷茫一氣海天寬 鄭作朋詩曲磴十二  
盤翠折境更好遙見玉甌峯岬嶂盡晴昊炊玉幾時  
熟未識長生道不惜上山難但恨下山早 釋德立  
詩雁蕩南去峯聯蟬此峯獨踞羣峯巔我膝過頤肩  
過頂磴道盤空如上天既入其日坐其腹千山萬山  
齊拜伏不知玉甌高如何但見金甌渺一粟半輪月  
挂海門秋四野星低草頭綠天雞一唱人間曉少公  
猶抱孤雲宿 增明王大初五嶽游草玉甌峯者未  
至樂清云三十里歧路而入夾石爲門流水中貫桑

樂清縣志

卷之二

邑里

敘山

臺

麻滿林 儼然遊秦桃源也遠瞻峯頂巨石成山如負  
甌然至山麓羊腸盤曲石立如人躡而至山腰飛泉  
一道正落馬背爲風引之去忽覺雞聲在余頂仰而  
不見疑所謂劉安雞犬遺白雲中響者問之則洞中  
黃冠蓄之當午啼聲徹下界也緣此梯而上不過廿  
丈爲峻壁於復由山左陟其巔反下至洞洞嵌空如  
簷寺其中不設椽瓦塑李真人像時夕陽返照四山  
林木如披繡恍然身在巨鼇背上高望東海三山招  
羨門安期不至歸宿洞中蓋欲未明觀日乃凌晨曉  
而下時游在江心之後與潘司理去華何山人貞父  
俱歸則過北雁別有記夫越余家也其山川是不一  
至焉故次越游不以歲月而次其山川 國朝韓則  
愈雜記玉甌峯自是高流吐納之地若欲作一叢林  
恐未易辨以山峯太高人處石上不能受土氣何處  
發達必欲爲安僧計亦如靈峯洞下建一靈峯寺但  
以此爲游觀之所則善矣 施元孚又登玉甌峯記  
玉甌峯初名白石巖又爲道士巖而捧日之爲臺大  
獅落雲之爲峯藏真天然之爲鳩爲利其名不下數  
十游而指名者莫之有定余游數矣甲寅季秋與客  
復游遙見層巒璀璨聳露雲霄中疑重樓幻於天際

樂清縣志

卷之二

邑里

敘山

高

比至洞秋光四映空明瑩潔余日是宜名瓊樓而客  
 以無定名謂余為多事余曰嘻客知茲峯之屹峙幾  
 許年游者幾許人耶昔人游不必與今人游同我今  
 游不必與我同游即我子游亦不必與我游同巒  
 石隨步而改觀林木順時而變易山禽野獸之飛走  
 鳴叫不時寒暑晦明風雲雨雪之後先異態而游人  
 取舍不相謀會心各殊故一時游一時勝也一人游  
 一人趣也景日變則名日加宜也乃欲定其名山靈  
 有知庸不我笑乎客曰有是哉乃相與飲於洞下既  
 酣而起月在林間仰視星斗髣髴挂目睫客曰是景  
 也子曷名之余曰名摘星臺也可名醉月洞也可  
 宋周邠詩四首此境曾聞父老傳迥無凡跡到巖巔  
 青霄咫尺不多地碧洞深沉第幾天千古煙霞真勝  
 絕一方水石最清淵我行聊慰登臨興著意來遊已  
 四年 珍重開山李道人林巒奇勝甲諸鄰奪將狐  
 兔千年穴化作寒泉一境春溫潤都疑山有玉清虛  
 須信地無塵祗應便是蓬萊島縹緲三峯更絕倫  
 賞徧他山到此山始知仙境異人寰巖前羽客尋黃  
 鶴澗底樵人放白鷗路入洞門迂五嶺雲盤石徑疊  
 三關松間猶有仙翁竈憶昔丹成煉九還 登山蹋

徧萬千峯直到青雲第一重路僻頻驚來瑞鹿洞深  
 還見掛蒼龍偶穿白石尋黃石卻倚青松慕赤松日  
 脚西垂歸興促巾車無復更從容 錢堯卿白石巖  
 詩白石巖如甌元壇虎守關日邊渾是海雲下欲無  
 山星斗明孤劍彌猴識大還李君仙去後苔鎖藥鑪  
 間 王忠文次韻昌齡詩未窮脚力上層霄想像名  
 山興亦高物外遊人身插羽洞中仙客體生毛利名  
 奔走嗟吾老杖履徜徉羨子豪鳧鳥共遊端有日預  
 期木葉下亭皋 又和少和丹就已登霄巖與仙風  
 兩並高甚欲此身參鶴馭尚嫌多事類牛毛雲間雞  
 犬年猶永世上英雄意漫豪堪羨北山山下客不緣  
 射雉亦如臯 樓鑰詩我遊仙都觀獨峯轍迹雖在  
 車不通鼎湖望極幾惆悵恨無羽翼凌天風茲來樂  
 成望白石玉甌突兀摩蒼穹人言真人老聘喬鑿開  
 洞府遺仙蹤無人共登青雲梯躋攀伴我惟枯筇紫  
 迴約畧三十里踏遍萬疊高巒從斷崖冷落殘雨  
 雙石凜凜停孤松卻從山椒下谷口石欄屈曲遮碧  
 櫻頗疑山高氣凝凜古來積雪今未融是謂玉斧妙  
 鑿斷仙洞雙龕驚神工巖深向日尚幽閟別有石竅  
 開天聰傳聞峯頂貯清泚苔鏘涓滴聲玲瓏奮身直

欲上虛閣海山錯立煙濛濛腳底千年行伏龍手揮  
五絃俯冥鴻霜林搖落當立冬長嘯一覽萬象空解  
衣夜宿百萬燒天紅眼高不數雁蕩雄行田下笑康樂  
公未能辟穀追仙翁願亦有志棲琳宮三山不覺去  
人遠安期羨門宜相從驂鸞駕鶴太多事但欲御氣  
游無窮林斗南詩路迥繁紆行木杪脚力窮時山  
更好苦吟轉覺佳句慳望遠方知眾山小登臨自昔  
知幾人留題石暗蒼苔新吁嗟開闢歲時久名字湮  
沒多無聞細觀天地無終極百歲浮生共一息靈運  
少和縱垂名俯仰之間亦陳迹何如至人能達觀古  
今等視猶晨昏朝菌靈椿皆死爾復有修短何足言  
往來盤礴何為者祇為幽懷未棄舍凭欄一覽萬境  
空轍迹何須遍天下明南昱詩躡屐開登玉甌峯  
迢迢一道與天通望窮宇宙三千界踏破煙霞幾萬  
重洞府昔為王子宅林泉今作梵王宮青山流水依  
然在歲歲桃花只自紅何白潘司理王司諫同登  
玉甌峯詩飛磴真疑落紫氛冥冥風雨夜深聞天門  
呼吸中峯近日月蒼茫半壁分滄海使君黃鶴馭亦  
城仙吏碧雞文最憐政暇多幽事跌坐來分石上雲

樂清縣志

卷之二

邑里

敘山

臺

汪燠詩色燦瓊瑤霄漢中峨嵋積雪此差同人登  
曲磴雲為級佛坐深巖石作宮共對閒心山鳥寂遙  
傳清磬海天空李仙丹竈能相借玉甌炊煙萬嶂紅  
高僧選勝開帶雨飛泉清梵合隔江纖月聖燈來削  
成蒼括三峯石疊作蓮花九品臺巖壑向開通雁蕩  
知君鄉思自難裁國朝施閩章游白石山遺諸文  
學詩謝守經行處村墟白石傳山田滋曲礪玉甌出  
青天屋過烽煙在人奔虎穴全卻留藜杖客重醉菊  
花筵金淮琛玉甌峯記遊詩八首錄三首我家玉  
甌陽村墟古白石塵網搜膏育名山疎游迹忽接勝  
友招言為題糕客飄然志凌雲策杖絆雙屐同行六  
七人好游較我癖出門惟捷爭汗挾還岸幘我生畏  
崎嶇履易念迫阨前車無覆虞坦然忘所適行行數  
里許屈曲若夷蹊經過下馬嶺延表疊層梯樞衣趨  
磴上茫昧等醴雞神定頗爽翳忽然到金甌仰瞻合  
沓嶂俯矚盤迴溪合我心曾蕩躑躅再攀躋神輪駕  
尻馬探奇靡不臻紆折入洞口果見仙窟靈兩龕判  
崖屋間架鬼斧成警歎時一發鳴笳叶宮音乾坤此

樂清縣志

卷之二

邑里

敘山

真

特地日月為斬新俯視人間世下界颺紅塵弱水宛  
 可即一蹴輕崑崙區區九海島渺視固所應咄哉一  
 勝境我欲寄此身 凌夔玉甌峯詩涼風掃殘暑梧  
 葉聲颺颺駕言出郊 牧山水何清幽黃羊插遙翠仙  
 迹杳難求白石峙嶮崎雲構驚雙眸甫循謝公逕緬  
 想行田游昔人重職業暇豫兼冥搜選迤陟峻坂荒  
 澗阻且修含煙疊清嘯曜日綿丹邱陽林散晴靄陰  
 壑噴寒流遠香發叢桂清吹生長楸披雲振遠策中  
 路十數休仰見萬仞壁嵌結仙人樓交窗開碧落迥  
 絕臨道周人語勢相接直上無飛翰綠崖轉峯背復  
 壁蟠蒼虬飛泉屑瓊玖雙溪迴帶鈎既登旋復降古  
 洞含清颺依巖列層榭翳石張虛幃槎枒攢萬笏錯  
 落垂千旒瑩然像追琢展矣方琳瑯俯瞰來時路行  
 者如蚘蚘游主人為賓饌客至黍飯柔海天一何曠萬  
 里黃雲收明月碾冰軸眾星懸華毳開軒捫蟾桂舉  
 袂攀女牛涼霄坐不寐蟪蛄鳴啾啾未曉發紅焰駭  
 顧陽鳥浮一氣盪溟滓辨景扶桑洲生不游名山心  
 曾如豆區茲游得曠蕩廓然除百憂 王國泰陪使  
 節巡查留題玉甌峯詩策杖登臨幾萬里凝眸山際  
 適相從秋風躡屐來晴壑皓月依人上晚松飛瀑恍

疑煙雨至流虹渾似斗牛逢天台 山麓一徑百折盤  
 作賦空翹切回看雲籠玉甌峯

繞至峯巔廣百餘畝循崖側下石罅參郭如張口日

玉虹洞高廣四十餘丈 增明陳崇雅玉甌峯志云

故名 國朝蔡保東玉虹洞鑄鐘引崇山峻嶺聳干

仞而摩空道院禪關淨六根而拔俗然欲覺聾而振

聵究難叩寂而求音向需臆氏之工用振鯨鏗之響

動無動而靜無靜悟徹元機見所見而聞所聞洗清

俗耳吾鄉白石山玉虹洞遠超塵界夙駐仙踪五千

言克紹宗風雲停鶴馭百二峯別分支派地近雁山

夾際水兮東西霏林嵐於朝暮文星佛日結香火之

因緣羽客繼流話煙霞之趣味惟是一峯獨秀萬籟  
 無聲竹雨松風偶憂琳瑯之韻花晨月夕誰諧山水  
 之音伏望謝屐名流魯園善士不吝十朋之錫俾成  
 九乳之形金可在鎔鐵無鑄錯大叩小叩和百丈之  
 龍湫激聲緩聲協半天之鳳管聽仙璈於霄漢名山  
 別闢洞天滌凡響於箏琶佳客共游福地 宋陳傅  
 良游白石巖 詩地向東南傾石際滄海立蛟龍限

樂清縣志

卷之二

邑里

敘山

臺

波濤難大得城邑居然通國望  
 有之置屋三四級幾看星月爛  
 百年共我冥鴻集語夕陽低對  
 止舟避雨漁翁笠邂逅一俛仰  
 白石洞詩片石立雲端羣峯向  
 閣洞天寒泉滴疑傳漏人危怯  
 並御書安明章綸宿玉虹洞中  
 盤振衣四顧海天寬晨鐘聲撼  
 洞寒蓮繡金仙敷座右苔生羽  
 荒唐事信宿真同小劫看何白  
 杖底星河樹杪懸石牀清聽落  
 海寒色中峯散紫煙僧在翠微  
 遺筌風塵一片驍騰意消盡鐘  
 洞聽道人吹笛詩覆嶂盤空鳥  
 研道人鐵笛裂雲石殘夜羽衣  
 作雪日蒸江氣散成霞青芝赤  
 未有涯陳崇新宿玉虹洞詩登  
 洞幽深夜氣寒覓句恍游三島  
 連牀夢草思康樂扶屐游山愧  
 近乘風便欲駕飛鸞國朝林大  
 精登玉虹洞詩五

首愛尋名勝上瓊臺第一峯頭  
 洞住人隨雲霧入門來極高翻  
 禹鑿開何必十洲誇幻境此身  
 面面拱名區獨立青霄照海隅  
 飛千尺洒鮫珠空濛山氣春將  
 鳥兔都如壺裏走命名合借小  
 不收雷峯堪配海名風直開捷  
 墮一樓到此始知山有口來時  
 墨多平衍寫得超超妙境不恰  
 靈變幻又虛懸層巒瘦削千層  
 竹柏老成方外骨煙霞深護此  
 在一柱寰區得並傳盤盤引上  
 我亦豪地放一頭依傍絕天開  
 味凝寒雪洞外松聲走怒濤欲  
 層上更洞中伫立東望海山如  
 翔翺

光眩曜若紅爐鑄丸又有昇仙  
 真塢楊微之送李少和詩有遙  
 句後人因以名焉見施元孚白  
 石山志應天洞

皆在玉虹洞中其下有昇仙巖溜鐘巖洞左有一線

天右有白龍洞增國朝林啟亨白龍洞陪彼岸上

鬼斧嗟峨特出萬山巔詩奇峯幻作神仙府巧倩神工與

二峯奇虎阜天台即非伍中有神龍志矜奇不肯低

頭寄廊廡爪牙扶裂巉巖開奇石穹窿不粘土別開

空明一洞天包裏羣山衛門戶白龍一去滄海深千

秋誰是煙霞主高僧灰槁謝紅塵枯坐窮巖拂松塵

蒲團一箇杖一枝案頭不觀經藏部坐臥不離地一

弓談禪欲將吾儒侮云爾儒門語支離箋注紛羅有

何取決科射策皆陳言皓首鑽研枉辛苦我聞大笑

懶點頭儒釋豈能融水乳棒喝盡在無言中姑俟洗

心念佛祖揮手尋踪下山來回頭山岡日卓午洞口

哈呀白劉巖中斷繞壁行三里餘始達洞口其上有

雲游洞增國朝林大椿詩洞居峯之半猿鶴不能

雲無絕壁無階雲出沒其間作呼吸狀峯陰屑玉泉

心去

樂清縣志

卷之二

邑里 敘山

真

周長邠命名國朝施元孚屑玉泉記瀑布水吾邑

之昔賢名之為屑玉泉以飛於天半疎潔晶瑩若碎

玉之飄灑也余聞物以稀見珍造物鍾靈或有意歟

然不居眾人居日處而居峯陰何哉豈以人情洵淘

而淡逸之觀深知者罕故隱此以待知者耶書之以

問宋王忠文屑玉泉詩白石巖腰屑玉泉佳名又

初自長官傳潭疑齒頰冰霜論終日霏霏落半天

有佛手巖寶陀巖霹靂巖其陽有連珠潭開水初月

潭牛輓潭壘石巖巒絲潭菓盤巖諸勝山中巖壑窈

深復分為東西二澗

白石東澗山 玉甌峯東為半嶺山莊前山一名鐘前又東

南為東澗一名東龍街長二百餘丈闊數丈曲折而

下水底皆大石綿亘而捲其旁水鳴鳴石上如操

琴為潭六其最著曰梅雨曰洵井曰鐘潭為瀑一日

梅雨為峯三日石碑曰彩霞曰石夫人 在溪南山下

文詩注有兩石峭立俗呼石新婦 明高友璣東際

石夫人詩亭亭獨立望夫津 家石作鄰螺髻

不梳千載曉蛾眉空掃萬年春雪為鉛粉憑風傳霞

作胭脂仗口勻莫道巖前無寶鏡一輪明月照茶巾

國朝林兆斗石夫人詩家住最高峯居然一女宗

此生常獨立何代始崇封夜月窺容瘦秋雲壓鬢鬆

孤貞甘寂寞巖草自春冬 潘之彪石夫人詩亭亭

獨立幾千春家近青溪絕少隣抱子未應憐小小思

君頻欲喚真真臨流不鼓湘間瑟對月還看 經巖秀

鏡裏身自願山居長寂寞不知封號錫何人

舉碧湍涵光吳中王弇州云諸稱名山者得水而雄

東際有之東南為東汶山 東際東十里為龍潭頭其

朝施元孚東際記余遊玉甌及西際天柱諸勝峯巒

峭拔心甚壯之越旬日與族兄釋鏡復游東際未至

樂清縣志

卷之二

邑里

敘山

覽

北望山椒石夫人娉婷獨立若陟阿采嶽者其下為

鐘潭叠涵谷口際 水所由去也 際長二里許闊數丈

上下七折悉亘石而捲其兩涯水平鋪石上潺潺然

且流且鳴紆回之致若神龍蜿蜒之迹故肖其號曰

龍街中有洵井口收而廣衍水入其內響似鼉鼓而

深不可測若神龍遊而竅其窟宅焉谷內有梅雨潭

其大畝許週遭厓石斬然而下瀑懸垂潭面景絕幽

奇其上數折峭嶮不可窮乃際水所自來也方余遊

時寒甚余二人擁爐火側行街邊或踞巨石而玩俄

而風轉澗中寒漪如穀巖頭古松蕭蕭作琴瑟聲以

答澗音穆穆渾渾冷氣襲人而心遠興逸相與談笑

久之蓋玉甌諸峯之雄奇足以壯人豪邁之氣茲山

之奧邃足以啟人幽深之思造物開人闢見洵不可

測既遊而歸因書之玉甌諸記後 宋王忠文東際

詩飛流噴沫下煙嵐肯使名同盤與貪莫訝來時多

汨汨定知止處卻潭潭遙通雁蕩靈湫兩巍壓龍門

飛來三尺好景不須摩詰畫盡歸詩客句中含 佛國

客羞談鉅鉅潭觀盡豈須窮暮四悟來初不異前三

莫將七際觀東際法界三千際際含 又游東際詩



白石三峯下懸崖七際流穿雲來汨汨朝海去悠悠  
石是誰家婦龍居第幾湫平生不行險到此卽回頭  
注上六際畏險不登國朝林啟亨過白石東際詩  
玉甌高懸碧落邊此間又遇好林泉灣環似訝前無  
路幽邃偏疑別有天溪水緣分翡翠艷際流白又東  
灘雪花鮮離奇怪石難名狀石婦龍街尙宛然  
爲密溪與山

白石西際山 自玉甌緣澗西行怪石環列如瑤簪玉  
筍日不周翫曰西際澗北峭壁橫亘黑白間布曰玉  
屏嶂有含翠峯峭舉山切峻嶒百重卓筆峯高與之  
匹又有展屏火焰雙筍三峯華表聽泉兩奇石皆秀  
拔可喜澗南多石室如百丈巖一笏菴壺餘巖水簾  
洞皆空嵌可居而大小二天柱間深入百餘丈天影

樂清縣志

卷之二

邑里

敘山

亭

僅牽一綫白又有鏡巖一名雲臺月又有蓮花石灑  
玉巖飛泉如屑玉上流二里餘兩崖迴合斬然如門

曰石門

有路北達永嘉

澗中多亂石石竅引溜軋軋作機杼

聲曰織機石東流里餘巨石爲底如新砌街衢水平  
行其上微波鱗張曰西龍街南下有蝦蟆嶺巖皓肖

蝦蟆

一作下馬嶺游者至此下馬故名

又有烏鰂巖

增國朝韓則愈雜記西際山

水甚佳既至玉甌正好乘便一游輿夫苦於草深路  
峻殊不能強遙望雲壑不勝引領施元孚西際記  
玉甌峯之西有石澗長五里曰西際又曰西龍街南  
北諸峯沿澗呈異余旣下玉甌緣澗北西行仰見北  
山玉屏嶂橫亘里餘其間立石錯出有直起者有豐  
上削下者東延玉甌恍若大獅吼視東南而西望澗  
南大峯拔地而起又若巨虎雄踞眈眈北視前後瞻  
顧心爲之掉西至大峯下南面正視爛若秋霞與北

樂清縣志

卷之二

邑里

敘山

臺

山諸峯相掩映再西北山有峯曰卓筆銳其巔如毛穎  
 書空再西有峯曰展屏再西有石曰華表其倚於巖  
 側如人側耳者曰倚壁聽而回顧澗南又起大峯是  
 為天柱峯卓立澗底上矗霄漢迫而視之岌然若動  
 搖傍有小柱附立而不倚時日已斜西余曹坐峯陰  
 澗水北擘果充饑頃之毛骨凜然急走坐日中久之  
 而去柱西數十步有怪洞如齋齧者為蛙餘巖再百  
 數步有怪石如滿月升於雲端者為雲臺月其旁為  
 水簾洞其下為灑玉巖自此而西再里許兩崖壁立  
 中有澗瀑曰石門山至是漸峻余登巖背回視諸峯  
 在煙霞夕照間不可盡辨但見兩大峯如雙帆高掛  
 風動雲移大有揚船跨海之勢信足異也會日薄山  
 度不可復返遂西渡黃岡乘月下雲光寺宿時庚戌  
 仲冬之九日也 鄭振熙詩二十餘峯西際西山風  
 吹客過前溪石門回望清如許百丈巖頭片月低  
 林啟亭由白石西際至上覓詩二首古嶺迢迢路險  
 巖一天風雨樹林西溪流洶湧翻寒雪瀑水飛騰掛  
 素霓十里雲霾青嶂暗半山屋舍綠陰迷主人款客  
 殷勤甚鄰里齊來話祖栖 桃花源誤武陵漁此地  
 瀟風亦宛如婦女幾曾羞避客山人遮莫喜餐魚蒼

松翠竹陰無際白叟黃童樂有餘約畧遐緲絃誦闕  
 粗能識字未知書 又西際紀勝詩玉馭擬高寒巍  
 然拔陵谷乃蘊君子心靈奇慚其獨蔚然闕兩際分  
 列東西麓以茲景不孤游人稱往復東際既幽邃西  
 際尤奪目我來一流覽峯巒無重複層崖燦奇觀肖  
 象交攢簇卓筆何書空華表出林木伊何倚壁聽泉  
 聲走飛瀑輒輒機杼鳴鯨綃織幾幅危崖高百丈空  
 洞穿崖腹上有靈芝峯志書失表襮一線漏天光雙  
 筭供肴斂天柱倚雲端低昂撐仙屋月透瑤臺雲龍  
 街亞東喚石門闢天關擁護山靈肅意似衡門下碩  
 人樂邁軸奇詭難盡述化工炫孕毓我姑拔其尤錄  
 之入詩牘可以當臥游南窗資寤宿 林大椿游西  
 際詩侵晨具行李倘恍別琳館入山不厭速出山詎  
 嫌緩暮宿託僧侶朝行促游伴山人起語余兩際西  
 尤顯吾生就幽僻接日勝宜選選征覓危磴仄步度  
 浮巖崇阿縱烟嵐深徑沒苔蘚途長更紆迴力備且  
 龜勉異境識面難奇峯賞心罕驀然勝地開層巒絡  
 繹辨直幹柱撐雲孤標崖張繖半鑑照鬚眉一槩貯  
 湔盥倘僕叟聆泉丁當女纒繭羈滯燕氏狸飛騰淮  
 南犬神魚夜禮星止烏春吐豢回頭睇翠岫橫列屏

惟展流水隨遊人盤旋出石覓化工樂遊戲元氣盪  
充滿發之大地間名蹟同涵演離谷日景斜遵途僕  
夫眇始知來時路十步即一西南有象浦嶺增國  
轉去險神乃凝從茲履道坦朝林啟  
亭過象浦嶺詩嵌空石磴盤晴氣一嶺界破東西雲  
海濛西來五十里乃懸窮巖與峭迂折之蒼雲肩輿  
快似追風騎其中別有一天地村落灣環溪水清田  
畦交錯眾山翠雞聲喔喔犬信信鳥特扶犁牧童睡  
老翁攜杖鬚眉古少婦摘花香風膩村農腰鎌麥正  
秋半畝黃雲作雙穗早秧已插晚秧齊頭茶初罷二  
茶遲山樵陸續負薪來問客何之復奚自種作不  
與外人殊笑殺南陽劉子驥何須寫作桃源圖

密溪奧山 在九都東際山東為密溪奧山有嶺達東

有佛厨巖西有龍山虎與山

沙奧山 在十都縣西三十里密溪奧南為北沙奧山

上有赤巖洞極西有獅子山其麓為合湖東有嶺達縣治

樂清縣志 卷之二 邑里 敘山 臺

一名峽門 見劉蒙川集嶺南為南沙奧山

管輿山 在十都沙奧西南八里一名孤嶺合湖繞其

北斜日映瀾倒影崖壁作龜紋澗潑產美竹宋邑令

焦千之嘗登此取為管因名管輿增國朝施元孚

已酉季秋之九日余與昆朋冠童九人同登管輿飲  
茶奠也風日清明山河爽潔憑巖偃仰興豪心遠余  
即席言曰宋治平間焦侯伯強蒞邑政侯名儒也嘗  
過茲山伐其竹為管遂以名山距今七百年矣山童  
然峙竹之廢不知何日而侯之命名猶在人口不休  
今孚與諸君宴遊茲山蒼煙紫岫掩映几席其風景  
不猶然焦侯登眺時耶夫山散林酒朋從呼笑自宋  
以來不知有幾然皆蓬飄霞落寂寂無一傳者而焦  
侯於登眺間偶焉命名輒留人唇吻與山水俱永然  
則人事之不朽於天壤詎偶然哉既言於眾僉曰有  
是哉雖然今日之遊不可不記乃囑余記九人者林  
君伯昌哲人楊君光春國榮及余族兄濟公言正釋

範族弟傳瑜誠號與余也 又孤與說孤與一名管  
與以與之竹可管故名而孤則介然特立不相親附  
之謂也然管命於焦伯強而孤不知其所昉故人皆  
是管而非孤余曰昔宜名管今則宜孤蓋管之云者  
以有其實今茲與已濯濯矣而猶曰管是誣與也故  
不如孤宜或曰管則非矣孤豈盡合乎象峯之坡湖  
山之麓若與與比鄰而居而玉甌蒞其北大壙出其  
南名山峙其西長山延其東不遠十數里又若四望  
而與鄰者孤何足以名茲與余曰若亦見與之為與  
與孤之為名亦視茲與耳眾山雖若與與鄰與實未  
與眾山接夫不與接者惡得為鄰乎雖鄰之又惡知  
其非孤乎此孤與之所以名也雖然與有大坪余將  
作亭其上為遊眺謳吟之所非竹則鮮致也管與之  
名行可再稱乎而今則孤宜其人笑曰唯書之以告  
者稱名

寬輿山 在九都西際之西東北為登仙垵西北有嶺

通象浦永嘉其東為上莊山有孝廉洞 以宋錢堯卿名 東北

樂清縣志

卷之二

邑里 敘山

臺

為馬衙山有小隱洞

增明王潛伯龍小隱洞記小隱者仙源錢君存之所自號也

存字崇新吳越王十九世孫宋孝廉堯卿之十三世  
孫太卿先生文子之十一世孫國朝處士懷善之曾  
孫蘭室先生褒之次子也其為人也儒雅風流放情  
山水築別業於此士大夫多推與之以為近古之逸  
民云 朱諫詩小隱亭前玉甌峯萬松門戶鬱葱葱  
碧流直與滄溟會白髮應知歲月公鷗鳥遠隨春水  
到樵歌西送夕陽紅後車亦有絲綸手漫說成周渭  
水空 何光遠歌仙源西有小與有王孫兮隱於此  
小小挂冠亭清清濯纓水采芝南為鳳輿山 一名鳳  
何處歌一聲空桑杏白雲裏

上有鷹嘴巖南為名山

名山 在十都縣西四十里自白石山委折崩巖數里

餘復聳而為尖海艦望以為準上有龍潭四無壁岸  
水尺許而盛旱不竭有二磯長各十餘丈端平如砥

曰龍階石山半有下庠嶺又有屠輿嶺即車輿嶺車輿村在其南

西北有寅輿金山又有梅萼洞西折為版塘山過嶺

即永嘉界

筆架山 舊名侯衙山亦名小名山三峯臺時如筆架

故名筆架山北接名山迤南為馬山本林啟亨新志後議增

馬山 在筆架山南上有瞭臺遺址猶存附近有茗輿

巋然枕田間茗輿鄉以此而名西為旺林山增明李元茗

輿詩猗歟太尉孫始愛樂清勝牛眠茗輿穴先業從

茲定 楊一清茗輿詩路盡山川是樂清地從人姓

得佳名宋朝太尉雲初遠茗輿今看世業成名逸

茗輿詩地入東歐水谷嘉春風吹茗試靈芽追思植

本由先世四百年來手澤退見高襄簡宗祠錄

樂清縣志 卷之二 邑里 叙山 臺

高輿山 本名盤谷山在十二都西南距館頭宋高世

則公扈從南渡數傳家於山下人稱之曰高輿因以

名山增慎江詩類嚴惟中盤谷歌為司寇高公賦

萃元氣何人卜築開新基高公百年草堂在林色川

容未曾改地隔桃源長子孫村標盤谷名江海盤谷

幽棲自隱君後人濟濟藉芳熏一溪桑梓橫青野九

畹蘭後結綵雲堂下陰森滿松柏風雨冷洽護幽宅

歲時蘋藻薦明馨階前半是朱衣客司寇承恩著錦

袍江山掩映羅旌旄後來傑出况非一上下彩鳳看

翔翺禮成敘飲復酬倡接蓋飛觥各相向里開風猷

出故家朝廷禮樂歸羣望吁嗟乎湛恩餘慶奕世存

論人盡識于公門請君試聽盤谷歌昔日三槐安足

碧海珠星璧月生光彩協氣冥蒙薄太清元精浩瀚

懸真宰乾坤結構真奇觀飛靈墮秀凌高寒松塢頻

招元圃鶴蘭軒夙降紫簫鸞緬聞高輿自先代有宋

天開祥運泰太尉元功四海知宣仁聖德千年在奕

葉相傳玉樹香時恩宗會列華堂內家禮數頌奕典  
上苑韶華布寵光颺逝星流更歲月千霄喬木存風  
節環翠樓高春事賒望雲亭古秋心切漢家馬廖今  
尚聞唐有長祿垂世勳帶礪河山應不朽藩垣宗社  
永無垠况有臺臣肅邦紀保障江淮自茲始虎豹三  
千衛帝畿舳舻百萬道皇里我歌欲和郁離翁海濤  
何處鳴天風天風蕭蕭起盤谷翔翔四表騎雙虹  
明王坊盤谷詩威晚坤維著龍驤將畧深山名隨巨  
姓門第控危岑楊一清盤谷詩歲祠新構倚噴既  
路在雲巖第幾盤誰向祠前植佳樹千年掛引更枝  
蟠又盤谷詩巖北有深谷悠然李愿居安得昌黎  
筆大書橋芳譽失名高奧山詩與有靈山水有源  
地因人勝得名傳一門百變同環聚禮樂承家數百  
年徐階詩樂清山水名天下透美行營此卜居世  
澤已經三易姓家聲爭說善垂魚古祠日月輝喬木  
勝地風雲接太虛簪笏後來知更遠拍臺行李只圖  
書見高竄南有小山曰南屏高竄簡因以自號北接  
簡宗祠錄

版塘有嶺通象浦西南為白鷺巖山嶺上有馬鞍  
峯觀音巖諸勝

樂清縣志

卷之二 邑里 叙山

一

一 白塔山 在十一都縣西四十里馬山隔河特起為白

塔山狀若象鼻亦名象山東南隔四五里許有大港

山小港山小港亦  
名香山

石船山 在十一都白塔山之西南為石船山環山皆

水若山勝概記山腹有石如船梢西為十里山西北

為沙門山府志作  
山門山

橫春山 在十二都館頭縣西南五十里與高奧山隔

河巒然崛起狀若牛軛南有小山曰重石曰斗牛俗稱

七星山

盤石山 在十三都縣西南五十里東北連盤石山西

南枕海城內有珍珠山小而圓西枕城出小塔色與珍珠無異按

之即南門外四小山其可名者一為螺山一為破片山南門內有水

名玉浦又有珍珠嶺在西門外通重石劉宋謝靈運行田登海口

盤石山詩齊景懋過臺周穆厥紫宮牛山空酒器

池實懽餘年迫願豈申游遠心能通大寶不權日况

乃守嚴封羈苦孰云慰觀海藉潮風莫辨洪波極誰

知大壑東依稀采菱歌彷彿含吻容慈采碧沙渚游

行丹山峯編

附

永嘉記地肺山在樂成縣東大海中去岸百餘里

永嘉記樂成縣木履山東帶探海門凡海探者皆由

其門故以為名按地肺山木履山即今玉環同知治

所

杜光庭洞天福地記玉瑠山在樂成縣疑即今玉環

雲笈七籤第三仙磻山在温州樂成縣十五里近白

溪葦市真人張重華治之仙磻山今無及焉

嶺附已入敘山附者不復錄

王公嶺 在十三都東田前宋王十朋築墩名通樹溪

附連有仰後嶺通後垵

白龍嶺 在十七都北通東田南充白山麓至嶺紆迴

十餘里

連霄嶺 在雁山石門北

南屏嶺 在十七都通大崧鳳輿嶺通蒲岐下堡  
筍竹嶺 在十八都一名筆峯嶺東有白楓嶺通黃山  
頭西南有清江嶺通蒲輿

長蛇嶺 在張家山北通柵溪南通長噉芙蓉明林一

羽築

國朝余朝賢重修

附連有發祥嶺

黃坭嶺 在二十都迤水漲西有避水嶺在石龍頭通

南閣

楊車嶺 在二十二都與永邑接界

五通嶺 在二十五都鷹嘴山南通大荆

補

樂清縣志

卷之二

邑里

叙山

臺

珠筍嶺 在四都左原之西通石角龍江輿等村又通

永邑柵溪

下輿嶺 在四都北通吳輿龍馴溪

馬仰嶺 在四都西高山之左通松蘿郭公山又通永

邑沙頭

霞雪嶺 在十三都湖南山

避水嶺 在十三都石龍頭通溪港

仰後嶺 在十三都仰後東通芙蓉西通宅基張庄

馬車仰嶺 在十三都仰後北通柵溪南通南充張庄

龍嶺 在十五都西通龍潭南洋東通葛坪



南洋嶺 在十五都有二南日九個灣嶺北日黃坭嶺

東通大崧西通南洋

外嶺 在十五都東通小崧南通大崧

大崧嶺 在十五都北通龜山南通大崧

凰嶺 在十五都北通信奧

蘇嶺 在十五都東通麗奧

奧底嶺 在十五都東通麗奧

長脚嶺 在十五都南通下灣北通蘇嶺凰嶺

水坑嶺 在十五都南通寨下鐮

迴龍嶺 在二十七都舊時花壇以上諸村庄赴荆之路渡雙黏溪歷橫壇卓嶼等村

樂清縣志


卷之二

邑里

叙山

翼

再渡卓嶼溪抵下馬埕迤邐至荆道迂溪多水暴漲不時行人往往被溺同治五年於下奧之龍頭山募砌此嶺沿江直至下馬埕以避數溪之水人皆稱便



樂清縣志卷之二下

邑里三

叙水

邑北皆山也溪澗爭流山勢所界水亦區分縣城之水  
源出縣後諸山東鄉之水源出白龍窰與左原諸山  
者其經流會於赤水港支流出蒲岐下堡入海源出  
雁蕩以南諸山者一為檉江一為白溪入海源出雁  
蕩東北諸山者皆會於蒲溪入海西鄉之水源出桐  
嶺赤水垵及白石山鮑志作源出縣後山今改正皆會於運河又  
分為眾支河入海叙水先縣城次以東鄉鮑志作次以西鄉今

樂清縣志

卷之二

邑里

叙水

改正西鄉諸水

縣城內外之水

隆慶志城內東西兩渠源出翔雲峰麓經察院之右折而西至縣治前惠

政橋下分東西沿大街兩旁而下至市中心之寶帶河  
時有司常為申救不使居民結屋其上淤塞水道而  
東西鑿泱以通兩溪旱則蓄潦則洩非惟清潔亦防  
火患渠上雜植冬青垂柳往來如行翠幄間歲久煙  
塞元末方氏吏劉敬存攝邑事濬治深廣於是兩渠  
復通仍建寶帶橋其上又濬東小河至白沙以泄溪  
流舟楫可通田得灌漑民甚便之今河存而渠塞僅  
通涓流而已父老云舊時縣治前一河西通西溪名  
龍鬚泱以運預備倉糧蓋卽此渠也又府底一河  
矣國朝乾隆二十八年令林人槐始濬宣風河三  
十一年國朝溪流漲溢三十二年郡守李琬合林人槐率  
邑紳趙總銳等鑿城東河故道五百餘丈分東溪上  
流出楊柳丁公二阡以洩暴漲因名新河復於上流  
添築月壩東西砌以石其後楊柳丁公阡廢嘉慶二  
十二年令劉榮玠重濬寶帶河又率監生徐佳圭等



鑿白沙新河引城東新河  
下流出牛鼻洞曾氏阨門

城內大河即東溪經流也

廣十丈發源於縣治東北諸

至東溪山懸崖而下匯為三黃井合流而南為東溪

溪上常有雲氣俗名雲溪又名銀溪  
國朝李琬濬復東溪記樂清之城前臨運河山環其三面有溪焉  
以導之溪貫城之中謂之中溪夏秋之交山水驟至  
溪漲而流潰居人至登閣乘桴以避歲丙戌全因公  
事往周郭外而相度之見西有西溪縈繞南下西山  
之水入焉至縣後翔雲諸山若屏若障萬壑爭流則  
惟中溪受之而又旁無別港以殺其勢故泛濫淫溢  
而為此也考之舊志實有東溪及詢諸故老而砂磧  
煙蕪無可踪跡咸謂浚復為難余竊以為不然為民  
牧者審勞逸決利害即艱鉅於是者猶將勉為况縣  
後繞郭而南不過數里乎時候官林君人樞宰是邑  
奮然請以身任程功積事一唱百和及浚將半舊時  
橋石見焉益信故道尚存而缺焉終廢者之不可也

樂清縣志

卷之二

邑里

叙水

二

既而林君以事去江甯徐君廷獻繼之慮土鬆易圯  
添築石勸雖工費稍鉅不數月而東溪以成功告計  
自中溪分支以至入河處長五百餘丈面闊三丈底  
潤一丈五尺深自一丈至一丈五六尺不等年來交  
渠順執家室安居雖至濤霖怒瀑而不之懼竊幸始  
願有成洵樂清人民之利亦一二茂宰之功也雖然  
東溪復矣而溪口為上流所灌注其水盛而時決也  
挾石奔沙雜還而至踰時即淤久仍塞矣是非時濬  
不為功特苦經費無出戊子冬余重過之度負郭溪  
听地可十八畝分十之二為盤城道路猶有餘地十  
四畝又東至後所有隙地十二畝合之得廿六畝募  
民之勤而樂業者五人為浚溪之夫一夫授地五畝  
有奇毋侵道毋私售毋豪強兼并其有始勤終怠及  
物故者另募補之令縣尉董其事方其水降任其及  
時樹藝而以其餘挑汰而益深之若山水復發則窮  
日之力人各自奮何功不與是五人者食其溪岸種  
植之利而去其溪流壅絕之害獨非長久計哉爰申  
之令俾沿溪一帶之岸悉植桃李梅杏諸樹數年之  
後其根蟠結可以固岸其實蕃衍可以饗果之入補  
役夫之所不足而且芳華艷發即望氣者亦神往於

春城之麗東坡不云乎謀初要百慮善後乃南流逕萬全於是役其壘壘焉因書其始末爲之記

城北塋外橋分一支東流爲城東新河其經流入城逕校士館之前西南流出姜公橋又分一支西流曰宣風河經流又南出孫公橋分一支東流曰永清河經流又南出望萊橋分一支西流曰寶帶河經流又南至大茅衝分一支西流爲運糧河經流又南百餘步分一支西流爲小教場河又分一支東流曰雲浦河經流又南出五洞門爲城南濠河分爲三支一支南流出文明橋與懸浦河通一支東流與城東新河合流而東與白沙河通一支西流出文昌橋與西溪合流而南爲運河

樂清縣志

卷之二

邑里

叙水

三

宣風河

自大河出橫逕縣治前惠政橋跨其上西流前又分東西二小渠沿大街兩

永清河

自大河出東南水洞與城東新河通

寶帶河

自大河出橫逕市心前寶帶橋跨其西流與西溪通

運糧河

自大河出橫逕潛昭坊北平橋巨其上西流在前郭自西城水

小教場河

自大河出西流至小教場北折而西與運糧河合流出運糧洞

雲浦河

自南與永清河合流出東南水洞

城東新河

隆慶志

卽東溪支流也自塋外橋分流三

元橋繞東郭折而南至於南郭與城南濠河即東溪經流

及永清河雲浦河舊城河合流東南行至東塔山下

鄭都溪自東來入焉又東南流至白沙河頭嶺根河

自東來入焉又東南流至白沙東山西與白沙河相

接又東南流至白沙嶺東下山頭河自北來入焉又

東南流至白沙嶺南與白沙新河相接又東南流二

里許沙角河自北來合流東南行三里許至牛鼻洞

分爲二支一支南流出曾氏二隄入海一支東流達

竹巽

舊城河隆慶志在城東一里西行爲東河東通白沙河

樂清縣志

卷之二

邑里 叙水

鄭都溪出東塔山西流入城東新河

嶺根河在一都源出嶺根半沙西

白沙河在一都北接城東新

下山頭河在三都源出包山鐵場南

白沙新河在一都嘉慶二十二年監生徐佳圭吳英

又東分一支達竹巽鮑按白沙河舊至白沙嶺而

止嗣因嶺東漲壅日廣村民別鑿河引沙角水溉田

不與城河通嘉慶間鑿通二河至竹巽商旅便之但

近來新闢塘田益多地低性鹹競引淡水以養之西

鄉之農每以河水易洩爲虞宜令邑內兩鄉父老公

同相度水勢妥議長策務合蓄洩得宜旱

潦有備庶幾行旅農田均有利而無礙矣

沙角河在三都源出珠洋萬東坑諸山南流逕下山

牛鼻洞出曾氏二陔入海

南草坪新河

在后所南門外初南草坪有塗田三千餘畝遇雨水不能遽洩稍旱即涸種者

苦之光緒己卯冬監生徐遇清鄉賓孔廣鴻職員王紹雲捐開新河計丈五百七十餘丈深一丈五尺濶

三丈

南塘村新河

縣城徐嗣蘭捐濬

城西河即西溪也

廣四丈

發源於縣治西北諸山至丹霞

山懸崖而下為雙瀑潭南流出宣化橋東與宣風河

通又南流出倉橋沐簫泉自西來入焉又南流出迎

恩橋東與寶帶河通又南流至運糧洞東與運糧河

通又南流至下馬橋東與東溪

即城南濠河

合流為運河

樂清縣志

卷之二 邑里

叙水

五

雙瀑潭

詳在叙山

沐簫泉

詳在叙山

東鄉二十四十三十四之水

隆慶志發源黃塘窰奧諸溪南流至新市廣七

丈深丈許分注瑞應一鄉漑田十萬餘畝府志國朝雍正六年令唐傳銑以十四都錢家詳十五都南

詳蒲岐等處舊有河道十五里詳請開濬以資灌漑按發源於四都左原者自梅溪楊溪而東為十三

都馬輿河又南出為湖邊河發源於十三都諸山者至黃塘東山出高橋河分一支西南流為雙橋河又

東出孝義橋為大河發源於十七都諸山者自窰輿金溪而西經界嶼河連橋河匯於新市河林瑤論云

梅溪 在四都北高山之陽源出左原諸山東流為楊

溪溪口為左湖又東逕湖邊至孫家坪與雙橋河合

流而南為石埭河

增國朝周錫元續題王忠文楊溪詩後故事遑論柳州王公曾

此快遨頭而今木亦隨人萎刺有清溪集眾流

石埭河梅溪之水東南流至孫家埭雙橋河自北來

逕埭灣分一支西流至霞雪又分為二一南流為青

與河一西流為霞雪河石埭河東南流逕下淇分一

支東南流至鄔家橋與鄔家橋河杏莊河塔頭河合

流而南為樸湖石埭河西南流出西洙橋分為二支

一支東南流逕西鄔又名西鄔河東流滙於樸湖分

一支東南流逕西鄔又名西鄔河東流滙於樸湖分

前與青嶼河合流又西南流里許分一支東流為上

河頭河又西南流至三叉河口分一支東流為下河

頭河又西南至大林又名大林河又西南流至永康

堡之東分為二支一支南流竹嶼城河又西至河匯與

港一西流逕堡城北又名竹嶼城河又西至河匯與

賈與河即霞雪河下流合流南出竹嶼河沿隄入赤

水港按三都四都屬永康鄉全賴石埭河分流灌

溉其源為梅溪及黃塘支流隆慶志又有南岸河

南行東折復旋而西與大河合流出竹嶼隄入海

樂清縣志

卷之二

邑里

叙水

六

上河頭河在三都石埭河青嶼河合流西南行分一

支東流為上河頭河又東流至瞿渡與瞿

渡河合流而東又名東河折而西南下河

頭河自西來合流出嶼頭隄入赤水港

下河頭河在三都石埭河青嶼河合流西南行至三

支東流為下河頭河又東流

逕馬良折而南與東河合

流出嶼頭隄入赤水港

樸湖殿前河塔橋河石埭河之水合流出鄔家橋二

里許為樸湖亦名大河樸湖又分為二支一支

東流逕東鄭又名東鄭河折而南出保赤隄入赤水

港一支南流出湖上橋又名仰天湖石埭河自西來

合流而東出保赤隄入赤水港仰天湖又分一支南

流逕瞿渡為瞿渡河上河頭河自西來合流而東又

名東河折而西南下河頭河自西來合流而東又

西來合流出嶼頭隄入赤水港東河按隆慶志東河與上河頭河水合流至嶼頭隄

河合為一水矣

青嶼河 石埭河之支流也自霞雪南流至官塘又名官塘河又南流分一支西南流為官橋河青嶼河東南流逕西洙與石埭河合流分洩嶼頭竹嶼二隄入赤水港 （隆慶志）又有大白墓河小白墓河俱出嶼頭

官橋河 在三都青嶼河支流也自官橋西流出斜馬橋分為二支一支西北流一支西南流皆入賈嶼

霞雪河 石埭河之支流也自霞雪西南流至後嶼又名後嶼河又西南流里許紳坊河西北來入焉霞雪河折而南逕山前又名山前河折而西至賈嶼郭路河西北來入焉官橋河東南來入焉又南流出賈嶼橋委折而南至河滙與泮埕河即石埭河支流合流出竹嶼與河沿隄入赤水港

紳坊河 在三都東南流至後嶼入霞雪河

郭路河 在三都東南流至賈嶼入霞雪河

樂清縣志

卷之二

邑里

叙水

七

黃塘雙溪 在十三都一源出白龍山曰東溪一源出

玳球赤巖硎埕諸山曰西溪至黃塘東山合流出高

橋分一支西南流為雙橋河黃塘溪又東出孝義橋

為大河東南流至下村下村河 即窰與河交流 自北來入焉

又東南流六里許為新市河雙橋河自西來入焉又

南流出上新橋分一支西流出殿前橋為殿前河西

南行里許又分為二支一為鄔家橋河一為杏莊河

新市河又東南流窰與河西南來合流而南出虹橋

文昌橋逕錢家埕南出下新橋眠驪河自東來入焉

新市河又南流至塔橋分一支西流為塔橋河新市



河又南流出長山後橋又名長山河信與河自東來入焉又南流出長山前橋分一支西流為西塘河委折而南出龍江隄入赤水港新市河東南流逕長山之南分一支西流逕塚下出白龍隄入赤水港新市河又東南流呈許鳳與河自東來入焉新市河又東南出感祝橋分一支西流出餘三隄入赤水港新市河又東南逕上侯宅分一支西流為萬澤河至萬澤而止又東南流逕下侯宅分爲二支一支東流為周家與河出鐸嶽隄入海一支繞出蒲岐所城南出下堡隄入海隆慶志又有嶼門新河塘西行山下堡隄入海

樂清縣志

卷之二

邑里 叙水

新市河黃塘雙溪之水出孝義橋為大河又名大河

雙橋河在十三都黃塘溪支流也自平窰分流南行出雙橋又分爲二一支南流至孫家詳與梅

溪合流為石塘河一支東流入新市河

鄔家橋河在十四都新市河支流也自虹橋殿前橋出南半里許分流出紫砂橋名右

砂河連龍潭出鄔家橋為鄔家橋河石塘河自西來合流而南為樸湖按鮑志作十五

都誤

杏莊河在十四都新市河支流也自虹橋殿前橋出南半里許分流出南行出錦砂橋名左砂河又

南出望杏橋逕杏莊為杏莊河塔橋河自東南來於文昌潭西流與鄔家橋河合流而南為樸湖按鮑志作十

五都誤

眠驪河 在十五都源出南屏山有三派合流而西至

下新橋入新市河

塔橋河 在十五都新市河支流也出塔橋西行與杏莊河合流而西至鄔家橋與鄔家橋河合流而南為樸湖

信與河 在十五都即筍與河源出筍與山西流分為

二支一支西北流與眠驪河合流入新市河一支西

流出長橋入新市河

嶺脚河 在十五都源出南垵嶺脚自西北合眠驪河

流入下新橋河南出倒橋入長山河

霞村河 在十五都源出本山自西北合眠驪河入下

新橋南出倒橋入長山河

樂清縣志

卷之二

邑里 叙水

九

長山河 在十五都信與眠驪河之支流也自東北而西入新市河

鳳嶼河 在十五都源有二一出本山一出水與嶺脚

合流而西出兩耳朶橋入新市河

下新橋河 在十五都眠驪霞村嶺脚諸河之支流也自東而西入新市河

水坑河 在十五都源出本山自西出灣底橋入新市

河 以上六河增入

窰與河 源出窰與白龍二山即為金溪南流繞文昌

閣之南分一支西流出界嶼橋逕學前至下村又名

下村河折而南入於大河窰與河又南流逕橫山之

南岐河自東來入焉又南流逕連橋之西大小烏石

河龍澤河合流自東來入焉窰奧河折而西逕仙垸  
又名仙洋河又西南流至虹橋滙於新市河

岐河 在十六都源出橫山西流入窰奧河

大烏石河 在十六都源出大烏石山南流與小烏石

河龍澤河合流而西出連橋入窰奧河

小烏石河 在十六都源出小烏石山南行與龍澤河

合流而西又與大烏石河合流出連橋入窰奧河

龍澤河 在十五都源出龍澤山西出單板橋小烏石

河自北來合流而西大烏石河自北來又合流而西

出連橋入窰奧河

樂清縣志

卷之二

邑里

叙水

十

按隆慶志又有上里河西與舊河合流西北與舊河合流後垸

河北行與山西舊河合流高舟垸河南行入蒼

河入大河下五里河至下村隄入海四里新河北

行東行至隄門入海李家與河西行至魏家垸入海

化墩河北入大河大灣前河西行至魏家垸入海

合流入海五里河出黃灰埭隄入海附識於此

赤水港一名赤水川即萬橋江下流窰奧

西塘河自山江發源南流

新塘河入海支流東南過南

北塘河自鄴與二塘來東滙垸洲河又東過山蟾隄

鄴與出雙隄門過江

檉江三塘河出茅竹山

靖江三塘河匯金雞碕

江沿三塘河北流上海

西鄉十一二五六七八九之水隆慶志發源於縣之兩

萬畝林禮門新志後議西鄉各都凡三大河其一

為北河即運河源出東西兩溪匯而為運河南流至

萬與河復折而西出添仙橋雖其曲折抵西達館頭

意其初必佐以人工非水勢本然也又雁白石諸溪

東下南至湖頭河與之合流而東行又雁李與河與

湖廣昌與蘇興諸溪之水東而北折分流出石馬諸

陡入海按水埭之所以易壞難築者以雁縣城兩溪

白石諸溪合注於此水勢險惡故也其一為中河

源出白石諸溪轉折東流至湖頭為運河合其經流

則直瀉而東下逕智廣河十狹河出擲川至白浦河

而東出河西橋逕前橋河出沙埭入海其一為

南河即橫帶橋河乃運河支流蓋雁白石諸溪水順

流而南入運河出西宋橋其地為劉公塘故址俗名

樂清縣志

卷之二

邑里

叙水

七

兩面河西斜名山車與諸水西來入焉至廿里橋分

一支東流為橫帶河又東出陳岩河至白巖頭河散

而為東南支流流出黃

華岐頭二陡入海

運河隆慶志東西兩溪之水交會於下馬橋之東是為

運河南出文虹橋瓦窰河自西來入焉運河又南行

分一支東流為懸蒲河運河又南行逕宋家庄浣紗

溪自西來入焉運河又南出萬興橋分一支東流為

石馬河一支東南流為南岸河運河又南出添仙橋

分一支東流為寺嶺河運河又南出峽門橋分一大

支南流為蘇興河運河折而西逕湖廣至劉公塘又

名劉公河南出橫鏡橋至柳市文昌閣匯與蘇興河

通運河又西逕方斗巖至湖頭白石合湖沙與諸水  
自北來入焉又南與湖頭河合流為智廣河運河西  
流出西宋橋下印河逕管嶼出溝旁橋自北入焉鮑  
志云出西宋橋至下印下印運河又西至廿里橋西  
在運河上運河豈能逆至斜與寬與鳳與諸水自北入焉一支折而南至渡船  
頭一支折而南出塘下橋西通白象河東為橫帶河  
又一支西流逕西漳出白象橋入白象河又徑馬山  
出沙門橋隆慶志府志至高與白鷺嶼折而南出對  
角橋逕硎橋至館頭按運河由高與至白鷺嶼鮑志  
誤為由白鷺嶼至高與又云自  
館頭折而東出戴家橋徑十里山之南又名十里運  
河如此館頭之水逆行至十里斷無是理亦誤

樂清縣志

卷之二

邑里

叙水

三

江  
河又西與白象河逕十里山委折而南至磐石隄入

瓦窰河在一都文虹橋西源出

浣紗河一名宋家庄河在一都縣西五里源出蓋竹

石馬河在一都自運河出東南出景山橋南岸

南岸河在一都自運河出東行至石馬隄入海

河合至石  
馬隄入海

寺嶺河 運河支流也自添仙橋西流鮑志作南折出

寺嶺橋東流逕三塘支與出雲門橋至章與分一支

東流為章與河寺嶺河折而南逕鹽盤又名鹽盤河

楊輿盛輿之水自西來入焉寺嶺河又南出胡岱橋

雪灣橋分一支東流為沙頭河寺嶺河折而西出山

前橋又名山前河又西逕大茅嶺折而南分一支南

流為湯輿河寺嶺河又東出霓洋橋折而南至高洋

又名高洋河又東出與白浦河下流合而東注又分

一支東北流逕后橋河曲折而東至三嶼又名三嶼

河出三嶼隄入海一支東流至沙埭又名沙埭河至

沙埭隄入海鮑志作出大日隄入海誤按新志後

注又分一支東流逕后橋河曲折而東至三嶼廢隄

稍折而南復東注出沙埭隄入海鮑志云高洋河南

行與白浦河合流東出河西橋誤甚矣高洋河之水

樂清縣志

卷之二

邑里

叙水

在河西橋下流勢惟東注豈能逆流而上復順流而

下東出河西橋之理按鮑志又云寺嶺河又東出

霓洋橋折而南為高洋河夫寺嶺河離高洋河水路

幾三十里中間河道方向無定所歷村墟總計十餘

河河名隨地而易乃復提之為網云寺嶺河又東出

東注未嘗折而南又云一支東流至沙埭又名沙埭

河出大日隄入海則驢頭馬嘴矣沙埭河下流即沙

埭隄水從此出不問而知大日隄又名大浦隄在古

塔頭隄東一里許與沙埭隄中隔平原一南北絕不

相涉水利門既有沙埭隄沙埭河之水何以反出大

日隄秉筆者何不一思而為採訪之人所誤乎見新

章輿河在二都自寺嶺河出南通

沙頭河在二都自寺嶺河出東流

湯輿河在五都自寺嶺河出東流入白浦河

志後

蘇與河運河之支流也河道最廣自峽門橋外西南  
後垺橋趙莊橋至柳市匯而為櫟川  
復散為眾支河曲折交流入於海

白石湖 源自桐嶺諸山鮑志作縣後諸山誤及白石山之水分

注東西兩際南流六里許合而為湖曰合湖廣三十

餘丈密溪河亦入焉又分為二支一支東流至沙奧

出沙奧橋亦名沙奧河逕前窰南出湖頭橋入運河

按出湖頭橋即入運河鮑志云五里許誤一支西流里許折而南出西湖

橋亦名西湖鳳與霓與諸水入焉西湖又分為二支

一支南流出趙家安瀾二橋入運河一支西流出東

萊橋又名西斜河折而南出景清橋景西屠與二十

樂清縣志

卷之二

邑里 叙水

志

里四橋亦入運河復由運河委折分支入海翁卷同徐道暉

文淵趙紫芝泛白石湖詩相遠亦相親吟中得幾人

扁舟當夏日勝賞共閒身山雨曾添碧湖風不動塵

晚來漁唱起處處藕花新按葦碧軒補遺題作泛湖無白石二字

白石東溪在九都源出盤谷諸山屈曲而來至石溪為東際東下梅雨潭折而南行經洶井下

鐘潭出山又西經平野流為東澹是為東溪又東南會密溪過萬蘿石入於合湖

白石西溪在九都源出盤谷諸山百折而來過石門下為西際折而南行會南澗西澗之水至

疊石瀦為簍絲潭經橫山頭瀦為馬頭潭南出為西溪又西南至下壩入於合湖

密溪河在九都源出密溪與山在西流過獅子山入合湖

南沙與新河在十都南沙與道光廿七年程啟鳳程慶瑤等倡議於北首山趾至奧外河

口濬用十畝餘長一百二十有九丈濶四尺置小橋以通兩岸事詳陳肆南沙與濬河碑記

湖頭新河 在縣治西三十里同治十年貢生陳乘珂者民錢修富鄭高富因民后字鯉魚潭 去河遠難以車灌倡議捐濬呈請縣憲孫公在案業主計田出資濬田十二畝南北長一百二十丈東西濶五丈北通下印河中置小橋從此亢旱無皆以為便

湖頭河 白石湖之經流也白石湖自西北來出沙與橋為前壑河南南沙與河自東來出山脚橋入

焉下印河自西來出下印橋入焉漚而為湖頭河出大橋運河與之合一支西流出慶旺西宋二橋數折

至館頭又分為數支一南流折而東為橫帶河一南流折而西為白象河其大支南流逕湖頭復東折逕

智廣山為智廣河東至柳市為樺川湖頭河遇大水暴漲東流逕李與河與歷數折出石馬隄入海 按鮑志提智廣河為綱不載湖頭河舍上流而叙下流提綱有如是乎

智廣河 湖頭河之大支也 鮑志作運河大支誤 自湖頭河與

運河合南流稍折而東復分一支南流為丁橋河 鮑志

樂清縣志 卷之二 邑里 叙水 五

作智廣河分一支 南流為丁橋河誤 其大支東流逕智廣山為智廣河

河流深廣俗稱十間河又分一支南流為蘆庄河又

大支東出西安東安二橋漚為樺川北通蘇與河東

通白浦河復散為眾支河曲折交流入於海 按智廣

石湖出鮑志叙 在白石湖上誤

丁橋河 自湖頭河南流稍東折出起鳳橋又南折過

橫帶河 丁橋為丁橋河又南流逕仙垺過蔣家橋入

蘆庄河 在十都自智廣河出南流又名龍七泱入橫帶河

橫帶河 運河之支流也 鮑志作樺川支流今從自林禮門新志後議改正

白石 水南流出湖頭橋運河與之合流西出西宋



橋一支南折逕由仁橋一支南折出塘下橋合而為

橫帶河又東出陳宕河至白巖頭河散而為東南支

流出黃華岐頭二隄入海按橫帶河據新志後議自

川大支流誤又云北與管巽河合一支南出塘下橋

入運河誤運河在橫帶河上橫帶河安能逆流入運

河又云南流入白象河亦誤南流當作西流

白象河運河支流南出至白象與橫帶河支流合而

石船山前又出雙廟橋名為雙廟河石船河東北來

入焉折而西出油車橋復委折而南出磐石西門隄

入江一支東流逕前鄭又名前鄭河折而南復折而

東逕大港山前又名大港河分一支西南流為石船

河大港河折而南出花幕橋又名花幕河折而東出

山前橋又名山前河復折而南西峯河自東來合流

而南出萬橋復折而東出東鎮橋西甯橋南流出東門隄入江

樂清縣志

卷之二

邑里 叙水

六

檉川運河兩大支一自蘇奧來一自智廣來至柳市

川南流出龍首橋新橋至陳宕分為三支一支東流

為鳳巽河一大支西入橫帶河一大支南流至白巖

頭又分為二東為白巖河西為利巽河

剝嶼河檉川之支流也出剝嶼橋西流至鷺鷥橋之

為三又河出尚鄭橋尚家垵河自北來泮珠洋河自

南來合流出西峯橋又名西峯河又西流出小港橋

亦名小港河西與山前河合南出萬橋又曲折而南

出磐石隄入江一支南流直趨七里埭又名七里河

折而西出東慶橋又名金絲河西與丁字河通金絲

河折而北過西慶橋又名泮珠河北與西峯河合流

出磐石隄入江

尚家垵河在八都剝嶼河支流北出鷺鷥

丁字河在十一都嘉慶五年者民張卓雲捨河基田

尺許名洋田河東通金絲河北通泮珠河鮑按隆慶志丁字河在洋田東西長一百五十步南北長八十步本不與舊河相通

白巖河 為橫帶鳳嶼二河合之支流鮑志作擗川支流東出

白巖橋分一支南流為馬道河白巖河又東出錦帶

橋樓下橋又名樓下河又東流出金光橋五星斗之

水入焉又東流出百岱橋亦名百岱河又東流逕魯

棚頭南新河即泮城河支流東北來合流而南出萬橋之南

又分為二支一支西流出黃華隄入海一支東流與

岐頭河即泮城河下流合流出岐頭隄入海

馬道河 在七都自白巖河出南流折而東抵曹田又

樂清縣志

卷之二

邑里

叙水

七

名曹田河

按新志後議云剡與河白巖河為橫帶鳳嶼二河合之支流一折而為西南各支河一折而為東南各支河鮑志並云擗川支流然則東南諸水皆與之通是無往非擗川支流矣

白浦河 擗川之大支也自柳市東流逕麻園復匯為

巨浸俗稱相公灘鳳嶼河自西來入焉按鳳嶼河在白浦河下流

勢皆南注豈有逆流而分一支西北流為潭頭河又

分一支南流為泮洋河白浦河東流出象山橋又名

象山河分一支東南流為仰槐河白浦河又東流出

安豐橋花浹河自北來入焉又東流出高橋分為二

支一支東流至河西橋高洋河自北來合流而東分

澗三嶼沙埭二隄入海一支東南流曲折盤旋謂之  
十八灣又東流出朝宗橋謂之塔山河又分爲二支  
東流出小日隄入海一支南行出塔山橋又名熙春  
河分澗塘下地團諸隄入海

潭頭河 在五都自白浦河出西流出矮橈橋又分爲  
二一支西北流爲潭頭河一支西南流爲浹底河

泮泮河 白浦河之大支也南出三條橋逕泮泮又南  
流出寺前橋四板橋堡池橋分一支東流爲積穀河

泮泮河南流折而東又名長林河又分爲二一支折  
而南又名南新河與百岱河合流出黃華隄入海一

樂清縣志

卷之二

里

叙水

六

支東行北與積穀河通又分流一南行出鳴鳳橋至  
岐頭又名岐頭河出岐頭隄入海一東行出三雲橋  
又名八華河至八華埭而止

仰槐河 在五都自白浦河出南流出仰槐橋棚橋又  
南流入積穀河

花浹河 在五都上流即湯輿河也南行入白浦河按  
志後議花浹河在花浹村之西湯輿河在湯輿村之  
北東折而南相去不啻二里二河並南流出與白浦  
河下流合鮑志云花  
浹河即湯輿河誤

熙春河 在六都上流即塔山河也又分二支一支東  
流出塘下隄入海一支南出熊露橋又南行與積穀

河下流合分洩地團二隄入海咸豐間村人塞塔山北河開塔山東河建

洞橋由熙春河分流北折東行出小日隄入海

積穀河 泮泮河之支流也自積穀河東流與仰槐河

通分與二支一支南出殿後橋與長林河通出岐頭

隄入海一支東流至地團又名地團河與熙春河通

出地團隄入海按新志後議積穀河是泮泮河經流非支流

鮑按隆慶志又有象浦河在縣西六十里茗嶼鄉自象浦山出凡數十里入館頭江以隔山不通西河附

識於此

補

田泮新河 在二都光緒間耆民王鳳鳴王新連等捐濬長二百餘丈濶二丈許東築一小隄俾水入

樂清縣志 卷之二 邑里 叙水 充

海西至從善寺通大河

東鄉 十七十八十九等 之水 十七十八兩都水由芙蓉港入

兩都水由白溪入河

芙蓉川 一名芙蓉港大芙蓉源二一為芙蓉溪一為

黃金溪東南流入芙蓉港小芙蓉源二一從西與中

與來一從四十九盤來西南流入芙蓉港又東流入

檉江 隆慶志一自雁蕩山西外谷至長嫩為大川入江

芙蓉溪 在十七都源發於宅基經南充至大芙蓉港

一元詩四首芙蓉水接雁湖春雨岸飛花爽去津身在太平無避世座中時有武陵人新開水檻碧溪

頭風雨茅堂五月秋何處招商歌漸近柳陰深處漁舟扁舟高詠謫仙辭目盡雲空有所思

簫清夢覺滿天風露月明時 千樹梅花映水開風  
花相逐雪花迴應門莫閉溪前路畏有高人訪戴來

黃金溪 在十七都源二左出雁湖山脚經茶坑及長  
嶽右自永邑箬裏分界出巨坑過白巖村前

合流至西沉前又出  
萬緣橋入芙蓉港

筋竹溪 在十八都筋竹澗下流又  
名筋竹溪南流入檉江

白溪 源出上白雲至靈巖為淨名溪東南流至茅垵

又合南坑北坑諸水為白溪東南流至江邊出巖潭

口入海 隆慶志白溪出靈峰側下為白溪港又  
錦溪出大龍湫抵雁渡堤南流入白溪

鮑按十九都之水又有大垵溪源出  
飛泉拗頭至環山塘及免渡塘入海

東鄉二十至二十八等都之水

大荆城內水 源出仙洋諸山南流逕大荆北門入城

樂清縣志

卷之二

邑里

叙水

三

又南流出城西與南閣北閣石坦陽谷洩下諸水合

又南流瀦為荆潭與城東水合又南流至于家渡與

石梁水合同為蒲溪入海

大荆城東水 源出隘門嶺桐垵蔡界諸山至溪坦合

流逕三官堂西合小紅坑水又南流過大園溪東合

隱處與水又西流逕大荆城東與後林山小荆山水

合又南流瀦為荆潭與城內南閣北閣石坦陽谷洩

下諸水合又南流合石梁水同為蒲溪入海

南閣水 源出五峰庄屋諸山東南合流為南閣水至

沸頭南與湖南坑水合又東流逕會仙峰瀦為仙潭

南與石佛洞諸水合南閣水又東流逕馬嶼與北閣水合又東流為龍灘與石坦陽谷洩下諸水合又東流合泗洲堂水又南流為石門潭又東流逕大荆城西與城內水合又東流為荆潭與城東水合又南流合石梁水同為蒲溪入海

北閣水 源出雁蕩西北諸山東流為北閣水逕仙亭

山合諸澗水百折而南至北村又折而東南逕馬嶼

樂清縣志

卷之二

邑里

叙水

三

與南閣水合又東流為龍灘與石坦陽谷洩下諸水合又南出石門潭合城內城東石梁諸水同為蒲溪

入海

來斯灘 雁山志在北閣仙溪昔有神人驅石之海祝日奔石也羊吾不知又問見吾牛否日奔石也牛吾

不知神人日惜為牧道破因忽不見惟羣石存焉後取以名灘

增國朝李鑿宣詩牛羊來斯日驤日驤蒼蒼為牛鑿鑿為羊神人鞭石石流血以石填海

不竭牛羊未見石奔崩何物老嫗乃饒舌我聞此語慘不歡牧民亦作如是觀驅民從奔吹血甯慮大

海翻狂瀾嗚呼今之牧民亦作如是觀不慮大海翻狂瀾君不見來斯灘

端本國瑚詩蒼蒼者牛鑿鑿羊彼何人斯春草長仙人放牧青山裡日向金沙飲

灘水千年亂石卧莓苔不是仙人鞭不起黃初平入金華山李伯陽出函谷關林中橫笛無人識鷓鴣鷓鴣

鵲水  
面聞

松陂溪

雁山志在石門潭西五里南北閣水合流經此注潭溪許多松故名

新溪

大溪折而東至石門溪渡入海

陽谷水

源出佛嶺車嶺諸山至交劍溪合流而南瀝

為板漲潭東合烏蘆奧水又瀝為西灘長潭南流逕

周家山東合象溪水又西流至長坪東北合巖洞水

南流為楓樹潭白巖潭又南流為平園溪與洩下石

坦二水合又南流為龍灘與南閣北閣二水合又南

出石門潭合城內城東石梁諸水同為蒲溪入海

洩下奧水

源出桐樹坑六坪諸山至石斗合流而南

樂清縣志

卷之二

邑里

叙水

三

逕溪心大臺門下灣又南流為平園溪與陽谷石坦

二水合又南流為龍灘與南北閣二水合又南出石

門潭合城內城東石梁諸水同為蒲溪入海

石坦水

源出盤山太湖諸山南流至石坦過鳳公埭

瀝為巖頭潭又西為廟外潭又西為黃泥潭過黃東

溪與鄭家山水合又西流至雞哺巖過下坪溪楓溪

菴前溪至新芳為放生潭白巖潭又南流為平園溪

與陽谷洩下二水合又南流為龍灘與南閣北閣二

水合又南流出石門潭合城內城東石梁諸水同為

蒲溪入海

石梁水 源出石梁諸山合流而東合姜園水又南流  
合石佛洞水經章義樓東南流達于家渡與城內城  
東南閣北閣石坦陽谷洩下諸水合同為蒲溪入海  
章義樓溪 在二十都源出鬼碕至蒲溪及鄭家塘入  
海

蒲溪 卽婆溪 隆慶志一自石門潭出一自荆潭出匯流至  
水漲入於海

北港川 隆慶志源出雁蕩山頂九折諸溪下與陽谷  
奧盤山呂奧諸水合流二十餘里南入於海

鮑按隆慶志又有西山新河接大龍灘經  
三里圳至二十七都水圳而止附識於此

樂清縣志

卷之二

邑里 叙水

三

湖 已見前者不  
載後做此

華嶼湖 在華嶼山脚經旱不竭鄉人藉以溉田

海口湖 在十七都芙蓉村水自地峽中出其深莫測

鄉人藉以溉田

蔗湖 隆慶志在山門鄉有八景歷代士大夫多有題

咏 明朱美詩二首湖水朝來已解冰鴨頭新綠上莎  
汀不知底下深多少倒浸南山一半青 雨過東  
山列畫屏淡雲斜日映沙明牧牛  
童子未歸去猶脫蓑衣晒晚晴

湖口湖 在二十四都湖口村長四十二丈廣十丈深

二丈三尺許以在村前故名 增

松湖 在二十五都下垵自前明宏化間始開自鴨嘴



山長竟數十丈濶二丈許以蓄水灌田向時松樹極茂故以為名今僅數株而已

靴湖 在七都上巖村泉極清冽鄉人仰汲於此其形如靴故名鹹字二百五十六號原文六畝八分零歷代為官湖便民取用

湖頭湖

象山湖 在五都即洋坪河

湖頭湖 在十都即湖頭河

白象湖 在十都即白象河以上三湖皆端陽競渡處

潭

了髻潭 在黃塘山絕頂巖高湧起如髻有泉一縷自

巖頂懸崖迸下至山腰有巖竇儲水尺許即潭也

### 樂清縣志

#### 卷之二 邑里 叙水

五

三井潭 在左原西南山崖壁險峻人跡罕至俗傳井

舊有龍宋宣和辛丑王十朋避寇是山又有雁潭在三井山下王

十朋父九日嘗集賓朋於此因名宋王十朋三井潭詩源泉高似銀河落石井泚然鼎足分聞說井中魚已化定從三級上青雲又雁潭詩九日登臨澗水濱蕩中征雁已來賓如今雁至應相感不見名潭舊主人

大瀑潭 在雁山西外谷圓而小口大如盆中深甚瀑

落巖石上先入小潭清奇眩目

梅雨潭 在梅雨瀑下雨石插雲對峙瀑自崖邊垂下

春激亂注霏霏若煙雨

湫背潭 在雁山西內谷大龍湫上一名上龍潭圓如













之口水西接永嘉暨江東下盤石至白沙江一名甯

江亦名甯江沿江有三洲十二浦樂清象浦其一也東接館頭江合東西兩溪入於海

海

白沙海 在縣東南橫亘三百餘里方輿紀要縣海名

白沙以白沙嶺也

隆慶志居縣之東為白沙赤水蒲岐鑌欽清江白溪北港温嶺轉至

玉環而止居縣之西

為石馬章與三嶼塔頭岐頭黃

華曹田池與垤田盤石館頭至象浦而止南望海之

外則有青巖倪奧靈崑東望海之外則有玉環雞籠

洋青鹿西橫列海旁歷歷可數海居縣東至岐頭折

而南波濤洶湧凡海艦西入郡城至此必艤舟謂之

轉岐云自摺疊與次黃門次錢坎次小鹿次茅峴次

台州驢洋至台州松門寨外有楚門海海艦由此出

入今屬太平增宋趙抃觀海詩巨海澄瀾勢自平

鳴 停車冉冉看潮生豈同八月吳江會共駭潮頭萬鼓

鳴 國朝袁枚望海詩一望水天空方知海不同分

# 樂清縣志

## 卷之二

邑里 叙水

三

來中國好洗出太陽紅地少難尋峴龍多易起風人  
問宦途客都泪此當中段木國瑚望海詩山花扶  
行輿緩緩緩上雲壁高嶺疊更多海上銀沙積升巔  
勢來脚踏浮空石冥冥見帆影數鳥沒遙碧風雨儵  
而至對面隔數尺安知雲氣中不有蓬萊客春陰能  
蛇游日暮鬼神宅恍惚迷端倪浩蕩窮潮汐非無黃  
鵠心臨風 嘆羽翮



# 水利

隆慶志河竭則乾海入則鹵故塘以捍海埭以固河而隄門以消息之有相之道也顧塘主護田而田有主民私之則趨急之也埭則利害均於衆衆相視莫爲隄門則役銀仰於官官又靳弗予於是乎始隳而潮入河淤旱潦交病矣夫築埭濬河民力也隄門夫民財也官特董督之耳非有難者也古之成民者劬其身爲之洪武間本縣至新開三十七河此其工費何如哉長民者可以思矣夫國保於民民依於食食占之歲歲仰之水故后稷之爲烈也在粒民禹之魏

## 樂清縣志

### 卷之二

邑里

水利

#### 三

魏也在溝洫凡爲農利者莫如隄防莫如隄門而爲隄防害者莫如盜決莫如漁船夫盜決以出漁船知有魚之利而不知無年之害也盜決以泄淫潦知決之之易而不知塞之之難也是愚民也今欲埭長存莫如下石而上土則潦易決決易塞而漁船不得肆欲隄門長修莫如加意水則不惜役錢以惠闡夫時譏察而勸懲之水利其有永乎往聞婺源潘侯之重水也其往來輒視水則有不如則輒取圩長治之以是圩長傷湯常若縣官日臨其前也水則廢而守堤之巡徼始煩矣今河以西城築塞頗淤固可濬也然

則西開水洞中濬河俾水則復完萬民之力也甯獨  
風氣哉夫以東西鄉水利古今之異迺如彼其懸殊  
者無他故焉隆慶志今則西鄉之水深倍於前而隄  
東鄉之水隄門圯壞啓閉不時下村等隄經數十年  
不復修築汚泥淤塞未旱而乾農民待命於天少豐  
多歉雖司府縣濬河之命屢下董生有言在加之意  
而尚阻於隄門塘堦之難成也

而已且東鄉隔山又焉取水則其惟不泄不忘遠邇  
惟一以斯心而為之則乎按隆慶志以市心橋柱較  
鑿一窟謂之水則若水溢於則則濶之以備潦下於  
則則謹儲之以防旱水利之修莫要於此舊時縣官  
朔望蒞學往來過橋便於省覽不待巡歷塘  
堦而遠鄉之水居然可知誠法簡而利溥也  
國初防海遷界河道隄堦多廢康熙志樂邑河界於海早  
潦所關原有圩長輪董其

樂清縣志 卷之二

邑里

水利

三三

事歲以無虞自奉文遷徙隄與隄門之跡遂廢康熙十年令出一駟相其重  
且急者隄有五隄有四合典史居廣督乃事民賴以  
生後緣閩變盜決重修築者縣丞王樞典史王賓與  
有勞焉然是時故壞未盡復水利猶多闕也至陳侯  
大年始大興水利修隄閘二十餘所溪河塘隄四十  
餘處厥功懋焉其後西鄉水利又弛貢生林興運盡  
心督理西鄉之歲遂稔蓋水利之修與首賴長官之  
嚴明次則董事之勤幹聞陳侯之築隄也鄉選誠篤  
者董其事委以督責役徒聞夫有不率者書其名於  
片紙送至縣官立為決杖陳侯又以時躬巡各隄堦

察其勤惰而誅賞之故河道無不深通陡堦板閘無不完固役徒無不盡力閘夫無不嚴緊啓閉邑人至今猶蒙其澤焉林興運之督理陡閘也每大雨傾注暮夜輒乘舟巡歷各陡而使之啓少旱則暮夜周巡而使之閉有啓閉不時者聞於官懲之以故鮮水旱之患興運既沒鄉人猶稱之比年以來兩鄉水利漸不如昔矣然前徽具在得賢長官振而興之如反掌耳鄉擇公直勤幹如興運者使督水利淤者濬之壞者築之盜決私放及啓閉失時者書名至縣立杖責之母稽時刻母墳案牘則水利畢興陳侯不得專美

樂清縣志

卷之二

邑里 水利

三

於前矣

鮑按水利之政不嚴其害甚多名陡閘夫非鮑放船隻竹木即啟開捕捉魚蟹而且閘板

朽缺不即補葺陡

壞壞反藉以取利此時即有急公任事之人指名控縣而縣官批發必循常例簽票

又需淡旬縣役又

以此事無從飽橐袖票遞延不知淡水之洩可以立

而事已無及矣况

子有拘不完效尤日甚控猶不控也又聞夫積習皆

登塲即公然啓閘

捕魚晝夜開放淡洩鹹入恬不為怪不知冬水不貯

鹵薰蒸盡灾易釀

害亦不淺又先啓之害與失閉同每遇淫雨溪水迅

田必遭淹沒於是

激勢如奔馬若不即啓閘洩水低洩不可復止修費

浩繁壞不易成少

早即危故欲救水旱莫若迅啓閉

明視水則以為啓

閉而懲其不用命者則諸害可除

仁人之

利溥矣

縣東陡門

嘉靖通志路應自處移温州時樂成橫陽廢湖防多水患應大為修築按

曾氏二隄門

在牛鼻洞嘉慶間永邑曾氏建一隄二間一隄三間

按隆慶志有三坑隄門拘橋有上葉隄門在白沙嶺東南

油車沙角二隄門

在曾氏二隄內同治十一年方王臣丁振龍倡捐改名沙頭隄

竹嶼河沿隄門

在竹嶼塘頭

竹嶼東山隄門

在竹嶼東山港邊道光癸未令劉榮玠倡率邑衿劉希琛等修築隄門二間廣

二丈深一丈三尺亦名竹嶼劉家隄

曉頭隄門

在縣東二十五里嘉慶辛未里人移建里許毀於潮甲戌監生林邦鰲馬吳俊等復即故

址建隄三間易名龍鱗

保赤隄門

在縣東三十五里舊有十七都龍江隄水路太曲不能洩暴漲乾隆丙申監生胡序倡鑿

樂清縣志

卷之二 邑里 水利

壘

民田十餘畝直洩入海始無淫溢之虞有碑記

龍江隄門

離保赤里許

白龍隄門

在塘下即小隄門離龍江里許

餘三隄門

在洋塘浦舊龍江保赤二隄門外漸淤塞每遇淫雨眾流溢溢道光癸未監生吳開昌等

在浦口倡建此隄計三間廣四丈五尺深一丈恩貢葉正陽有募捐引

下堡隄門

今作霞堡在縣東三十五里康熙間里民周天履捐修道光間許厚詔捐資修建同治十

一年蒲岐葉廷芳同陶良宇捐修

鐮鏃隄門

在縣東三十五里

按東鄉壘奧黃塘湖邊諸村之水曲折交流分洩龍江保赤曉頭竹嶼河沿諸隄者皆滙於赤水港入海其由下堡鐮鏃二隄出者直入於海嘉慶間龍江保

遠一遇潦水暴漲輒患淹沒現雖設餘三隄門猶未

能盡泄其水父老僉議若於赤水港十八滙分設大

隄門數所則泄水倍速凡隄球在內者皆可決而通之水水利溥而水患去矣否則疏濬龍江保赤二隄而各隄皆以時啟閉亦可免水患

繞崧隄門 在大崧 按隆慶志又有高崧東隄門高崧西隄門小崧隄門

白巖隄門 在麗

前塘隄門 在縣東四十里舊名環衣隄 以上俱十五都

塘洋隄門 在三江嚴巖乾 隆丁巳年建 南浦隄門 在縣東五十里

東山隄門 在縣東五十里 鮑按隆慶志 以上俱十六都

太安隄門 在縣東八十里 道光甲申年建 石陣隄門 在縣東八十里

靖子隄門 在縣東八十里 錦榮按故捐修 新城隄門 在縣東八十里

免渡塘隄門 在縣東八十里 西殿前隄門 在縣東八十里

### 樂清縣志

### 卷之二

邑里

水利

三

龜形塘隄門 在縣東八十里 十四股隄門 在縣東八十里

江邊隄門 在縣東八十里 鹽嶼隄門 在縣東八十里

按隆慶志東鄉有石臺隄門在二十一都馬前山谷中峭壁旁圍懸泉飄洒有石可坐名忘歸石有臺數

勿累石圍之臺左鑿石為小渠引泉出谷下注平疇

谷口鑿厓為隄門儲水以為灌漑之利相傳渠與臺

乃馬氏三娘所築附識於此又有樸頭隄下村隄

下灰埭大小隄壽昌隄翠巖隄淨名隄海日塘隄本

覺塘隄 在麗 增

天成隄 在萬橋南道光十五年監生

鎮浦隄 光緒三年職員吳珍榮武生 羅海鰲全築 以上俱六都 東山隄門

山蟾陔門

鯉魚山陔門

茅竹陔門

金雞洞陔門

上埠頭陔門

四塘陔門

雙陔門

江巖陔門

六都

縣西陔門

以上均係村民全築俱在十

蘭盤陔門

在縣南三里石馬東北康熙間令陳大年建陔門三間東西兩溪水交滙奔注由此入海最為要緊若遇暴雨啓閘稍緩低田輒遭淹沒同治十二年圯陳瑞鴻趙建南拔欵捐修

石馬巖頭二陔門

在縣南五里印嶼山麓東西各三間同治十二年圯陳瑞鴻趙建南按欵捐修

樂清縣志

卷之二

邑里

水利

三

魚池陔門

道光間貢生徐顯祖子翰林院待詔樹聲修造以上俱一都

南岸瓦礫陔門

在縣南十里今已坍塌改築坭埭頑民不時偷挖以便捕捉魚蟹淡洩鹹入殊為民害宜復築陔門以備早潦  
按石馬南岸皆東西兩溪入海之陔

章輿陔門

在縣南十五里

沙頭陔門

在縣西二十五里舊名沙角陔同治壬申監生方王臣丁慶榮丁振龍等移建沙頭山脚以亂示故更名奉仙陔門

三嶼陔門

在沙頭東南後圯陳遇舟等接欵捐資建復

沙埭陔門

在縣西三十里翁埭陔門三間康熙間邑令陳大年修築二間其南一間係五都麻園鄭氏修築陳遇舟併塘埭捐資修復

大浦陔門

古塔頭陔一名大日陔在翁埭東

小日陔門 在翁坪塘下東

地團王家陔門 在縣西三十五里乾隆癸丑貢生林興源出千餘金修築子文

漸克承先志隨地隨修

地團葉家陔門 在縣西三十五里道光甲申監生葉希

鄭文翰與職員徐樹聲廖生林大椿等倡捐修築咸豐癸丑貢生

資居陔門 按地團葉地當潮汐之衝海岸坍塌壞逼近民

岐頭陔門 在縣西四十里一名夾峰陔前本

黃華陔門 在縣西四十里七都

巖頭陔門 在縣西五里磬石南門外

西門陔門 在磬石南門外陔門三間重石

樂清縣志

卷之二

邑里

水利

三

按縣城兩溪及白石兩溪之水合而為運河散而為諸河分洩十六陔陔莫重於蘭盤而沙埭次之埭莫重於與南而七里次之今諸陔埭以時繕修矣惟南岸壞陔再築而司啓勿後時自可無水患諸陔無賄放埭無盜決亦無虞旱荒然而興廢糾情懲奸完故則在乎主者矣

按隆慶志西鄉有白鶴陔法空陔支灣陔館頭陔今俱圯

縣城塘

趙公塘

在縣治東西兩溪上隆慶志宋令管滂始築東

塘之詳宋教諭王賓記今東塘之下率為民舍垣牆西

王賓趙公塘記紹興十五年四月明趙侯敦臨來合樂

清當政事委靡之後倉庫窘匱之餘悉以嚴治民始

憚之於是躬曉夕之勤而獄訟無滯革奸蠹之弊而財賦有羨未幾民翁然稱焉侯實志於民而喜勤事者也邑界兩溪羣山環繞兩暴至則水無所洩溢流於市塵公私患之熙甯庚戌合管君滂始於東溪築

石塘以障之導水自塘南入於海越十有八年民無  
水患逮元祐丁卯塘壞合湯君父又因舊葺之越二  
十年又壞及今不葺者四十年矣俟來之明年六月  
乃修築之凡長一百五十五丈廣一丈五尺高稱之爲  
工五千費財百萬益壯固於舊者老或言舊塘當縣  
左臂所捍纜三之一若東自溪橋而上至望萊橋西  
循溪曲而南至迎恩橋剪棘除穢增卑培薄俾皆爲  
塘則合境均無患矣侯曰唯遂因餘力亟成之合東  
西四百丈且爲通衢以便往來塘之將成也偶風雨  
連日不休俗謂之風癡有以制水得不泛濫民皆嘆  
息噴噴德侯之惠因榜曰趙公塘云夫利害近在目  
前久而不治伊誰之咎嗚呼縣令寄百里休戚當興  
利除害忍坐視耶然貪者勢有所不敢懦者才有所  
不至閒有屬意者或日力不暇給蓋按察之煩絡繹  
道路文移之峻急於星火方且拱手下氣奉承惟謹  
甚至下吏走卒持半幣檄直前而頡頏作氣勢不可  
禦以故爲令者率皆搢拘無暇其欲革弊起廢立事  
建功豈不憂憂乎難哉侯能自立賢聲昔子賤在單  
父上或不察至亂其政而數責其善於是請二史與  
俱使書而製其肘因以動悟之子產爲鄭貴忠儉而  
樂清縣志

樂清縣志

卷之二

邑里

水利

斃秦後一年民欲殺之三年民欲其不死今時雖殊  
人情不大相遠信夫爲善者人未必知而愛惡反覆  
尤世途之常也要當自信而力行之孟子曰強爲善  
而已矣趙侯有焉余昔與趙侯同舍且同年也敢書  
而爲辭鮑志此記多刪  
節今照隆慶志錄入

縣東塘

姥嶺西塘

在縣東十二里起白沙嶺東  
至姥嶺西凡九十一丈

官路塘

翠雲塘

林家塘

在縣東十二里三塘相連  
三都西起姥嶺東至沙角

山凡四百  
六十六丈

三坑塘

在縣東  
十二里

牛鼻洞塘

在縣東十五里共八  
塘相連附近沙角

竹嶼塘

在縣東二十里起沙角  
山至竹嶼凡五十二丈





定謂何曰均吾職民者事也累公就其緒何曰諾遂  
撤所千戶何彪魏成縣主簿李瑜循軍民三七舊約  
俾分其功外柱以巨木上加枳植內橫木木下土石  
實之背施大石以通行也次年春始訖役塘完門固  
瀕離怒而害止矣雄城屹屹平疇的的河水環帶斥  
鹵有秋連數年瀕海穀價不至騰踊者非塘之力歟  
嗚呼斥鹵之不宜田疎土之不宜城也久矣使彼屯  
此農大亨其利者非良有司歟屯者日記於城農者  
日記於鄉諺曰春秋弗地則不  
志記於塘以俟郡乘者采焉

泥塘 在縣東三十里起十四都下二里塘

法華塘 在縣東三十五里起十五都高

福山塘 在縣東四十里生員林炳文築其外又有西塘  
按隆慶志有靈

巖塘 長八十五丈壽昌塘長二百六十五丈江心塘  
羅漢塘共長一千三百丈崇德塘長六十丈能仁塘  
長一千七百丈壽昌  
塘長十八丈今俱圮

樂清縣志

卷之二

邑里

水利

望

巖坑塘 爐圍塘 鏵峰塘 縣東四十里三塘相連在  
十五都下灣等處近又有

新舊二塘

前塘 後塘 在縣東四十  
里二塘相連

繞崧塘 都大崧乾隆間築  
在縣東四十里在十五

鄴奧塘 在縣東四十里雍正間築  
採訪冊作鄴奧四塘

天富塘 在縣東四十里起石龍頭至高橋凡七百餘丈  
道光四年監生林一南等募捐重砌以石咸豐

三年比光緒七年職  
員林清和等捐築

淨名塘 在縣東四十里起外嶺山  
頭至後塘凡八十丈

烏巖塘 在二都

隆慶志又有爛巖塘馬家場溪塘長百丈湧泉塘  
程家塘長八百五十丈東莊塘長三百五十丈蒲灣



斯有可安之資否則峻法以驅弗率也嗚呼孰謂百年難建之事而大集於今日也哉塘壞極羣堅之巧風潮免而之危擇寫鹵荒棄之場而變為沃壤援島寄州息之民而納之甯宇蓋雖一事而眾善萃焉沃惹寇之警而疆域以甯不防之防也因天造地遺之曠塗而恒業以足不利之利也民知可安無庸迫促而自樂於徒不威之威也常餘田以償帑庾而官錢仍舊不費之費也撫海州之民而安之則塘曰撫安誠可幸聞惠民之宿志歟昔銷盧鴻際芍陂龜塘類奏功於內地惟范文正築捍海而堤遂姓之執此程彼累孰多孰寡哉民茹恩懷仁罔攸自見求余錄顯未以文諸石余方嘉諸大夫竭誠殫慮樹為長利以休吾邦民安敢不備書以詔來者宅

增

- 靖江塘 在縣東五十里
- 江沿塘 訪冊作江沿三塘
- 西沿塘 在縣東六十里

樂清縣志 卷之二 邑里 水利 壘

- 海口塘 在縣東五十六里起十七都落
  - 五福塘 在縣東六十里石壁
  - 本覺塘 在縣東六十五里起東山下至官路邊凡一百十丈
  - 靈雲塘 在縣東七十里起小芙蓉路
  - 渡頭塘 在縣東七十里起北監城邊
  - 大安塘 在縣東二十四年築
  - 蔡輿塘 在縣東八十里石
  - 石障塘 在縣東八十里隆慶志起十九都頭
  - 靖子塘 在縣東八十里下塘
  - 新城塘 在縣東八十里起海山至麻車溪凡五百丈
- 附：巽坑塘 在縣東八十里

溪衝塘起溪衝  
至裡岡凡百丈

西殿前塘在縣東八十里凡二百

十四股塘在縣東八十里凡五百

免渡塘在縣東八十里舊為白溪渡嘉慶二十二年貢

環山塘長五百丈乾

龜形塘在縣東八十里凡百餘

江邊塘在縣東八十里凡二

鹽嶼塘在縣東八十里凡二

泊奧塘在縣東八十里凡二

湖霧車頭塘在縣東八十里凡二

樂清縣志

卷之二

邑里 水利

器

附錄邑侯周正修築四塘記樂清地濱海土田少向  
多沿海築塗為田外砌以石內壘以土為塘所  
潮水間遇大風潮塘衝塌田復為海民既失業  
徙他方者有之今上天順元年詔赦天下惓惓以招  
流民修水利懇荒田為言臣正等奉命夙夜兢惕乃  
沿海編度於農隙之時集民夫次第修築之舉土於  
海採石於山伐木於林是年十二月青嶼江山二塘  
成復田三十餘頃又明年蒲奧承甯二塘成復田四  
十餘頃於是流民襁負其子而歸者盈路爭先種藝  
田尚饑鹵先藝以麥勃然而興日至麥熟眾民交相  
慶曰吾青嶼江山二塘得耕於永樂二年蒲奧承甯  
塘均於洪武初年邑民不得耕於永樂二年蒲奧承甯  
田皆我皇上之德邑大夫之勤也呼萬歲者三方退而  
治飯至能仁寺設位再拜稽首呼萬歲者三方退而  
食又求前都御史李匡為文謝余以陳堯叟蘇子瞻  
為比顏汗額此復之日塘之修田之復皇上之命爾  
眾民之力也吾何與焉眾曰皇上萬歲呼萬歲者三方  
民之力也吾何與焉眾曰皇上萬歲呼萬歲者三方  
乎余嘉其誠秉筆記之俟後之宰是邑者續而修  
之水不涸隆可也









鳳公埭 在石坦明萬曆間  
里人胡鳳山築

徐公埭 自龍灘至蕪湖長二里在二十六都 侍郎王  
啟記畧正德五年江右徐公來守是邦詢民隱

駐節於驛蕪湖鄉彥于光淵率老稚伏道左曰苦田  
曠公曰是湖壞也善溝者水激之善防者水溜之速  
具番來吾為汝刊木識之因往得水道乃命徐典史  
鑿石通隄砌幾千餘步廣六尺深倍之延袤數里凡  
四閱月而成捐貲買田若干畝築室若干楹為  
民世守之噫公真召父杜母哉公名宏貴溪人

驛前埭 長五丈  
奧坑埭 長二十丈

竹樓下埭 長三丈  
朱洋溪埭 長二十丈

馮監埭 長三十丈  
吳家埭 以上俱  
二十七都

蒲溪埭 長三百丈  
鮑按蒲溪上下二埭即婆

蒲溪前埭 長百丈  
縣志俱複列今改正

樂清縣志 卷之二 邑里 水利 吳

水漲後洋埭 以上俱  
二十八都

按隆慶志東鄉有樸湖埭長五十丈康熙志又  
有東浹上下二埭係居民金氏所築附識於此

附 大園石壩 光緒八年陳盧  
三蔡慎猷捐築

縣西埭

後洋埭 長六十丈在  
白沙埭 長五十丈在  
縣南五里

與北大埭 長三十丈在縣西八里隆慶志宋治平甲辰  
合焦千之剏建隄門及石礎舊泥埭嘉定間

合曾熊以石築之  
省府志曾熊誤作曹能

東山埭 長二十丈  
南瀆埭 長四丈  
按府志

與南大埭 長四十丈俗名水湫埭隆慶志縣西三  
會於此春漲最難捍禦埭戶輪年充役多至

破家戊辰因鹹水害稼歲歉里人趙汝鐸出力於沿  
海澗處起土下用大松椿上用長石條砌壘改造夾

岸所塘二百四十五丈并包印與古為魚池三塊又  
於水處建大既門五間旁為石健三間  
道先開貢主徐顯祖重  
在都

法華和特埭

長五丈

寺埭長三十五丈隆慶志宋淳熙間令袁相幼遂廢

尚存

胡埭

三嶼東沙埭長八丈

三嶼西沙埭長九丈

河裏埭長三十丈省志三與東西埭河埭  
俱久圯康熙間典史居廣王賓重修

鹽盤埭不時坍塌顧民俸於莫肯

沙埭長五丈  
塔頭埭長四丈

百花埭

落洋埭

樂清縣志

卷之二

邑里

水利

畧

牛軛埭

興安埭

黃華東大埭

黃華西大埭長二十丈  
慶志宋淳熙

間合袁采增築外作護埭下為暗溝或遇埭損則整  
塞暗溝得水不淡又有小隄  
間紹興二年築以

頂浦埭長三十一丈康熙志  
外洋致傷禾稼一六年

閩變開此通船直抵  
丞王樞重築省志雍

築以禦年署縣王炳宏重  
鹹潮蓄水灌溉

七里大埭有田七百餘畝在七里等處傾貲築埭  
鳳乾隆間貢生鄭光萼倡築後地永嘉人梁

家坐是徐德元等築埭屢圯一夕微明見有  
之錄咸豐

戴赤憤旋行埭上即之不見元疑之或曰昔梁君築  
此埭功不少邑志沒其名今所見殆其人乎因備牲

醴作交祭之為立祠埭遂成時同築者生員倪兆禧  
職員吳鄭衡貢生鄭濟康貢生施炳光先是趙振銓

築備塚費資五百金里人德之

東西淡塚長一丈二十

洋田塚長七丈十

新河塚在海邊長三十丈

東浦塚長三丈

營田塚長八丈

萬橋塚增在十二都蓮池東咸豐二三年被潮水衝壞廩

渡一艘又於同治間創築馬衛行者德之

候家塚長五丈

重石塚長三丈

池奧塚長三十一丈以上俱在七都

盧嶼塚在海邊長二十丈

貓兒塚在洋田長十五丈以上俱八都

西浦塚長三丈

瓦礫塚長六丈

伍保塚長八丈

磐石塚長三十一丈在縣西

簫塚長十丈

館頭塚長十丈

樂清縣志

卷之二

邑里

水利

卒

黃香塚長十丈

白鷺嶼塚一名麥塚長十五丈以上俱十二都

隆慶志西鄉又有縣浦塚長十五丈法燈塚長二

十丈黃瀆塚長三十五丈八華塚長三十丈長林塚

長七十丈俱現

船塚今俱現

古蹟

僕嘗偕友人至湖濱見溪上磨崖有同游是亭等字  
詢之士人不知亭在何處考之邑乘亦失載因是以  
推我邑古蹟湮沒多矣爰廣搜博採補舊志所未備  
雖遺墟故址不能盡得其詳而於考古之士庶有助  
焉

晉

張廌宅

即今白鶴寺

宋焦千之文君宅詩曾是文君宅幽深鎮翠岑澗松迷白鶴溪

石隱黃金丹竈今猶在簫臺尚可尋予來不能厭誰共聽泉音 李建中詩玉簫峰下仙君宅一樹巖花幾百春當日會稽王內史如何不見竹間人

樂清縣志

卷之二

邑里

古蹟

五

唐

張少府宅

唐孟浩然有除夜會樂城張少府宅詩疇昔通家好相知無間然續明催華燭守歲接長

筵舊曲梅花唱新正柏酒傳客行隨處樂不見度年年

觀瀑亭

在大龍湫前相傳為諾詎那宴坐觀瀑處宋

婺人向氏重建

鮑按府志作詎那亭雁山舊志作宴坐亭

宋

會峰亭

雁山志在飛泉寺今圯

宋趙抃詩會峰亭對大屏風萬秀千奇聳

碧空不識誰能奪造化真仙世界一壺中

資深堂二

一在雁山雙峰寺雁山志宋周長官郊命

名 王十朋有題雙峰資深堂詩五絕

一在儒學

女廟東隆慶志今

為明倫堂

教諭金棧詩序樂庠之有資深堂權輿南宋撤於明予受事以來既葺明倫堂復構

數椽以復其舊和梅溪先生韻二首雲門學舍雙

峰寺兩處軒堂何處深三百餘年荆棘裏蒼涼留得

古人心西窗閒雅對簫峰嵐翠飛來落硯中一樹

梅花數竿竹商歌遙答海天風鮑按省志止載雙

峰資深堂康熙志止載儒學資深堂府志又混為一俱欠詳核

臨江亭 在萬橋旁其下為萬規橋碑合周邠跋王十

朋有詩

林幹宅 在木榴山 木榴山今屬玉環

錢堯卿宅 隆慶志孝廉居白石見東嘉譜舊志一統

志俱因之且白石塾在焉而新郡志則云居蒲歧龍

穴山又相傳東八家孝廉其一也故或以為疑 東嘉按

樂清縣志 卷之二 邑里 古蹟 三

譜宋曹叔遠撰去堯卿甚近當以居白石為確

司理門 在鹿跡巖之麓宋賈如規故宅世以名其地

南平別墅 在縣治西百餘步宋南平公趙伯藥居此

有花園間吟詩 增國朝教諭周長發跋夫花園者

趙氏南平公實創始焉當夫金人寇汴南平公以宗

室克復有功宦游吾浙愛樂清山水之勝遂卜居於

翔雲山下迨年益耄無意功名置臺榭植花卉用以

自娛越今數百年有裔孫名貽汾者耽誦讀喜吟咏

余秉鐸樂庠嘗與之論文而登其堂見其芝蘭繞砌

桃李盈門敲棋酌酒吟風弄月有乃祖之遺風焉余

流連不忍去因以花園舊第書其門以見繼繼繩繩

錢朝彥宅 在白石

招仙館 東甌遺事簫臺下有招仙館 林師禹嘗設教於此見梅溪集

遺愛堂 雁山志在資深堂側王忠文題雙峰資深堂

詩注周開祖昔令樂清有遺愛後人因以名堂

代笠亭 王昌齡立在左原西北王忠文有記久圯朝

光緒乙酉冬金友葉邦機慶霖慶臣募建

不負軒 在丞廳後 王忠文有題洪丞不負軒詩坐此

軒無愧問君何以能所行皆是學思疑博陵徒種續踐履亦何曾

綠畫軒 去玉簫峰二十里孫氏別業 王忠文綠畫軒

二十里有山遠引若虹霓之狀俗謂之霓山樂安孫君之居得霓山之勝峰巒奇偉林麓靜深有泉發於其下可飲可灌於是枕山而立棟宇因流而蓄池沼結軒向明收拾景象軒之外有嘉木數株修竹千挺蒼鬱蒼翠嬋娟瀟灑播為疎枝舒為濃陰舞清風搖蒼煙影明月漏山光之窈窕陰碧沼之漣漪禽鳥宅

樂清縣志 卷之二 邑里 古蹟 聖

其幽龜魚息其陰左右青山環合映帶藍黛之色與天連碧四時不凋眼界常清望之宛然如在畫圖中蓋此軒之佳致也主人與客日飲於其間寒光入座秀色可掬明瑩杯盤冷襲襟宇魂清氣爽深盃不能發其醉情舒興遠高歌不能寫其逸觀者在旁疑其壺觴几席皆圖畫中物賓主僕從皆圖畫中人也客常遊茲軒陪主人之清尊覽景物之幽奇寓之於目得之於心有若不能忘者主人曰客為我名之客曰予嘗讀韓退之南山詩有濃綠畫新就之句愛其清新峭拔恨斯景之莫見今此軒之秀庶幾其彷彿采其語而名之可乎主人曰可客為吾記之客曰軒宇景物之大槩四時朝暮之氣象生綃一幅可得而畫也濃綠之句可采而名也若夫清風一來披雲拂玉天籟之奇非絲非竹雖神王妙手有莫得而摹寫博物辯口亦不能形容也予將何言

王忠文宅 名勝志縣東北三十里左原山羣峰環繞

中有田二千餘畝民居悉藏谷中一峰如卓筆有梅

溪萼湖左嶺小雁蕩王龜齡之居在焉王忠文左原詩并序樂清

之東有山名左原以其居邑之左也中有左嶺左湖

雖荒僻有山水足以自娛予句祠得請日與兄弟隣

詩有杖履登臨之適原中景物可資賦詠者各識以

心論右小小園一閣僅容膝閉門處捐讀書心

已懶高卧便便右便便閣小徑循園闢青青草

色都主人猶未仕時得理荒蕪右青青徑遠舍種

修竹清風長滿筵天姿本來淨不雨亦娟娟右娟娟

林九畹何人種光風泛國香林間今幾許鼻觀日

揚揚右揚揚晚吾園豈不富黃金無數錢誰云何

用好霜裏白鮮鮮右鮮鮮砌省府志王忠文有至

樂齋賦有書小成室詩有題至樂園詩有書率飲亭

壁詩有自題陋齋詩有書不欺室詩並宅中名也

**西園** 王忠文有昌齡弟新闢西園詩世態蠅營已厭

幽居林深轉覺利名薄心靜更宜花木疎窗几吟餘

山色好軒齋夢覺日華舒尤憐不棄東園老時復相

**樂清縣志** 卷之二 邑里 古蹟

從辨 魯魚

**雙瀑亭** 在簫臺峰下王忠文題雙瀑詩注亭壞久矣

洪丞命工起廢氣象一新

**景山亭** 尉吳芾依城作之西望簫臺故名增國朝徐化民詩

景亭荒址舊城旁跨鶴飛鳧兩渺茫

聲斷玉簫山寂寂空教仙吏憶仙郎

**宣公亭** 在本覺寺王忠文記宣公年逾九十有名行

崖一水懸幽亭獨酌思悠然誰將

開鑿乾坤手付與空山掃暝煙

**登瀛門** 明一統志在縣東以王十朋魁天下故名鮑

登瀛門即縣

故城東門

**春暉亭** 在櫟川王葵春暉亭為櫟川子賦詩昔人念

親心何如喻彼百草蒙春暉一川含

綠草方長滿地落紅春已歸草欲報春春欲改子欲  
養親親不待嗟哉物爾人亦然對草無言淚如海陽  
春有脚還復來今年花謝明年開慈親一去不復見  
畫圖空寫春風面禱川有子忍報親結茆作亭留白  
雲親恩難酬春易度獨倚闌干怨春暮寄言孝子須  
惜時流光暗促親顏移春盤薦脆須及早莫待酒澆  
墳上草

朝陽閣 在郭路八景之一中有峰曰朝陽劉忠肅作

室讀書其下 補邑令鄭滌孫記東風背江以城環斗  
輒動人乘桴之興循是舟行數十里至其邑勢則負山面  
東入河爲樂清邑境又數十里至其邑勢則負山面  
海亦奇觀也於是陸行東越芬林將入雁蕩有聚落  
日郭路父老云昔晉郭景純與歐冶時所經而盤桓  
也其地曠且與自台山萬入千丈來下屹爲雁蕩諸  
峰奇崛萬狀至是始蟬蛻鳳翥鍾毓人物焉凡由是  
騰躍而西賓揖孤嶼殊異嫺嫺而礎健博天者皆其  
物也山陰爲梅溪王公宅其陽於宋嘉定丁丑遂生

### 樂清縣志

### 卷之二

邑里

古蹟

聖

劉公諱徽兩公相照映天降時雨山川出雲不虛也  
哉公少字升伯早聞於人二十餘年讀書僧坊嗜陳  
子昂吟哦高視物表蕩中有峰曰朝陽清澗而特立  
梧桐生之晚作室以名讀書之閣公之志其在黃虞  
與文王之時乎左麓有泉涘汨入海弟子爲事公白  
蒙川先生公生二十四年試入太學儕輩已翕然躋  
有司得賢後月書暇日搜學蘇湖間下太學已翕然躋  
屬移牒迨逐宰相去國奪其位同舍生以公嘗言  
大全署公爲首伏闕言體貌大臣禮書上追送南  
安軍安置大爲公全暇公還公之赴南安曰吾誠言  
太學也曰吾誠未嘗言舍法入優等歲壬戌廷策莫  
不期公必冠多士賈似道專國貪天欲網羅公以自  
詭公懇懇明道不計功之對遂失高選當唱第兩暴  
如注陰霏激射庭中不相覩太史占者失人色公之  
不常此不祥有以哉其後公由昭慶軍節度使掌書  
記除學官試館職擢御史遷諫省常與是科亞魁接  
武權臣能絀公於一時終不能抑公於他日中孚之  
信淇澳之盛德儀蓋自有以得之丁宮師公諱允  
懷鞞服闋除集英殿修撰開府海闔爲賢牧伯召還  
由刑部侍郎中書舍人吏部尙書丁太夫人解氏艱



樂清縣志

卷之二

巽

明年江口口口師亞魁繼相起復公端明殿學士視儀執政倚公子惠海邦以臨之公不為起未幾似道洎軍師韓震皆歿死卒用其謀擁二王由相鄉入海以兵送公共政將遜相印公不復省成敗利鈍托宗祀於母弟成伯遂起既起則覺田橫棲海之謀信莊生辭楚之志及羅浮以疾薨公薨其配林夫人舉室蹈海公一家就義而海上瓦解矣平時有為許負之術者曰公當以憂死不幸其言而中成伯居城中既附後攜公之二子歸尋故里十室九墟惟公所營朝陽閣蔚然獨存屬同年進士鄭除孫記之傷哉公之為志也公其逝矣南山其研白石為爛存者奚獨此度哉聞也鴟鴞晦鳴巽巽夜嘯不足以為妖也陰風噎噎疾雷虺虺不足以為虐也旦日東出清光一瞬愆危闕而滿土牀宜見公之顏色也哉至是公葬三十餘年矣伯夷之清周民猶得稱之遂為之記而繫以辭成伯仕宋嘗佐九卿既附以推擇尹為邑鄉遂隱田間文學行誼肖其昆辭曰西伯寂寞鳳悠悠瑞圖不下十二樓先生有道垂鴻猷始今已矣如東流高臥百尺昔所休深夜書聲往復留山下出泉分龍湫日旭泉新清悲幽酌茲朝薦神來遊逝去混混嘆

川流歌此聊釋風雨  
憂說說興仁化魯鄒

雲門福地 在縣治東隅澄清坊內宋紹興中邑令王

傳作亭於縣東南隅 劉徽雲門福地記雲門界闔閭區中東侵西轍弗而不治者幾

寒暑矣少府俞君道明攝縣事首訪民瘼且知茲土之不克復其舊者勢家軋之也俞君曰夫既謂之福地則亦一邑之民望也長民者不以休而阻則以憚而置夫奚取遂按圖經發蕃啟塞而盡得之周以垣墉砌以門匾而求記於余夫道家者流所謂福地特其寓耳賢合尹心乎子其民不畏醫藥不憚勤勞苟有以福我民是即福地也咸淳二年記刪節本府志又隆慶志乾道中縣丞洪歲欲改舊址夜夢羽衣伏謁稱雲門觀道士覺而異之遂不復改

盤谷精舍 在盤谷山宋王忠文之孫築精舍於此

孝弟里 在郭路八景之一鄭滁孫為劉忠肅兄弟立

按府縣舊志俱不載

同心堂 朱古學登嘉定第四世同爨因建

元

李孝光宅

在澗村

沈著作宅

雪屋

在雁山龍湫菴

元李孝光為通上人賦雪屋詩

天飛道人結屋東邊任愛看晴花不掩扉

聽琴樓

在白鶴寺

元林泉生詩青山如橫琴雙瀑為

有倚天拂雲之喬松下有伏波步月之蒼龜松今未凋龜未老人問此曲何時了我來十月溪水消古木萬壑風蕭蕭飛流向我作宮徵使我聽之心寂寥臨軒再拜問此水巢由去後誰知己我今曠有兩耳塵不敢向此溪中洗山僧煮茗樵夫歌我亦無如此水何

樂清縣志

卷之二

邑里

古蹟

五

翠微亭

李孝光雁山十記靈峰去靈巖十里而近中路有亭名翠微

路有亭名翠微

岑山亭

省府志有元張翥岑山亭詩

張翥詩百尺新亭起碧潯長藤

古木鬱蕭森水重山掩分吳越沙落潮生自古今飛鳥去邊浮海色夕陽明處散秋陰五雲長近仙臺上時聽鸞簫月下吟

空翠亭

在雁山西外谷本覺寺

元李孝光詩琅玕十畝映江渚天籟沉沉

欲下來已見鳳毛霑雨露長疑龍氣挾風雷樹圍車蓋春陰合月射金波夜色開中野白雲如白石不辭一日到千回

明

重恩堂

在南關明侍郎章綸建以藏誥敕故名

謝鐸重恩

堂記重恩堂恭毅章公所構以對揚君寵之堂也公以忠貞大節為時名卿而先後數世俱荷褒嘉而膺寵命乃於成化丙申構是堂以為誥教之藏而匾曰重恩蓋不敢隱君之賜也然公之官固二品也而堂之制則田舍翁之不若時詰其所以隘且陋狀予表弟械公之從姪也起而答曰先公素性樸茂不治產業官之餘取以置書家之餘用以奉宗廟周賁乏一身之外無長物也方是堂之初構也廳事前皆為械祖所有一日溫之太守來訪從旁之便門入御而歎曰有官居鼎鼐無地起樓臺公之謂矣乃勸械祖使分其所有方闢一門砌一路予聞斯言不覺惕然內媿因思公之德不可名而其徵於新堂者則有六善也俸不華居可以觀清居不過侈可以觀儉重宗廟而卑宮室非孝手塵販施而緩葺治非仁手不以貴而敵親順之至也不以處而忘君忠之餘也夫以一堂之構而輒有六善之并矧其國爾忘家瘠己以利天下者又有仕伯此者哉

龍壑軒

在雁山諾詎那菴後

明吳子孝龍壑軒夜坐詩日入紫霞沒天空工

樂清縣志

卷之二 邑里 古蹟

五

露清萬境盡奇絕諸峰更分明海鶴靜夜夢山蟲高秋聲步蟾起綴句靈洞孤雲生吳朝鳳凰詩露下看牛斗陰陰毛骨清霜華山鬼泣風細絳河明孤亭懸夜榻萬籟送秋聲隱几談元罷山頭新月生

章綸宅

在東外谷南閣章恭毅所居又有讀書巖即

恭毅讀書處

藏書樓

在南閣明成化十三年章綸作樓記造化藏

用而顯仁君子藏器以待時樓之義固有取爾也而公之志其有寄乎哉公自幼好學至老讀書不倦以故架有郭侯之富前此未嘗有此構者以志在天下國家將以其所誦讀者大用於當日也至是知其已矣乃即是以奇容藏之意焉樓位而直北四圍障疊嶂環向拱揖而是樓獨當風氣之中址可容十步制植若下楹左右置書充棟虛其中以設香案明必盛服北拜若伏闕下而抒忠悃者一啟戶則四望先入地嶺而圖報爽贈之恩至選月娥星稀之必憑闌四顧察天象以古朝廷之治亂何如若星辰

之躔度有常不覺發為吟咏不爾則為之不安寢者竟夕所謂處江湖則憂其君者非歟若夫枕樓泉石漱吐煙霞以詩酒與文人學士相徵逐于焉考古論今而不覺其倦則又似乎後天下之樂而樂者矣嗚呼樂者公之時也憂者公之志也廣漠野人之號焉知非華野耕夫之意渭川釣叟之思哉特其歸老乞休時不及展故名其樓曰藏書蓋將以其未盡用者貽之後人也後之登斯樓者尚其樂公之樂而因以愛公之憂斯其善繼人之志也

### 義樓

在驛頭前鋪南閣吳巘建

巘舊襲章姓故樓以名樓房共十間

間厨房五間論俗亭一間

義田三十畝義山三片備器具薪水以便行旅有

侯敬記嘉靖間寇燬孫宗禎重建

郡守丁瓚詩茲鄉有義樓一鄉

之善俗太守為爾登芳名振窳谷

鄭善夫詩再尋雁蕩訪靈即為愛東甌山水州檢書已得忠臣傳問

俗兼聞章義樓

## 樂清縣志

### 卷之一 邑里

古蹟

堯

### 昭義樓

在鵝頭東甌遺事嘉靖二十五年海寇劫鵝

頭處州義士牟洪方旃禎拒戰勝之縣為立昭義樓

康熙志禎從孫遊擊朝鼎並以倡義著

### 八老亭

名勝志在沐簫泉下明趙文韶建

侍郎陳璋記畧樂邑

附城皆山其最著者簫臺也相傳為王子晉吹簫處山畔有泉王子常沐簫焉因以名是泉趙君生長於斯自號簫泉居士迨晚年彌高而德彌劭為邑大者一時樂與數晨夕者同姓者三異姓者四皆黃髮秀眉台背兒齒記曰大老無朋殆不然矣爰築亭於其間額曰八老

### 萬均住宅

在東堡

### 齊孝第

在窰奧明朱鴉居此

### 三高亭

在西塔山半

俗呼牛山亭

有石刻云晉王羲之宋

謝靈運唐孟浩然曾遊此故名

更幽亭 在白鶴寺側

手詔亭 班春亭 環翠亭 隆慶志俱在縣治

李顯宅 在前郭

觀泉亭 慎蒙志龍鼻水山半路險且隘以手捫蘿而

上至觀泉亭 明陳錫記郡二守尹公舊令臨海臨海

大雅也與之登雁山品題寄我何如應之曰諾已而

會樂清相得甚歡次日以明州警報不得行託其意

於蔡二尹遂聯馬攀盤嶺能仁觀龍秋日午至西巖

從西折曲折喘息上望龍鼻水仰視空洞中心目駭

而勞之僧對以往往供具如是余慨然四顧思之謂

僧曰前址方丈構亭列燈則可以待觀者亦可以免

役者僧曰君為之耶乃計材論工探所有付之畫形

樂清縣志

卷之二

邑里

古蹟

李

紙上非棟非牖以無礙縱觀大書觀泉亭三字而去  
既歸復思曰雁山天下奇觀靈巖又雁山第一然余  
尚能加點之而未及為也是地宜烹茶烟醜幽濕  
穠凝結隱隱如雲之騰宜伐鼓聲應空谷尋岸湔關  
號號如雷之鳴宜浩歌音節豪幻聽者以為龍之晚  
吟也宜然燭光焰透漏望者以為萬峰奮迅四起若  
月寶明西懸驪龍內顧而千峰萬峰奮迅四起若  
爭而不可也雖竟日夕之觀亦不足再尋之興又不可  
地未有亭不能久坐亭且有成而不再尋之興又不可  
知後之觀者得是說以貽之將不以亭作為晚手尹  
字少濂名尚孔俞樂清名文榮蔡尹  
名奉南術子禮部主事陳錫為之記  
旌義亭 為趙尚謙立 侍郎謝鐸銘樂清趙氏尚謙宋  
昂三世賑饑至是按察司僉事王君華令有司立石  
旌異乃作亭額曰旌義余嘉其為義克終為之銘曰  
什一而賦同什而耕維古之民廩有餘粟嗟今之民  
貧者之食民各有私鮮克有義不旌以名曷其事

惟是旌義非國恒典一民之旌萬民之勸勸之以義旌之以名是惟勿爲爲罔勿成惟名不朽惟石不泐惟爾趙宗百世其守

侯一元宅

在鄭都

按王世貞侯一元墓表侯氏世居緱山下至一元稍徙邑郭已又徙郡

忘歸亭

在大龍湫下

侯一元忘歸亭觀大龍湫詩沿洞一里湖漣漪旋見銀河絡地

維陰澗玉龍呈天矯天風織女颺機絲日斜煙霧蒼崖斷潭隱雷霆暮雨垂可是忘歸更忘處出山流水意俱遲

廣蔭亭

在窰奧嶺北明季林明世建

林良籌詩精藍海岸玲瓏起活

水烹茶清徹底客去亭空山色蒼一聲歎乃烟波裏

翠雲亭

在西內谷行春橋上客坐俯清流如泛畫舫

樂清縣志

卷之二

邑里

古蹟

空

觀不足亭

在宴坐亭上內瞻龍湫外顧玉柱景絕勝

仰止亭

在東內谷靈巖寺後

看不足亭

在靈峰洞取昔人巖前逢箇白頭翁自道

一生看不足之句名之

藍王亭

在東外谷雙峰寺側

吳耀宗詩古寺深探一境幽雙巒終日白雲浮

五峰狂客行吟處獨立空亭起暮愁

落履亭

在謝公嶺昔人誤以靈運蠟屐至此因名

樂土頌德亭

在小芙蓉村有侍讀秦鳴夏記

讀書樓

在靈巖寺右久廢

仙溪草堂

在北閣仙溪李居士經勅嘗吟酌於此有

仙溪草堂詩 溪上晴雲淡不飛 溪頭楊柳故依依 園

未妨回夜馬 杜陵何用點青衣 况逢海上干戈日 直欲誅茅共息機

陳一球宅 在樓下村

觀海亭 在白沙嶺

留雲閣 在龍仁寺右 一名留雲樓 康熙中邑令蔣埴

重建 林文到曉登留雲閣詩 徑轉溪迴繞 巉巖已倦 登石閣 眺眺 仙閣羨虛騰 樹隱山前月風搖

塔頂燈閣雪欲 住獨上最高層

按隆慶志 世傳晉阮放居湖濱山 注尚書應辰基在 二十二都劉侍郎基在窰奧 又有省俗樓 內觀樓雪

臺俱在縣治 附識於此

增

劉宋

三京亭 在雁蕩山照膽溪孫氏 承嘉郡記此亭是祖

送行八之所 即三原亭

懷京臺 劉家川賊鹿巖賈司理所築 懷京臺詩 銅駝 無萬里長憶再

游難歲月 奕奕名山 河草木寒 夢隨歸路 遠愁賴酒 懷京寂寞 先朝事 斜陽暮倚闌

投轄亭 王忠文集 大觀間 吾家築新門 遂徙舊門 爲

井亭作床以護之 植雙柱於南北兩旁 各其亭曰投

轄皆先人之雅致也

梅溪草堂 王忠文詩 并序 梅溪草堂 新闢 缺少花木

效少陵故事 覓之以詩 小小園中十八香 主人游宦 遂荒涼 名園草木多奇品 分

我餘根種草堂 閑中那得買花錢 孤負桃紅李白天 拈出向來花 疏目招邀春色上 詩篇

東園 王忠文集用前韻題東園 吾園小小遊人稀 吾腹便便空自奇 徑草

青青可煎飲 兩竹涓涓堪賦詩 鮮菊滿東籬 斛揚揚蘭入驢 人幅牡丹芍藥 紫薇梅四時 花卉開相續 又東園小閣詩 小閣無奇新 但喜有酒堪娛 賓西疇種秫 可自釀不用勤 買拋青春月 明星稀鳥擇木吾愛吾 廬堪寓目須知主 父五鼎珍不似王猷 數竿竹丈夫未過 當安貧掃徑且作鋤 園人詩 酒過從老兄弟一笑 可破雙眉顰 見說西園相繼 闢好將因果同栽植 子孫清白世相傳 莫同阮氏分南北

雙植堂 王忠文集李鎮夫闢圃築堂效孟氏之養吾

表兄杖屨其間得日涉之趣 某來游名堂曰雙植書

三絕 不到君家幾換春 眼中風物一番新 吾園小小軒冕倘來何足干 種德種花兼着力 要須留與子孫

看 繞堂花木隨宜種 堆案文書取次翻 我待衣冠

樂清縣志 卷之二 邑里 古蹟 奎

挂林下林藜 時復到君園

會趣堂 王忠文九日飲酒會趣堂詩 我似揚雄貧嗜

為畝辛勤耕 植三十年往往糟 醜罕濡口今年九日 甕盎空誰饌 先生荷諸友 衰顏迎醉生 嫩紅饒腹隨 餐失飢吼菊 花不上老人頭 酒盞聊傳此時手 文字飲韓嘉 數子禮法拘 髡惟一斗衰翁興盡 輒先歸不待杯盤 狼藉後坐客 高歌驚四鄰 吾鄉已在無何有 明朝黃花亦不惡 俗眼無端自疎厚 酒醒聊記坐中 人有似平 原九十九

追遠亭 在黃奧山宋錢萬中立 王忠文有記

五桂堂 王忠文題夢齡五桂堂詩 我昔曾栽會趣堂

勝他福時三株樹 賽却東嘉五馬坊 靖節柳青甯耐 久大夫松老恨無香 何如移得蟾宮裡 不媿靈椿寶



翁卷書齋 芳蘭集徐照宿翁卷書齋詩一山秋色同

尋出郭來鄰竹種成高礙月井泉汲少近生苔忽驚寒事砧初動不辨晴光戶盡開君愛苦吟吾喜聽世人誰肯重清才

元

白雲舍 李孝光築室五峰號白雲舍見陳德永五峰行狀

明

思本樓 侯措母既葬作此陳鈍記思本樓者侯君尙震之所作也侯君自會昌

掌教歸葬其母安人於先府君墓三年將釋服乃搆小樓對先壟額思本於上朝夕瞻望焉正統十年秋會予於邸日尙震蚤歲以先公見背恒懼弗能自成感厲百倍幸竊微祿吾母又下逮養罔極之德終不知所圖矣今浪跡江湖無以示子若孫於是作斯樓吾友知我者幸識我意以教之余曰思本之意大矣

樂清縣志

卷之二

邑里 古蹟

齋

哉天地者萬物之本也父母吾身之本而祖宗又吾父母之本也吾思父母為吾身之本又當體吾父母之心而不敢忘其父母之父母焉則近以悅親遠以尊祖敬宗可幾於大舜終身之慕而為知本之學矣余聞君諸嗣皆聰明端篤有不因是訓而奮發者乎播種堂構之事予有厚望焉

終慕堂 章恭毅終慕堂詩父母生我身恩與天罔極一朝繼登仙無由見顏色

皇皇望弗至瞿瞿求弗得恩大不能報虛名為子息哀哀但自思傷懷旋戚戚誰云寸草心可報春暉德有時讀父書不忘父手力有時飲母杯長存母口澤或起風木悲或見霜露惻泣涕拜圖畫揮淚枯松柏天地有終窮此痛無時數虞舜名大孝終身在思憶後賢學古聖舍此何所式我亦同此心哀哀長嘆息

遺安堂 在湖頭 雁德公高居峴山麓足跡不入城將

遺後人福昔時劉荆州要公受官祿豈知官祿危適以來後辱公獨見理明揣分知止足巢林在一枝飲河惟滿腹舉家入鹿門采藥在山谷以安遺後人誰能繼芳躅今君仰高風湖山在下築亦將遺此安庭

訓子孫篤所留方寸地足以資畊讀操存永不墮世  
世能似續 陳斐詩百畝禾田五畝園耕雲耨雨度  
晨昏姓名不願登麟閣志業惟應嗣鹿門每為移花  
開便逕偶因尋竹過前村箇中亦有堪垂後不把名  
機累子孫鮑志  
此詩入藝文

櫟齋 章恭毅居第之東有嶼一四小湖泉石可愛乃

築小軒數楹臨其上右瞰石橋大路每携客觴咏其

中且賦詩題為十四景號曰櫟齋 章恭毅集

大嶺堂 在前與山中章元梅讀書處有虎避途之異

高襄簡讀書樓 在湖頭范霖有詩 南屏集

怡雲樓 鮑氏建 李東陽怡雲樓歌為樂清鮑翁作登  
高樓畫棟飛甍參差浮上摩青空入

倒景下瞰巨壑通長流浮雲何悠悠層巖列岫散復  
收隨風冉冉不盈寸頃刻變幻不可求盪胸引步却

### 樂清縣志

#### 卷之二

邑里 古蹟

奎

回首日夕坐卧忘百憂雲來不作西郊雨君今長居  
東海限人生幾何時胡為滯此山之幽世事恍惚無  
定所白雲蒼狗誰為謀感茲遜跡向巖窟少年有意  
今白頭浮雲兮歸來與爾散漫終林北慎江文徵

三荆堂 章元梅兄石山君弟青陽君皆能詩先生則搆

三荆堂聚書數千卷兄弟宴集屢唱其中 見墓志

環翠樓 望雲亭 延月軒 俱在高與 王坊環翠樓  
詩衣袂飛空

翠嵐光過雨新凭欄凝眺者知是永思人 楊一清  
環翠樓詩樓頭山臺矗樓下塚纍纍登樓一眺望  
淚不停揮 望雲亭詩孤亭屹立翠巖巔一度登臨  
一惘然蒼狗白衣多戀態遼東化鶴幾時旋 延月  
軒詩開軒邀明月明月在天月在  
人不在俯仰心茫然高襄簡宗祠錄

心泰堂 舞柳齋 伴醉齋 在前郭下垵陳璋置 陳省

齋墓志

蕩南書齋

朱諫有詩

行舟最怕逢三峽結屋休教臨

浪翻舳舻茫茫坤輿濶如許山川結秀東南隅白龍

蜿蜒雁山接梅溪盤轉甌江趨蒼松翠竹雲深處中

有隙地容吾廬汎汎一葉舟載酒三百壺亭中藏書

五千卷往來談笑皆鴻儒紅塵白浪兩隔絕莊周夢

熟真

遠遠

存惘窩

李湛置

侯一元李湛墓志李湛以為行敦實而難持久乃名其窩曰存惘見志焉

窩前列花木泉

石讀書以自娛

松石亭

在邑西樓下山麓明中書舍人陳一球建亭旁多松石因名焉下有大石梯級天然可登而上

樂清縣志

卷之二

邑里

古蹟

奕

塚墓

我鄉諸先達行誼功業卓然不朽觀其塚墓所在髣髴如見其人至分居儒素而人自可傳豈黃土長埋任其湮沒若螭首龜趺遺文未泐猶必刻苔剔蘚而錄其詞以視董仲舒之陵土音多誤柳耆鄉之墓地名易淆固有殊矣

宋

南平公趙伯藥墓 在湖潢山頭

孝廉錢堯卿墓 在九都上庄山

海鹽知縣宣教郎劉銓墓 在真如之原 王忠文劉全之墓誌銘永

樂清縣志

卷之二

邑里

塚墓

卷

嘉號多士甲於東南劉公全之以重厚長者稱德成行尊而年與位不稱歛惠一方有蘊莫施君子惜之公諱銓其先閩人避五代亂徙溫之樂清曾祖某祖某咸有潛德父某贈右承事郎劉在邑為著姓世衍於財至承事公易以詩書所交皆一時聞人篤於教子公姿秀整力學能文未冠有雋聲鄉先生仰公文蔚孫公仲龍師友也每見所業必稱歎許其遠到叔父奉議祖向授徒于家公與從弟鎮從學以文行為稱首識者謂劉氏有子知必大其門公果與叔父偕薦計臺明年同擢進士第後六年鎮亦登科鄉人榮之曰日三劉公初調台州臨海尉秩滿丞越之嵎未及考丁父憂終喪注泰州如舉令改宣教郎知秀州海鹽縣今天子即位覃恩轉奉議郎錫銀緋至官未期年丁母太孺人憂歸葬於鄉會海澆濡感疾遂致任轉承議郎卒年五十六實乾道二年十一月十二日也公性愷悌為政務循良節以儒雅不求赫譽然所至咸有可觀台城之東數里有泉可釀簞水致諸務歲屢易民病竹木輪公易以石官私便之初公如浙西道繇嶮遇惡少為儕務奪掠比至嚴下令皆讐伏事有便於民力贊令行之不自以為功

人至今德之如皋士曠少耕者膏腴故壤彌望皆草  
茅公躬阡陌喻民力農墾田數萬餘畝流亡復錄初  
之官太孺人以老不行公念切謁告迎待邑人懼其  
不來狀於郡及諸司以留公得請於省部行李即塗  
老稚駢擁委曲論之乃得去及聞其還驩然相賀簿  
攝邑事有誣告強劫者輒逮捕繫獄連坐以十數公  
至得其情悉縱之按誣者頃之憲臺來詰公不咎攝  
者或勸直之不從人益義之進士丁時發者嘗客其  
館公過關謂友人王某曰丁有美才文不俗必高第  
已而果然海鹽水害稼被檄檢傷放秋苗數萬斛計  
貧不能輸者猶十一請於朝得旨倚閣春饑勸豪右  
發廩以濟全活者衆民無資以耕貸於郡給之且欲  
身任其責境內樂業歲遂有秋學久廢輟圭租二百  
斛以倡士感而悅爭輸財以助之棟宇一新其務敦  
教化如此故一時諸公咸稱薦之侍郎劉公岑以先  
達高自標置少許可其帥淮也將薦公於朝會罷乃  
已公美須髯風度尤不淺自謂平生未嘗知憂與賓  
客飲必盡歡衆方紛然有所譏議公若不能言者喜  
愠不形人莫得而親疏有忤已者怡然不與校人有  
善則稱不容口輕財好義務周人之急解衣指困色

樂清縣志

卷之二

邑里

塚墓

矣

無靳遇人有禮雖至賤貧者見之無慢容尤敦宗好  
每相過必敕具即事唱酬日以爲常工文詞典而有  
致賦詩句法清勁自成一家字畫端謹如其爲人母  
瞿氏以太后入秩恩封太孺人皆先卒男三人儼價儀咸  
贈孺人又娶葉氏封孺人皆先卒男三人儼價儀咸  
習舉子業女五人長適鄉貢進士林熹次許嫁國學  
進士賈傑餘幼孫男一人女一人儼等將以四年二  
月丙申奉公之喪與孺人汪氏葉氏合葬於真如之  
原求某誌其墓某少與公爲筆硯交辱知最厚公既  
筮仕某猶困場屋公遇人必借譽然未嘗自言歲戊  
辰余下第棄舍選不就遇公於武林同渡浙江語其  
故公日子有進身路何乃自棄耶力勉之自越還學  
卒由舍法進公之力也某赴番陽公畿別於道逮至  
夔書問不絕且約會老於鄉明年東歸道聞公訃嗚  
呼痛哉銘曰有美君子溫其如玉醞藉而文琢磨以  
學施於有政不猛而循愛遺四邑活及萬人婁郝以  
來世稀長者吾鄉有評公其人活及萬人婁郝以  
年志不克究有子以傳真如之原歸從先子陵谷有  
遷德名不圯

龍圖閣學士王忠文墓

在左原梅與

汪應長王忠文墓誌銘公諱十

朋字龜齡姓王氏温州樂清人曾祖信祖格父輔父以公貴贈左朝散郎母萬氏贈碩人其先自錢唐徙至朝散公始業儒有聲公少穎悟強記覽為文頃刻數千言事親盡孝其居鄉進止取予必以義後學師尊之既入太學多士皆推敬焉太上皇帝躬擲權綱更新政事紹興二十七年策進士於廷詔對策中有指陳時事鯁亮切直者並置前列無失忠讜無尚詔諛稱朕取士之意既而考官以公所對進上臨定其文以為經學淹通議論純正可第一及唱名則公也士論翕然稱愜詔益嚴銷金鋪翠之禁且以交趾所貢翠羽焚於通衢實自公發之授左承事郎僉書建康軍節度判官聽公事又詔王某係朕親擢第一人欲試以民事何得遠關可特添差紹興府僉判秩滿除秘書省校書郎尋兼建王府小學教授時北口且畔盟朝廷疑之猶未敢誦言為備公因輪對力陳其不可無備又言三衙管軍或久而不代兵柄在手利權財路又皆入其門且其官至三公樞密所以節制諸將者乃班其下倒置如此其能節制之手併諸軍

樂清縣志

卷之二

邑里

塚墓

矣

承受皇城邏卒之弊其他指陳率人所難言者三衙之將有言也人皆危之而上特開納焉既而罷諸軍承受邏卒亦罷職更定樞密與管軍班次管軍亦引去邊備益嚴舊人相繼復用自昔人臣論一事或章十數上或合眾力爭不能回公以一言悟意而事皆次第罷行於是天下仰上之聰明大度虛懷從諫非徒優容之而已然大臣有不樂者公亦數求去除著作佐郎罷其兼職公以求去得遷力辭不許久之除大宗正丞仍待次尋得請主管台州崇道觀今士即位除知嚴州未赴即召對除司封員外郎兼國史院編修官又兼崇政殿說書除國子司業諸生固已迎服矣而公於學校事其細微曲折皆參前知所舉措無不當人心者會詔百官言事公上疏以為百官進退者大臣之職論思獻納者侍從之職正朝廷紀綱者臺諫之職今居其位者往往不舉其職宜有以董正之雖然此特人臣之職也而人主有大職事曰任賢曰納諫曰賞罰其言反覆詳盡切於時務上覽而嘉之即召公與工部侍郎張闡對便殿從容論天下事甚眾請退復留者再賜坐賜酒又賜御書隆興元年四月除起居舍人改兼侍講公與左史同奏史職

廢壞者其一起居注錄本進呈非古欲勿進其  
日雖侍立而在殿東南隅未嘗聞天子德音如二府  
自有時政記其餘臣僚登對欲許命史官侍立其三  
日後殿侍立而前殿則否於義無據欲前殿侍立其  
四日直前奏事欲不必預牒閣門及候班次皆從之  
越月除侍御史公素以剛毅正直稱天下至是人皆  
曰真御史矣公益自任以當世之重大抵以定國論  
正人心為本而去其害治者不屑屑於細故也江淮  
都督府出師進取宿州金悉眾來爭我師退守淮都  
督張公浚上表自劾公奏頃以館職輪對首言金情  
不測乞用浚等今浚既待罪臣其可尚居風憲之職  
欲望正臣妄言之罪特加竄殛詔以公權吏部侍郎  
辭不拜乃以集英殿修撰知饒州乾道元年七月移  
知夔州尋除敷文閣待制三年七月移知湖州未幾  
得請提舉江州太平興國宮才數月起知泉州進直  
學士又移知台州公以病力辭且乞致仕乃復提舉  
太平興國宮七年三月除太子詹事詔旨敦趣公力  
疾造朝上特御選德殿而公足弱不能趨詔給扶  
拜且賜坐又詔權免朝參又遣使以誥及金帶就賜  
公三上章乞致仕乃詔以龍圖閣學士致仕命下而

### 樂清縣志

#### 卷之二

邑里

塚墓

半

公薨矣實七月丙子也高年六十上聞嗟悼賻卹有  
加合兩浙路轉運司給葬事公積階至左朝奉郎封  
樂清縣開國男至是贈朝散大夫遺戒喪事毋得用  
佛老教諸孤行之以十有二月丙午葬公於縣之左  
原白巖碩人賈氏有賢行先公二年卒至是合祔焉  
男三人聞詩聞禮皆太學生孟丙早卒公兩遇郊祀  
恩皆奏其弟故二子皆未仕女二人長嫁進士錢萬  
全次許嫁賈梓孫男女四人公立朝議論出處大節  
既如此矣初公以文學先天下人謂其於吏未必數  
數然也而自為郡佐遇事不苟民有訟久不決多走  
諸司乞委公雖文書填委公一一審閱不以付吏審  
核情偽參用經律所與奪人皆厭伏其治郡既以廉  
潔公正率其下間有為不善者則反覆告戒誠意篤  
至人亦有恥故未嘗按吏為文勸導百姓以遷善遠  
罪之意有爭訟則曉以義理多退聽者故鞭朴罕用  
事至立斷其甚不得已乃推鞠亦不淹繫故獄屢空  
未嘗遣官吏至縣而人素信服事亦舉利有可以予  
民者予之輸租使自操概而用度有節財亦足月率  
兩詣學宮延見諸生從容誨誘且以詢郡政饒久旱  
公下車即兩湖久雨傷稼公入境即霽每罷郡士民

涕泣遮擁不得去或借留於部使者既不得則奔走  
道路或越境不忍別者眾人聞公喪會哭於開元僧  
舍又立祠堂以事之近世為政得人心未有如公比  
者公有梅溪前後集五十卷尚書春秋論語孟子講  
義皆指授學者未成書也公於文專尚理致不為浮  
虛靡麗之詞其論事章疏意之所至展發傾盡無所  
回隱尤條理明白蓋自漢氏尊用儒術而士或飾詐  
或阿諛取容至於守節死義能為國重則未必以儒  
名著世遂以儒相靳若公之學問粹然一出於正謹  
守而力行之義之所在疾趨徑前未嘗以利害毫髮  
顧避更閱夷險特立不回施於政事左右具宜信乎  
其有本如是也嗚呼此真所謂儒者耶銘曰漢廷用  
儒黜獨憇樸淮南憚之謀不敢作謂公孫輩發蒙振  
落儒豈不用其效奚若孰知其故鼠腊非璞公之節  
義視黜無作屹然立朝作世郭郭正色稟稟危言諤  
諤招之不前麾之不卻猛虎在  
山衛及藜藿出守四  
郡治行皆卓問胡為然非智之鑿聖有謨訓守約施  
博惟其躬行粹美無駭道固如是不由外錄於彼汲  
直如玉而琢我為銘詩以表儒學人雖云亡尚有築  
瓊原朱諫陪邑尹林西廬先生謚王梅溪公墓詩

樂清縣志

卷之二

邑里

塚墓

主

一代儒宗若斗山立朝諫論自巖巖考亭書卷推先  
輩張子碑銘無厚顏大井泉流還滴滴荒坟草色自  
斑斑瓣香拜罷西廬  
子駐馬斜陽感慨間

孝子連世瑜墓 在十六都橫山

大常博士賜緋魚袋致仕宋晉之墓 在玉甌峯增

集樓鑰宋晉之墓誌君諱晉之正卿其字也舊名孝  
先字舜卿五季時處士靖自福之長溪徙溫之樂清  
今入葉矣君弱冠從梅溪先生王公十朋遊未幾入  
太學登乙科授廸功郎汀州司戶參軍移長溪丞  
調臨海合再調光化令改奉議郎知奉化縣授信州  
通判秩滿竟以朝散郎致仕翺然還家有古樟蔭蔽  
甚廣自號樟坡居士嘉定四年八月終於家君敏而  
靜貫穿百家不為艱深之文明白豐贍詩辭高勝淡  
而實腴詩文甚多隨有散佚今惟乾坤二卦中庸大  
學禹貢洪範講義春秋十二公論各一卷歷代中興  
君臣論二卷擬進萬言書一卷樟坡集三十卷藏  
焉墓誌 增按鮑志作宋晉之為太常博士誤



藝堂先生湯建墓

在邑內東垵

按東垵即今縣學前曠地

增劉蒙川詩

天地之性人為貴四體百骸仁義具先生領之皇降初由稚及耆全故步深居獨觀昭曠原學不師傅能自悟真貧不撓萬境融實行已熟羣口口深衣褒帶山澤癯經史百家羅府庫東南清淑知幾何見謂生賢扶氣數申公不召老邱園共惜烟霞早成痼予嘗北面承至言如立明堂聞大獲是時年方二十三自嘆掘趨已云暮誰知窮餓驅遠遊倏忽五年疏杖履世界剝爛志士稀稽首斯文獨終慕家書一幅來雁山報言先生諒與混沌遊魂魄聰明還太素生兮無辱死有榮虎護龍居老師墓

著作佐郎錢易直墓

在白石獅巖

葉適錢敬子墓誌銘君錢忠懿王九

世孫五世祖端州司理名尚自錢塘徙温州樂清為其邑人祖堯卿孝友任郵有實行紹興中州舉孝廉未及召而卒因表其居曰孝廉里父選贈承事郎君名敬直字敬子紹熙元年試禮部第一或謂士人以

樂清縣志

卷之二

邑里

塚墓

三

祧廟諱自名宜避因改易直而字季莊教授太平州入為太學錄博士太常博士秘書郎著作佐郎以疾得知池州嘉定四年五月丁亥卒年四十四於是池州未被命也朝廷以故例在館者官其子衡之將仕郎宜人翁氏先已死遂以六年十月辛酉借葬孝廉里東偏曰獅巖次子曰德之二女未嫁君十歲能通記春秋三傳以其意作場屋文字機捷開闔映澤粹好長老之有科目立聲價者反媿之曰是烏得為童子耶稍長學知古人統緒廣大高遠則遂慨然歎曰時文不足為矣常積書自統為至夜不解帶旦不類翻覆研精必以已所自到者為是絲是雲蒸川流筆態橫生膏潤冰釋義理溢發玉續金輝材質早成性尤沉密不輕用所能與人羣居論難鋒起時方人以病物君不出一語人莫能窺頗疑君循默為身計朋友或竊議君聞殊不介意至在奉常乞為范公祖禹諡正獻有內侍得旨賜諡者拒弗為諡人始知君能於事有長短其間矣在太史因火災迫宮廟時君疾已亟臥床命兄子木之抄藁封上自宰相近臣及當時要務畧皆盡言無隱於是人又知君能陳義憤激奠而後發時而後言也為善獲譽其報為福常理也

好惡變遷真偽難知以善為盜則譽方為謗福方為禍亦常勢也君不幸立於問學之末流而當好惡毀譽之未定進而與世偶疑若多禍而鮮福矣然君廉不為劇方不為割不形物以明已不離眾以獨立也世環視而不得短則深厚不伐之名交歸之而大官美爵將傾赴焉人謂君必以此貴重矣而又遽死嗚呼合人之所不能合而猶不與人以其所當與是天之為耶雖然合人之所不能合者正其義也非求合也不與人以其所當與君子無怨於天可也銘曰一縣始集兮填如堵墻朋來數州兮紛其盈堂繼繼我從兮三十兩霜今弗顧兮悲安放天

### 江東提刑王聞詩墓

在左原東高山

葉適王興之墓誌銘初龍圖閣

學士太子詹事王公十朋以太學生對策請收還威福除秦檜蔽塞之政天子即日施用入館論事益無避為侍御史首薦張丞相力贊復讐遂與張公俱去素負大節慕袁安楊震為人時北方餘學未衰耆老先生尚多有既聞公風聲服其行事莫敢雁行者故紹興末乾道初士類常推公第一嗟夫富貴何足

### 樂清縣志

#### 卷之二

邑里

塚墓

三

道哉能以公議自為當世重輕斯孟軻所謂豪傑之士歟公既沒二子守其家法諱聞詩字興之者長子也始從詹事游太學已乃授承務郎監建康府糧料院福州連江丞審察登大理為司直主軍器監簿復承大理知和州易知光州自請華州雲臺觀召為考功郎檢詳樞密院文字固求去提點江東刑獄卒年五十七慶元三年十二月甲申葬於東山夫人孫氏後公十年卒子夔宣教郎知某縣虬及一女皆早卒孫某某官公少有冲量遠識厚施薄取輕退重進天質自熱方擇婦而詹事擢進士第一鄉之高貴多欲壻公以自納公辭焉姑女長矣且貧聘之賓敬終身既詹事於法當任公公曰二父老矣請先及詹事薨而公為士人如故垂赴省試而詹事得鎮夔子公曰父母沂江上峽吾何忍較名於此棄試追及於溇陽金陵治留守之喪議出便門公約教授白漕曰此帥也而終不以正無禮之過流必及上帥以故止滿秩到選宰相謂人此王龜齡子不宜屈銓部出帖使見公聞不俟裝歸在連江如有所不樂一日謝病去新帥適至留之不可亟薦於朝命下逾年督迫起發又謂告逾年既而司直久不徙或疑以問公公笑而已

治邊帥獄怨家欲寘囚於死會將內禪以詔旨趣獄具甚急公鞠報如常日竟得以赦原平生行事皆此類也周丞相既罷因以去者多善士公嘗與御史同僚貽書鏘請繇是出守未及上而移浮光公欲無往余固勸乃行帥漕同置定城錢監輦鐵輪炭為一郡患公奏廢之後余過光郡民謂余王寺丞待我如一家人爾指道旁木拱把百里曰王太守去日我輩斷此留長數尺矣又指郭外某橋曰太守去日我輩斷此留之今方修耳其使江東而詹事故治番番人聞公至喜甚迎之數驛其治江東如詹事故治番番人聞公至能愛民而又能去其害民者父子一也故其卒而人哀之如思詹事不忘夫循理而動人之常性也而自克者寡繼父而賢人之常職也而自肖者鮮然則公能率人之所常而勉人之所罕是以為賢而宜書者也始公召審察比再為郎皆趙丞相所進趙公得罪門下士往往畏匿改事獨公不磷不緇如趙公在時毀趙公者熟公素行不以為黨也歷事三世雖未獲論建然正學盡言未嘗相時容悅矢義勇發不以怵利動搖使天假之位袁楊氏之世德未必不於公見之矣故余既為公惜而又於夔也有幾焉銘曰若昔

樂清縣志

卷之二

邑里

塚墓

蓄

詹事甯王寶龜獨行無儔一世所隨粵余興之天產良玉宛其器之成美不琢官職雖傳如彼舜華必守以義乃為聞家河曲千里江則有汜其子往矣其孫繼起

運使直閣郎中王聞禮墓

在邑東白巖

葉適王立之墓誌銘公王

氏諱聞禮字立之余既為興之銘墓論其家世詳矣興之公兄也初公繇太學用詹事恩補承務郎監湖州烏青鎮有醫善為方得賜帶如從官吏畏之宴聖節居卿監上公按令黜其班又有訟其留人子女者奪以還民醫不勝忿挾他勢搖公因力求去知泉州惠安丞時禁私菴寮有壯屋號彌陀菴主僧倚郡將請囑為姦利公捕立毀撤守怒詰問不測公徐疏以實守因敬公薦其賢遷軍器所幹辦公事闕蜀帥辟鈴轄幹官兼制司眉之豪王姓養族人子族人為大官併冒其籍已而有子族入子曰籍之財皆吾故物也不與弟一錢愬之二十年三獲罪矣公歎曰世末有資巨產而子於人者且安得異籍遂中分之其兄乃服詣公謝一蜀傳誦以為名判授湖北營田幹官瀘帥張孝芳被殺賊黨多免死配流過江陵公請帥

奏於朝正其罪會慶節禮畢吏以例白留山棚元夕張燈可就也公曰歲不稔民且饑宴遊可預計耶力勸止之會公再從蜀帥辟機宜文字將祖道公曰山棚尚在不敵帥亟命除而後起坐人兩賢之吳挺死屬光宗不豫久未遣代或謂吳氏世捍蜀故名吳家軍當暫置其子弟以俟命不然變生既而累攝事者至軍亦皆死蜀人尤懼獨公持不可復選李世廣攝又半載朝廷始用張照而以李為副眾乃定辟知黎州西南夷喪失索結連青羗吐蕃五部並反公切責諸將曰爾輩常諷蠻使叛而後買降之利在已是以邊禍屢作取最甚者趙鼎魏大壽劾罷之技義勇正將楊師傑委以討賊大渡河側有聚落曰三村居民百餘家素為羗鄉導賊資以入寇公誘降之徙於內地邛部川王者盛於諸羗有女兒城賊借以出兵公以逆順喻之願助王師曳先索勢始離然猶舉數千人圍安靜寨公厚賞募士內外合擊大破賊斬獲糧仗得免者十三回諸將欲乘勝渡河公止之曳失索請以買和舊約得犒而降公不許曰汝能歛兵束手當貸汝死否唯有戰耳公於安靜新舊寨中間擇險要築良溪寨視二寨之闕修完之踰年曳失索乞

樂清縣志

卷之二

邑里

塚墓

蓋

降甚哀公已移知常州矣為庭受禮畢逕去曳失索泣送曰我以安撫恩威故來今安歸乎公慰遣曰汝第馴弭王化無他慮也自曳失索畔服二年中公本末精審不失機變今載其大者如此常之獄有手刃傭主及家數人皆死焚其廬州以無證佐奏裁公亟具駁論如法公在常如詹事治鄱以明義厚俗省爭訟為本滯獄如山予奪皆盡秩且滿旱乾無年公疏救荒莫若預紹熙末費數十百萬而人相枕死如故者行之晚也又禁米不出境麩無越疆雖貴家護載上司督發皆不聽是歲田無蕙稗而民食猶自如朝廷命公留將卒行之不樂者排公竟罷起知德安府改太府丞除考功郎建言磨勘法文臣以四年武臣以五年而起理必自五六年之一日然或四五年而為歲六十九則五六年之一日而不得任其後者矣非天子所以優臣下也請限歲終得磨勘至今行之出遷江東轉運判官約浮拾漏未久有錢三十萬緡別藏以待非常為部內損積逋減月解廣德賑饑宣州南康修學養士費皆自出急吏緩民損上益下隨形糾割風俗大改加直秘閣仍運判以病主冲佑觀歸至蘭溪開禧二年六月十九日卒前數日與余

書論事耿耿不疑其有疾也十二月辛酉葬於白巖  
宜人萬氏先卒再室以張氏子曰仲龍迪功郎江  
宣撫司准備差遣曰驛某官曰驢二壻曰朱蘊厚曰  
薛師謙公果敢激烈當官職與事遇法理不順者直  
前疏治矢縱川決莫敢嬰忤信其志雖雷霆獨立猶  
面折無諱也在荆州向余劇語詹事紹隆間憂勞忠  
慮於時正邪賢不肖一一記憶無遺失能知兄弟之  
意以達之於行事步趨若一人尺度若一手至克之  
於性放之於古其不合者少矣而基公者曰此一家  
政事爾余昔至泉距詹事三十五年矣其人思而愛  
之如初至浮光與之遺蹟又余所親見及公攝闕而  
遽去去常而復遊也畫像以祠刊石以紀傾郭而逆  
送扶舟而後先不絕也一家政事何如哉然則為公  
子孫者皆勤其業皆遵其教民世世被之皆曰一家  
政事然也不亦善乎銘曰仁智同源而異術鹽梅同  
味而異物偉歟立之而以剛聞資之以仁從兄之温  
高岡千尋洪流萬里不為濤談著於已事  
非色非聲眾人母之咨爾後來尚禰祖之

寶章閣直學士趙立夫墓 在縣後石塘奧

樂清縣志

卷之二 邑里 塚墓

美

宗丞施應龍墓 在裡江大墳村 隆慶志大墳村以宗丞施應龍葬此得名

大理寺卿陳求魯墓 在邑西運河之上

太守陳松龍墓 在壺山嶼

大理少卿王持厚墓 在梅與杜鷗巖 康熙志在錄錄

誤 包顯叟墓 在永嘉塘下原 葉適包顯叟墓記包君年

卒十一月某日葬永嘉縣塘下原君之子履常思其  
父之久而存謂有以銘諸壻者以為請十二年八月  
丙辰始克文之而壻闕不可銘乃刻記其墓上君諱  
昂字顯叟曾祖某祖某世籍鴈池考某愛樂清之柳  
市徙居之館頭樂清之間路不埃壕無梁行旅無舍  
蓋柳市稍有聚落大姓而君以賢聞君和厚平恕以  
卑遜韜其材力時發於事之難者壯勇則以已力強  
黨破散陰類消伏眾皆推君為能問學知大義所止  
不為異人之行人亦莫有指其過温之士幾萬人其  
解選拘於舊額最號狹少以幸為得爾如君之賢既

遺落不偶而君無暇與新進爭所知退而教子讀書  
擇古人之義耽玩傳寫申論反覆陶然有以自樂初  
君之子與其鄉黨周旋通於令長以任利害之政凶  
饑有明征歛有損施設惠愛尚多可紀而余獨以為  
君既不幸不得見其大者於世用則其小者豈必以  
此求知於眾人故余亦存其大畧而已矣夫人翁氏  
子履常履端履冰履道履遠履大履言一婿張自得  
二女笄未適也孫曰安娘履常為廸功郎新建昌軍  
學教授與余  
同高氏婿云

誤進士史大亨墓 在永嘉陳奧 永嘉志

誤進士史成炳墓 在永嘉陳奧 永嘉志

察推林公一墓 在縣西南沙奧 增劉蒙川林道初墓誌銘儒有以義為

質以學為藩實此身於規矩中而不獲竟其用於世  
是必有圖於數者非天意也公諱公一姓林氏字道  
初始祖自閩徙居溫之樂成曾祖世定祖守謙父標  
從蘊之陳先生游潛心篤行以儒聞於鄉公其長子

樂清縣志 卷之二 邑里 塚墓 七

也方髻州時已儼若成人不妄言咲不輕交好讀書  
經傳子史歷覽精研與意會輒筆之凡有關於修齊  
平治之大者寤寐不忘鄉達諸老每見器散謂他日  
能以文行自植必子也年二十一與計偕試南宮不  
利益肆其力於學端靜介特得伊洛考亭肯綮最深  
伸帝論事動數千言大較如行雲流水而畢根諸理  
開慶已未登進士第廷對有奇偉氣本衰然魁天下  
會奸相丁大全黨其私易置第二當時謠語云唯有  
林公一箇公廷紳抗疏嘗援及之初授文林郎興國  
軍判官時北兵瞰江勢洶洶公嘆曰小人之召外患  
如此哉吾方筮仕不幸道梗不得同王事塊坐山林  
於時奚補改授信州觀察推官郡號多訟郡侯廉公  
明確事無大小悉以委公公則兩造在廷折以片言  
輒得其平而去雖氣力者持之不為回撓食少事多  
志於及物雖疲瘠不憚臺紳應詔交薦如端明陳公  
昉司業翁公合正言倪公普具以公行義政事效之  
君衡文鄱陽得名士居多學者興起願受業戶外履  
滿公不能拒也蒞此府垂三載詔除宗學諭遂以疾  
終於官囊無一錢衣衾亦不具郡侯寺丞馮公夢得  
哀之請奉以給同察及鄉寓公郡士友皆相率致賻

且合詞請於郡欲為公照第一人恩數祈於朝若軍若民聞公之死巷哭路泣軍人列狀各預借月糧以助公歸櫬之費郡侯異之曰察推何以得此於汝曰狀元不要錢爾遂榜通衢以勵風俗公孝友純實嚴是非邪正之辨自守如處子所至以先正警訓為終身程督嘗澄然默坐脫遇事當質弗明弗措也嗟夫以公之心之學之行天固相之而不以壽何哉是可有感焉公生於嘉定丁丑八月二十一日卒於景定癸亥十月十六日年四十七先娶管氏繼黃氏男二彥登韶翁孫一鞏以丙寅十月乙酉葬於峽門山之南原有錄覽十二册論語類說五册本朝事實十册雜文詩稿手稿各二十卷姪太學生一龍與其孤致書請銘于國子正字劉某某於公素交也居同鄉學同方銘其敢辭銘曰名綱於實兮行純道為數制兮屯於仁孰謂公嗇兮視後人按沙奧山舊稱峽門山

元 參知政事諡忠肅劉黻墓 在三都左嶺

樂清縣志

卷之二

邑里

塚墓

亥

秘書監李孝光墓 在二十一都柚樹嶺

明

授朝列大夫朱希晦墓 在十六都芳奧山 趙新諡其墓

山西右布政使趙新墓 在縣東芝嶂山

御史范霖墓 在三都三坑

禮部侍郎諡恭毅章綸墓 在橫嶼 困志集有題之曰鐵骨埋為泉下土

石腸化作塚 申英侯志

夷陵知州鮑恩墓 在二十四都大井

潯州太守鮑椿墓 在蒲姥

廣東布政使章元應墓 在橫奧神道碑永嘉王瓚撰

湖口合章元梅墓

在二十一都鉢孟峰

侯一元章墓

羲農世遠醕風日漓理亂相循江河每下而古道  
 哉濶乎不可復覩已大都醕以漸漓漓極則亂亂已  
 而理理則復醕中葉以降有能葆真抱素追跡先  
 者非靈醕而孕則不能有也又况抗迹前世高揖古  
 哲者哉或曰孤竹殷殷柳下允周龐公陶合與漢晉  
 之季斯何以稱焉倘余所記則千峰先生官湖口六  
 不可知迺余耳目所覩記則千峰先生官湖口六年  
 之時囊空不能歸所善伍福者贈之金五兩乃得歸  
 歸即單瓢陋巷晏如也未嘗聞先生受一介於人  
 或耀之金積案盈几以徵先生先生受目之殊漠然曰  
 何庸是耶而役役也故人以先生之於利猶之竊脂  
 之歟自性所不欲也其與人無尊顯微賤賢不肖小  
 大畢盡成依依不能去蓋侍先生者雖久未嘗見其  
 怒也始先生屏居讀書以伯氏石山君持門戶而人  
 有負伯氏金者又辱之以語先生先生弗校也既貴  
 其人懼還先生金謝罪先生顧慰藉以金賜之又嘗  
 乘驢往太平道經暴惡人居暴惡人不知其先生也

樂清縣志

卷之二

邑理

塚墓

堯

怒止之先生為夷然徐趨過其門已問知則大愧懼  
 扶攜老幼共詣謝先生愈益和蹶踏罷遣之凡先生  
 平生遇寵辱不動類如是此與由由借袒裸者何異  
 古今人何必不相及故昌黎以楊侯之去直繼兩疏  
 今如先生之清介和煦以方夷惠豈有間哉或曰夷  
 惠遠矣先生之合湖口湖口亦彭澤地也人皆以先  
 生方之陶君爾古彭澤令云蓋甚哉先生之似陶也  
 余故尚論先生之行事傳之靖節以俟來者先生名  
 元梅字和德別號千峰道人其先仙居人也宋紹興  
 間有吳荆者從其從兄帶來尉樂清芾後積官至少  
 師而荆贅樂清之北閭因留家焉是為北閭吳氏傳  
 五世至開宗當元時異姓相後而開宗紹南閭之章  
 遂為章氏開宗生性性生新民贈侍郎以孫恭毅公  
 綸故新民生文洪文洪生登即先生父也母潘氏先  
 生生而冲和澹樸三時嬉戲知禮讓有相者摩其  
 頂曰兒有奇骨異日當名擅海內七歲讀書知大旨  
 十二學琴即妙音律十四遊山寺賦詩驚人既長楷  
 書行草妙入松雪鍾一之奧旁通畫品六藝無不精  
 絕其詩密緻精鍊至少陵相上下而先生心甚  
 氣甚和雅善飲酒從少陵相上下而先生心甚



迺先生者踵相接至則置酒輒爲之盡已從索詩詩  
遂巡而就造微入妙草書落筆灑灑悉滿其欲而去  
以是遠近稱章千峰先生者藉甚雖馬醫廬兒武夫  
走卒盡知之盡慕之益吳之爲章也自開宗從元始  
比入國朝恭毅公官侍郎贈尚書子又方伯累世尊  
顯矣然猶章氏蓋德之曰大吳者章也至嘉靖甲辰  
其孫參議君朝鳳疏於朝始復爲吳云於是章千峰  
先生稱吳先生吳先生自其有家時分財已能取弊  
敗磽确得貧人券不忍取又惡近名常密往對之燒  
券平居雅言古忠臣誼士於是從兄方伯公奇之謂  
曰吾父恭毅公大節卓犖炳著後難爲繼矣勗之哉  
必弟也夫先生既內積學又行求師事方伯秦公文  
秦公者台鉅工也亦奇先生與相切劘時有論著常  
使先生屬草業成辭歸稱道南焉宏治乙卯鄉大比  
遂與王公瓚陳公璋朱公諫同薦諸公后去率爲大  
官樹業然其內所共推敬者先生也始先生微時嘗  
夢賦梅褪詩有斂華就實之句覺而曰梅者我也而  
褪吾其已夫既而鄉薦以先生之文簡質特署曰斂  
華就實竟符其夢云或曰梅先英後實者也英者榮  
實者蘊先生之於榮名爵亦必不競矣雖然蘊則

樂清縣志

卷之二

邑里

塚墓

今

多有性至孝嘗夜二鼓讀書深山中間父病卽跣走  
歸虎咆哮出於道從者驚潰而先生殊不覺也抵家  
涕泣進藥疾良已始先生登第也當樹坊而不能得  
石及是父夢有二石柱墮北山旦日使人求之果得  
人咸以慈孝之感云兄石山君弟青陽君皆能詩先  
生則構三荆堂聚書數千卷兄弟宴集賡酬其中清  
如也久之如京師試中書科連得上第中書科親近  
職也士人競得之而是時中貴劉瑾用事於是先生  
唾去之已而瑾誅附進者咸黜而先生則已先期冥  
鴻游矣正德丁丑始授江西湖口令湖口故以寇盜  
瘡痍民窮且詐不可理先生至則下教曰湖口令某  
之爲合也不務名不樹威惟簡易以與民民其勉輯  
睦以聽民始聞之蓋緝緝然疑也無幾何時則大信  
服湖口以治聞士陋不學歷六十餘年無舉者先生  
爲葺蠶舍引諸生身爲都授學孳勸講髦士輩出梅  
凌雲秦泮連舉至於今不絕咸以先生之功也歲比  
不登逋負多繫者滿獄有父逃而繫其子者先生哀  
之呼其母以子還之曰語而父來吾且爲計逃者果  
至曰吾父母以德召我卽死焉逃之先生乃爲出俸  
金又以義勸其親屬助輸卒完其逋而去於是諸孽

者及其戚里一時聞風盡激亦咸爭先輸賦不數月  
圖固盡空縣治當商賈之衝故有征歲饑他郡轉粟  
至者輒亦見止先生知之怒悉取還之因罷其征鄰  
壤頌德始先生攜二僕之官久之以還家治田因  
戒家人吾俸薄又坐憂民日且不給矣長子宗孟來  
省雅知父意去來所費道里費常不贍怡然也語具  
松亭處士傳中故令時吏有潛持其印去者購之百  
金至先生一夕復報失印先生覺之召諸吏謂曰吾  
蒞任以來秋毫無所取而輩所知也亦當有百金購  
乎然則何益盜者聞言則叩頭自服其辜乃及他吏  
曹故所習偽奸悉相顧破散解去不復為矣郡守新  
至諸縣令相與盛金幣庭實以見吏請先生先生不  
可曰令盛金幣非賊民無所取之與其得罪民甯得  
罪守耳已而守果心慍乃以一夕不教按行湖口  
奄至縣中先生倉皇出迎守坐堂上悉召父老子弟  
問合所為對者如出一口又發篋按案簿籍無所得  
乃大愧屈馳去明年戊寅江右甯藩將為變所在郡  
邑咸先事引避或以勸先生先生曰夫致身之義云  
何而當相引去國難耶因潛儲兵厲士待之己卯變  
作賊舟至湖口先生募壯士潛行水中以火攻大破

樂清縣志

卷之二

邑里

塚墓

全

之生擒徐紀等十一人皆賊心腹也獲金寶千計又  
盡得朝貴交通書時州郡望風奔潰獨安慶為國守  
先生既破賊則盡以其虜獲送安慶勞士士大悅益  
奮而安慶楊守備者利其功因掩有之先生不屑也  
獨以朝貴通賊心惡之不為隱其書書寢聞朝貴人  
切齒於是先生功不錄而罪構矣始賊下湖口也湖  
口無城民大窘先生乃帥民各以其孥走避他所賊  
過乃還問有惡少乘亂負固應賊者先生將擊之念  
頑民不可盡誅則以計擒其首惡梟之而降其黨湖  
口遂安先生雖不厲威稜以求民然民懷之緩急輒  
為出死力嘗有中貴人奉使甚急也而故不先戒欲  
以困先生一夕大雪使者至先生方飲事不辦使者  
怒出勅曰不辦者斬百姓聞之夫妻子父相驅持具  
雲集咄嗟之間遂至千人相與擁合惟使者所使使  
者則大驚服畏去皇太后行過湖口旁縣失期獨以  
湖口五十艘濟江於是行過湖口民當役者以  
嘉勞之凡先生之得民力類是也迺朝貴竟構先生  
以前帥民保他所也下臬司論棄封守罪當死鉗鉄  
泣者將羣走上書闕下會御史程公啟充者莊人也

樂清縣志

卷之二

邑里

塚墓

全

知其事即破械出先生立為奏具條其功及朝貴交  
 通沮陷狀奏且上程公以憂去先生亦力請骸骨歸  
 士民固留不能得則大小垂涕連舫追送數百里不  
 絕或抵家乃去先生有詩云人憐薄俸官中盡天與  
 殘生亂後歸蓋紀實也既歸弟青陽君尚無恙而同  
 年蕩南先生朱公諫居止獨近詩名亦與先生相埒  
 因結雁山三老遊又旁及憲事者共十八人為雁山  
 會迭主迭賓留連歲月樂而忘其貧焉歲在癸巳先  
 生去湖口十有一年矣忽湖口傳檄至樂清曰吾父  
 母無恙乎具列其士民之請辭暨暨不能休也觀者  
 莫不改容動色蓋至是而先生弗諼之效彌著矣且  
 余聞湖口蓋有纜精之異纜精者當高皇帝時大破  
 陳友諒湖中遺一棕纜國殤聚焉因而為怪舟人苦  
 之自先生為令纜精去之先生去令之數日則纜精  
 復至邑人相驚蓋甚矣哉醇誠之動物也且鬼猶畏  
 之而况人乎先生為詩常不存稿然鳳毛麟角人得  
 而哀之者往往而有所著天文圖歌凡一卷雁山續  
 集二卷千家詩註一十八卷積壽八十有四以歲庚  
 戌十一月十八日乃終配張生宗孟皆先卒繼王生  
 宗孔孫一人朝科庠生曾孫三人希敏希邁希感女

凡三人蓋宗孔之生也晚而狀貌尤肖其行廉直詩  
 清峭庶幾不愧先生者惟余小子嘗得侍先生今先  
 生之儀刑則日遠矣每周旋象賢讀其詩宛然先生  
 之存也今余所謂表先生者匪直以其孤之請乃亦  
 以抗前修而厲末俗也蓋古今廉吏不乏矣廉即苦  
 其峭厲刻深甚者禍賊自班氏所傳酷吏廉者甚眾  
 而性度夷易慈愛者即又苦不廉世至以廉刻貪仁  
 相隨屬若藥之苦溫良毒固然不可去詩患不工  
 工則締繪鉤棘嘔心出腸癖之不已或飾貌售偽肖  
 形模而遺本質而不爾者即又不工蓋兩者士大夫  
 通患之至如陶靖節為吏廉矣而又不工甚仁詩冲澹自  
 然工詩者莫及而未嘗有苦吟之病故如靖節則可  
 謂真廉真能詩者矣夷雅無城府又同詩宗少陵異曲矣  
 其廉同其性度夷雅無城府又同詩宗少陵異曲矣  
 然而同工官並止一令陶速吳久陶甲子義鳳託詠  
 慶卿先生不附甯藩亦賦已卯紀事乃至嗜酒家貧  
 親舊邀置輒為盡亦莫不合也聞湖口故有陶公祠  
 先生至即酌之其去湖口也賦續歸去來平生畫喜  
 墨菊氣味酷似而察之先生初非有意步趨之也觀  
 其為詩可知已士固不貴以一節名如陶與先生皆

不以廉吏詩人稱於世誠以其所該善者眾也然則  
挽酷復樸使吏廉平入雅頌翕然而同風太古者非  
先生誰哉百世之下欲知千  
峰先生者尚有致於斯文

刑部尚書諡襄簡高友璣墓 在十二都高奧明嘉靖

中賜祭葬 增世宗諭祭刑部尚書高友璣文維嘉  
靖二十六年十二月日皇帝遣行人司行

人劉守良諭祭於故刑部尚書高友璣曰朕稽祀典  
以報功德生勤王事歿宜優恤苟非其人恩無濫及  
惟爾歷任三朝屢彰勞績潔已奉公鞠躬盡力布德  
宣威蠻獠歛息比秩秋曹益修厥職平恕老成明允  
是藉惟予汝嘉尚冀弼直天不憖遺朕用悼惜廼命  
司空營爾窆窆窆兼咨秩宗賜諡加敕柩悉苾芬牲牲  
博碩惟爾有神歆茲寵錫

義合墓 在萬奧陳侍郎父愷叔父孝友處士耿墓也

隆慶邑志始侍郎為郎也葬父敗母窆則水溢焉一  
家哭處士曰勿哭即吾夫婦壽藏葬之已葬更為處

樂清縣志 卷之二 邑里 塚墓 三

士藏而地局不可分故云義合墓處士軒豁偉丈夫  
也有司重之顏其堂曰孝友或勸處士後嗣弱宅終  
不保也何不及時鬻之乎曰吾非不知也但不欲於  
吾時為之耳與配余壽皆八十八余老不能言動僅  
氣屬其長女適鄭壘而寡因棄家專侍母抱以出入  
調膳時其口啟而進焉如是者十餘年而無倦色云

刑部左侍郎陳璋墓 在一都萬奧 明陳省齋墓志銘

陳公致政之七年嘉靖辛丑正月二十五日以疾病  
終於瀾之樂清前郭下坪之正寢其子鄉進士猷輩  
徬徨走京師以計問既得葬祭之命宗伯鍾石費公  
銘諸墓矣廷相復為誌以文為然廷相知公最深更  
據趙僉憲所述因得銘其麗牲之石公諱璋字宗獻  
省齋其別號也先世居閩之候官縣宋古靈先生襄  
之後有諱亂者為温州通判因家焉亂生煥煥生勉  
遷居台其高祖詠參轉遷樂之竹崗又分隸台之太  
平曾祖進士純歷官稽勳司郎中仍卜居樂清下坪  
云祖穆父愷祖母郭氏卓氏俱以公貴追贈公早失  
怙即有成人能不喜遨遊凡書傳一目即識年十八  
遊庠二十試督學冠流輩顧其學方進未艾乃退避

不卽預選舉以規榮目前有識已多之事母太淑人  
孝養最篤宏治乙卯領鄉荐乙丑登進士念其母特  
甚遂請告而歸母讓之曰吾得汝祿食於吾願足矣  
公北上時逆瑾擅政凡一切中外官以病在告者悉  
勒令致仕同儕顧欲強公以賂免公且陳當時事擊  
之太宰許襄毅公聞之甚嘉惜焉仍不官歸事母太  
淑人□□□棄養君子曰是殆天之所以成公之孝  
也瑾誅起而就刑部河南主事久之陞貴州司員外  
郎卽進福選司郎中張子麟時爲司寇例當分遣屬  
吏錄囚而猶難於按閩者乃以公名上詔可之公至  
則析心識刑所活殆千數凡禮幣常饋一無所取有  
恤刑錄行於世及還朝苦病痢聞毅皇帝將巡幸乃  
偕郎中陸君倬極諫□□罰跪門五日復被筆於廷  
幾危者數矣禮部楊干象曰罷辱不驚死生不貳省  
齋有焉辛巳陞雲南按察司副使今上入繼大統首  
舉顯忠之典命食三品俸以旌之雲南去京師萬餘  
里土番諸夷雜著其有法不能馭者公寬嚴並施用  
得其情且無毫髮姍姍脂韋之態於是當路有憾公  
不阿者久之知公不可屈已復薦之□□朝乙酉陞  
山西太僕卿公條陳數事大約以求實用懲不職嚴

樂清縣志

卷之二

邑里

塚墓

舍

有司儆守臣崇寺權爲急□□□朝廷用其議卒以  
底績丁亥陞大理寺少卿戊子進本寺卿公任兩法  
司及諸省庶獄一一識奏平反甚眾有盜十二人法  
當死熟視其牒與其人已知爲邏者所誣移文法司  
爲之辦理後竟釋之時靖菴胡公爲司寇與公持論  
素不愜至是服公之明恕云巳丑懇以疾辭位至於  
再三得□□温旨有諸練明刑情詞懇切之褒且俾  
乘傳以行益異遇也辛卯有詔甄錄舊臣公與司徒  
秦公金司馬王公時應薦廷相亦濫與焉明年陞刑  
部左侍郎有諫官馮恩者以言獲罪獄旣成矣公蒞  
任卽奮然曰開釋我責也乃志白執政爲具奏馮得  
生全司寇聶公夙重公至是信服因梓其比部恤刑  
之錄以爲法家式甲午夏都值大廟災□□上聞  
之震怒欲罪守臣□□命公偕給事錦衣衛各一人  
乘傳往勘陞辭賜酒饌至則秉公不爲浮議所撼止  
據實以天變聞□□上意不解及回也眾莫不爲公  
危之曰□□上意不測公淡然仍以正陳後乞歸不  
得乃強出蒞事有上官以非法杖死下吏事聞咸欲  
貸之公執不可忤執政意遂以病不視事歸一時大  
夫士惜之爲詩送公有直氣每聞持正論明刑真欲









斥每念之未嘗不戚戚氣拂膺也嗚呼公則已矣遺  
文聲畫要當與天壤終顧瞻元同芭而傳述靡効長  
愧師門矣廼取弟卿所撰事狀披涕而銘之葬以卒  
之明年十二月十九日辛酉墓在蓋竹之原銘曰猗  
惟趙氏允自帝族明德之後必主四岳巖巖趙公實  
鍾其澤七世莫京九命作伯直道事人三已弗愠忠  
信蹈險兵無容刃勇退急流殷情陟岵東門掛冠上  
堂甘旨舞衣斑斑白日不留屬纊矢音生兮若浮歲  
嗟龍蛇黃馬青牛白  
雞司晨樂哉斯耶

贈通議大夫李德墓 府志在茗嶼山麓

誤 江西布政使侯一元墓 府志在永嘉十九都郭溪世王

貞侯二谷墓表余為郎時與故尚璽郎張有功游而  
侯公者其姓名不離有口余因以心識之然出處  
竟參迓不復遇而侯公久謝事歸里余亦棲弁中蓋  
三紀餘而公以書自通累數百言公前輩長者修禮  
謹而辭飭余皇恐不自意久之始一報書而讀公所  
著撰數十萬言於是始盡得公而公不久逝矣有功

樂清縣志

卷之二

邑里

塚墓

矣

前死近三十年俯仰人間世獨余在而公之叔子保  
邦以其從父麟之狀來請言表其郭溪後山堂之墓  
石余掩抑三歎有間乃始能命筆公姓侯氏諱一元  
字舜舉溫之樂清人也世居樂清之嶽山下至公稍  
徙邑郭已又徙郡侯之先有通判高者以義死海州  
得賜祀諡節毅事具宋史十餘傳而至學論公尙震  
生處士公仁仁生壽州公敬敬生憲公公廷訓公之  
皇考也居官負節槩政術位不掩德天下惜之有子  
四人皆工屬文而公居第三少尤神儁十一從憲公  
公宦留都時北海馮公為同舍即有子惟訥年差次  
公亦名工文章然每私試尙不能當公乙又二歲憲  
公亦以議大禮逮繫詔獄時母陳宜人與伯兄皆暴  
得疾卒仲兄護喪而南公獨騎周旋憲公於途道  
如老成人憲公既拜杖公乘憲奉藥餌出則伏闕  
上書陳情羣公憫異之獄稍緩公名召使借諸生試  
州公復從之泗州學使者聞公名召使借諸生試  
大賞識公比之天馬步雲憲公獄不為下遂復  
人指而御史借以見裁憲公獄不為下遂復  
下獄公奮身上書都御史唐公龍白見冤狀其言至  
痛切唐公奇之謂御史毋論乃父有子如此何以輕

樂清縣志

卷之二

邑里

塚墓

堯

齟齬也於是憲僉公得白而公歸補博士弟子應鄉  
 試二十試於學使者為第一而公歸補博士弟子應鄉  
 上成進士而馮君者亦遂成進士又俱各工詩相唱  
 和始稍能甲乙公補南京刑部廣東司主事遂精爰  
 書所識決必據律然時參伍以情即有所縱舍延  
 尉莫能難也尚書願公璘周公用當大審必挾公從  
 日郎不悞我公所與游諸曹郎若王君問皇甫君涉  
 蔡君汝南王君廷幹張君諫許君應亨皆海內知名  
 士工為詩每謙會饒送一詩出爭傳寫紙為貴而公  
 尤膾人口以久次遷員外郎進郎中再疏乞歸養不  
 報而會憲僉公病卒公自恨不逮侍湯藥馳歸晝夜  
 號動至委頓毀瘠骨立或謂病而食肉非禮也耶公  
 飲泣弗應竟除服樓遲墓田者累年撫公朱中丞統  
 父行也握公手相勉曰親逝不復矣而更偃蹇明主  
 於義兩墜乃強起至省復移疾歸又三年始謁吏部  
 選乞南復得刑部郎中進廣東布政司右參議分守海  
 北道署故在省而海北相距千里而遙公諸所條教  
 按覈如親人以為神省試入棘提調程式文多出公  
 手遷河南按察副使飭兵大名至則勒習騎射信賞  
 必罰所部皆悉成精卒已兼署真定秋防倒馬關乘

月登樓賦詩居然有越石長嘯風亡何遷廣西左參  
 政公之在大名以不能得其地要人指當大計吏其  
 人喉言官摘公御史大夫周公延獨持之曰昨計吏  
 無不譽侯生者而毀遠及之何當也於是公得用參  
 政秩調雲南亡何遷廣西按察使靖江王之宗屬指  
 眾而驕嘗闕出城外及時時洞臺司自事請祿公一  
 切以禮禁之故事諸小宗各有長有非分而觀餽為  
 長者公執不許三江口陽朔要地也腴而險搖寇廖  
 金牙謀據之公急馳書兵使著伐其謀寇遂平自是  
 連徙內地為河南右布政使轉江西左布政使布政  
 司利藪公以廉持之出納必時輕重取準即庫官吏  
 毋敢染指謳謠載道故相嚴當籍貲不登數頗株累  
 宅親曲公從容調停得相嚴當籍貲不登數頗株累  
 士居多不以自名入覲歸上疏乞休用年迫力衰為  
 請時相止之勿上而宅給事綠指亟拌公其辭公疏  
 語也報致仕即吏馳歸白公公方同三司入見御史  
 從容言官中事既畢乃起白奉旨致仕不得復事左  
 右矣再拜而出御史與諸寮皆愕貽出不意次日公  
 遂行餞車填溢父老爭挽攀不得發公談笑自如無  
 幾微見顏色提學徐君廣贈公文以為得定性之學

時謂之知言公歸迎謂羣從曰身今吾有矣若曹以  
解緩念我不知我弛擔之樂也上堂奉其繼母夔夔  
然撫弟怡怡然御子姓秩秩然間屏居浮沚創環  
壁書院伊湖澹蕩在目闕西園有樓榭臺池之屬花  
事踵接折簡命客登高臨流雅歌詠詩盡東南之勝  
者餘二十年人謂永嘉山水自謝監發之最後乃得  
公然謝監躁而獲公雅而恬不相當也雖語不桂官  
途事然聞朝政得失邊警民瘼未嘗不惻然移時也  
公性好施予急人之難踰於已而尤篤親族厚朋友  
以故五服之內無不濡潤公者而公帑不時竭每  
謂薄田僅十頃不能如鄭公業多此心庶幾不愧也  
公素善墳籍一目數行俱下老而愈篤嗜之未嘗頃  
刻釋手所著詩文集為卷凡二十舉子業為卷二皆  
時所珍惜公既臥家久時望益重今上初南垣以公  
應薦詔許待補吳中丞時來復力薦公而江陵相當  
國頗阻抑文士不復用江陵沒復有薦者而公老矣  
屬疾少時遂卒年七十五公孝友忠篤乎於遠邇直  
不能藏人過然亦不宿留以故善者皆好之即不善  
者亦不深忌也齊莊儼然不墮冥冥中夜偶起必御  
巾幘雖甚盛暑希親袒露古所稱天下長者公真其

樂清縣志

卷之二

邑里

塚墓

卒

人哉若乃稱詩必建安天寶文必匠西京昌黎要之  
餘事耳有子興邦化邦保邦任邦皆才而化邦舉於  
鄉先公卒公甚傷之餘具狀中古於表墓不敢詳而  
余獨詳以余當侯公必傳以侯公當余必傳故也亦  
保邦志也張有侯公之死余蓋銘其幽云  
侯二谷墓誌銘樂清侯二谷先生予嘉靖戊戌同年  
進士也講一元字舜舉始釋褐時同年錢塘翁君相  
首篤行會稽沈鍊任節飲承嘉王君德譚經畧而先  
生暨華亭莫君如忠治古文及詩歌然先生尤好為  
湛深之思予不自量抑稍稍共五君相頡頏以為同  
於時已而各以授官散去其為離合顯晦不同而要  
之同歸於道者間嘗賦六子詠是也久之翁以廣平  
太守致仕歸而沈以書訊執政徙塞上被誅王  
給事中直諫出臬南粵且棄官已而海夷內訌復  
提兵赴郡城難死之予亦以忤當世免官歸而先  
同莫華亭浮湛於世乍告乍起者三十年始並領  
伯然竟不及持節鉞參大政以究所為戮力四方之  
志命也然予於翁之歿間表其墓沈及王之死復書  
其烈及碑賜祠而莫且屬予序其家藏刻嗟乎先生  
之歿而葬也少子保邦抱其弟麟所為狀併王君如

樂清縣志

卷之二

邑里

塚墓

空

珪書屬子銘其墓子安能獨無情乎哉間按狀先生於南京刑部時省囚書暇輒下帷謝賓客讀六籍及百家言間與曹郎王公問皇甫公汾蔡公汝楠許公應亨輩諸名流相與選勝休沐分曹賦詩大較與唐大懋錢劉章郎以下風流文藻畧相似於莫華亭無聞焉於參議廣東提兵大名道及參雲南按察粵省頗得先生文武材而轄河南轄江西也則又稍稍聞其撫災賑饑不下古富鄭公青州之遺也望藉甚獨以故嘗辭江陵相公序文刻憾之終其身坐他擣去其死事雖於沈會稽王承嘉不相及而伉直之聲則又於兩公者或相雁次焉及按先生罷官歸而臥林廬也併獲其入以孝母出以悌弟及服喪讀禮所散橐中裝以贍內外姻族鄰里鄉黨則又孳孳似漢獨行有翁廣平之所不能而櫛而書之者什且伯焉嗟乎先生於予所詠六君子蓋兼之矣然攷其自絲上世節毅公畝以來高大父誠齋公震大父梅亭公敬及父廷訓公世忠義而流耀後昆者遠矣然則先生之奇崛不羣豈其似之方其年十三以父嘗議大禮坐構逮繫走數千里守闕上書悲勵且不已中朝為之霽威嗟乎縉紳大夫於今聞之猶為歛歔而嚙指

飲泣者先生得非按漢緹繫而上書古所稱烈士夫哉其沒也猶手書祠堂事以授少子保邦其於名理大誼類如此所著詩文碑誄詞賦傳記論贊誌述共若干什晁太史環嘗序而傳之以行於世享年七十有五葬之永嘉三台峯之巔子男六人曰興邦曰化邦曰儷邦曰任邦曰保邦曰傳邦化邦中鄉試卒宅並郡縣博士弟子員及禮部儒士女一人一孫男女二十餘人魁壘相望而未艾者銘曰其入朝也文學政事鏗然巖廊其解綬也角巾竹塵山水徜徉生不為三公沒又署文昌銘爾藏率耿光魂則無不之兮於海上異人乎

按僉事侯廷訓墓在蓮花峯  
下舉人侯廷誠墓緱山下

參政張德明墓 康熙志在湖上舉  
漳州同知趙嗣薦墓 康熙志在峽門  
耒陽令章一焯墓 在東嶼

國朝

處士史尊朱墓 在十二都潘垵

生員侯贈祖墓 在里奧

按府志有唐銀青光祿大夫方琦墓在樂清法華山有詩云丹霞山畔鳥成羣古樹牽藤蔽嶺雲烹取鷄豚上坵壠春風也識大夫墳明太常少卿高遜志墓在大芙蓉村北康熙志有監察御史萬均佐墓在湖上與西際按方琦里居事績俱無考法華山在何鄉亦未詳高遜志蕭縣人萬均佐江西人又事實冊有都司屈武臣山左人墓在東塔山下邑侯唐傳銓為誌並附識於此

墓廬 附

鄭氏白雲菴 在蓋竹山

解縉白雲菴記先王姓氏宗法甚明廟祭威儀典禮具備

而喪葬衣衾棺槨至於卜宅兆為安厝尤甚備也余嘗疑秦漢之際因其情之近而獨隆於墓廟祭宗法反忽而不講此後之儒者所以羣起而譏其非古歟余以為本末不具輕重失倫則其有矣以為非古而

樂清縣志

卷之二

邑里 塚墓

三

失禮則後儒之論又不足信何也宗法既廢無以合支庶廟祭不具又無以辨昭穆歲時族屬之禮或闕而喪葬宅兆至於用夷矣乃因循而不怪徒欲舉區區墓祭而并去之是先王所以維持族屬人心者蕩然本末俱亡也可不可哉然其根於人心發於至情終非僻議所得而移者吾耳目所及江南世家右族多本其始遷之祖耶隴所在為之祠亭有圭田之守以為合族之墓庶乎於先王之典存十一於千百者也樂清敏政氏自其先有諱紹吉者自古枯徙居樂清生二子長肖熊登進士第擢知祁門縣次祖常傳六世至敏政其高祖小山曾祖介卿祖厚德與支屬從葬者十有餘墓皆在蓋竹山距所居五里而近有菴負山面海其扁曰白雲宋太史黃文節公庭堅書也菴之前有亭焉敏政曾叔祖孝友先生神道之碑元太史黃文獻公縉卿之所作也敏政之父宗範葬於蓋竹之陽曰金山距菴三里而近有墓田若干畝歲時祭掃因以序昭穆也蓋自敏政之先世肖熊入國朝叔父貴中知揚州府貴權知麻城縣而敏政之弟驥僉四川按察司事里俗咸謂其先宅兆之吉蓋竹靈秀之鍾而敏政亦自喜其族人之盛如此謂是

菴不可無記也敏政來京師求余記是欲以繼夫兩  
太史公之文刻之菴中俾鄭氏子孫有考也敏政之  
慮遠矣後之讀余文者其寤寐  
先王之意破儒者之所惑乎  
事實冊又有思孝菴在小荆  
夏洋為方氏墓廬附識於此

增 宋

王格墓 在左原東山

王輔詩入堂無復見雙親建此  
來甯似在神天地深恩難以報

含悲唯有淚沾巾 門枕青山戶傍谿青山流水助  
悽悽雙親既遠神何在對此追思獨怨啼 新築茅  
廬澗壑圍山光水色共依依野人  
不為閑中趣誰會朝來與暮歸

王輔墓 在左原東山

王忠文集十二月五日同二弟  
省墳不見慈親已一星佳城松

柏慘然青此生難報劬勞德空對銘碑涕泗零 年  
來游宦遠松楸越雪吳霜帶滿頭乞得祠官養衰病

樂清縣志

卷之二

邑里

塚墓

三

白巖香火  
共僧修

賈司理母 氏墓

在南山

見王忠  
文集

萬府君世延墓

在岐山之陰

見王忠文集  
萬東平行狀

賈府君如訥墓

在左原

王忠文  
外舅

宋評事劉鎮墓

在寺嶺東山谷南麓

見林啟享  
新志後議

太學博士直寶文閣宗正少卿錢文子墓

在白石巖

北赤水坪靈山之源

盧祖泉錢文子壙銘公姓錢氏  
諱文子字文季其先居晉陵後

徙錢塘五世祖尚端州司理參軍自錢塘徙温之樂  
清會祖潔祖忠鄉皆不仕考朝彥累贈至朝散大夫

妣孫氏贈宜人公生於紹興十七年十二月十六日  
淳熙十四年補太學生紹熙二年上舍釋褐兩優授

文林郎吉州判官任滿改宣教郎知潭州醴陵縣入  
朝為太學博士出知台州改常州罷歸主晉台州崇

道觀除潼州路提點刑獄未上改成都府路轉運判  
官遷湖北路提點刑獄被召除吏部郎官遷宗正少  
卿乞補外除值顯謨閣知太平州尋改淮南路轉運  
副使兼提點刑獄提舉常平茶鹽鐵冶陞值寶文閣  
復知太平累乞致仕不允遂乞待闕州都改知甯國  
及期又力辭主管成都府玉局觀亳州明道宮有旨  
轉朝散大夫守寶文閣致仕嘉定十三年十月二十  
七日終高年七十有三娶吳氏封宜人子釋之將受  
公遺澤女嫁宣教郎盧祖皋孫男巖女一明年十月  
十七日葬於所居白石巖北靈山之源是為銘

誤朝奉郎翁誠之墓

在永嘉秀峰山

葉水心翁誠之墓誌銘公姓翁諱忱

字誠之温州樂清人曾祖某祖某父某公貌方神清正  
其色詞無一毫假與人意見亦以公為不可冀幸見  
之者必慮而後言擇而後求未嘗敢輒以非義干也  
然或退而窺公之私於家人父子朋友之倫油翼粹  
美意細而情親篤厚甚矣學不名一家事物之義理  
深約精盡文字重密有周漢體詩尤得句律讀之者  
如在廟朝聽韶濩之音金石之聲非山澤之癯所能  
為也少有大志而閭閻隱疾田野久困上廟人主秘

樂清縣志

卷之二

邑里

塚墓

壘

及宮掖皆欲盡言而不可誠使得行其意不得乎其  
言則不止不得乎其職則不進也公之平生可考見  
者如此然則不足為名士賢大夫乎中進士第歷明  
州慈溪縣尉邵州邵陽縣令知岳州巴陵縣通判郴  
州官累朝奉郎公既不求知於人亦無能知公者  
至其造意廣遠據經堅決寄諷於草木託興於亭傳  
人多憚而不能回也開禧元年十二月七日卒於彬  
州年六十九夫人張氏二子中行先卒中立將仕郎  
三女長嫁進士包某次嫁文林郎嚴州分水縣令馮  
一遇死再嫁進士何某又次嫁進士陳某孫男女各  
一人焉於是同年生龍泉葉適與為銘銘曰嗚呼誠之  
人焉於三年十一月十三日葬永嘉縣秀峰山其先  
嚶嚶乎繩乎不從古人不伎不求歸全

葉宗儒墓

在黃塘

葉適宗儒墓誌銘君葉氏名士甯

甚遠最為舊姓父良臣有塵外趣雖在田間而散朗  
簡遠言不及利對之泊如也君寬中少息習見其父  
能賤糶薄責休病哀死昏夜救村落之急一皆遵行  
又稍推廣之人以為恩已及從王公詹事游王公云

樂清縣志

卷之二

邑里

塚墓

至

其藏示  
來者

此吾暮子立朝行事多以告之負氣落落既不自降  
屈曰安能長為舉人而有百年之宅千歲之田前臨  
清流旁接高阜亭院深蕪竟日寂寂故人邑子常候  
門下行路惟聞棋聲出空虛山邀谷嬉意到不擇每  
樵歌夜動權歌早發水邊林表往往見墜杯遺履焉  
然則不吝其力之所及德施於人而身忘其憂其足  
以稱善矣夫余十六七識君時君亦尚少言論英發  
是是非非不肯假借余頗傾下之因思仲長統語甚  
羨君所為而君言吾寡兄弟子同姓宜為宗余謝不  
敢當然丙嘉其意自是不相聞嘉定三年君養疾州  
南始復見之鬢毛雪白追記昔日相與把手絕嘆蓋  
年六十六矣遂以九月丁亥卒里人為燃指祭祠既  
死皆出涕四年十二月甲申附父墓娶周氏一子曰  
賓三孫曰晉曰普曰魯將葬賓垂泣曰先人有言儻  
在今日敢以請昔孔子遇舊館人之喪而哭之哀脫  
驂而賻之門人譏其已重而孔子辭焉曰余惡夫涕  
之無從也嗟夫銘不愈重夫脫驂乎余與君之借少  
也遇諸塗之罔也託余宗之厚也去之五十年而不  
忘也是皆無從之類也聖人猶行之而况於學者乎  
故為銘曰鴻冥冥芙蓉之上鷺振振黃塘之下有揭

吳尚書杜墓 在重石菴山

賈鎔境先生墓 在左原 劉敬買鎔境墓誌銘士君子

其志必有游乎其天者以... 於當時而能終不失  
世道趨靡人偽滋馳乃有... 於當時而能終不失  
鎔境先生哉先生姓賈氏... 於當時而能終不失  
羣書一覽習聲律年十二... 於當時而能終不失  
屢舉不就弗以愠通歷代... 於當時而能終不失  
用闕二字篇闕二字字深... 於當時而能終不失  
不入耳而於唐人詩尤工... 於當時而能終不失  
川之奇水石草木之秀盡... 於當時而能終不失  
落而近體律紆積茂最融... 於當時而能終不失  
其所追省者曰焦尾集寄... 於當時而能終不失  
集募徐常侍結巢意又自... 於當時而能終不失  
笑商推古今竟日無關一... 於當時而能終不失  
態而奇正變化渾然天關... 於當時而能終不失  
鏡馳集註西漢紀則有關... 於當時而能終不失



樂清縣志

卷之二

邑里

塚墓

矣

聯壁事鑑取東坡互註重闕二字因二十卷成誦焉

闕四字人猶自念庭闈闕三字然增慨而題其卷闕

三字闈悲帖也先生闕三字文勁氣橫驚隘視闕

三字門友若資講陳公南一少卿趙公崇暉正言陳

公求魯折節視先生不敢友闕一字蓋志之立則易

孤守之卓然難免然先生不知其闕一字為卓且立

也誕日至舉文潞公同甲會邀集親朋闕一字結歲

寒之交一再舉而先生之病病矣時滄祐八年正

月二十七也高年七十有五而卒嗟夫以先生志

之學竟不就一第豈果窮矣乎居家和穆處闕二字

和儀矩後學樂汲以善公家採譽望勉闕四字焉有

視草筆而斂之於閑闕十字博麒麟手而肆之水光

闕十字著述充庭未始不用之闕十字之達歟賈氏

自洛陽闕十二字中詩曰賈家門戶有關十二字先

絲閩徒温之樂清闕十二字焉曾祖夷隱德不耀闕

十二字興國軍司理參軍闕十三字梅溪王忠文公

於韋闕十五字義而知人之闕十三字著世以賢名

可以闕十三字二長汝屋次汝楚闕十三字姪也先

生葬於左原闕十二字賢泣謁請曰葬日薄闕十字

敢以請某在橫浦闕十五字不於先生乎書宜闕七

字賈以文顯代闕三字闕四字闕四字闕四字

以鎔境乃卷闕二字闕四字闕四字所得

者秋不天者闕一字闕四字

武翼大夫支遇墓 在二都支舉

承議郎趙若恭墓 在盧舉 洪師中趙若恭墓誌銘趙

人建炎初諱定之公南遷為温州因寓邑樂清曾太

父諱彥譯承節郎累贈通奉大夫大父諱立夫寶章

閣直學士通奉大夫永嘉郡開國侯食邑一千一百

戶贈金紫光祿大夫少師父諱時詒直徽猷閣朝請

大夫太府寺卿公年二十以門功除臨安新城尉三

年司法蘄州居太府卿憂不果行服闋明年為常州

武進丞攝宜興豪猾周辛其黨樂太五等居環隘而

城前棧大坑為出入道二十年公賦不輸吏捕之則

決水漂棧捕卒盡陷死及上其罪而親舊熾要路賦

陷輒至公至日此不珍奈何令民即狀事聞府尋以

新令至還武進會趙與積為常時攝司理屈僉廳遂

白與積選吏率甲士焚其所盡獲之獄成聞上奉敕

截辛等二十餘人以徇能名聞除湖西提刑司提幹  
獄有吳良詈姦姦縊死吏進牘夜讞風滅燭隨燃滅  
公性輟而寐夢一姥謂曰妾吳良嫂也冀為理冤獄  
且日核之乃良兄正通婦妻憤而縊正後妻前三日  
嘗為良詈陰遷屍掛良戶外因坐良公以事白提刑  
良獲脫民祠公治西是年舉進士舉刑法銓當大理  
評事權臣賈似道嫉之故授福建提刑司檢法三年  
平反莊縮等獄二十餘提刑趙崇機述以上上嘉之  
以大大理評事除公添差通判泉州賜緋銀魚袋時以  
就宏詞試未果往既而有邊事察訪使秀王辟公機  
宜帥師守台州及而城陷遂不任明年丁丑五月巳  
亥卒年三十六積官承議郎娶陳氏封安人子嗣僊  
嗣僊嗣仁嗣傳孫次誠公嘗葬邑西山至順壬申九  
月壬午沃誠遷之與陳氏合葬盧與山以父嗣仁母  
梁氏祔謂余與公同出仕且深相知狀來請銘余銘  
曰外炳文武文忠貞內持之德既豐之職匪微雄口大  
官曰公我資厥謀厥猷克邁乃司姦殲冤清神人曰  
歸孰斂厥政沮公徐徐克邁乃司姦殲冤清神人曰  
遇早殞惟宜嗟我云壽惟以永悲

樂清縣志

卷之二

邑里

塚墓

七

慶元郡太夫人解氏墓

在寶林

墓誌銘劉徽撰先母諱道甯姓解氏瑞安

府樂清人父好古娶王氏解與劉世為媿且鄰先母  
以慈惠靜勤歸吾父性強記不誦即通吾父樂賓尚  
義每不靳簪珥以成吾父志與吾舅士龍最友愛謂  
家貧非所患有子讀書乃與家之本勉吾舅各課子  
嚴甚弗假辭色遂偕舅之子白於庚戌補太學以壬  
戌榜俱繇舍選擢奉常第先母封孺人暨召試館職  
除正字遷校書郎兼樞密院編修官遇郊禮封安人  
壬申試吏部侍郎陞侍讀封太令人甲戌典貢舉試  
吏部尚書封太淑人先母不妄言咲雖甚喜怒不形  
於色當黻權丙辰言禍謫庾嶺日為臣死忠以直被  
貶分也及巳未理皇下哀痛詔有旨準遣歸其鄉拜  
膝下泣日汝毋忘國恩惟識不類流俗故處窮達會  
不動其心視黻登言路領制閩陞侍從臺諫若固有  
之每思歸故里謂與鄰里骨肉聚首有真樂爵祿過  
分非吾欲也黻累丐祠歸養先帝諭留愈力不克遂  
而先母病矣甲戌六月十七日卒於從官宅年八十  
有四先帝聞而哀之特贈銀絹三百疋宰執侍從以  
至學校之士俱遣奠酌奉舉東歸行道之人靡不嘆

嗟以明年正月二十五日丁酉權殯於寶林新墳之  
左新墳先母壽域也以塚法未利改卜尚有待男三  
人長徽朝請歸試吏部尚書兼工部尚書兼中書舍  
人兼修玉牒官兼侍讀祭清縣開國男食邑三百戶  
次應奎承奉司準監高郵軍富安廣儲倉兼淮南東路  
安撫大使司準遣繼叔寶章閣待制新州知州兼福  
建路安撫使長貴後少璧國子進士女適進士陳繼  
之男孫承源承奉郎女孫芽女許適承奉郎新  
監福州南臺鎮兼鹽倉戴全壽次招弟引弟得弟涯  
女繼未克哀次行實求當代銘筆以垂不朽謹披世  
系歷封大樂池血  
百拜書而納諸坎

明

### 巴邑學諭侯尙震墓

在緱山蓮花峰下

大庚劉節撰

詔立石書 先生諱楮字尙震姓侯氏以字行温州  
樂清人世居緱山文筆峰下六世祖高宋寶祐間任  
海州通判山東冠縣出戰死城下闔室遇害事聞諡  
節毅賜廟旌忠以猶子君錫為後傳至與楨是維先

### 樂清縣志

#### 卷之二

邑里

塚墓

矣

生父也先生生而少孤事母至孝性簡重行中軌  
度見者異之既長以俊茂選為學宮弟子博學窮理  
勤懇不怠師友咸器其能治伏生尙書得疏通經遠  
之教平居誠篤不欺揭藏修所為誠齋人稱曰誠齋  
先生永樂二十一年癸卯舉鄉薦明年試春官不第  
懼母老不速養就任銓部授江西會昌縣教諭嚴條  
約為教以身先之士子悅服大小有造甫六載母果  
背養奔歸哀毀踰禮既葬作思本樓朝夕瞻慕若將  
終身服闋補闕之仙游教如會昌無倦也滿考以例  
改蜀之巴庠時永嘉黃少保典制亦闕先生雖鄉里  
故舊絕無私干故三仕為學諭不遷秩景泰改元援  
恩格得請謝事年甫五十有八未老也既歸緱山故  
居杜門不出禮教恩誼睦宗族鄉黨戒子姪以親賢  
良近忠謹諸道義格言俾世守不忘取俸餘創墓田  
十畝為遺後計濟貧乏恤孤惻恒汲汲若不及蒲所  
有郭千戶者貧死乞耶士掩骸骼即許葬先公墓側  
速後子孫調徙他所棄去先生親為文祭之令後人  
歲祀墓別具觴豆奠其壠久遠弗替君子謂先生狷  
介不附貴達于進取充其類有繫馬于駟萬鐘於我  
何加焉之意周濟貧急捐祖壠葬人為之歲祀允哉

推不烈達於所忍將無一物不得其所義盡仁篤厥德厚矣願未大食其報造物者豈無深意福祉昌大不於其躬於其苗裔是故一傳而子有三人焉欽仁繼述裕後再後而孫十有一人焉敬起太學授徵仕郎壽州判官封承德郎南京禮部主事再傳而曾孫三十人廷訓起科甲進士授南京禮部主事改吏部主事言事件權責落職州縣累遷府同知廷誠起鄉進士亦以事件暫輟未第再傳而元孫五十人一元嗣起甲科進士餘皆英俊後儲養以紹前休天報於先生可謂盛矣遠矣先生行年七十有九卒葬蓮花峰下餘六十年矣同知君有感封君遺命見於夢告者亟圖表墓以發潛德節也不文敬述先生行業之大書於貞石用詔來世俾傳史者文獻有徵而從事墓下乘式步趨起尊慕之意於不忘云

### 廣東興甯縣尹侯爵墓

在緱山頓旗峰下

台州謝鐸撰志宏治

改元夏六月樂清侯氏子惟鑾以其先君子興甯尹事狀來請銘予方赴纂脩之召未暇也惟鑾力請不已予念與興甯尹為鄰封又嘗識君京師有斯文一日之雅所謂不可謝而夫者則按狀而銘之狀稱君

## 樂清縣志

### 卷之二

邑里

塚墓

奕

諱爵字欽爵世為温州樂清之望族宋寶祐有諱者以武舉辟海州通判與李松壽力戰死城下詔諡節毅仍即其地廟祀之至君蓋六世矣君生而英偉在庠序間有文名既升國子大司成周公洪謨雅重之至遣諸子師焉興甯在廣東萬里外民未知法君始至誓於眾曰吾常祿之外苟有毫髮漁獵爾民是欺民罔神負國家也申布約束勸農抑末假則親蒞學宮為諸生講解由是士知經術人漸向化其頑不率教以健狀至者君立決之而民亦不敢欺既三年乃以病乞歸巡撫兩廣都御史朱公英固留之君請益力既歸未抵家遂不起成化癸卯十一月四日也享年六十有二而已於乎惜哉君雖晚得一官不大顯然惠在民實足以行其志彼以高位而播惡於眾者視君何如哉是固可銘銘曰海州以忠興甯以惠是祖是孫先後不愧君子考德必先其最我作銘詩以俟來世

### 同知林遠墓

在南沙與

### 兪憲侯廷訓墓

在緱山蓮花峯下

都指揮使戴福墓

在重石

章叅毅都指揮使戴福墓

揮使戴廣謹具禮幣稟樂邑隱君子曾先年磐石衛指  
 行狀致書於余曰廣先君棄諸孤逾今六年墓上之  
 草凡閱宿矣願碑石未建恐潛濯弗彰而月口口口  
 口遐未蒙賜之銘以榮賁泉壤豈僅生者得道子責  
 而死者亦增幽光矣余謹按行狀公姓戴諱福字天  
 錫舊出唐尚書左丞胃之後世為常州江陰縣人及  
 父義當元季羣雄角逐之秋天厭元德歸命我太祖  
 大明高皇帝提三尺劍奮起淮右指顧之間天下豪  
 傑望風景附如雲四集初募敢戰士得義於行伍  
 興佐衛為禁兵大小隊長未幾以危疾辭入京子忠  
 嗣守邊數有戰功累功至明威將軍指揮僉事永樂  
 初隨諸將扈從太宗文皇帝奉天討至大名行駐小  
 河口時南軍拒戰子忠臨陣鼓勇爭先挺刃揮戈歿  
 於鋒鏑公生而體貌魁偉膂力過人雄毅忠壯威名  
 綽著不敢有口口口口禦侮必身先士卒戰功尤多  
 奏遷懷遠將軍指揮同知歲庚寅北虜寇邊駕幸沙  
 漠時公扈從中為左右翼佐善騎射多武畧不違紀  
 律不致驚譁遇戰則率校士冒矢石不殿於後故所

樂清縣志

卷之二

邑里

塚墓

百

向無敵眾為之辟易披靡口口口口取摧鋒口口  
 口成公皆為有力焉諸將乃相謂曰戴福真將門子  
 無忝所生虜口口口悉平由是論功口口口口上輕車  
 都尉指揮使口口口口誥命追贈祖考如其官妣皆  
 為淑人復扈從北狩九龍口凱旋承賜諸將飲至之  
 禮兼賚金帛楮幣有差丁丑日本倭乘舟泛海泊  
 青輿山磐石衛官軍失律遂犯樂清口口口口掠邑市  
 死傷口口口口其官以失機真法盤石濱海為東西重  
 鎮守禦不可非其人於是兵部擇武畧素著者可遣  
 而公口口口口比至而夕惕厲以勤勞口口口口申明號  
 命固守口口口口域遇口口口利害則惟我是口口口不  
 至於趨利以避害臨事有緩急則急所先務不至於  
 倒行而逆施張之以猛而弛之以寬口口口口出入波  
 瀾口口口口號稱業漁而反為盜藪口口口口隙  
 而來巡海官軍莫之能禁公乃命所屬作巨艦數百  
 艘中備器械一以口口口口盜相幾應變悉中肯  
 綦以故口口口口莫能口口口口盜口口口口自將親援口口口口溢  
 於政撫綏軍民寬猛相濟恩威兼行三十餘年海晏  
 民安皆公之力也公性至孝痛念父勿逮養事母范

氏尤加愛敬晚以年逾耳順時可勇退恐子廣不足  
幹蠱成口口承職已乃致仕閒居自合家人共具酒  
食以會賓客故舊相與雅歌投壺窮晝夜權以盡餘  
日而遇天晴日明則戒騶從乘肩輿登高縱目視海  
隅規畫處置嚴立斥堠為防邊計當公初生之年信  
國公湯和董築盤城刻福字為記適為公名協佳兆  
有在非偶然也歲辛口口不幸疾作口口而溘然  
而逝上距生平洪武辛卯六月二十日享壽六十有  
八卒之日諸軍民悲感相與巷哭者累日續膺誥命  
追贈公與祖考並授鎮國將軍都指揮使司口口盡  
紀緒懋哉懋哉德配薛氏所生子口口口口明口  
口口口口文禮口口政口口口以廉御下嚴以恕故  
能建立事功聲聞赫然視前益盛而光娶温州衛指  
揮王謙女口口百口端廣之妹皆封淑人口口口口  
孫男口口恩孫女玉鳴呼余觀自昔聖哲開創之初有  
股肱心膂之口口公翼輔鴻口非口口行陣間曷克臻  
此口口於初口口口張前休庇燾後脩事尊榮於晚節口  
諸是亦勸忠之道也固宜口口於貞珉傳之千萬世口

樂清縣志

卷之二

邑里

塚墓

百

以昭我公之勲烈口口口云爾銘曰武將之興其來  
有自際遇風雲顯於先世繼口口口公惟其口番番  
良士矯矯虎臣日為爪牙奔走禦侮屏翰間外軍民  
安堵厥修職備厥聞孔彰功歿身逝嗣有厥光斷石  
刻辭用垂不朽帶  
礪山河相與永久

教諭林順顯墓

在湖南村

明林順顯字叔蒙號尚志嘉靖間以歲貢授嘉興平

湖教諭後門人趙隨督學閩省追慕過訪以理學名  
師四字額於墓門并跋尚志林夫子經憂德劭學  
問深沉秉鐸余邑談論書史確得濂洛真派一時從  
游多所造就余少孤甫入庠公即留署中訓誨兼資  
膏火解任歸余踰年成進士萬曆丁丑奉命視學命  
入閩便道詣謝而公捐館已二秋矣爰奠於家題其  
墓并額此以誌  
景仰之私云

誤知府侯傅邦墓

永嘉志在永嘉護國寺側

誤知府侯應賓墓

永嘉志在永嘉郭溪

誤封僉都御李思鎮墓 在永嘉郭溪

誤何丹邱白墓 在永嘉瞿溪金巖 國朝周天錫何白

雅誰與論窮芳金巖翠鬱鬱文章魂繁露隨瑩石薄  
雷掩孤墳去時柏與松翦伐已不存遺編自千古憑  
弔空高原臨風頻  
悵望野燒火漫漫

誤舉人何永年墓 在瞿溪陳斗山之原

國朝

誤張烈婦青松冢 在永嘉西山

贈鹽知事銜胡維寬墓 署樂清縣路履祥撰志庠生胡  
君維寬號次恭邑東鄉杏莊明

經名秀嫡孫貢生紹華長子廩生維勳之從弟也世  
承家學自少穎悟不九年十八補弟子員卓犖觀書  
見古名臣忠義事輒默契其為人時髮逆蹂躪東南  
數省生每聞警歛獻不自禁蓋隱然有范文正以天

樂清縣志

卷之二

邑里

塚墓

三

下為已任之志同治元年壬戌二月賊入境四出荼  
毒居民奔避不遑誰復敢議搜其鋒者君獨密約歲  
貢生徐沛膏等潛圖恢復間關徒步永嘉之包輿團  
局乞援團董義之四月十七日即撥團勇二十餘名  
從之合以東鄉士民號稱萬人賊聞風驚竄入城十  
九日晨興誓眾期以滅此朝食是時旌旗蔽野戈戟  
森天固已鉤賊魂而攝賊魄矣不謂行至中途永勇  
因事欲潰君恐事敗垂成計非身殉無以激眾志遂  
呼天號泣躍水死時年甫二十五歲也眾見君死義  
氣奮發賊酋聞之銜枚宵遁境內自是肅清嗟乎君  
無不可辭之責獨不惜以一身之死紓一邑之危方  
之虞允文以書生克敵何多讓焉倘享年克永其所  
造豈易量哉孫前任據情詳請入告奉 旨追贈  
鹽運司知事銜并蔭一子入監邑人偉君之烈復於  
虹橋建祠祀焉著有杏橋詩草藏於家配吳氏守節  
待旌以仲叔維傳之子天敘入嗣墓由黃塘轉遷於  
東管山與弟維傳合窆同里周廣文兆麟追念前功  
呈請誌其事於石夫表揚忠烈使後人有可觀感乃  
守土者之責也祥雖不文誼無可辭爰為之詳其巔  
末以銘曰 氣吞賊醜聲振河梁一坯黃土白骨猶

香榮遺後裔功播梓鄉  
靈爽不昧千古蒸嘗

樂清縣志

卷之三

邑里

塚墓

三





